


THE EVIDENCES OF CHRISTIANITY

**MASÍHÍ MAZHAB KÍ
SHAHADAT.**

MIN TASNÍF

REV. W. F. JOHNSON, D.D.

PUBLISHED BY THE N. I. TRACT AND BOOK SOCIETY,



1st Edition.
1,000 Copies.

1922.

Price,
Rs. 2/8.

ABWÁB KÍ FIHRIST.

	Safha.
1. Ilhámí kitáb ká bayán	1
2. Baibal ká Ilhámí kitáb honá	10
3. Baibal kí sachcháí ke báre men ittifáqí daláil	28
4. Ilhámí Kitáb ke haqq men ia'tirázát	39
5. Pák nawishton ká ek hí kitáb honá	47
6. Apní nisbat Yisú Masíh ká dáwa	54
7. Yisú kí nisbat Rasúlon kí ta'lim	67
8. Kitáb i Muqaddas kí aslíyat ke bayán men ...	75
9. Kitáb i Muqaddas ke mua'tabar hone ke bayán men	78
10. Baibal kí umdagí ke bayán men	85
11. Nabúwaton kí shahádat	92
12. Chand peshíngoián aur un ká purá honá ...	103
13. Shahr Súr ká bayán	114
14. Ninawáh kí nisbat nabúwaton ká bayán ...	127
15. Yarúsalam kí barbádí ke haqq men Masíh kí nabúwaton	135
16. Muajizon ke bayán men	153
17. Masíhí mazhab ke Phal	167
18. Hindustán par Baibal kí tásir	186

HISSÁ DÚSRÁ.

	Sathā.
1. Immánuel kí khúbián	198
2. Masíh ká lá-sání honá	210
3. Masíh kí ta'ím kí khássiyaṭeṇ	228
4. Masíh kí tabiat kí khúbián	240
5. Yisú Masíh ke jalál ká zahúr	246
6. Naját kí qudrat ke bayán meṇ	251
7. Masíh ke jí uthne ke bayán meṇ	259
8. Pahlí Sadí ke Masíhíeṇ kí Masíh ke haqq meṇ shahádat	267
9. Injíl ke pahle mannádoṇ ká satáyá jáná ...	271
10. Injíl kí nisbat gair-Masíhí aur Masíhí shahádat	279
11. Masíh ká dunyá par tásir karná	290

MANUAL OF THE EVIDENCES OF CHRISTIANITY.

MASIHI MAZHAB KI SHAHADATEN

Min Tasníf W. F. JOHNSON, D.D.

Note:—Is tasníf ke bahut se k̥hiyálát o bayánát zail
kí kitábon se hásil hue haiṇ:—

GREGORY'S EVIDENCES OF CHRISTIANITY—Muir's Chris. Evidences.			
MOLLTAINÉ'S	„	„	... Simpson's Fact of Christ.
BARNE'S	„	„	... Archbald's Bible Verified.
PALEY'S	„	„	... Dick's Lectures on Theology.
ALEXANDER'S	„	„	... Fisher's Manual Ch. Evidence.
ELLICOTT'S MODERN SCEPTICISM			... Halsey's Beauty of Immanuel.

ABWÁB KI FIHRIST.

	Safhá.
Báb I. Ilhámí Kitáb ká bayán ...	1— 9
II. Baibal ká Ilhámí Kitáb honá ...	10— 27
III. Baibal kí Sachcháí ke báre men ittifáq daláíl	28— 38
IV. Ilhámí Kitáb ke haqq men Iatirázát...	39— 46
V. Pák Nawishton ká ek'hí kitáb honá..	47— 58
VI. Apní nisbat Yisú Masíh ká Dawa ...	54— 66
VII. Yisú kí nisbat Rasúlon kí talím ...	67— 74
VIII. Baibal kí aslíyat ke bayán men ...	75— 77
IX. Baibal ke muatbar hone ke bayán men	78— 84
X. Baibal kí umdagí ke bayán men ...	85— 91

EVIDENCE OF CHRIST

ABWÁB KI FIHRIST.

HISSA I.

	Safhá.
Báb XI. Nabúwatan kí shahádat ...	29—102
XII. Chand Peshingosán. Bábul wg.	103—113
XIII. Shahr Súr ká bayán ...	114—126
XIV. Ninawáh kí nisbat nabúwatan	127—134
XV. Yarúsalam kí Barbádí ...	135—152
XVI. Muajizon ke bayán men ... —	153—166
XVII. Masíhí Mazhab ke Phal ...	167—185
XVIII. Hindustán par Baibal kí Tásír	186—197

M A S I H I M A Z H A B

kí

SHAHADAT.

—

BĀB I.

ILHĀMÍ KITĀB KĀ BAYĀN.

1. Kyá lāzim thá, ki **Khudá** jahán ko koí **Ilhāmí** paigám bakhshe? Wuh jo mántá hai, ki **Khudá** hamará **Kháliq** o **Málik** o **Parwardigár** hai, yih bhí mánegá, ki agar wuh cháhe, to wuh ham se bol bhí saktá hai. **Kárigar** apní **kárigarí** par púrā **ikhtiyár** rakhtá hai. Wuh jis kí qudrat se **khilqat** paidá hui, qádir hai ki us ko ghaṭáe barháe, yá us men tabdílí barpá kare, yá jab us men kisí qism ká bigár ho, to use sudháre. Jab us ne insán ko zí-aql paidá kiya, aur use **khud-mukhtárí** kí niāmat bakhsí, aur insán badí men phans gayá, to lāzim thá, ki **Khudá** us kí kuchh madad kartá. Yih kyún lāzim thá? Is liye nahín, ki insán is ke láiq thá. Is liye nahín, ki us par hamará kuchh dawá thá. Is liye nahín, ki yih insáf kí bát thí. Balki is liye ki **Khudá** niháyat rahím o karím hai, aur us kí rahmat ek **Ilhāmí** paigám talab kartí thí. Wuh bechāre insán par yahán tak tars khátá hai, ki us kí burí hálát par afsos karke zarúr kisí tarah us par madad ká háth barháegá. Hán ham mánte hain, ki is mihrbání par hamará kuchh haqq nahín hai, balki hamará haqq to yih hai, ki hamāre gunáhoṅ kí wájibí sazá hamen díjāe. Lekin **Khudá** kí rahmat is se rází na hotí, Wuh gumráh kiye huṅ par kuchh hidáyat bhejtá. **Ilhāmí** paigám kí intizárí tab hí barh játí hai, jab ham dekhte hain, ki Wuh náláiqoṅ par kitní jismání barakaten bakhshtá hai. Agarchi log us ke ahkám kí udúlí karte játe, aur jaisá wájib hai, us se muhabbat nahín rakhte, taubhí **Khudá** un ko beshumár barakaten aur niāmaten ináyat kartá hai. Wuh apne

súraj ko har qism ke ghar par chamkátá hai, aur nekon aur badoñ par apná menh barsátá hai. Beshakk wuh apne imándáron par ziyáda pyár dikháegá, magar bad-káron par bhí bahut rahmat záhír kartá hai. Is se ham yih natijá nikál sakte hain, ki jab insán apní pahlí begunáhi ko chhorakar, bhaṭak gayá, aur ruhání báton men be-khabar aur kamzor ho gayá, to Málik, jo aur báton men is qadr mihrbán hai, zarúr us ke liye madad ká háth barháegá. Agar aisí hálát men wuh insán ko ziyáda de, aur us par neki ke ajr, aur badí kí dhamkiáñ záhír kare, to har ek kahegá, ki yih munásib bát thí. Pas ásmán se ilhámí kitáb ináyat karná us Rahím o Karím kí pák zát ko zeb detá hai.

2. Ek aur sochne kí bát yih hai, ki agar Yahowáh insán kí bargashtagí par rahm karke, use ásmaní paigám de, to us ke sáth zarúr koí aisá nishán bhí degá, jis se maḷúm hogá, ki yih paigám kisí insán ká nahín, balki ásmán se áyá hai. Agar koí aisá nishán diyá na jáe, to hamáre dil men us kí nisbat shakk ho saktá hai. Lekin agar paigám ká lánewálá apne sáth aisá nishán láe, jo záhíran insán kí táqat se báhar ho, to maḷúm hogá, ki paigám us ká nahín, balki us ke Bhejnewále ká hai, aur lázim hai, ki ham us kí sunen, aur us paigám kí nasíhat ko aml men láen. Pas agar Khudá ilhámí kitáb ináyat kare, aur us ke sáth aisá koí nishán bhí de, to yih baḥshish us kí ajíb mihrbání ke mutábiq hogí. Ab Masíhí log mánte hain, ki Kitáb i Muqaddas aisí ilhámí kitáb hai, jise Khudá ne nabiyon aur rasúlon ke wasíle se likhwáyá hai. Aur aisá na ho ki koí bhúl se, us ko mahz insán kí banáí hui kitáb samjhe, is liye us ne us ke sáth do qádir nishán bhí diye, jin ká agar koí naql bhí karná cháhe, to na kar sakegá. (1) In men se ek nishán peshingoiáñ hai, jo thík thík púrí ho gai; kyúñki koí insán ánewáli báton se wáqifiyat nahín rakhtá. Lekin nabúwaton men aisí báton kí peshkhabarí záhír kí gai, jo saikron baras píchhe wáqi honewáli thín. Pas peshkhabarí ká denewálá insán se baḥkar hai, so niháyat zarúr hai, ki ham us kalám par dil lagáen.

(2) Dúsrá nishán muajizát hai, jo insán kí zátí quwat se dikháye nahín já sakte. Pas Khudá ne jis shakhs ko bhejá, us ke sáth muajizá kí muhr dí, ki insán us ká kalám qabúl kare. In do qádir nishánon men itná farq hai, ki muajizát kháss us zamáne ke logon ke jis zamáne men wuh dikháe gaye yaqín diláne ke liye mufíd the, kyúnki aur zamánon ke logon ko sirf gawáhon kí shuhadat se un kí khabar pahunchtí hai. Lekin jis qadr zamána guzartá játá hai, usí qadr nabúwatan ká zor barhtá játá hai, kyúnki zamánon ke guzarne ke sáth wuh púrí hotí játí hai. Jab jab hamárá ánkhon ke sámhne koí nabúwat púrí hotí hai, to hamáre sámhne us paigám kí pukhtagí kí ek aur dalíl pesh kí játí hai. Kitáb i Muqaddas men bahut peshkhabrián dí gayín, jin men se baz to jald púrí ho gain, baz to barí der men, aur baz ká púra honá hanoz honewálá dekh partá hai. Pas yih bahut zamánon ke logon ke wáste káin áenge, albattá, us paigám ke sáth áur bhí nishánát ho sakte hai, jin se gumán kiyá já saktá hai, ki wuh ásmání kalám hai. Maslan, jab us paigám men aisi pák sífát nazar átí hai, jo insán men kam, aur Khudá men ziyáda dikháí detí hai. Chunáuchi wuh nasíhaten jo hamen dí játí hai, agar Khudá kí quddúsí o pákizagí se mutábíqat na rakhen, to un ke Khudá ke paigám hone par hamáre dil men shakk paidá hogá. Kyúnki jaisá bolnewálá hogá, us kí bolí bhí waisí hí hogí. Ham bahut kuchh un ádmíyon kí kho-o-khaslat se paigám kí haqíqat ján lete hai, jin ke zariye se paigám diyá játá hai, kyúnki agláb hai, ki Khudá muatabar paigambaron ke zariye se apná paigám bhejega.

3. Sháyad koí is bát ká inkár na karegá, ki insán ko ilhámí kalám kí zarúrat hai. Baz díní báten samajhne men mushkil hai. Baz díní muállim dhokhebáz hai. Dil kí baz khwáhishen bahkánewálí hai. Bad-ádaton aur bad-namúnon ká zor bahuton ko khínchtá hai; pas ham ko ásmání madad kí barí hájat hotí hai; aur agar Iláhí madad hamen dí jáe, to zarúr hai, ki ham jánen, ki kaun bát aslí, aur kaun

naqlí hai. Aur is lât kí sab se bihtar dalíl ham in do ko, yane nabúwat aur muajiza ko, samajhte haiñ. **Ásmání kalám** ke nishánát ásmání honge. Aur shukr **Khudá** ká ho, ki us kí kitáb aisí dalílon ke bagair nahín hai. Is intizárí ko âur bhí puḡhtagí tab hí miltí hai jab ham is kitáb se ján lete haiñ, ki **Khudá** na sirf hamará **Kháliq** aur **Málik** hai, balki hamará **Ásmáí Báp** bhí hai. Báp ke dil men barí pidaráná ulfat hotí hai; Báp apne beton kí khushhálí aur shádmání aur bhalái har tarah se cháhegá. Jab bete ká nuqsán huá, tab Báp udás hotá hai. Wuh taklíf men use madad dene cháhegá. Pas is rishte kí khabar páne se dil men barí ummed paidá hotí hai. Wuhí ásmání madad jis ke ham hájatmand haiñ, jis ke liye ham duá karte haiñ, jis ke na páne se hamará nuqsán hai, zarúr hamen milegí. Jaise hamáre báp ne hamáre badanon kí fikr kí hai, aur un ke liye jo kisé qism kí bímárí men uljhe hue haiñ, bahut qism kí dawáíáñ, aur iláj paidá kí haiñ, jinhen wuh jo kám men láte, bahut faidá utháte haiñ, waise hí ham zarúr bharosá karenge, ki jab us ke bete ruhání taklíf men pare haiñ, to Wuh zarúr un ke bacháne ke wáste tadbír karegá; aur agar kare, to paigám deke, us ke sáth koí qudratí nishán bhí degá, jis ke báis bete ján sakeñ, ki yih ásmání nasíhaten haiñ.

4. Magar ajíb bát yih hai, ki baz log hamen sikhána cháhte haiñ, ki yih ná-mumkin bát hai ki **Khudá** insán ko koí ilhámí kalám dewe. Magar wuh dalílen, jin se wuh is gumán ko sábit karná cháhte haiñ, bahut hí kamzor aur be-ṡhikáne malúm detí haiñ. Agar un ká gumán ho, ki koí haqíqí **Kháliq** o **Málik** hai hí nahín; yá yih ho, ki **Kháliq** o **Málik** hokar wuh apne maḡhlúq se na kuchh bol saktá, na un ke liye kuchh kar saktá hai; yá yih ho, ki **Kárigar** hoke wuh apní kárigarí men yahán tak phansá huá hai, ki madad dene ke wáste apne háth ko barhá nahín saktá, to ham aise logon ko mahz kam-aql samajhte haiñ, jin se bahs karná befáida hogá. Agar ham apne **Khudá** ko insán se ziyáda kamzor o láchár samjhen, yih mahz bedíní

hai. Insán koí kám karke, bad ko use aur bhí barhá saktá hai, kyá Khudá men itní táqat na hogí? Insán दूसरे ko achchhi nasíbat de saktá hai, aur agar bihtar malúm ho, dobára aur tibára de saktá hai, aur aur bhí takíd ke sáth de saktá hai: to kyá Khudá men itní táqat nahín hai? Kyá Khudá, jis ne insán ko samajhdár banáyá, aur use aql bakhsí, aur use síkháyá, ki kaun dalílen kachchí, aur kaun pakkí hain, kya us se is tarah nahín bol saktá, ki insán sune aur samajhe aur máne? Yih barí nádání kí talím malúm detí hai. Báz log aur tarah se uzr karte hain, aur kehte hain, ki agar marzí ho, to Khudá Nabí kí zabání bol saktá hai; lekin aísá kalám insán ke kám nahín á saktá hai, kyúnci wuh hargiz yih ján nahín saktá, ki yih ásmání paigám hai. Kahte hain, ki beshumár jhúthí aur sachchí báten hamáre kánon tak pahúnchtí hain. Koí nádání se baktá hai: koí thátthe se; koí dagá dene ke liye kuchh kahtá hai. Koí bhúl se kuchh kahtá; aur koí burí niyat se kuchh kahtá hai, aur koí bukhár ke josh men áke kuchh baktá hai: chunánci mumkin nahín hai ki sunnewálá ján le, ki kaun kalám Khudá kí taraf se áyá hai, aur kaun nahín. Lekin yih dalíl bhí Khudá kí kamzorí par mabní hai: pas dáná ádmí use qabúl na karegá. Jab ek ádmí दूसरे ádmí ko kalám bhejtá hai, tab aísí tadbírkartá hai, ki jis se pánewále ko yaqín ho jáe, ki yih kalám kis kí taraf se áyá hai. Pas jab ádmí ke liye yih mumkin hai, to kitná ziyáda Khudá ko qudrat hogí, ki yahán tak yaqín diláwe, ki sunánewálá yá sunnewále jánen, ki yih paigám Khudá kí taraf se áyá hai. Khudá ke yahán tadbíron kí kuchh kamí nahín hai. Balki wuh apne kalám ke sáth, aísí muhren de saktá hai, jin se ham ko púrí tasallí mil saktí hai; kyúnci kisé insán ko itní hikmat o táqat nahín, ki aise nishánon ko naql kar sake. Yih muhren nabúwatan aur muajize hain, jin ká kuchh bayán is kitáb men kiyá jáegá.

5. Ham mánte hain, ki áj kal bahut log in muhren ke khiláf síkháte hain. Bahut log, jo Masíhí mazhab ke phailne se ná-khush hain, síkháte hain, ki koí

muajizá na kabhí huá, na hogá, na ho saktá hai. Sáre kám, jo shurú se hote áye hain, nechurí ke the, yane qawánín i khilqat ke bamujib hote the. Phir kahte hain, ki koí nabúwat na huí, na ho saktí hai, aur ki yih jo peshkhabarián batáí játí hain, haqíqat men aisí nahín hain. Agar hotín, to muajizon men dákhil hotín, jin ká honá ná-mumkin hai. Phir kahte hain, ki jo báten peshíngoián samjhi gayín, un men se bahut un waqiát ke bad, jin ká zikr kartí hain, likhí gayín, aur fareb se purání kahláín. Koí áge to likhí gayín, magar sirf aql ke zor se, yá qadím tajriba kí báton par gaur karne se, yá khiyálí taur par likhí gayín. Wuh yih bhí kahte hain, ki Khudá ne kabhí koí ilhámí kitáb na dí, na Wuh kabhí degá, kyúunki agar detá, to insán us men aur dígar kitábon men tamíz na kar saktá, na koí ján saktá, ki kaun ásmání, aur kaun insání hai. Ab záhir hai, ki yih sárá qaul Masíhí kalísiya kí talím ke khiláf, aur us talím ká, jo Kalám i Muqaddas men marqúm hai, radd o badal-karnewálá hai. Aql bhí kahtí hai, ki kháliq aisá phansá huá, aur qawánín ká bandhá huá, aur ná-táqat, na hogá. Kahte hain, ki koí muajizá kabhí na huá. Kaisá bará bol! Hamárá umr kí hadd assí nauwe baras tak hai, aur agar ham batáwen, ki do hazár baras hue, kaun bát thí, kaun bát na thí, to is kí khabar kis ko hai? Kahte hain, ki shurú se koí muajizá na huá. Kyá shurú ap hí muajiza na thá? Jab Kháliq ne khilqat ko khalq kiyá, to kyá muajiza na kiyá gayá? Aur agar us ne ek dafa kiyá, to kyá, agar marzí ho, to dúsrí bár bhí na karegá? Kahte hain, ki insán ko Khudá se ilhámí kalám mil nahín saktá hai. Main to apní betón ko, jo Wiláyat men hain, chitthián bhej saktá hún, zarúrat ho, to un pás tár kí khabar bhí bhej saktá hún. Agar bhárá zarúrat hotí, to sháyad biná tár ke, hawá ke wasíle se (wireless) khabar bhej saktá hún; magar Khudá apne betón ko paigám nahín bhej saktá hai! Kaun dánish-mand ise mán saktá hai? Aql kahtí hai, ki ásmání kalám ke sáth ásmání nishánát honge. Qudratí paigám ke sáth qudratí nishánát honge. Pas jab

Baibal hamáre pás pahúnchtí, aur muajizon aur peshíngoion ke zariye se yih Khudá ká kalám sábit hotí hai, to ham shukrguzarí ke sáth use qabúl karte hain.

6. Phir jab ham in ásmání nishánát ke báre men sochte hain, to yih daryáft karná cháhiye, ki Khudáwand Yisú Masíh ne in ke haqq men kyá kahá? Ásmán ká hál wuh baḡhúbí jántá hai. Ásmán us ká ghar hai. Báp kí marzí ko bhí jántá hai; Wuh us ká pyará Betá hai; Wuh Baibal ká hál bhí jántá hai. Us ne Galíl o Yahudiya kí bahut bastion men us kí manádí kí. To us kí shahádat kaisí hai? Kyá Wuh muajizon aur peshíngoion ko náchíz jántá thá, jaisá bahut be-dín log unhen náchíz jánte hain? Baráks is ke zahir hai, ki jab Wuh manádí kartá thá, to na sirf bahut muajizon ko, balki bahut qism ke muajizon ko, dikhlátá thá. Na sirf yih balki us kí ḡhwáhish yih thí, ki log in karámát ke dekhne se us kí nasíhaton kí sachcháí ko mán len. “Mujh ko ásmán se áyá huá jáno, kyúñki ásmání qudrat se kám kartá hún.” Wuh ajíb kám kartá thá, aur un ko purá karne par Wuh batátá thá, ki in kí garaz kyá hai, aur un se kaisá phal honá lázim hai. Yuhanná rasúl is qism kí shahádat ká bár bár zikr kartá hai. “Mere pás jo gawáhi hai, wuh Istibági kí gawáhi se barí hai: kyúñki jo kám Báp ne mujhe purá karne ko diyá, yane yihí kám jo main kartá hún, wuh mere gawáh hain, ki Báp ne mujhe bhejá hai,” Yuh. 5 : 36. Ek din Yahúdition se bahs karte hue, Yisú bolá, “Main ne to tum se kah diyá, magar tum yaqín nahín karte; jo kám main apne Báp ke nám se kartá hún, wuhí mere gawáh hain,” Yuh. 10 : 25. Yisú ke barábar koí dúsrá talím denewálá na huá, taubhí kahtá hai, ki agar merí manádí tumhen na khínche, taubhí mere kámon ke báis tumhen khinchná cháhiye. Jab Istibági qaid men pará pará kam-i-atiqád hone lagá, aur us ne apne shágirdon ko Yisú ke pás bhejá, tab Yisú ne un ke ímán ko kis tarah barhá diyá? Nasíhat dene se nahín, magar karámát dikháne se. Jab unhon ne púchhá, ki “Kyá tú Masíh hai?” to us ne jawáb diyá,

ki "Jo kuchh tum ne dekhá aur suná hai, jákar Yuhanná se bayán kar do; ki andhe dekhte hain, langre chalte phirte hain, korhí pák sáf kiye játe hain, bahre sunte hain, murde zinda kiye játe hain, garíbon ko khush-khabarí sunáí játí hai, aur mubáarak hai wuh, jo mere sabab se thokar na kháe," Lúq. 7: 22, 23. Phir chand Yahúdíon ko, jo use lan tan kar rahe the. is liye ki us ne ek mafúj ko changá kiya thá, Us ne jawáb diyá, "Lekin is liye ki tum ján lo, ki Ibn í Adam ko zamín par gunáhon ke muaf karne ká íkhtiyár hai, (Us ne mafúj se kahá), Uth: apní chárpái uthá, aur apne ghar chalá já," Mat. 9: 6, 7. Aur jab bahut se Yahúdí Us ke bare bare karámát apní ánkhoñ se dekhkar bhí Us par ímán na láe, to Yisú ne is ko un ká bará qusúr batáyá: "Agar main un men wuh kám na kartá, jo kisi दूसरे ne nahín kiye, to wuh gunahgár na thaharte: magar ab to unhoñ ne mujh se, aur mere Báp donoñ se, adáwat kí," Yuh. 15: 24. Aur phir kahá, "Ai Kharázín, tujh par afsos! Ai Baitsaidá, tujh par afsos! Kyúñki jo muajize tum men záhir hue, agar wuh Súr aur Saidá men záhir hote, to tát orhkar, aur khák men baithkar, kab ke taubá kar lete," Mat. 11: 21. Yane Masíh yih samajhtá thá, ki aise karámát par liház na karná, aur un se fáidá na utháná, sangdilí sábit kartá hai. Magar wuh log, jo un dinon men Masíh se dushmaní karte the, is bát ká to inkár nahín karte the, ki muajize kiye játe hain. Kahte the, ki "Beshakk, Yisú ke kahne se andhe dekhte, aur langre chalte, aur muflúj táqat páte, aur korhí pák sáf kiye játe hain; magar yih sáre ajíb kám Shaitán kí madad se kiye játe hain." Is ilzám ká Yisú ne kyá hí maqúl jawáb diyá, ki kyá Shaitán apní saltanat ko áp hí tor dálegá! Aise kufr baknewálon ko kyá hí bhárí sazá milegí!

7. Yád rahe, ki muajize kisi paigám kí sachcháí kí pakkí dalíl is wáste thahar sakte hain, ki wuh qudrat, jo unhen kartí hai, Khudá kí hai, aur na ki insán kí. Insán hargiz unhen dikhá nahín saktá hai. Sach hai, ki insán ko táqat hai, ki use jhúth ke qáim karne ke

liye bhí use kám meñ lá saktá hai. Lekin Kḥudá, jo sachcháí ká Bání hai, aur jo jhúṭhon ko apne ghar meñ áne se maná kartá hai, hargiz jhúṭhí báton ko qudratí kámon se qáim nahín karegá. Isí liye nabúwatan bhí ilhámi kitáb ko barí pukhtagí detí hain. Ná-mumkin hai ki insán apní hikmat o dání se ánewále zamánon ká hál batáwe. Aur Kḥudá kisí dhokhebáz ko dagá kí báton ke qáim karne ke liye, yih dánísh hargiz na bakhshégá.

8. Sháyad koí ádmí yih uzr kare, ki beshakk Kḥudá dagábázon kí madad na karegá; taubhí muájizon par púra bharosá karná lázim nahín hai, kyúñki mumkin hai, ki wuh qudrat, jo Kḥudá nekí karne ke wáste bakhshítá hai, insán us ke wasíle se buráí kare. Mumkin hai ki Kḥudá Nabí aur Rasúl ko qudrat dewe, táki ásmání kalám ko us ke zariye se qáim karen, lekin Nabí aur Rasúl us qudrat ko pá karke us ke zariye se jhúṭh ko qáim karen. Yih bilkull galat kḥiyál hai. (a) Kyúñki Kḥudá ko kámil peshbíní hai. Yih bargiz nahín ho saktá hai, ki Wuh kisí ko nekí karne ke wáste aisá zor dewe, aur na jáne, ki is zor se badí kí jáegí. Koí Kḥudá ko dhokhá nahín de sakegá. Is ká ek maqúl jawáb yih hai, ki agar haqíqat púchhí jáe, to muájiza ká karnewálá Kḥudá áp hí hai. Hán ádmí záhírí wasíla hotá to hai, magar zor Kḥudá ká hai. Hán Yisú is kḥiyál se mustasná hai, kyúñki Wuh Kḥudá bhí hai, lekin Nabí Kḥudá ke háth meñ wasíla ṭhahartá hai. Jab Lal samundar meñ baní Isráel ke wáste ráh kholí gaí, to kis ne kholí? Músá ne to apná asá samundar par barháya. Kyá us ne pání ko dúr kiyá? Likhá hai, ki “Aur Kḥudáwand ne basabab barí púrabí ándhí ke, tamám rát meñ daryá ko chaláya, aur daryá ko sukhá diyá, aur pání ko do hissá kiyá, aur baní Isráel daryá ke bích meñ se súkhí zamín par hoke guzar gaye: aur pání kí, un ke dahine aur báyín, díwár thí,” Kḥur. 14: 21, 22. To Kḥudá ráh ká kholnewálá thá, aur us ke kiye par púra bharosá ho saktá hai.

BĀB II.

BAIBAL KĀ ILHĀMĪ KITĀB HONĀ.

1. Rasūlon ke zamāne se āj tak aksar Masīhion ká yih gumān chalā áyā hai, ki Baibal men aur báqī kitābon men farq hai, yāne ki wuh Khudá ká kalām hai, aur ki Khudá kī kitāb hoke us kī sārī talīmen o nasihatēn mánne ke láiq hain. Magar us ká Ilhāmī honā aisā nahīn samjhā jātā hai, jaisā Muhammad sáhib ne Qurán kī nisbat batáyā. Baibal na Khudá kī unglī se likhī gayī, aur na wuh ásmán se utārī gayī; Rúh-ul-Quds us ká bānī thahartā hai. Us ne kitne nabion o rasūlon o dīndáron ke zariye se use likhwáyā, aur likhwāne men Rúh-ul-Quds un likhnewálon par zabardastī nahīn kartā thá, ki sab ek hí taur o tarīqe se likhen, aur apnī apnī ibárat aur bolne ká wazā badalke likhen; lekin wuh apnī apnī tabiát aur dastúrāt ke mutábīq likhte the. Agar koī álim o fázil thá, to apnī fazílat ke mutábīq, aur agar machhwá thá, to apnī sádagī ke mutábīq, likhtā thá; yāne pandit áur tarah se, aur bádsháh áur tarah se, aur mahsúl lenewálá áur tarah se tasníf kartā thá. So Baibal kī sārī kitābon men do qism ke nishánāt nazar áte hain, yāne insān ke, jin se wuh likhwáye gaye, aur jin kī boliān, aur soch samajhne kī khássiyaatēn istiamál men láyī gāin hain, aur Rúh-ul-Quds ke, jo iláhī paigám detā thá, aur is taur se detā thá, ki parhnewále o sunnewále ján sakte the, ki Khudá kī marzī, aur us kī hidáyat kyā hai. Pas ambiyá aur rasúl “Khudá ke bulwáye bolte the,” aur is liye kalísiyá mántī áyī hai, ki kalām, jo is tarah se hamēn diyā gayā hai, Khudá ká kalām thahartā hai, aur jo koī use qubúl kartā, aur dil o ján se amal men látā hai, ábadī zindagī hásil karegá.

2. Áj kal baz log ilhām kī talīm ko bīkul áur tarah se samajhte hain. Wuh ágle buzurgon ke taur par ilhām ko wuh iláhī qudrat nahīn batáte, jo baz dīndár shakhshon ko Rúh-ul-Quds se bakhshī gayī hai, jis ke zariye se Khudá ke paigámon ke sunāne aur likhne

men wuh galatí karne se bacháye gae; magar sirf aisi niyamat batáte hain, jaisá jab Khudá kisí ko áuron se barhkar, badan ká zor, yá aql kí tezí, yá chihre kí khúb-súratí, yá áwáz kí shiríní, bakhshatá hai. Tab muatariz kahte hain, ki beshakk ambiyá aur rasúl muatabar ádmí the; pas aksar un ke bayánát thík honge. Wuh nek ádmí the, aur nekí barhane kí garaz rakhte the. Pas jahán tak jánte aur samajhte the, tahán tak un kí nasíhaten mánne ke láiq thín. Magar Baibál ke musannif mahz ádmí the, aur koí muajizáná qúwat unhen bakhshí nahín gayí thí. Jahán tak aql o dánáí unhen pahúnchá saktí thí, tahán tak wuh pahúnch játe the, lekin insán kí aql kotáh hai: wuh zarúr bahut báton men galatían aur bhúl chúk karegá. Ab zahirán yih wuh ilhám kí talím nahín hai, jise Masíhí buzurg mánte áe hain; aur agar yih talím durust ho, to ham ko púrí tasallí nahín mil saktí hai, ki yih kitáb Khudá ká kalám hai, aur jo kuchh hidáyat us se hásil hotí hai, so qábil i yaqín hai. So wuh kitáb, jise Khudá hamáre ímán barhane ke wáste bakhshatá hai, púrí tarah se hamáre kám nahín átí.

3. Chunánchí shurú se kalísiyá ká ímán ziyádatar is bát par huá, ki pák Nawishte is tarah se Kalám-i-Iláhí thaharte hain, ki agarchi rasúl aur ambiyá us ke qábil the, lekin likhte waqt un kí rúhon par aisi rúhání tásir kí gayí, ki wuh bhúl chúk ke likhne se bacháye gaye: pas jo kuchh un se tasníf huá, so mahz un ká nahín, lekin Khudá ká kalám jáná játá hai. Ab zahir hai, ki agar yih sirf baz álimon ká gumán hai, to sab is ko qabúl na karenge. Lekin jab ham dekhte hain, ki kalísiyá ne is talím ko Masíh aur us ke rasúlon se páyá, to hál áur ho játá hai. Baibál hí kí shahádat se sáf zahir hai, ki wuh jo is tarah se ilhám kí talím detá hai, wuhí yih sikhátá hai, jaisá Masíh aur us ke rasúlon ke munh se niklá. Beshakk un ká kahná Puráne Ahdnáme ke haqq men thá, kyúнки Injíl kí kitáben un dinon men sab qalamband na ho chukí thín. Lekin Masíhí logon ká kahná hai, ki agar ambiyá kí kitáben Khudá kí kitáben hain, to un kí banisbat ulúhiyat ke

nishánát Injilí tasnífát men kahín ziyáda nazar áte hain. Koí shakhs jo Puráne Nawishton ko qabúl kartá hai, Injilí kitábon ko hargiz radd na kar sakegá. Pas bhárá suwál yih hai, kyá Masíh aur us ke rasúl puráne Nawishton ko insání yá Iláhí jánte the ?

MASÍH KÍ SHAHÁDAT.

4. Agar koí shakhs tarafdárá ko chhorke un kí talímon ko parhe, to is bát ke haqq men use kuchh bhí shakk na rahegá. Yisú Puráne Ahdnâme ko Bâp ká diyá huá paigám jántá thá. Wuh bár bár us se áyât-i-iqtibás karke apne kalám ko sábit kar detá thá. Jab jab un ká zikr kartá thá, tab barí izzat ke sáth zikr kartá thá. Jaisá Hinduon ká dastúr hai, ki jab kahte hain, ki “yún likhá hai,” to matlab yih hai, ki yih bát barí tazím ke láiq hai, isí tarah jab Yisú aur us ke rasúl kahte the, ki “yún likhá hai,” to garaz yih samjhí játí thí, ki Khudá ne aisá farmáyá hai. Na sirf yih, balkí Yisú ne Yahúdion se sáf kahá ki tumbhári yih barí nádání hai, ki tum Nawishton ko to Iláhí kalám jánte ho, aur taubhí us Sháfí ká, jis kí wuh khabar dete hain, inkár karte ho. “Tum Kitáb-i-Muqaddas men dhúndhte ho ; kyúunki samajhte ho, ki us men hameshá kí zindagí tumhen miltí hai : aur yih wuh hai, jo merí gawáhí detí hai,” Yúh. 5: 39. Jab ásmán se áwáz merí gawáhí detí hai, to sunná lázim thá. Usí bahs men us ne yih bhí kahá, ki Músá ko be-izzat nahín karná cháhiye. “Kyúunki agar tum Músá ká yaqín karte, to merá bhí yaqín karte ; is liye ki us ne mere haqq men likhá hai. Lekin jab tum us ke Nawishton ká yaqín nahín karte, to merí báton ká kyúunkar yaqín karoge ?” Yúh. 5: 46, 47. Phir qabr se jí uthne ke bad Yisú ne baz shágirdon se kahá, “Yih merí wuh báton hain, jo main ne tum se us waqt kahí thín, jab tumbhare sáth thá, ki zarúr hai, ki jitní báton Músá kí tauret aur nabion ke sahífon, aur zabúr men merí bábat likhí hain, púrí hon. Phir us ne un ká zihn kholá, táki Kitáb-i-Muqaddas ko samjhen, aur un se kahá, yún

likhá hai, ki Masíh dukh utháegá, aur tísre din murdon men se jí uthegá,” Lúq. 24: 44-46. Phir chand shágirdon ko, jo náummedí men pare the, us ne malámat kí, ki “Ai nádáno, aur nabion kí sárí báton ke mánne men sust iatiqádo: kyá Masíh ko yih dukh uthákar apne jalál men dákhil honá zarúr na thá? Phir Músá se aur sab nabion se shurú karke, sáre Nawishton men jini báten us ke haqq men likhí hui hain, wuh un ko samjhá di,” Lúq. 24: 25-27. Phir jab shágird taajjub karte the, ki wuh apne taín Yahúdi-on kí zabardastí se nahín bachátá hai, tab Yisú ne rasúlon se kahá, “Áyá tum nahín samajhte, ki main apne Báp se minnat kar saktá hún, aur wuh firishton ke bárah túman se ziyáda mere pás abhí maujúd kar degá? Magar wuh nawishte, ki yúnhí honá zarúr hai, kyúnkar púre hongé?” Nawishton ká púra honá hí zarúr hai, kyúnki wuh Kalám-i-Iláhi hain. Ek dafa Yahúdi-on se bahs karke us ne kahá, ki “Kitáb-i-Muqaddas ká bátíl honá mumkin nahín,” Yúh. 10: 35. Phir dúsron par us ne yih ilzám lagáya, ki “Tum gumráh ho, is liye ki na Kitáb-i-Muqaddas ko jánte ho, na Khudá kí qudrat ko,” Mat. 22: 29. Jab ham Masíh ke aise kalámon ko parhte hain, to zarúr samajh lenge, ki wuh log jo Baibal ko mahz insáni kitáb jánte hain, jis kí talímon ká kuchh thikáná nahín hai, jis se áyat nikálke kisi bát ko sábit karná lázim nahín hai, so is bát men Masíh ke khiláf hain. Wuh un se aisá kahegá, jaisá aglon se kahá: “Tum galatí karte ho, kyúnki Nawishton ko nahín jánte ho.”

RASÚLÍ SHAHÁDATEN.

5. Aur jaisá Masíh mántá thá, waisá hí us ke rasúl mánte the. Ambiyá Khudá se paigám páke kalám karte the; so un ká kahná Khudá ká kahná thá. Is bát men Patras kí shahádat gaur ke qábil hai. Us ne us ajíb májara ká zikr kiyá, jab ek din pahár ke úpar Yisú kí súrát ásmání ho gayí thí, aur ásmán se áwáz áí, tab farmáya, ki is se bhí pukhtá dalíl ambiyá ká kalám

hai. "Hamáre pás nabion ká wuh kalám hai, jo ziyáda muatabar thahrá, ki wuh ek chirág hai, jo andherí jagah men raushní bakhshatá hai. Aur pahle yih ján lo, ki Kitáb-i-Muqaddas kí kisí nabúwat kí bát ki táwíl kisí ke zátí ikhtiyár par mauqúf nahín. Kyúnki nabúwat kí koí bát ádmí kí khwáhish se kabhí nahín huí, balki ádmí Rúh-ul-Quds kí tahrík ke sabab Kḥudá kí taraf se bolte the," 2 Pat. 1: 19. Phir dúsre waqt us ne farmáyá, ki ambiyá apní báten nahín bolte the. "Unhon ne is bát kí tahqíq kí, ki Masíh ká Rúh, jo un men thá, aur peshtar se Masíh ke dukhon kí, aur unke bad ke jalál kí gawáhí detá thá, wuh kaun se, aur kaise waqt kí taraf ishára kartá thá. Un par yih záhir kiyá gayá, ki wuh na apní balki tumhári khidmat ke liye yih báten kahá karte the," 1 Pat. 1: 10-12. Aur yih bhí kahá, ki yihí khush-khabarí ásmán se bhejí gayí hai. Phir jab Patras ne buzurgon se farmáyá, ki Iskaryúti kí jagah men kisí ko chun lená lázim hai, to kahá, ki "Ai bháiyó, us nawishte ká púra honá zarúr thá, jo Rúh-ul-Quds ne Dáúd kí zabání us ke haqq men pahle se kahá thá," Aam. 1: 16.

6. Paulús kí shahádat is bát men ziyáda zoráwar hai, kyúnki wuh niháyat álim o fázil shakhs thá, aur Yisú ke maslúb hone se pahile bhí, aur piche bhí, Yarúsalam men házir thá, aur bahut se buzurgon se us kí ján pahchán thí, so wuh khúb jántá thá ki Yahúdí qaum apne nawishton kí nisbat kyá mánte hain. Phir Injíl kí tasnífát men se kitní us ke háth se qalamband huín, aur wuh tinoñ Ijmáli (Synoptik) Anájíl se khúb wáqif thá. So wuh ilhám kí haqíqat ko khúb jántá thá. Aur us kí ráe thík wuhí thí, jo kalísiyá men chalí áyí hai. Us ne Timuthiyus se kahá, "Tú bachpan se un pák nawishton se wáqif hai, jo tujhe Masíh Yisú par ímán láne se naját hásil karne ke liye dánái bakhsh sakte hain. Har ek sahífá, jo Kḥudá ke ilhám se hai, talím, aur ilzám, aur isláh, aur rástbází men tarbiyat karne ke liye fáidamand bhí hai, táki mard i Kḥudá kámil bane, aur har ek nek kám ke liye bilkull taiyár ho jae," 2 Tim. 3: 15-17. Aur yih kaun sahífe hain;

jo aise musid ho sakte hain? Zahirán wuhí nawishte, jin ká zikr ab kar chuká thá. Paulús ne apní risálat ko ásmání bát samjhí. "Paulús jo rasúl hone ke liye buláyá gayá, aur Khudá kí us khush-khabarí ke liye makhsús kiyá gayá hai, jis ká us ne peshtar se apne nabion kí marifat Kitáb-i-Muqaddas men apne beté hamáre Khudáwand Yisú Masíh kí nisbat wadá kiyá thá," Róm. 1: 2, 3. Aur wuh jántá thá, ki jo kuchh Kitáb-i-Muqaddas men hai, so púra hogá, kyúнки Khudá ne yihí kahá hai. Maslan Kitáb-i-Muqaddas men kahá gayá hai, ki "Main ne isí liye tujhe khará kiyá hai, ki terí wajh se apní qudrat zahir karún, aur merá nám tamám rú é zamín par mashhúr ho," Róm. 9: 17. Phir us ne kahá, ki Yisú wuh hai, jis ke zariye se Ibráhím qaumon kí barakat thahregá, "aur Kitáb-i-Muqaddas ne peshtar se yih jánkar ki Khudá gaír-qaumon ko imán se rástbáz thahráegá, pahle hí se Ibráhím ko yih khush-khabarí suná dí, ki tere báis sári qaumen barakat páengí," Gal. 3: 8. Aur yún sochkar wuh mulk ba mulk Yisú kí manadí kiyá kartá thá. Pas agar sábit huá, ki Purána Ahdnáma ilhámí hoke Khudá ká kalám hai, to ham zarúr samajh lege ki Injíl kí tasnífát bhí waisí hí hongí, kyúнки un ká darjá kuchh kam nahín hai. Balki ek rasúl ne dústre rasúl kí kitábon ke haqq men ek ajíb qism kí gawáhhí dí hai. Patras ne farmáyá hai, ki "Hamáre pyáre bhái Paulús ne bhí us hikmat ke muwáfiq jo use ináyat huí, tumhen yih likhá hai, aur apne sáre khatton men, in báton ká zikr kiyá hai; jin men baz báton aisi hain, jin ká samajhná mushkil hai, aur jáhil aur beqiyám log un ke manon ko bhí, aur sahífon kí tarah kheuch táńkar apne liye halákat paidá karte hain," 2 Pat. 3: 15. Yane yih bhí ilhámí tasnífát hain, jin kí hiqárat karne se ádmí apne taín halák karte hain.

7. Ibránion ke nám ká khatt usí zamáne men Yarusalam men likhá gayá thá, aur us men, ilhámí kitábon kí nisbat, bilkul wuhí talím miltí hai. Kitáb ke ain shurú hí men likhá hai, ki "Agle zamáne men Khudá ne bápdádon se hissa ba hissa aur tarah ba tarah

nabion kī marifat kalām karke is zamāne ke ākhir men ham se Betē kī marifat kalām kiyā,” 1: 1, 2 Phir usī bāt men nabion kā kahnā Khudā kā kahnā ṭhahartā hai. “Kyūnki firishton men se us ne kab kisī se kahā, ki Tū merā Betā hai: āj tū mujh se paidā huā? Aur phir yih, ki Main us kā Bāp hūngā, aur wuh merā Betā hogā?” 1: 5. To zāhir hai, ki Yahowāh yahān bolne-wālā hai, magar yih bāten Nawishton se iqtibās kī gayī hai. Phir āthwen Zabūr se chand bāten likhkar wuh batātā, ki “Khudā ne is ko apne Betē ke haqq men kahā, yane Yisū kī nisbat, ki use maut kā dukh sahne ke sabab jalāl aur izzat kā tāj pahināyā gayā hai, tāki Khudā ke fazl se wuh har ek ādmī ke liye maut kā mazā chakhe,” 2: 9. Phir kahtā hai, ki Masīh dīndāron ko bhāī kahne se nahīn sharmātā, aur yih us ke haqq men 22 Zabūr men kahā gayā thā, 2: 11. Tīsre bāb men ek āyat ke haqq men jo Zabūr 95 se iqtibās kī jātī hai, yūn batāyā jātā hai, ki “Jis tarah ki Rūh-ul-Quds farmātā hai, ki agar āj tum us kī āwāz suno, to apne dilon ko sakht na karo,” 3: 7, 8; jis ke mane yih hai, ki nabī kā wuh kalām Khudā kā kalām thā, jis se gāfil honā khatarnāk hai. Phir bāb pānchwen men aisā dāwā kiyā jātā hai, ki “Us ne us se kahā thā, ki tū merā Betā hai, āj tū mujh se paidā huā. Chunānchi wuh dūsre maqām par bhī kahtā hai, ki Tū Malik-i-Sidq ke tarīqe kā abad tāk kāhin hai,” 5: 5, 6. Phir Yarmiyāh 31: 31-34 kā ishāra karke musannif yūn kahtā hai, ki “Khudāwand farmātā hai, ki dekh, wuh din āte hai, wg.” 8: 8. Musannif kā yih imān ek āur āyat se āur bhī sāf batāyā jātā hai, ki Rūh-ul-Quds bhī ham ko yihī batātā hai, kyūnki yih kahne ke bad, ki Khudāwand farmātā hai, “Jo ahd main un dinon ke bad un se bāndhūngā, wuh yih hai, ki main apne qānūn un ke dilon par likhūngā, aur un ke zihn men dālūngā, phir wuh yih kahtā hai, wg.” 10: 15-17. Aisī āyat se zāhir hai, ki musannif bilkulī pāk Nawishton ko ilhāmī aur bharosā ke lāiq jāntā thā.

8. Ek āur sochne kī bāt ūpar mazkūr hai, ki agar sābit huā, ki Purānā Abduśmā Khudā kā ilhāmī kalām

hai, to Nayá Ahdnáma bhí aisá hí hogá, kyúñki us men Khudá wuhí diní khabar bhejtá hai, jo âur bhí mufíd, aur âur bhí zarúrí hai, us men Khudá ke lásání fazl ká intizám, jis ke shurú ká zikr ambiyon ne kiyá hai, Injilon men tamámí ko pahúnchtá hai. Insán kí abadí khushhálí ke wáste sab se zarúrí bát yih hai, ki wuh us Ásmání Sháfi par dil se ímán láwe, jis ko Yahowáh ne hamári shafakat karne ke liye bhejá hai, aur us ká púra aur tasallí-bakhsh bayán Naye Ahdnáme men miltá hai, to us ke musannif zarúr Khudá se ilhám páke use likhte the, chunáñchi, jaisá úpar bayán huá, us ke musannif bár bár is bát ká dáwa karte hain, ki ham Rúh-ul-Quds kí madad se likhte hain. Wuh ikhtiyár ke sáth likh sakte hain, kyúñki un ká kalám un ká nahín, magar ilhám se hai.

YÚHANNÁ RASÚL KÍ SHAHÁDAT.

9. Yúhanná kí Injíl kí shahádat ká hál dúsrá hai, kyúñki baz log us ke k̄hiláf shor macháte hain. Pas us kí durustí ke haqq men kuchh âur kahná lázim hai. Baz log, jo Yisú Masíh kí ulúhiyat ke munkir hain, Yúhanná kí Injíl ko bahut hí nápasand karte hain. Sabab is ká yih maḷúm hotá hai ki âur Anájíl ke muqábile men Yúhanná Masíh ke Khudá ke Beṭe hone par bahut ziyáda zor detá hai. Pas, sochte hain, ki agar ham is ek tasníf ko Baibal se k̄háriḡ kar saken, to is bát ko sábit kar sakenge, ki Yisú, jaisá ham tum hain, mahz insán thá. Do sababon se yih k̄hiyál bilkull galat sábit hotá hai. (a) Yúhanná kí Injíl bahut dalílon se ilhámí o haqíqí o qánúní kitáb, aur púre ítibár ke láiq sábit ho saktí hai, aur kalísiyá shurú se aisí mántí áí hai. (b) Aur is se bhí qawí dalíl yih hai, ki farz karo, ki ham Yúhanná kí Injíl ko bilkull k̄háriḡ kar den, to yih munkir apne matlab ko nahín pahúnchte, kyúñki Ijmálí (Synáptik) Anájíl se yane Matí, Marqus, Lúqá kí tasnífon se, aur Paulús, Patrus, Yaqúb ke k̄hutút se, jaisá úpar mazkúr huá, áshkára kiyá gayá, ki Masíh Khudá ká Beṭá, aur insán ká Munjí hai. Ham yih mánte hain,

ki Yúhanná kí kitáb âur qism kí hai, aur kí Yúhanná apní nij khássiyaṭon ke mutábíq, Yísú ká bayán âur tarah se likhtá hai, jaisá kí Marqus bhí kisi qadr apní tabiat ke mutábíq likhtá hai. Yúhanná bahut auqát o wáqiát ko, jin ká zikr Ijmálí (Synáptík) Anájíl men hai chhor detá, aur bahut se naye wáqiát, ur khásskar nayí nasíhaten, aur bahsen, apní kitáb men darj kartá hai, aur úlamá ne kahá hai, kí is farq ká sabab yih hai, kí Injíl rasúl ke burhápe men, jab wuh Ijmálí (Synáptík) Anájíl se khúb wáqíf thá, likhí gayí. Pas us ne sochá, kí ziyádátar Yísú ká wuhí ahwál likhná zarúr thá, jise dúson ne mukhtasar bayán likhne kí garaz se chhor diyá. Chunáncí us ne aisá hí kiyá.

10. Agarchi Yísú ká bayán, jo Yúhanná kí Injíl men hai, âur qism ká hai, aur wuh bahut se kám o kalám ká, jo Ijmálí (Synáptík) Injílon men mazkúr nahín hai, zikr kartá hai, taubhí jab ham in cháron tasníf ko ba-nazar-i-gaur dekhte hain, to sáf záhír hotá hai, kí cháron ek hí shakhs kí taswír khínchte, aur durustí se khínchte hain. Aur un ká aisá karná mumkín bhí thá, kyúncí un men se do Yísú ke rafíq the, aur do us ke rafíqon ke rafíq the. Ek qism kí dalíl mashhúr hai, jis ko Ittífáqí yá milnewálí dalíl kahte hain, jo bahut tasallí bakhs hai, yane jab ek gawáhi men bahut sí chhotí báten hain, jo dúsrí gawáhi ke sáth thík mil játi hain, aur is se sábit hai, kí donon gawáh ek hí haqíqat ká bayán karte hain. Chunáncí jab ham Yúhanná kí Injíl ko Ijmálí (Synáptík) Injílon ke sáth parhte hain, to aisí bahut sí chhotí milnewálí báton men ápas kí mutábíqaten nazar áengí, jo záhíran kisi ke sikháne se nahín, magar ek hí haqíqat par nigáh rakhne se hotí hain. Aur dil kahtá hai, kí yih sach kahte hain. Yih sab ek hí waqia ke dekhnewále the. Pas is qism kí gawáhi tasallí-bakhs hai. So bihtar hai, kí ham Ijmálí (Synáptík) Anájíl kí do chár báton par zará gaur karen, jin men aur Yúhanná ke bayán men chhotí chhotí mutábíqaten páyí játi hain, aur jin se sáf áshkárá hai, kí cháron ek hí shakhs ká ahwál pesh karte hain.

11. Har ek mannád ká apne apne bolne ká taríqá hotá hai. Maslan Yisú kí mannádí karne aur sikháne men ek khashsiyat yih dekhne men áti, ki bahut sí misálon aur tashbíhon ko istíamál men láke, wuh apne paigám ko samjhátá hai. Khair bahut áur mannádon kí bhí yih ádat huí, ki wuh bhí tashbíhon ko pasand karte the. Magar Yisú kí tashbíhon men ek khusúsiyat yih thí, ki nazdík nazdík kí chhotí aur ámm báton se wuh bhárí bhárí talímen nikáltá thá. Gháson aur sosanon se, jo páñw ke pás the; mittí se, jis par khará thá; sote se, jo zamín se phút nikáltá thá; gauraiye se, jo bázár men biktí thí; bher se, jo jangal aur maidán men chartí thí; patthar se, jo díwár men lagáyá játá thá; kisan se, jo khet men bíj botá, yá anáj káttá thá: saikron aisi roz-marra kí báton se, wuh apní nasíhat ko roshan kartá thá. Alqissá Ijmáli (Synáptik) Anájíl men us ke sikháne ká yih taríqá bahut dikhái detá hai. Yisú apní misálen kisi bát se jo us waqt pesh hai, yá kisi hādise se, jo us waqt huá, yá kisi kalám se, jo us waqt kahá gayá, misál nikálke apní bát ko pukhtagí detá hai.

12. Matí kái bár apne Ustád ke is dastúr ká ishára kartá hai. (a) Ek din Yisú ke ghar ke log, use khatre men jánkar, dhúndhte the, ki use ghar le chaleñ. Yisú un ke sáth na gayá, magar háth se apne shágirdon kí taraf ishára karke bolá, “Dekh, merí mán aur mere bhái! Kyúnki jo koí mere Báp kí, jo ásmán par hai, marzí par chaltá hai, merá bhái aur bahin aur mán wuhí hai,” Mat. 12 : 49. (b) Ek din jab shágird apne Khudáwand ke sáth daryá pár gaye, to apne sáth rotí lená bhúl gaye the. Yih nasíhat dene ká achchhá mauqá thá. Yisú ne unhen kahá, “Farision aur Sadúqion ke khamír se khabardár aur chaukas raho,” yane un kí talím se, Mat. 16 : 5. (c) Ek din Farísí log Yisú kí is bát men malámat karte the, ki baz shágird bin háth dhoe rotí kháte hain, Yisú ne jawáb diyá, ki rasmi báton se neki o dindáree kí báten barhkar hain. “Suno aur samjho; jo chíz munh men játí hai, ádmí ko nápák nahín kartí, balki wuh jo munh se nikaltí hai, wuhí

ádmí ko nápak kartí hai.” Tab us ne unhen samjháyá, ki yih nápak karnewálí kaun chízen hain, yane “Bure khiyál, khún, ziná, harámkárí, chorí, jhúthí gawáhí, kufr jo díl se nikalte hain,” Mat. 15 : 18, 19. (d) Marqus ne bhí is taríqe kí khássiyaat apne ustáad men dekhí. Jab log chhote bachchon ko barakat páne ke liye Yisú pás láte the, tab shágirdon ne lánewálon ko dántá. Yisú is se ná-khush huá, aur bolá, “Unhen mana na karo, kyúunki K̤hudá kí bádsháhat aison hí kí hai. Main tum se sach kahtá hún, jo koí K̤hudá kí bádsháhat ko, chhote larke kí tarah qabúl na kare, wuh us men dákhil na hogá,” Marq 10 : 13-15. (e) Ek din Yisú ne daryá ke kináre phirte hue do machhwoṇ ko dekhá, jo daryá men jál dálte the, Us ne un se kahá, “Tum mere píchhe chale áo, aur main tumhen ádmion ke machhwe banáúngá,” Marq 1 : 16, 17. Ham dekhte hain, ki yih sárí tashbíhen un chhotí waqiát se, jo us waqt sámhne thí, nikálí játi hain, aur ki ek ek se koí bhárí nasíhat bhí nikálí játi hai. Lúqá bhí aisí tashbíhát ká ishára kartá hai. (f) Dars ke sunte hí ek aurat bol uthí, ki “Mubáarak hai wuh pet, jis men tú rahá, aur wuh chhátíán, jo tú ne píñ.” Yisú ne kahá, “Hán mubáarak wuh hain, jo K̤hudá ká kalám sunte, aur use mánte hain,” Lúq. 11 : 27. (g) Bazon men us bagáwat kí bátbít ho rahí thí, jis men Pilátus ne kitne Jalílion ko mára thá, Yisú ne kahá, “Kyá tum samajhte ho ki yih Jalílí sab Jalílion se ziyáda gunahgár the, ki aisá dukh páyá? Main tum se kahtá hún, Nahín : par agar tum taubá na karo, sab isí tarah halák hoge,” Lúq. 13 : 1-3. (h) Ek shakhs us ke sáth khána kháke bolá, “Mubáarak wuh, jo K̤hudá kí bádsháhat men rotí kháegá. Jawáb men Yisú ne Bare Kháne kí purmatlab tamsíl sunáí,” Lúq. 14 : 15. (i) Usí ziyáfat men Yisú ne ek bímár shakhs ko dekhá, aur agarchi din Sabt ká thá, use sihhat bakhsí; tab dekhnewálon ko Sabt kí haqíqí tálím dí, Lúq. 14 : 1-6. (j) Phir usí ziyáfat men Yisú ne dekhá, ki mihmán log sadr jagahon ke liye jhagrá karte the, aur unhen nasíhat dí, ki kaisá adab karná lázim hai, Lúq. 14 : 7-11.

13. Ab dekhna chahiye, ki wuhí manadí ká taríqa, jo Ijmáli (Synáptik) Anájíl men aisá sáf áshkárá kiyá gayá hai, Yúhanná kí tasníf men bhí nazar áta hai. Us ne bár bár batáyá, ki Yisú sámhne kí báton se tashbíh láke bhárí bhárí talímon ko roshan kartá hai. (a) Jab Yisú bayábán ke bích men hazárhon ko khilá chuká, tab barí bhir us ke pás áí, aur Yisú ne un se kahá, "Tum mujhe dhúndhte ho, is liye ki tum ne muajize dekhe, so nahín, balki is liye ki tum rotían kháke ser hue. Fání khurák ke liye nahín, balki us kháne ke liye mihnát karo, jo hameshá kí zindagí tak thahartá hai, ki Ibn i Ádam wuh tumhen degá," Yúh. 6: 26. (b) Jab Yisú kúe ke pás thaká mándá baithá thá, aur Sámari aurat se pání mángá, tab bolá, "Jo koí yih pání píe, phir piyásá hogá: par jo koí wuh pání, jo main use dúngá píe, wuh abad tak piyásá na hogá; balki jo pání main use detá hún, us men pání ká sotá ho jáegá, jo hameshá kí zindagí tak jarí rahegá," Yúh. 4: 13. (c) Us waqt shágird shahr men rotí mol lene gaye the, jab wuh laut áye, aur use khiláne cháhte the, tab Yisú ne un se kahá, "Mere pás kháne ke liye khurák hai, jise tum nahín jánte." Jab yih na samjhe, tab Yisú ne us ke máne samjháe, ki "Merá kháná yih hai, ki apne bhejnewále kí marzí bajá láún, aur us ká kám purá karún," Yúh. 4: 27-34. (d) Ek din shágirdon ne kisi janam ke andhe ko dekhkar, us kí ná-bínái ká sabab púchhá, Yisú ne jawáb diyá, ki sabab yih thá, "táki Khudá ke kám us men záhír hon. Zarúr hai, ki jis ne mujhe bhejá, main us ke kámon ko, jab tak ki din hai, karún. Rát áti hai, aur koí us waqt kám nahín kar saktá. Jab tak main jahán men hún jahán ká núr hún," Yúh. 9: 1-5. (e) Buzurg log khafá hoke us andhe ko majlis men se khárij karná cháhte the; tab Yisú ne andhe se púchhá, "Kyá tú Khudá ke Bete par ímán látá hai? Andhá bolá, Ai Khudáwand, wuh kaun hai, ki main us par ímán láún? Yisú ne us se kahá, Tú ne to use dekhá hai, aur jo tujh se boltá hai, wuhí hai. Tab andhe ne use síjdá kiyá. Tab Yisú ne kahá, ki Main ádálát ke liye is dunyá men áyá hún, táki wuh jo

nahín dekhte hain dekhen, aur jo dekhte hain, andhe ho jáwen," Yúh. 9 : 33-41. Aise bahut misálon se sábit ho saktá hai, ki Yúhanná bilkull usí qism kí manádi ká ishára kartá hai, jaisá dígar Injilon men bayán kiyá gayá hai, aur us ke bolne ká taríqá wuhí hai.

14. Ek áur mutábíqat kí bát, jo gaur karne ke láiq hai, yih hai, ki Ijmáli (Synáptik) Anájíl men Yisú ká laqab "Ibn i Adam" hai, jise Yisú ap bahut istíamál men látá hai, lekin koí shágird apne Khudá-wand ko yih nám kabhí nahín detá hai, na is nám se koí us ká kuchh zikr kartá hai. Ab jáno, ki yih laqab, Matí kí Injíl men 17 dafa, Marqus men 20 dafa, Lúqá men 21 dafa kám men átá, aur Yúhanná kí Injíl men wuh 11 dafa kám men láyá játá hai, to záhir hai, ki cháron musannif ek hí shakhs ká ahwál likhte hain.

15. Úpar mazkúr huá, ki Yúhanná Yisú ke un kámon ká zikr, jo Ijmáli (Synáptik) Anájíl men bayán kiye gaye hain, aksar chhor detá hai. Magar sochne kí bát hai, ki wuhí kám, jin ká zikr wuh kartá hai, waisí tabíat ke shakhs ko pesh karte hain. Yih mutábíqat do alag bayánát ke muqábila karne se nazar áegí. Ijmáli (Synáptik) Anájíl men us roz ká zikr hai, jab rasúl ápas men bahs karte the, ki ánewálí bádsháhat men ham men se kaun bará hogá? Pas unhen sharmáne ke liye Yisú ne ek chhote larke ko leke, un ke bích men khará kiyá, aur unhen síkháyá, ki jo aísá bane, so bará hogá. Phir Yúhanná ek sarguzasht ká zikr kartá hai, jo is se alag hai, aur dúsrí jagah men wáqí huí, par us se taálluq nahín rakhtí, aur taubhí ustád kí aísí tabíat záhir kartí hai, yane jab us ne Yarúsalam men pání leke rasúlon ke pánw dhoe, Yúh. 13 : 4. Donon báton ká matlab ek hí thá. Donon men Yisú ek hí bát se apní ná-rází záhir kartá hai. Donon men Yisú ek hí taur taríqe se, yane ek tamsílí kám díkhláne se, nasíhat detá hai. Díl mán letá hai, ki cháron musannif ek hí shakhs ká ahwál likhte hain.

16. Phir yád rahe, ki yih cháron musannif Yisú kí mulkí chál ko ek taur se bayán karte hain. Un dinon men mulk Rómion ke mátaht thá. Aur munásib na

thá, ki Yisú mulk men manádí karke aisí koí bát kahe, ki jis se raíyat men garbarí aur bagáwat barpá howe; aur taubhí aksar Yahúdí log is pardesí ráj se bahut nafrat karte the: so agar Yisú Rumí ráj kí kuchh taraf-dárá kare, to us kí shuhrat mári játi, aur log us kí tálim ko kam sunte. To barí hoshyárá se mulkí báton ká zikr karná pará, chunánchi cháron Anájíl men bayán hai, ki Yisú men is qism kí hoshyárá thí. Aur khásskar jab koí bhír faráham huí, aur un ke áge karámát dikháe gaye, to khatrá thá, ki koí sarkár ke khiláf kuchh kare, Yisú aise hangámon se, jin men garíb log be-fáida máre játe the, bahut bachtá thá. (a) Jab us ne 5,000 ko khiláyá, tab bhír men barí harakat hone lagí, “Usí dam Yisú ne apne shágirdon ko tákid se farmáyá, ki kishatí par charhke mere áge pár jáo, jab tak main logon ko rukhsat karún,” Mat. 14: 22. (b) Jab us ne Jakíl ke gáonon men bahuton ko changá kiyá, wahán bhí barí bhíren hone lagín, “Us ká ziyáda charchá phailá; aur bahut se log jamá hue, ki us kí sunen, aur us ke háth se apní bímáriyon se change kiye jáwen. Par wuh bayábán men alag jáke rahá aur duá mángtá thá,” Lúq. 5: 15, 16. (c) Aur jaisá Ijmáli (Synáptik) Anájíl ke musannif, waisá hí Yúhanná bhí batátá hai, ki Yisú ne barí khabardári kí, ki koí sarkár ká nuqsán na kare, maslan “Jab Yisú ne Bait-Hasda ke pás ek ná-tawán ko changá kiyá, tab bhír lag gaí, aur log púchhne lage, ki kis ne yih májará kiyá hai?” Tab “us ne, jo changá huá thá, na jáná, ki wuh kaun hai; is liye ki Yisú wahán se tal gayá thá, kyúnki us jagah men bhír thí,” Yúh. 5: 13. Kahín aisá na ho, ki sarkár ko taklíf ho, is liye wuh chhip gayá. (d) Matí aur Marqus ne kahá thá, ki bhír ke khiláne ke bad Yisú un se judá huá, magar yih nahín kahte the, ki yih kyunkar huá. Yúhanná is ká sabab bayán kartá hai. “Pas Yisú ne malúm karke ki wuh cháhte hain, ki áwen, aur use zabardastí pakarke bádsháh karen, ap akelá pahár ko phir gayá,” Yúh. 6: 15.

17. Masíh kí khidmat kí ek áur khássiyaat ká ishára cháron Anájíl men páyá játa hai, yane yih ki

Yisú, agarchí thík mauqe par dawa kartá thá, ki main Khudá ká Betá, aur Jahán ká Munjí hún, taubhí aksar apní manádí men is bát par kam zor detá thá. Us kí khwáhish yih thí, ki log mere kalám se nahín, balki mere muajizon se merí qudrat jánen. Beshakk us kí khidmat ke ákhirí dinon men wuh apní ulúhiyat ká zikr ziyáda kartá thá, kyúñki Yarúsalam ke buzurg is talím ke bahut khiláf the, lekin jab shágird dihat men manádí karte the, Yisú bár bár unhen samjbátá thá, ki is talím ke dene ká waqt hanoz nahín áyá hai; log mere kámon se mujhe pahchānen. Agar Masíh Khudá ká haqíqí bhejá huá na hotá, to hargiz aisá sulúk na kartá. (a) Jab Faríson kí dushmaní ke sabab Yisú apne shágirdon ko sáth leke Qaisariya Filippí kí taraf chalá gayá, “Tab us ne apne shágirdon ko hukm diyá, ki kisí se na kahná, ki Main Yisú Masíh hún,” Mat. 16: 26. (b) Phir jab dihat men us ke muajize kasrat se hue, tab “Nápák rúhen, jab use dekhtín, to us ke áge gir partí, aur pukárke kahtí thín, ki ‘Tú Khudá ká Betá hai.’ Tab us ne unhen barí tákíd kí, ki use mash-húr na karen,” Marq 3: 11, 12. Wuh do sababon se unhen mana kartá thá: auwal yih ki munásib waqt hanoz na áyá thá; aur doyam yih ki Yisú aise gawáhon ko cháhtá na thá. (c) Lúqá bhí ek waqt ká zikr kartá thá, ki jab Yisú ne Kafarnáhúm men aisí mumániyat kí, Lúq. 4: 41. Aur jaisá Matí, Marqus aur Lúqá, waisá Yúhanná bhí, Masíh kí is khássiyaat ká ishára kartá hai. (d) Jab Yisú ján dene ke wáste Yarúsalam men áyá, tab Yahúdiyon ne use Haikal men á gherá, aur bole, “Tú kab tak hamáre dil ko adhar men rakhegá? Agar tú Masíh hai, to ham ko sáf kah de. Yisú ne unhen jawáb diyá, ki main ne to tumhen kahá, aur tum ne yaqín na kiya: jo kám main apne Báp ke nám se kartá hún, yih mere gawáh hain,” Yúh. 10: 24, 25. Pas záhir hai, ki cháron musannif Yisú kí tabiáat aisí hí batáte hain.

18. Na sirf Yisú ke bayánát men mutábíqat hai, magar shágirdon kí suhbat ká bhí, jo wuh Ustád se rakhte the, ek taur se zikr kiya gaya hai. Maslan jab

Yisú pahle apne shágirdon ko samjháne lagá, ki mujhe insán ke wáste ján dená farz hai, to Marqus, Lúqá aur Yúhanná tīnon batáte haiñ, ki yih khabar shágirdon ko bahut ghabrá detí hai. Is ká samajhná unhen bahut hí mushkil thá. Wuh bár bár Ustád se us ke haqq men daryáft karne cháhte the, magar darté the, Lúq. 9: 45; Marq. 9: 32. Ek áur waqt ká bayán likhkar Yúhanná is kam samajhne aur hairán hone ká zikr kartá hai. Tab us ke bāze shágirdon ne, ápas men kahá, “Yih kyá hai, jo wuh hamen kahtá hai, ki Thorí der, áur tum mujhe na dekhoge; aur phir thorí der, áur tum mujhe dekhoge, aur yih is liye ki Main Báp pás játá hún? Ham nahín jánte ki wuh kyá kahtá hai.” So Yisú ne jáná, ki wuh cháhte haiñ, ki mujh se suwál karen, aur us ne unhen kuchh samjháya, Yúh. 16: 16-19.

19. Phir cháron Anájíl men ek áur mutábíqat gaur ke qábil hai, yane is bát men, ki jab Yisú ká muqaddamá Sanhedrin ke áge kiyá gayá, wuh kaisí halímí o sabr ke sáth jawáb detá thá! Marqus aur Lúqá donon is barí halímí ká zikr karte haiñ, jis se Yisú ne un sipáhion se, jo ~~us~~ ke pás use pakarne ke wáste áye the kahá, ki “Kyá tum talwáren aur láthiyan leke mujhe chor kí mánind pakarne ko áe ho? Main to har roz tumháre pás Haikal men talím detá thá, aur tum ne mujhe nahín pakrá,” Marq. 14: 48, 49; Lúq. 22: 52. Yúhanná bhí is halímí ká zikr kartá hai. Jab Sardár Káhin ne Yisú se us ke shágirdon aur us kí talím kí bábat púchhá, tab us ne barí farotání se jawáb diyá, ki “Main ne dunyá se alániyá báten kí haiñ, Main ne hameshá íbádat-khánon aur Haikal men, jahán sab Yahúdí jama hote haiñ, talím dí, aur poshídá kuchh nahín kiyá. Tú mujh se kyún púchhtá hai? Sunne-wálon se púchh, ki main ne un se kyá kahá.” Pilátus se kahá gayá thá, ki Yisú Yahúdion ká bádsháh kahlátá hai. Pas us ne Yisú se is hukúmat kí bábat suwál kiyá. “Yisú ne jawáb diyá, ki Merí bádsháhat dunyá kí nahín; agar merí bádsháhat dunyá kí hotí, to mere khádim larte, táki main Yahúdion ke hawále na

kiyá játá," Yúh. 18: 36. Phir Pilátus ne use dāntá, ki "Kyá tú nahín jántá, ki mujhe tere chhor dene ká bhí ikhtiyār hai, aur salīb dene ká bhí ikhtiyār hai? Yisú ne use jawāb diyá, ki Agar tujhe úpar se na diyá játá, to terá mujh par kuchh ikhtiyār na hotá," Yúh. 19: 10, 11. Jab ek sipāhí ne Yisú ko tamānchá mārā, tab Yisú ne halīmí se kahá, ki "Agar main ne burá kahá, to us burá par gawāhí de: aur agar achchhá kahá, to mujhe mártá kyúñ hai?" Yúh. 18: 22, 23. Yih wuh shakhs hai, jo kitní auraton se, jo us ke dukhon ko dekhkar rotí thin kahtá thá, "Ai Yarusalam kí Betiyo, mere liye na roo, balki apne aur apne bachchon ke liye roo," Lúq. 23: 27, 28. Yane shahr kí ánewálí halákat ke liye roo.

20. Ek áur lafzí mutábíqat kisí qadr chhipí hai, aur taubhí gaur karne se nikal áti hai. Matí kahtá hai, ki jab bág i Gatsamane men Yisú par jánkandaní áyí, to us kí duá yih thí, ki "Ai mere Báp, agar ho sake, to yih piyalá mujh se tal jáe," aur phir piyalé kí tashbíh ko kám men láke mángá, ki "Agar yih mere piye bagair nahín tal saktá, to terí marzí purí ho," Mat. 26: 39, 42. Marqus aur Lúqá bhí donon is piyalé ká zikr us kí duá men batáte hain, Marq. 14: 36; Lúq. 22: 42. Ab Yúhanná us duá ká, jo Gatsamane ke bág men Yisú ke munh se niklí, zikr nahín kartá hai, lekin taubhí wuh ek áur kalám ká zikr kartá, jis se záhir hai, ki Yisú us waqt apní musíbat ko ek piyalé ká píná sá jántá thá. Jab bhír us ke pakarne ke liye áyí, tab Patrus ne talwár kheñchí, aur ek shakhs par chaláyí. Yisú ne use mana kiyá, aur kahá, "Talwár ko miyán men kar; jo piyalá Báp ne mujh ko diyá, kyá main use na píñ?" Yúh. 18: 10, 11. Is se jáná játá, ki wuhí piyalé kí tashbíh us waqt Yisú ke dil men thí.

21. Wuh jurm, jise buzurg Yisú par sábit karne cháhte the, yih thá, ki wuh Haikal ká dushman hai, aur use dhá dene ko kahtá hai. Is ilzám kí kyá bunyád thí? Gawáh kahte the, ki "Ham ne use yih kahte suná hai, ki main is maqdis ko, jo háth se baná hai, dháungá, aur tén din men dúsrá banáungá, jo háth se na baná

ho," Marq, 14: 58. Yúhanná kí tasníf se jáná játé hai, ki Yisú ne kuchh aisá kahá thá, agarchí us ke mané âur the. Buzurgon ne us se púchhá, "Tú jo in kámon ko kartá hai, hamen kaun sá nishán dikhátá hai?" Yisú ne jawáb men kahá, ki "Is maqdis ko dhá do, to main use tén din men khará kar dúngá," Yúh. 2: 18, 19. "Magar us ne apne badan ke maqdis kí bábat kahá thá."

22. Ek âur mutábíqat námí aur pur-matlab hai. Ijmálí (Synáptik) Anájíl men marqúm hai, ki apní khidmat ke shurú men Yisú ne chand rasúlon ko muqarrar kiyá, jo ziyádatar us ke sáth chalen phiren, aur ki in ká shumár bárah thá, balki in ke námon kí fihrist bhí dete hain. Ab gaur kí bát yih hai, ki agarchi Yúhanná rasúlon kí taqarrurí ká zikr nahín kartá, na un ke námon kí fihrist likhtá hai, taubhí apní tamám kitáb men aise musáhibon ká ishára kartá hai, jo Yisú ke sáth phirá karte the. Na sirf yih, balki *wuh shakhs, jin ke nám aksar us kí Injíl men ziyáda páye játe, wuhí hain, jin kí taqarrurí, Matí, Marqus aur Lúqá, bayán karte hain. Úpar kí dalílon par gaur karne se sáf malúm hogá, kí wuh jo is ek Injíl ko khárij karne cháhte hain, nádání ká kám karte hain, aur ki jab kalísiyá shurú se is Injíl ko rasúlí aur ilhámí jántí thí, to us kí ráe durust thí.*

BĀB III.

BAIBAL KÍ SACHCHĀÍ KE BĀRE MEN ITTIFĀQÍ DALĀIL.

1. Báb dūsre men is qism kí dalāil ká zikr ho chuká hai, lekin sháyad baz log na samajhte hongē, ki is qism kí dalíl se kaise pukhtagí hásil hotí hai. Pas kuchh nazíren dení lázim hain. Jab ki kachahri men kisi shakhs ke khún karne ká muqaddamá ho rahá hai, tab bár bár yún dekhne men áyá hai, ki agarchi kisi ne us qaidí ko us marhúm ko máрте hue na dekhá, taubhí bahut sí chhotí chhotí ittifāqí báton ke mil jáne se, us ká khúní honá máná jātá hai. Hān ek bát akell use mujrim na thahráegí: do tīn báton kí gawāhí se kuchh shakk rahegá; magar yih báton jab mil jātí hain, tab log majbúran mán lete hain, ki qátíl yihí hai. Farz karo, ki sawere ko kisi shakhs kí lāsh parí huí milí, aur us ke sir men bará zakhm hai, jahān golí mārí gayí. Jab is májare kí tahqíqát kí gayí, tab kaí báton ke sabab ek parosí par shakk huá. Ab farz karo, ki jab us ká muqaddamá Jaj sáhib ke sámhne kiyá gayá, tab chand gawāhon kí zubání se chand báton sábit kí gayin. (a) Barason se is shakhs men aur marhúm men sakht ná-ittifāqí rahí hai. (b) Thore din hue is shakhs ne kisi ke sámhne bare gusse men áke marhúm ká nám leke kahá thá, ki main us zálím badmāsh ko mār hí dālúngá. (c) Jab marhúm ke zakhm se dāktar ne golí nikálí, to malúm huá, ki yih fulāne qism ke pistól kí golí hai. (d) Jab is shakhs ke ghar ke nazdík ke hauz men talāsh kí gai, to us qism ká pistól pání ke andar se nikálá gayá. (e) Us jagah se jahān lāsh parí thí, tís ek fut dūr dhúl men ek qadam ká nishān páyá gayá, jab yih nishān ek búṭ ke sáth, jise yih shakhs pahinā kartá thá, muqábalá kiyá gayá, to lambái chauráí wg., men thík mutábíqat thí. (f) Jis rát kí yih wáridát huí, ek parosí is shakhs ke ghar par nau baje shám ko ek suwál púchhne ke liye gayá thá, magar wuh ghar par hāzir na thá. (g) Ek sone kí jeb-gharí is shakhs ke gusl-khāne men, díwār ke andhere sūrakh men

chhipí huí páyí gayí, aur bad ko sábit huá ki marhúm roz use pahiná kartá thá. Ab dekhíye, ki yih daláíl aísí hai, ki agar un men kaí ek akolí hotín, to mumkin hai, ki un ká káfi jawáb diyá játá. Magar ek hí jawáb ká sabhon ke liye káfi honá ná-mumkin hai. Dalíl kí pukhtagí kisé ek bát par nahín, magar bahut sí báton ke milne par mauqúf hai. Yih ná-mumkin ma'lúm hotá, ki itní chhotí ittifáqí báten ek dam kisé ek shakhs kí taraf ishá'ia karen, agar wuh mujrim na ho. Aur yád kíjiye, ki is nazír men daláíl ká bará zor is bát men hai, ki in men kuchh taalluq nazar nahín áta hai. Pistol kí dalíl alag, jeb gharí kí dalíl alag, qadam kí dalíl alag, is shakhs ká apne ghar se gayí házir honá alag hai. Un men kisé tarah ká taalluq nahín aur taubhí sab ek zabán se is shakhs ko mujrim thahrátí hai. Un ká bará zor is bat men hai, ki yih sab ittifáqí báten hai, aísí nahín, jin ko koí, kháss matlab se bandish kartá hai. Dil kahtá hai ki agar yih dalíl bandish kí hotín, yane banáwatí hotín, to is tarah se ápas men na miltín

2. Bahut álimon ne sochá hai, ki is qism kí daláíl se Baibál kí sachcháí barí pukhtagí ke sáth sábit kí já saktí hai, yáne ki us men aísí beshumár chhotí sí ittifáqí báten hai, jo áp men to bahut zor nahín rakhtín, lekin jin ke milne se barí pukhtá dalílen miltí hai. Aur jaisá úpar kí nazír men, waisá hí Baibál kí in daláíl men, bará zor is bát men hai, ki un ká thík thík milná kisé insán ke náde se nahín, balki bilkul ittifáq se hai, yane sirf Khudá ke iráde se hai. Aur jab záhir hai, ki in báton ká ápas ká kuchh taalluq nahín hai, to záhir hai, ki yih banáwatí nahín, magar haqíqí hai. Chuná'chi Blunt sáhib aur Paley sáhib wg., ne is qism kí kitáben tasníf kí hai, jin ke parhne se imán kí barí páedaráí kí játí hai. Un men bahuterí aísí nazíren dí játí hai, jin men alag alag bayánát ápas men milkar ek dúsre ko qáim karte hai, yá jahán ek bát dúsre bát ko kámil kartí hai, yá ek bayán dúsre bayán par roshní dáltá hai, yá koí nabí kuchh kahtá, aur koí rasúl us bhed ko khol detá hai.

3. In ittifaqí daláil men ek barí khúbí yih hai, ki koi shakhs, jo Baibal ko bahut aur gaur karke parhá kartá hai, unhen kisi qadr apne wáste pá saktá hai, kyúñki yih gahrí nahín hai, balki úparí aur záhírí báten hai, jin ká zor dikháne ke liye álim honá hí zarúr nahín hai. Tamám Baibal aisi nazíron se mamúr hai. (a) Jab Ibráhím púrab se Kanaán men basne ko áyá, to gumán hai, ki úpar se, yane uttar ke ráste se, Karkanús aur Damishq kí taraf se hoke, áyá hogá. Baibal men is ká zikr nahín miltá, ki kis ráh se áyá, magar bad ko malúm huá, ki us ke bahut naukaron ká sardár Damishqí Eleázar thá. (b) Jab Yúsuf ke bháion ke dil men áyá, ki us ko gulámí men bech dálen, tab likhá hai, "Ek qáfilá dekhne men áyá, jo Jiliád se garm masáliḥ aur raugan i balsán, aur murr únton par láde hue átá hai, ki unhen Misr ko le jáwe," Paid. 37 : 25. To is men káí báten gaur ke láiq hai. Dúsrí ráh bhí ho saktí hai, magar púrab ke log ziyádatar is ráh se Misr ko játe the. Aise musáfir aksar qáfilon men jáyá karte the. Un kí sawarí ziyádatar únton kí hotí thí. Masáliḥ aur khushbúí kí chízen ziyádatar púrab se láí játi thín; kháss karke Jiliád raugan i balsán ká mulk thá. Phir yih bhí záhír hai, ki Misr men khushbú kí chízon ká bará kharch thá. Na sirf kháne men, aur 'ibádat karne men, yih chízen istiamál men láí játi thín, lekin láshon men bahut bharí játi thín, táki unhen sar jáne se bacháwen, aur lákhon Misrion kí láshon is tarah se bharí játi thín, jaisá ki Yúsuf ne apne báp ke sáth bhí kiyá. Ab Injíl men z'kr hai, ki jab Masíḥ maslúb huá, tab Nikodemus pachás ser ke qaríb murr aur ud milá huá us ke wáste láyá, Yúh. 19 : 39. To sochiye, ki Misr kí hazárhon láshon ke wáste kitná kharch hotá hogá?

4. (c) Yashú kis waqt Isráelí lashkar sáth lekar Yardan pár utrá? Us waqt us ká yún zikr thá, ki "Yardan nadí kí bárh sárfí fasl i rabí men har taraf se apne sab kanáron par hotí hai," Yas. 3 : 15. Phir us ká zikr yún huá, ki "pahle mahíne kí daswín taríkh," Yas. 4 : 19. Kyá ham áur tarah se is bát kí sachohái

ko sábit kar sakte haiñ ? Yih din Íd i Fasah ke chár din áge thá. Magar Isráelí Íd i Fasah ke waqt Misr se rawáná hue. Us waqt kheton men fasl taiyár thí; kyúnki un das áfaton men se, jin se unhon ne riháí pái, ek oлон kí áfat thí, jis ká yih bayán hai, ki “Oлон se alsí aur jau máre pare: kyúnki jau ke k̄hoshe á chuke the, aur alsí bar̄h chukí thí,” K̄hur. 10: 31. Ab dekhiye, ki thík aise mausim men Yashú Yarden pár utartá hai, aur fasl ká mausim hai, aur alsí kaṭ chukí, aur ghar men rakhí gaí hai; kyúnki jab Yashú shahr men jásúson ko bhejtá hai, tab Ráhab un ko apní chhat par charhá le játí, aur alsí kí lak̄ron ke níche chhipátí hai, Yash. 2: 6. Ab is alsí men aur us alsí men kuchh taalluq nahín, is fasl men aur us fasl men chálís baras ká arsa hai; magar donon bayán se malúm hai, ki musannif ne waqt ko thík batáyá, aur ki us waqt Yarden men bahut pání bahtá thá. (d) Jab Músá ne bárah jásúson ko pahle bhejá, ki Kanaán kí jásúsi karen, to wuh lautkar is bayán se jamáat ko daráthe the, ki “Ham ne wahán baní Anáq ko bhí dekhá,” Gintí 13: 28. Ab bazon ne sochá, ki Yashú’ ne un bahádu-ron kí nisbat bhúl kí, kyúnki us kí kitáb men yún hai, ki “Usí waqt Yashú’ ne áke baní Anáq ko káṭ dálá;” Yash. 11: 21. Magar wuh yih kahte haiñ, ki Dekho, is ke bahut din bad wahán baní Anáq bane rahe, balki un men se ek, yañe Júliyat Dáúd se mára gayá. To ham dekhén, ki Yashú’ ke bayán men bhúl hai, ki nahín ? Bhúl nahín hai, kyúnki Yashú’ ke bayán men tén Filistí shahr mustasná kiye gaye, “Kó (Anáqí) báqí na rahá, magar Azáb aur Ját, aur Ashdúd men chand báqí the,” Yashú’ 11: 22. Ab yád átí hai, ki Júliyat in mustasná shahron men se thá, jaisá us ke nám se jáná játá hai. Játí Júliyat, alqissá tén gawábon kí madad se, yañe Músá aur Yashú’ aur Samuel kí madad se, yih bhed khul játá hai, kyúnki tñon men ajíb muwáfiqát hai, taubhí un men se ek bhí is bhed kí nisbat k̄hiyál na kartá thá. Un ká milná ittifáqí, yañe Khudá kí parwardigári se hai.

5. (e) Jab Yúnáh nabí Nínawáh men pahunchá, aur

manadī kartā thā, tab yih marqum hai, ki badshāh aur raiyat taubā karte, aur bare se chhoṭe tak taṭ pahinte, balki yih bhī ishārā hai, ki na sirf insān balki haiwān bhī taṭ se mulabbas hue Yūnah. 3: 8. Is par be-īmān log haṁste haiṁ. Pūchh'ē haiṁ, ki kyā bail aur gadhe taubā karte, aur mātām karte the? Magar koī na haṁse, kyūnki shurū hī se zamīn aur haiwān insān kī khushī aur gamī men kisī qadr sharākat pāte āe haiṁ. Main Inghlstan ke ek bare shahr men un dinon men pahunchā, jab Edward bādshāh ke marne ke sabab wahān gamī ho rahī thī. Bahut se gharon ke pīlpāyon par mātām kā kaprā laṭkā aur liptā huā thā. Shahr kī sarakon men bhī ūdāsī malūm hotī thī, kyūnki jitnī *ladies* un men nikaltī thīn, sab rangīn poshāk ko tark karke kāle kapron ko pahintī thīn. Kyā pīlpāy aur sarakon mātām kar saktī haiṁ? Kitābon se jānā jātā hai, ki Yūnah kā bayān thīk hai, balki āur bhī mulkon men jānwaron ke zariye se bhī insān ne apnī ranjīdagī zāhir kī hai. Plūtārch kī tasnīf muṭabar hai. Us men yih bayān milātā hai ki ek Yūnānī fauj kā sandār apnī fauj kā aisā pyārā thā, ki us ke marne par unhon ne nā sirf apne sāon ke bāl mundwāc, balki apne ghoron kī dumon ko bhī katwāyā. Us kī tasnīf men yih bhī likhā hai, ki Sikandar buzurg kā ek nihāyat dil-āzīz dost thā, yahān tak ki jab wuh mar gayā, tab Sikandar ne na sirf āp ne mātām kiyā, balki fūran hukm diyā, ki us ke sab ghoron aur khachcharon kī dumen aur ayālen kāṭī jāen. (f) Ek āur khafīf sī bāt hai, jo khafīf hone se bhī Nawishton kī sachchāī par dalālat kartī hai. Jis waqt kī Abisalūm kī bagāwat ke sabab Dāūd Yardan pār jātā thā, tab ek buddhe raīs ne us par barī mihrbānī dikhāī, aur us pās rasad pahunchāī. Bad ko bādshāh ne chāhā, ki is dostī ke 'iwaz men is buddhe ko apne pās bulāwe. Buddhe ne jāne se inkār kiyā, kyūnki assī baras kā thā, balki apne bete Kimhām ko Dāūd ke pās bhejā, 2 Sam. 19: 31-40. Ab agarchī Baibal men is kā charchā na bhī ho, taubhī dil kahtā hai, ki Dāūd ne, jo aisā barā dost aur faiyāz dil thā, zarūr Kimhām ko koī uhdā, yā koī jāgīr, yā koī

zamín, 'inám ke taur par dí hogí. Magar Samúel kí kitáb meñ kisi 'inám ká zikr mutlaq nahín miltá hai, aur ham apne dilon meñ taajjub se púchhne lagte hain, ki kyá yih ho saktá hai, ki Dáúd apne taklíf ke dinon ke madadgár ko bhúl gayá? Kyá us ne us khándán ke wáste kuchh bhí nahín kiyá? Khair, saikron din guzar gaye, Yaramiyáh ke din áe, aur Yarúsalam shahr Kasdion ke qabze meñ á gayá. Yahúdáh ke bahut se jangí maid, apne khándán ko sáth lekar, Misr meñ bhágne ko ikatthe hue, magar Baitlaham meñ pahunch-ke arse tak thahar gae, tá dekhe, ki Kasdí kyá karenge! Magar Baitlaham chhotí sí bastí thí, to aisi bhír ke wáste jagah kahán milegí? Likhá hai, ki "Wuh rawána hue, aur Kimhám kí suráe meñ, jo Baitlaham ke nazdik hai, á rahe," Yar. 41: 17. Is se fauran gumán paidá hotá hai, ki Dáúd ne us jawán Kimhám par dostí dikháí, aur jágír ke taur par use ek qítá zamín de dí, balki apne kháss shahr Baitlaham ke pás de dí; aur dekho, chár sau baras bad bhí jaisá Yahúdiyon meñ dastúr thá, wuh zamín Kimhám ke nám se chalí áti hai.

6. (g) Baibal meñ Moáb kí bádsháhat ke बारे meñ ek ahwál hai, jis se bahut logon ke dil meñ shakk paidá huá hogá, ki aisi bát kabhí na huí hogí. Ahwál yún thá, ki "Moáb ká bádsháh Mísá bahut sí bher bakrí ká málík thá, aur Isráel ke bádsháh ko ek lách barre, aur ek lách mendhe ún samet, hadye bhejtá thá," 2 Sal. 3: 4. Magar Akhiab mará, aur Mísá ne, is ko achchhá mauqá jánkar, bagáwat kí. Tab Isráel ne Yahúdáh ke sáth milkar fauj bhejí, ki Mísá ko phir qabze meñ le áwe. Is fauj se Mísá hár gayá. Wuh apne sáth sát sau jawánon ko lekar ek qítá meñ ghus gayá, aur wahán Isráel ne us ká muhásará kiyá. Tab Mísá be-himmat ho gaya, aur "Ús ne apne बारे beṭe ko, jo us kí jagah bádsháh huá cháhtá thá, díwár par sokhtaní qurbání karke guzráná," 2 Sal. 3: 27. Is khaufnák qurbání ke sabab se Isráelí pareshán kiye gae. Sochne lage, ki hamáre khauf se Mísá ne yih kám kiyá hai; kásh ki is बारे gunáh ká intiqám ham se

liyá na jáe; so wahán se bhágkar apne mulk ko wápas chale gae, aur Mísá ne sochá hogá, kí Kamús mere deotá ne is qurbání kí bú súnghkar mujhe rihái bakhshí. Yih ajab ahwál dekh partá hai. Bihut log kahte the, kí yih bayán thík na hogá. Aisi bát kabhí waqí nahín huí hogí. Lekin áj kal aise íatiráz karnewále sharmindá kiye gae, kvúñkí San Iswí 1868 men Dibán nám gáñw men is Mísá ká nasb kiyá huá ek sutún (*Moabite stone*) páváyá gayá, jis men wuh áp apná jhagrá Isráel ke sáth thá bayán kartá hai. Jab sáhib log is sutún ko mol lene cháhte the, tab Arab log ápas men us ke haqq men larné lage, aur sutún chúr chár kiyá gayá, lekin us ke chand tukron ke likhe hue alfáz tarjumá kiye gae haiñ. In men ishárá miltá hai, kí Mísá ek waqt Isráel ke sámhne hár gayá. Kahtá hai, “Moáb bahut din tak Isráel se tang kiyá gayá, kvúñkí Kamús apne mulk se khafá thá” Bad ko yih kahta hai, “Mere dinon men Kamús ne Moáb par nigáh kí,” ýane us ne Isráel par fath páí. Dekho, kí Yisú’ ká kalám kis tarah se purá hotá hai, kí “Agar mere log chup rahenge, to patthar chillá uthenge,” Lúq. 19: 40.

(h) Daniel kahtá hai, kí Belshazzar kí hukúmat men Bábúl shahr Fársion ke qabze men áyá. Bahut log is ká inkár karte haiñ, kí aisá nahín huá, balkí tawárikhí kitábon se jáná játá hai, kí Nabonnidus us waqt Bábúl ká bádsháh thá. Pahle is íatiráz ká jawáb dená mushkil thá, magar kisi ne wahan kí mittí men khodkar ek qadím kitábá páyá, jis se do báton kí khabar milí; auwal yih kí Nabonnidus ká ek betá Belshazzar náme thá, doyam yih, kí betá bad ko báp ke sáth hukúmat men sharík kiyá gayá. Pas báp kí gair házirí men shahrwále beté ko bádsháh kahá hogá. Jab is tarah se bhed khul gayá, tab log yád karne lage, kí Baibal hí men is díní hukúmat ká zará sá ishára miltá hai, aur ham ne úpar is bát ko sábit kiyá, kí aisi khaff bátón kí gawáhí, bare zor kí gawáhí ho saktí hai, kvúñkí kisi ádmí kí kashish se wuh nahín bantí haiñ. Dalíl yih hai, kí jab ek háth ne díwár ke gach par kuchh likhá, tab Belshazzar ne wáda kiyá, kí “Jo koí

is kitāba kí tabír kare, wuh mamlúkat men tísre darje ká hákim hogá,” Dan. 5: 7. To log púchhte the, kí bádsháh kyún tísre darje ká zikr kartá hai? Cháhíye thá, kí tabír karnewálá dúsrá darjá páwe, yane bádsháh ke bad. Ab ham is ká jawáb de sakte hain, Belshazzar Dániel ko dúsrá darjá nahín de saká, kyúnki wuh ap dúsrá darjá rakhtá thá, aur us ká wálid pahlá darjá.

7. Is qism kí nazíren Injil men bhí miltí hain. Ek chhotí bát dúsrí bát par 10hní dálí hai. Ek bayán dústre bayán ko zor bakhshtá hai. Ek kalám men bhed miltá, jo dústre kalám se khul játá hai. (a) Paulús farmátá hai, “Main zanjír se jakrá huá elchí hún,” Ifs. 6: 20. Kyá wuh sachmuch kí-í waqt zanjíron se jakrá huá thá? yá yih sirf majází kalám hai? Us ne ap hí duá kí, kí Khudáwand Unesifurus ke gharáne par rahm kare, kí “Wuh merí zanjír se sharminda na huá,” 2 Tim. 1: 16. Aur Romá men us ne Yahúdí raíson se kahá, “Isráel kí ummed ke sabab (jane Masíh kí intizárí ke sabab) main is zanjír se jakrá huá hún,” Aam. 28: 20. (b) Rasúlon ke zamáne men “Us kalísiyá par jo Yarusalam men thí, bará zulm barpá huá,” aur jawán Paulús us men shárik thá, Aam. 8: 1. Kyá yih ilzám Paulús par sábit ho saktá hai? Hán wuh ap hí bad ko mán letá hai, kí “Main Khudá kí kalísiyá ko azhadd satátá aur tabáh kartá thá,” Gal. 1: 13.

8. (c) Lúqá is bát ká zikr kartá hai, kí Paulús ká muríd Timtáús ek Yahúdin ká betá thá. Agarchi is bát ká subút nahín miltá hai, taubhí sach hogí; kyúnki Paulús us se kahtá hai, kí “Tú bachpan hí se pák Nawishton se wáqif rahá hai.” Agar mán Yahúdin na hotí, to bachchá kyúnkar pák Nawishton ko síkhtá? Is chhotí sí bát men Paulús aur Lúqá ek dústre ko pukhtagí dete hain. (d) Phir Lúqá khabar detá hai, kí “Us waqt ke Sadúqí log kahte hain, kí qiyámat hai hí nahín?” Lúq. 20: 27. Yúsífas, jo rasúlon ke zamáne ká Yahúdí thá, magar Masíhion ká dost na thá, kahtá hai, kí Sadúqion ká gumán yih thá, kí jab jism mar játá, tab ruh bhí us hí ke sáth mar játí hai. To

agar koí iatiráz karke kahe, ki yih ho nahín saktá, ki Yahúdí logon ke bích men, jin kí díní rasúmát aisí achchhí thín, agar jin ko itne bare bare nabí díní tálím de chuke the, aisá koí bedín firqá barpá ho, to rasúl aur Yahúdí muarrikh donon us ke iatiráz ká jawáb dete hain.

9. (e) Lúqá kí, aur Yusífas kí gawábhí, ek âur chhotí sí bát men miltí hain. Lúqá kahtá hai, ki janam ká langrá roz Haikal ke us darwáze par, jo Kbhúbsúrat kahlátá hai, bitháyá játá thá, Aam 3: 2. Ab Baibal men is bát kí kha bar nahín miltí hai, ki yih kaun darwázá thá? aur kyún is nám se kahlátá hai? magar Yusífas âur qism ke ahwál ká bayán kaike farmátá hai, ki Haikal ká fulána darwázá, " Aur sabhon se fauqiyat rakhtá thá. kyúnki us par sone chándí ke moté moté pattar marhe hue the." (f) Yahúdí log bailon ko qurbání charháne ke wáste Haikal men láyá karte the. Magar jab Lustre men Paulús aur Bar-Nabá deote samjhe gae, to likhá hai, ki mandír ká pujári bail aur phúlon ke bár le ákar un kí parastish karná cháhtá thá, yane matlab yih hogá, ki phúlon ke bár se singár kiyá huá bail le áyá, Aam. 14: 13. Plútárch ne bhí farmáyá, ki Romion men bhí kabhí kabhí aisá dastúr dekhne men áyá. Maslan ek fauj ne barí fath hásil kí; jab phir ghar lautí, tab us ke sardár ke wáste izzat ká ek bará tamáshá kiyá gayá, jis men 120 moté moté bail, jin ke sing sone se marhe hue, aur jin ke gale men phúlon ke bár latkáye hue the, liye játe the.

10. (g) Paulús ne Jazíra i Krete ke baz muallimon par yih ilzám lagáyá, ki " Yih log nájáiz nafa kí khatír násháistá báten síkhákar ghar ke ghar tabáh kar dete hain," Tít. 1: 11. Is men malámat kí tén báten hain, yane bigárnewálí báten síkhána, aur in se gharon ko bigár dená, aur is ko bure lálach se karná. Kyá koí samjhegá, ki yún kahkar Paulús Krete ke logon par ziyáda saht kalámí kartá hai? Nahín, kyúnki Plútárch un ke Perseus náme ek sardár ká ahwál likhkar yih batátá, ki wuh námí lálchí thá, aur ek dafa

us ne apne sipáhion ko wada kiyá, ki agar tum fuláná bhárí kám karo, to main tum ko bará inám deungá. Jab sipáhion ne kám kiyá, tab us ne inám dene se inkár kiyá. Aur Plútárch is dágá ká yih zikr kartá hai, ki “Sardár yún Kreton ke sáth Kretí dastúr par chala.” (h) Injíl men do báton ká zikr hai, ki Yisú ko salíb dene ká hukm Pilátus se diyá gayá, aur ki us ke maslúb hone ke thore din bad us ke shágird Khristián (Masíhí) kahláthe the. Tacitus Romí muarrikh ko Masíhion ke haqq men kam khabar milí hogí, aur jo milí, so Yahúdí dushmanon se milí hogí, taubhí us kí tawárikh men, is qism ká jumlá páyá játá hai, ki “Aise log the, jinhen awwám Khristián kahte the, aur un kí barí sharárat ke báis un se nafrat rakhte the: aur Khristus nám un ke hádí ko Pilátus ne mujrim thahráke qatl kiyá,” yane dushman ke munh se bhí kaí báton kí gawáhí miltí hai.

11. (i) Ek áur dushman kí gawáhí dekhne men áti hai. Lúqá ne farmáyá thá, ki “Klaudiys (Qaisar) ne hukm diyá thá, ki sab Yahúdí Romá se nikal jáen,” Aam. 18: 2. Sintonius muarrikh kí tasníf men ham yih jumlá dekhte hain, ki “Klaudiys ne sáre Yahúdiyon ko Romá se is wáste khárij kar diyá, ki wuh hameshá kisi Khrestus náme shakhs ke uksáne se bagáwatan barpá karte the.” (j) Jab dihát men 5,000 log Masíh kí báton sunte sunte bhúkhe ho gae, aur shágird log kahne lage, ki in ko yahán se rawána kar díjye, ki din dhal gayá hai, tab Yisú ne Filippus se púchhá, ki “Ham in ke kháne ke liye kahán se rotíyán mol le?” Yúh. 6: 5, to us ne yih suwál Filippus se kyún kiyá? Is ká jawáb us jagah nahín miltá hai. Magar dústre bayánon se khabar miltí hai, ki wuh bhír Baitsaidá ke nazdík ke ek maidán men ikatthí huí thí; aur Yúhanná kahtá hai, ki Baitsaidá Filippus ká shahr thá, Yúh. 1: 44; pas wahán ke gánwon, bázaron se wáqif huá hogá. (k) Ek khatt men Paulús Fíbe ko, jo Kinkbriyá kí kalísiyá kí khádimá thí, apná salám bhejhtá hai, Rom. 16: 1, is se gumán kiyá jáegá, ki wuh kisi waqt us shahr men gayá hogá. Yih gumán

thík hai, kyúñki Lúqá farmátá hai, ki ek waqt men
 “Us re mannat mání thí, aur is liye Kirkhríyá men
 sir mundáyá.” Aam. 18: 15. (b) Kulussí Masíhion ko
 likhkar Paulús ne Unesimus ke haqq men yih batáyá,
 ki “Wuh tum men se hai,” yane Kulussí ká ádmí hai.
 Kyá yih bát sukút tak pahúnchtí hai? Hán pahúnchtí
 hai, magar tab, jab ham kái ek kitábon ko dekhen.
 (1) Yih shakhs Filemon ká gulám thá, Fil. 16. (2)
 Filemon wahán rahtá thá, jahán Arkhippus bhí, Paulús
 ká ek dost rahtá thá, kyúñki donon ko ek hí khatt
 men salám bhejá játá hai, Fil. 2. (3) Arkhippus
 Kulussí shahr men rahtá thá, kyúñki wahán ke
 Masíhion se yih kahá játá hai, “aur Arkhippus se kahná,
 ki jo khidmat Khudáwand men tere sipurd huí hai,
 use hoshyárí ke sáth anjám de,” Kul. 4: 17. (4) Yún
 sábit huá, ki Filemon (aur agar wuh to us ká gulám
 bhí) Kulussí men rahne wálá thá. Úpar kí nazíron se
 sábit huá, ki agarchi ják nawishte alag alag sadiyon
 men, aur qism qism ke logon ke háthon se qalamband
 hue, taubhí un ke bayáráat ajíb tarah se milá karte,
 aur ek dústre ko qiyám bakhshste haiñ. Bádsháh aur
 machhwá ek hí áwáz se bolte, aur nabí aur rasúl chhotí
 chhotí báton men bhí mutábíqat rakhte haiñ. Patras
 kí mánind hamen bhí kahná hai, “Khudáwand ká
 Kalám abad tak qáim rahegá,” 1 Pat. 1: 25.

BĀB IV.

ILHĀMĪ KITĀB KE HAQQ MEN IĀ'TIRĀZĀT.

1. Baz log yih iātirāz karte hain, ki ham Baibal ko is liye K̄hudā kā Kalām nahīn mān sakte hain, kyūnki Us kī kitāben ādmion ke hāth se qalamband kī gayī hain. Us kī tasnīf men ek insānī hissā hai, aur insān bhūl chūk karnewālā hai. Pas Baibal bilkull iātibār ke lāiq nahīn hai. Yih aisī bhūl hai, jaisī un logon kī, jo kahte hain, ki jis hāl kī Masīh men pūrī insāniyat thī, pas Us men gunāh karne kā imkān bhī thā. Yād rahe, ki Masīh men pūrī insāniyat thī, magar aisī insāniyat, jo pahle Rūh-ul-Quds se pāk kī gayī thī. Aisī insāniyat, jo be-gunāh ho hī saktī hai, kyūnki jab ādmī paidā huā, tab us kī aisī insāniyat thī. Masīh kī insāniyat be-gunāh thī. Insān ko jab tak ilhām kī niāmat bak̄hshī na jāe, wuh bhūl karnewālā hai. Is niāmat ko pākār, wuh paigām i Ilāhī ke dene men bhūl chūk na karegā. Ilhām kisī ko muqaddas nahīn kartā hai, kyūnki wuh is matlab se diyā nahīn jātā hai. Masīh kī insāniyat gunāh nahīn kar saktī thī, kyūnki ulūhiyat ke sāth jorī gayī thī. Yasaiyāh gunahgār insān thā, taubhī galat nabūwat nahīn likh saktā thā, kyūnkiyih Āsmānī qūwwat use galat nabūwat se bachātī thī. Ham mānte hain, ki Baibal men ek insānī hissā hai, kyūnki Rūh-ul-Quds ādmion ke wasīle se use likhwātā thā, aur yih Rūh kī tāsīr wuh bāt hai, jis ke sabab se yih Nawishte iātibār ke lāiq ṭhaharte hain. Is ilhām ke bagair wuh insānī kitāben hotīn; lekin wuh ilhāmī pākār K̄hudā kī kitāben ṭhahartī hain. Rūh-ul-Quds ne chāhā, ki bahuterī zarūrī talīmāt ko dunyā men zāhir kare. To yih tajwīz kī gayī, ki Mūsā, Samūel, Dāūd, Yasaiyāh, Yūhannā, Paulūs, aur aise chand ashk̄hās ko ek ruhānī qūwwat bak̄hshī jāe, jo K̄hudā ke dīnī paigām ke dene men unhen galatī se bachāwe. Pas un kī kitāben bilkull mānne ke lāiq hain. Wuh ruhānī tāsīr in ko jhūṭh se bachātī hai. Pas yih ilhāmī kalām bilkull mānne ke lāiq hai, kyūnki Kalām i Rabbānī hai.

II. Baz log Baibal kí sachcháí ke k̄hiláf ek áur iatiráz pesh kahte hain, ki do chár ávaton men wuh kaí báton ko, unki haqíqat ke mutábíq nahín, magar insán kí bolchál ke mutábíq, bayán karte hain. Maslan jab Yashú Amíron ko ragedtá thá, tab us kí barí k̄hwáhish yih thí, ki wuh din lambá ho jáe, táki wuh apní fath ko púrí kar de. So us ne kahá, “Ai áttáb, Jibáún par thahrá rah, aur ai Mahtáb, tú bhí wádí i Aiválím ke darmiyán,” Yash. 10: 12. Chunághí ek muajiza kiyá gayá, aur Yashú ne apne káin ko tamám kiyá. Iatiráz karnewále kahte hain, ki is muajiza ká bayán thík nahín kiyá gayá. Beshakk bayán agle dinon ke bayán ke mutábíq hai. jab log sochte the, ki dunyá ek jagah qáim rahí aur súra j us ke gird gardish kartá hai, jaisá hamáre ánkhon kí gawáhi bhí hotí hai. Magar áj kal yih bát ek bhúl sábit kartí hai, aur haqíqat yih hai, ki dunyá wuh hai, jo súra ke gird gardish kar rahí hai. Is ká káfi jawáb yih hai, ki áj kal bare bare úlamá, jo k̄húb jánte hain, ki dunyá kí gardish hotí hai, wuhí muháwará jo Yashú ke din men láyá játá thá, kám men láte hain, kahte hain, ki súra chha baje subh ko uthegá. Aur agar dúsrá muháwará Yashú kí kitáb men miltá, to parhnewálon kí samajh men na átá.

III. Pichhlí do tín sadiyon men ilm kí wáqifiyat men barí taraqqí ho gayí hai, aur agar Babil, jo saikron baras áge qalamband huí, Iláhi kitáb na hotí, to zarúr bahut báton men wuh maujúdá ilm kí wáqifiyat ke k̄hiláf bayán kartí. Magar ajib bát yih hai, ki bahut báton men wuh áj ke ilm ke sáth mutábíqat rakhtí hai. Magar Paidáish kí kitáb par gaur karo. Bahut qaumon kí díní kitábon men dunyá ke shurú ká zikr hai. Rúh aur mádda ke haqq men, insán aur haiwán kí paidáish ke haqq men, súra chánd aur sitáron ke shurú ke haqq men, k̄hiyálát pesh kiye gaye. Magar un men se ek bhí nahín miltá, jo áj kal ke ilm se aisá mile, jaisá Músá ká bayán miltá hai. Wuh kitáben aisi galation se bharí hain, jin se Músá bach gayá; aur kyún bach gayá, kyúnki Rúh ká ilhám use bachátá thá. (a) Aglon ká gumán thá, ki Nestí se

hargiz kuchh hast na ho sakegá. Is liye sochte the, ki máddá azalí hai. Tab to K̤hudá ne use leke dunyá ko paidá kiyá. Magar Músá ne aisá na sochá, farmáyá, ki “Ibtida men K̤hudá ne ásmán ko aur zamín ko paidá kiyá,” aur lafz paidá ke mane haiñ nestí se hast karná. (b) Bahut se álim kahte the, ki jo kuchh hai, so K̤hudá hai: ki K̤hudá ke siwáe kuchh hai hí nahíñ. Is ke k̤hiláf Músá ne batáyá, ki K̤hudá hai kárigar, aur k̤hilqat hai us kí kárigarí. (c) Agle dinon ke bahut se muallim K̤hudá ko k̤hud-hast aur k̤hud-muk̤htár nahíñ batáte the. Bāz sochte the, ki qismat K̤hudá se bhí zabardast hai. Bāz kahte the, ke deote bhí karm-bas haiñ, aur is gulámí se hargiz chhút na sakeñge. Ilhám ke likhnewále aisí bhúl nahíñ karte haiñ. Músá ne apne zabúr men farmáyá, “Peshtar us se ki pahār paidá hue, aur zamín aur dunyá ko Tú ne banáyá, azal se abad tak Tú hí K̤hudá hai.” (d) Bahut álimon ne yih na jáná, ki tamám k̤hilqat men ek hí intizám, ek hí Málík kí marzí nazar átí hai, jaisá Músá ne samjhá, aur jaisá nabí ne farmáyá hai, ki “Us ne kis se mashwarat lí hai, jo ki use talím de, aur use adálat kí ráh sikhláe, aur use marifat kí bát batláe, aur hikmat kí ráh se ágáh kare? Dekh, qaumen dol kí ek búñd kí mánind haiñ, aur palre kí mahín gard kí mánind gíní játí haiñ: dekh, wuh bahrí mamálik ko ek zarre kí mánind uṭhá letá hai.” Yas. 40: 14, 15.

Is se bhí ek bháří iatiráz baẓon se sunte haiñ, ki jab ham púchhte haiñ, ki tum is ilhám kí nayí qism kí talím ko kyúnkar sikháte ho? to wuh jawáb dete haiñ, ki ham Baibal ko kisí tarah se ilhámí kitáb nahíñ mán sakte haiñ, kyúnki agar wuh haqíqat men Kalám i Rabbání hotá, to us ke bayánát men kisí qism kí muk̤hálifat na hotí. Lekin ham bár bár apní Baibal men muk̤hálif bayán páte haiñ. Maslan, (a) Likhá hai, ki Yashú ke dinon men baní Isráel Lasím (Láish) náme shahr par qábiz hue, aur Dán ká firqá waháñ basáyá gayá, aur shahr ká nám badal gayá, yane us ká nám us firqe se Dán mashhúr huá. Magar yih galat bayán hogá, kyúnki is se chand

baras áge, jab Músá Nibú kí chotí pai khará thá, tab use zamín Dán tak dikháí dí. Balki is se saukron baras áge is jagah ká nám Dán thá, Yash. 19: 47; Ist. 34: 1; Paid. 14: 14. (b) Dúsrí mukhálifat yih nazar áti hai, kí Lúqá likhtá hai, kí Yisú kí muajizána paidáish kí khabar Mariyam ko firishte kí zabání dí gayí. Magar Matí likhtá hai, kí firishte ne is bát kí khabar Yúsuf ko dí, aur waqt bhí dúsrá huá hogá. (c) Tísrí mukhálifat yih paí játí hai, kí likhá hai, kí Samúel jab tak jiyá, Isráel par hukmáñ raha, 1 Sam. 7: 15. Lekin záhir hai, kí Samúel barason tak mulk ká bádsháh thá. Ab záhir hai, kí agar Baibal aisi ilhámí kitáb hotí, jaisí log mánte hain, to aisi jhúthí báten us men hugiz na hotín. Hamára jiwáb yih hai, kí in tinoñ mazkúra báton men ek bhí jhúthá nahín hai, balki ek ek ka biyán ho saktá hai. (a) A'limon ne kahá hai, kí Dán aisi jagah thí, jaisí Allahábád, jis ke zamánon ke guzarte hí kaí nám mashhúr hue. Ibrahim ke dinon men Dan nám ek sotá thá, jis ke pás charwahe apne jhundon ko charáthe the. Bad ko us sote ke pás Láish nam ek gáñw ban gayá. Barason ke guzarte hí, us gáñw ká nám Lasim ban gayá. Yashú kí lúaton men baní Dán Lasim par qábiz hue, aur wahan abad hokar ek shahr banáyá, aur us sote se, aur apne bap ke nám se us ábádí ko Dán nám diyá. Is kí yih misál suno : kahte hain, kí Tribení ke nazdík ek Hindu muní, aur us ke chand dost parosí, rahte the. Malúm nahín kí us jagah ko kyá nam dete the. Jab wahan bastí ban gáí, tab us ko Pryág nám diyá gayá, balki baz Hindu áj tak is nam ko kám men láte hain. Jab Musalmán us bastí par qábiz hue, tab dekhte the, kí bahut múraton kí pújá yahan kí játí hai, aur nám rakhá Iláhábád. Lekin yih nám bahuton ko nápasand huá, so ab use Allahábád nám dete hain; magar hai wuh muní kí ábádí. (b) Firishte ká zikr bhí ásan hai. Firishte ne pahle yih ajib khabar Mariyam ko dí. Magar larquí aisi bát ká zikr apne ádmí se kis tarah kar saktí? Wuh zarúr gumán kartí, kí merá ádmí hargiz aise bayán ko mere munh se qabúl na kar

sakegá: so chup rahná pará, jab tak firishtá us ko bhí khabar na dewe. Chunánchí chand roz bad firishte ne Yúsuf ko bhí is bát kí khabar dí. (c) Jab ham Samúel ke bayán par gaur karte hain, to yád karná cháhiye, ki wuh pahle do qism kí hukúmat, ek nabí hokar, aur dúsrá qází hokar rakhtá thá. Jab Sáúl takht nishín kiyá gayá, tab qází ká ikhtiyár us ke háth men diyá gayá, lekin Samúel ká díní ikhtiyár, jo nabí hoke rakhtá thá, wuh umr bhar rakhtá rahá.

IV. Yih muatiriz bahut sí áyat men námuwáfiqat batá chuke hain, magar un ke haqq men kái báton ko kahná partá hai. (1) Yih áyat jin kí bábat shakk batáyá gayá hai, wuh aisi nahín hai, ki jin men bhárá díní nasíhaten dí játí hain. Un men waqton aur shumáron aur jismání wáqiát ke isháre hain. Chunánchí baz álimon ká khiyál hai, ki Khudá nabí aur rasúl ko sirf us waqt ilhám kí tásír bakhshtá thá, jab wuh díní talím likhtá thá, aur jab musannif yá sarkárá aur zamíní báton ká zikr kurtá thá, to use apne 'ilm o dánái par chhor detá thá. Ham aisé nahín mánte hain, taubhí sach hai, ki Baibal kí díní talímen aksar barí safái se síkhái játí hain. (2) Agar koí kahe, ki Baibal kí koí áyat us kí kisí dúsrí áyat ko sáf jhuthlátí hai, to ham us kí minnat karte hain, ki dalílen lá karke aise ek áyat ko jhúthí sábit kare. Ham ko Baibal kí koí aisi áyat malúm nahín, jo jhúthí sábit huí ho. Hán chand aisi to hain, jin men úpar kí tén nazíron ke mutábíq Baibal ke mukhálif ikhtiláf sábit karne cháhte hain. Lekin hamára gumán yih hai, ki sirf hamári kam-wáqifiyat, aur samajh kí bhúl ke sabab se, yih ikhtiláf maná játá hai, aur koí roz, jab logon kí dánái in báton ke haqq men barhegi, to yih sochí huí mukhálifat káfúr ho jáegi, jáisé ki bahuterí áyat ke haqq men káfúr ho chukí hai. (3) Baz logon ká yih khiyál hai, ki agar Khudá Baibal kí kitábon ke tasníf karte waqt nabí aur rasúl ko ilhám bakhshe, ki paigám ke dene men koí galatí na ho, to áj bhí aisi hí qúwat bakhshegá, táki in jildon o tarjumon ko, jo hamáre háth áte hain, sári galation se bacháe rakhe, Magar

yih aur qism kī bāt hai, jo insān kī sargarmī o hoshyārī se ho saktī hai; pas Khuda ne hungiz wadī nahīn diyā hai, ki main is hifāzat ke kam ke wāste ilhāmī quwat bakhshūngā. Beshakk agar chahtā, to aisā ilhām bhī bakhsh saktā, aur zamānā ba zamānā wuh har ek naql-nawīs, aur chhāpe khāne ke kārguzār ko Baibāl ke likhne aur chhāpne mein galatī se bacha saktā thā. Magar aql kahtī hai, ki Khudā hargiz aisā na karegā. Kyūn? Kyūnki is kī kuchh hājat nahīn hai. Jab kī Khudā apnā paigām ilhām ke zariye se insān ke hāth mein pahūnchā chukā hai, balkī kitāb mein likhkar de chukā hai, to insān ko farz hai, ki us kitāb ko pyār kare, aur us kī muhāfizāt kare, aur use naql karē, aur mashhūr kare, aur jis hāl kī yih insān kī tāqat se bāhai nahīn hai, to kyā zarūr hai, ki Khudā muajizana tau se kare? Alim log kahte hain, ki wuh Jo mazhabwale jin ke hāth mein Nawishte supurd kiye gaye, pahle banī Isrāel, aur bad ko Masīhī log, unhein bahut pyār to karte the, aur un kī naql barī khabardārī se karwāte the, aur dīgar tasnīfāt ko un mein milāne se manā bhī karte the, aur agar kisī zamāne mein kisī kī gāflat se kisī nuskhe mein kuchh farq ā bhī jāe, to bad ko ulamā i dīn kitne nuskhon aur tarjumon ko milā milā kar daryāft karne chāhte the, ki in mein se aslī paigām kaun thā? Aj kal jildon ke chhāpne aur tarjumon ke banāne mein galatīān to hongī, lekin yih galatīān khafīf bāton mein hī hongī, aur dīndāron kī barī kashishon se nikālī jāengī. Aur agar chand aisī bāten hon, jinhein ham hanoz durust nahīn kar sakte hain, to hamārā bharosā yih hai, ki jyūn jyūn un aqwām kī aur un auqāt kī nisbat wāqifiyat barhtī jātī hai, yih bhī bhed dhīre dhīre khulte jāenge. Aur aisī kashishon mein Khudā apne bandon ko Rūh-ul-Quds kī madad bakhshatā hai.

5. Phir yād rahe ki baz chhotī chhotī tafāwaton ke hone se gawāhī ko pukhtagī dī jātī hai, basharte ki ek bāt dūsri ko radd na kare, kyūnki jahān yih bilkull nahīn hotī to shakk paidā hotā hai, ki yih bayān banāwatī aur sikhāyā huā hogā. Jab Rūh-ul-Quds Masīh kā ahwāl likhne mein chār ashkhas kī rahnumāī

kartá thá, to matlab yih na thá, ki sab bilkull ek hí taur se bayán karen, aur ek silsile ke mutábíq, aur ek qism ke alfáz men bayán kare, balki matlab yih thá, ki cháron apní apní khássiya-ton ke mutábíq, aur apne alfáz men qudratí taur se likhen; aur agar ek ziyáda waqt ká liház, aur ek mazmún ká ziyáda liház kare, to is men nuqsán nahín, balki fáidá hai. Baz log is kí nisbat galat kھیál karte hain. Wuh sochte hain, ki jab chár ashkhas ek hí bayán likhte hain, to cháhiye ki cháron tasníf lafz ba lafz ek sí hon, maslan baz log us takhtí ke bayán ke haqq men jo Masíh kí Salíb ke úpar lagái gai, ghabráte hain. Wuh sochte hain, ki yih bayán thík nahín, kyúнки Mati kahtá hai, ki yún likhí gai, “Yih Yahúdíon ká Bádsháh Yisú” hai.” Marqus use yún detá hai, ki “Yahúdíon ká Bádsháh.” Lúqá men yún hai ki “Yih Yahúdíon ká Bádsháh hai.” Yúhanná men yún hai, ki “Yisú” Násrí Yahúdíon ká Bádsháh.” To záhíran in cháron ká matlab ek hí hai, sirf lafzon ká farq hai. Jab Marqus kahtá hai, ki Yahúdíon ká Bádsháh likhá thá, so thík kahtá hai. Magar yih nahín kahtá hai, ki, sirf yih alfáz the, agar us khitába men se do ek lafz chhor diye bhí jáen, to kyá nuqsán? Matlab to wuhí baná rahtá hai.

6. Baibal kí un jildon men, jo hamáre pás hain, kahín kahín aísí galatíán hongí, jo naql karnewálon se ho gai hain. (1) Maslan jab Filistí log Khudá ke sandúq ko garí par rakhkar use lautá dete the, to likhá hai, ki jab garí Bait Shams men pahúunchí, to us ke milne ke wáste ek bhír wahán faráham huí, aur logon ne náfarmání karke sandúq ke bhítar dekhá aur un par bhárí sazá áí, kyúнки likhá hai, ki Us ne pachás hazár aur sattar ádmí un men se már dále. A’lim log gumán karte hain, ki us waqt sattar ádmí máre gaye, aur ki lafz “pachás hazár” galatí se likhe gaye hain. Sháyad aísá huá hogá, ki “Pachás hazár ádmí men se sattar ádmí máre gaye.” (2) Kabhí kabhí log apní mushkilát ká yih sabab batáte hain, ki fuláne musanníf ne fulání bát ká zikr nahín kiyá hai. Yih dalíl barí kamzor hai, kyúнки bahut log hain jo saikron báten jánte hain, jin

ká zikr unhen karná na pará, charon Anájil bahut hí mukhtasar tasnífát hain. Chunánchi bahut báton ko chhorná pará. Aur in men saikron aisi báten hongí, jin ká zikr ham sunne cháhte hain. Yúhanná ne farmáyá, ki yún mukhtasar taur se likhná zarúrí bát thí, “Aur bhí bahut se kám hain, jo Yisú’ ne kiye: agar wuh judá judá likhe játe, to main samajhtá hún, ki jo kitáben likhí játín, un ke hie dunyá men gunjáish na hotí, Yúh. 21 : 25. Aur taubhí koí iatiráz karke kahtá hai, ki agar yih bát sach hotí, ki Masíh muajizáná taur se paidá huá, to Marqus aur Yúhanná men zarúr is bát ká zikr hotá, Kyún? Jo bát ká zikr karná kyún unhen zarúr thá? Koí zarúrat sábit nahín huí, lekin in donon kí tasnífát se záhir hai, ki wuh Masíh ko insán se afzal jánte the, kisi ne is bát par shakk kiyá ki Ashá i Rab-bání ke qáim kiye jáne ká ahwál thík na hogá kyúnki Yúhanná ne us ká zikr nahín kiyá hai. Awwal to yih nádání ká iatiráz hai, jaisá úpar kahá gayá aur doyam Yúhanná ek tarah se Ashá ká ishára to kartá hai, yane ek ásmání rotí kí guftogú ká bayán kartá hai jo gálíban Ashá se iláqá rakhtí thí, Yúh. 6 : 48-58.

BÁB V.

PAK NAWISHTON KÁ EK HÍ KITÁB HONÁ.

1. Agle dinon se batáyá gayá, ki pák Nawishton kí yaktái se is bát kí pukhtá dalíl miltí hai kí Rúh-ul-Quds un ká bání hai, chunánchi un aiyám se yih nám Baibal, yane kitáb, un nawishton ko diyá gayá hai. Kitábon men yihí kitáb hai. Aur wuh *ek shai* hai: Baibal hai. Jerome buzurg ne farmáyá hai, ki “Hamáre pák Nawishte ek hí kitáb hain, kyúnki un ká ek hí musannif, yane Rúh-ul-Quds hai.” Augustine buzurg ne farmáyá, ki “Nawishte ek hí kitáb is liye kahláte hain, kyúnki shurú se leke ákhir tak un men ajíb mutábiquat nazar áti hai. Wuh bahut hain, magar ajíb tarah se milte hain.” Yih bát qábil i gaur hai. Yahán 66 tasníf jamá kí gain, jo 40 musannifon se aur derh hazár baras ke arse men qalamband kí gai hain, musannif bahut aqsám ke the, bahut darje rakhte the, bahut qism ke jawánon men tarbiyat páte rahe. Aql cháhtí hai, ki un ke khiyálát men barí garbarí howe; ki ek dúsre ko radd kare, ek dúsre se bahs kare. In bayánon men se koí to Kanaán ke gánwon men, koí Kídár nadí ke kináre par, koí Baidaní logon ke bích, koí Yarúsalam ke Mahallon men, koí Rome ke qaidkháne men, koí samundar ke tápú men tasníf kiyá gayá to kyúnkar ho saktá, ki sab ek hí áwáz se bole? Musannifon men se koí faqih thá, jaisá Azrá, koí sipahsálár thá, jaisá Dáúd, koí hákim thá, jaisá Dániel, koí bádsháhon ká saláhkár thá, jaisá Yasaiyáh, koí machhwá thá, jaisá Patrus, koí mazdúr thá jaisá Amús, koí álim o fázil thá, jaisá Paúlus aur Lúqá, to kyúnkar ho saktá hai, ki sab ek taur se talím den. Yih ajíb yaktái sirf is sabab se un men huí, ki sab ke sab Rúh-ul-Quds ke bulwáe bolte the. In Nawishton men har qism ke bayánát páe játe hain: kahín sháirí, kahín dars, kahín amsál, kahín nasíbat, kahín qaumí tawárikh, kahín shakhsí ahwál; magar sabhon men ek hí Rúh-ul-Quds, ek hí qism kí sachcháí sikhátá hai. Nā sirf yih, balki

bahut zamánon ke dindár aur samajhdár ádmion ne is talím kí yaktái se tasallí páí hai. Alim aur be-ilm, bádsháh aur raíyat, mard aur aurat, khushhál aur tanghál log, is shahádat men shámil hain, ki yih ek hí kitáb hai, aur lásání kitáb hai, aur aisí mufid tásireñ kartí hai, jo kisí दूसरी kitáb se nahín ho saktíñ. Beshakk Yahúdí mazhab men aur Masíhí mazhab men kuchh farq to nazar átá hai. Aur Baibal ke do hisse, yane Puráne aur Naye Ahdnáme men bhi kuchh farq hai, magar aisá nahín, ki ek दूसरे ko jhúthláwe. Masíh Shariat ko mansúkh karne ke wáste nahín áyá, magar purá karne ko; Shariat ek konpal ká nám hai. Aur jab wuh purí tarah se khil jáe, to us ká nám Injíl hai. Shariat misl ek taswír ke hai, jo chánd kí roshní se dekhí játi hai. Taswír haqíqí hai, magar kuchh dhundh- lí sí dikhái detí hai. Magar Injíl bhi wuhí taswír hai, jise din kí purí roshní bahut sáf kar detí hai. Shariat Injíl ke wáste ráh taiyár kar detí hai.

2. Baibal ek hí kitáb hai, kyúñki us ke likhne ká maqsad ek hí málúm hotá hai, Wuh ruhání kitáb hai, aur dunyá men ek zarúrí ruhání kám ke karne ke wáste bakhshí gáí hai. Wuh ek bhárí naját kí tadbír ke taiyár kiye jáne, aur záhir kiye jáne, aur istiamál men láye jáne kí tawárikh hai. Us men bahuterí barí barí aur chhotí chhotí báton ká zikr hai; lekin záhir hai, ki in sabhon ká us ruhání saltanat ke sáth, jise wuh dunyá men qáim kiyá cháhtá hai, kisí qadr iláqá hai. Un qadím aiyám men barí barí saltanaten dunyá men qáim hotí, aur barhtí játi thin, jaisá Misr aur Bábul, Fárs aur Róm; magar Baibal sirf us waqt un kí taraf mukhátib hotí hai, jab un ká koí wáqiá us ruhání saltanat ke sáth kuchh iláqá rakhtá thá. Misr ká zikr huá. Hán jab Yúsuf yá Ibráhim, Yaramiyáh yá Yisú' wahán gaye, Bábul aur Ninawáh mazkúr huá, jab púrab se faujen ákar Samrún ko ultá detín, aur Yarusalam ko asíri men le játi hain, Nabí aur Rasúl sitáron aur saiyáron kí nisbat bahut jánte the, haiwánát aur nabá- tát ke haqq men bahut kuchh batá sakte the, magar aksar in báton ko chhorakar wuh kyá batáte the? Yih

ki Khudá apne Bete ke zariye se gunahgár insán par rahmat dikhátá hai.

3. Baibal kí sárí kitábon men ziyádatar intizárí kí rúh dekhne men átí hai, Nabí aur rasúl kháss tarah se ummed se bhare hue shakhs hain. Wuh mubárákbádí ká ishára karte hain, magar aisi mubárákbádí, jo ánewáli hai, Baibal kí sárí kitáben aur khásskar Puráne, Ahdnáme kí kitáben, ummed kí kitáben hain. Musannifon ke munh ek Ánewále kí taraf lage hain. Músá se Maláki tak sab áh khinchkar intizárí kar rahe hain. Unki tasnífát, ek tarah se, ná-kámil thahartí hain. Bare bare wáde diye gaye, magar un ke púre hone men derí malúm hotí hai. Naját kí tadbír kisi qadr záhir kí játí hai, magar Maláki tak us par púrí roshní dálí nahín játí. Kab wuh áwegá, jo kháss tarah se púra karnewálá hogá? Kab wuh áwegá, jis par qaumon kí khwáhish lagí huí hai? Insán ki pukár gahráí men se chali átí hai, ki “Ai Khudáwand, kab tak? kab tak?” Insán kí yih barí sanjídagi kí duá hai, “Ai Khudáwand, apne ásmánon ko jhuká, aur utar á, úpar se apne háth phailá, aur mujhe rihái de.” Jab ham Injíl kí kitábon ko gaur se dekhte hain, to yih intizárí kisi qadr púrí kí játí hai. Puráne Ahdnáme men jo suwál hain, Injíl men kisi qadr unká jawáb páte hain. Un men intizárí kí rúh áur qism kí hai. Wahán khabar dí játí, ki wuh Ánewálá á chuká hai, aur jo kuchh nabion ne us kí nisbat hazárhá baras ke ársa peshíngói kí thí so púra huá hai. Khabar dí gai, ki waqt kí bhar-púrí á gai hai: wuh din jise Ibráhím dekhna cháhtá thá. Aur in báton ko sábit karne ke wáste Injíl ke musannif Yisú kí sawánih umarí, us kí paidáish, khidmat karne ke liye us ká taiyár kiyá jána, us ke ajíb kám o kalám, us ká mashúb honá aur tísre din us qabr se jí uthná aur pesh karte. In ke zariye, us kí sachcháí ko záhir karte hain. Wuh us kí bahut sí nasíhaton men se bhí bahut kuchh dete hain, jin se záhir hai, ki wuh sab ustádon se bihtar hai. Alqissa, jab parhnewálá tamám Baibal ko parh chuká hai, to use malúm hai, ki wuh, jis ko Músá “áurat kí nasl” kahtá hai, wuhí

shakhs hai jis ki tamjid asmani lashkaron mein "Zabha hua Barra" ke nam se ki jati hai: Barra jo asmani takht ke bich o bich hai. Rasul har tarah se is bat ke gawah hain, ki jo kuchh ambia is anwale ke haqq mein kahte the, so Yisui mein pura hua. Yisui bhi ap is bat ka dawaa karti tha, ki aglon ne meri zikr kiyi, main kisi nayi qism ki talim sunane ko nahin aya hun, balki us kam ke pura karne ke waste, jo pehlar se muqarrar kiyi gayi thi. Us ka kalam "Yeh tha, yeh na samjho, ki main Tauret ya nabion ki kitabon ko mansukh karne aya hun: mansukh karne nahin, balki pura karne aya hun," yane yeh ki "Main un ki thik tafsir karunga, aur jo un ka haqiqi matlab hai, zahir karunga." Us ka qaul yeh tha, ki Musa aur Ambiya mere gawah hain. Wuh Yahudion se kahti thi, ki "Tum kitab i Muqaddas mein dhundhte ho; kyunki samajhte ho, ki us mein hamesha ki zindagi tumhein milti hai; aur yeh wuh hai, jo meri gawahi deti hai," Aisi gawahi sunke kaun samajh sakte, ki Baibal ke do hisson mein khilaf talim hai? Nahin, dono ek kitab hain.

4. Baibal ka ek hi kitab hona us ki talimon ki mutabiqat se sabit hoti hai. Han, wuh sachchi, jo us mein pesh ki jati hai, bahut suraton mein pesh ki jati hai. Baibal hamen sikhati hai, ki Yahowa kaun aur kaisa hai, aur ki wuh insaan ke waste kya kya faraz muqarrar karti hai. Is maqsad ki pairawi wuh bahut aqsam ke bayan ke zariye se karti hai. Kahin shairana taur se, kahin nasihatana taur se, is ki pairawi karti hai. Kahin qaum ki tawarikh ke zariye se, kahin kisi shakhs ke ahwal se, kahin waz ya dars ki rah se, ham ko talim di jati hai. Magar in sare hisson mein ajib ham-awazi hai, Musa ne chand waqiat ka zikr kiyi. Dauid ne unhein nazmi surat mein gaya, Stefanus aur Patrus aur Paulus in se natij aur tashbihen aur dalilen late hain. Magar in sabhon mein ajib muwafiqat nazar ati hai. Muarrikh aur shair aur waz aksar baton mein sab muttafi-ur-rae hain. Ham ek ke qaul ko dusre ki gawahi se sabit kar sakte hain.

Jab Shari'at koī talīm sikhātī hai, to Injīl hargiz use radd nahīn kartī, magar āur bhī safāī ke sāth us ko zāhir kartī hai. Jab Mūsā yā Dāūd koī dīnī bāt batāte hai, tab Yuhannā aur Paulūs us kī pukhtagī zāhir karte hai.

5. To yih kaun yaktāī hai, jo Baibal ke sāre hisson men nazar ātī hai? (a) Yih waqt kī yaktāī nahīn hai. Mūsā aur Yuhannā ke darmiyān ek lamḃā ārsā hai. In donoṃ ke bīch men barī barī tabdiliāṃ huī. Logon ke kḥiyālāt āur qism ke the, mazhabon kī sūrat badal gāī thī. Naye maḃūdōṃ ke nām suṃne men āte the. Osario aur Baḃl kī jagah men Jupiter aur Vinas pukāre jāte the, chāhiye kī Yuhannā āur tarah se talīm de. Chāhiye kī us kī samajh bilkull dūsrī ho, magar nahīn; ajīb ham-āwāzī hai. Be-shakk Yuhannā bahut bāton ko jāntā thā, jo Mūsā na jāntā thā, kyūṃki sab se umḃā ustād us kā ustād thā. Taubhī Mū-ā ke sāth ajīb ham-āwāzī hai, kyūṃki donoṃ Rūh-ul-Quds ke bulwāe bolte the. (b) Phir yih zubān kī yaktāī nahīn hai, Mūsā aur Yasāiyāh Ibrānī bolte the, Yuhannā aur Patrus Yūnānī bolte the. Atenī shahr kī nāmwarī se, aur Sikandar kī fatūhāt se, aur Finīkion kī tijārat se, logon kī bātchīt men farq ā gayā thā, taubhī Paulūs aisī hī talīm detā hai, jaisā Dāūd detā thā; chunāṃchī Luther buzurg Dāūd ke chand mazāmīr kī yih tarīf kartā hai, kī yih "Paulūsī Zabūr hai;" aur ḃaz ālim Yasāiyāh kī kitāb ko "Pāṃchwin Injīl" nām dete hai. (c) Phir yih yaktāī mahz sūrat kī bāt nahīn hai, kyūṃki Baibal ke musannif kahīn tawārīkhī sūrat men, kahīn khutūt kī sūrat men, apnī talīmon ko pesh karte hai. Baibal kī bāten kahīn nabūwatānā, kahīn shāirānā, kahīn talīmānā hai: kahīn qissā, kahīn amsāl, kahīn guftagū kī surat men pesh kī jātī hai aur kabhī royaten kāṃ men lāī jātī hai; magar sabhon ke wasīle se Khudā ke ek lāsānī fazi kī tarīf gāyī jātī hai. (d) Is yaktāī kā bāis yih bhī na huā, kī musannif sab ek qism ke log the, aur is liye sab ek taur se gumān karte the. Nahīn: likhnewāle bahut aqsām ke the, shahrī aur dihātī, jawān aur buddhe, bādshāh aur mahsūl lene-

wála, bádsháh ká saláhkar aur garw ka mazdúr, fauj ke sardár aur garib máhigín, kahín aur kátib the. Kya mumkín hai, ki in sabhon ká soch ek hí ho? magar Yisú ke waste bolke, ek दूसरे ko nahín jhuthlatá hai. Farz karo, ki koí aj kal ek díní kitabon ka majmua banane cháhe, aur us ká ek hissa Ved se, aur दूसरा hissá Qurán se, aur tísra hissá Baudhwálí kitáb se, aur chautha hissá Zendavestá se, aur páñchwán hissa Kanfúsi kí kitáb se, aur chhatha hissá kisi papa sahib kí tasníf se ho, aur satwán hissa Luther kí kisi kitáb se ho,—to majmua to banega, magar us men kisi garbarí hogí? Aisi kitáb se kab tasallí milegí? Ek bab दूसरे bab ko jhúthlaegá. Ek safha dúste ko tadakarega. Baibal men aisi garbarí kyún na huí? Kyúnki us kí alag alag kitáben ilhám se likhí gayi, aur Ruh-ul-Quds garbarí ka bání nahín hai.

6 Is ajib yaktái se saf sabit hotá, ki Baibal Khuda kí kitáb hai. Wuh najat kí nisbat Iláhi paigám hai. Wuh zamin raste ke waste asmání hidáyat hai, agar koí munkir kahe, ki Nahín, balki Baibal Shásti Quran kí manind mahz insání banáwat hai, to wuh aisi bat kahta hai, jis ká sábit karná niháyat mushkil, balki samajh se bahar hai. Zira is bat par garí karo. Farz karo, ki Baibal ka dawa jhúthá hai. Farz karo, ki kai zamane ke log mulkar ek díní kitáb banate, aur use ilhamí batákar qaumon ke áge pesh karte hain. Ab yih jhúthí bandish kin se kí gai hogí? Yih ek zamáne ke na the, ek jagah ke na the, ek zat ke na the, to un ke khiyálát o bayánát men mutábíqat kaise ho? Phir aisi kitáb men bahut ashkhás ká ahwál, aur bahut wáqiat ká bayán hoga. Farz karo, ki aise ashkhás, jaise wuh jin ká zikr huá, kabhí nahín the, aur aisi báten kabhí wáqi nahín huín, balki yih sab banáwat hí banáwat hai. Agar aisi jhúthí kitáb ban bhí jae, to mukhtalíf qaumon men us kí maqbúliyat kaise ho jae? Ek áur sawál hai. Farz karo, ki Baibal jhúthí aur bharosá karne ke qábil nahín hai, aur us ke banánewále jhúthe the, to us tasníf ko sachcháí se kyún bhara? Aise ádmí neki aur pákizagi aur rástí

aur sachcháí ko pasand nahín karte hain, magar Baibal aisi báton se yahán tak mamúr hai, ki jahán kabín pahúnch játí, to mánnewálon ko barí barakat bakhshtí hai. Yih to bará bhed hai. Kitáb jhúthí hai : apne taín Iláhí batátí, magar haqíqat men bilkull insání hai, taubhí us ke parhne se wahshípan aur butparastí bhág játí, aur thík bandagí aur sháistagí paidá hotí hai ? Yih kab se huá, ki dhúp se thand, aur menh se súkhápan paidá ho ? Hamáří samajh men yih bát bilkull námumkin hai, ki Baibal kí aisi kitáb jhúthon kí banáwaṭ hoke dunyá men aisi tásír kare, aur sáre mukhálifon par galbá páwe, aur dunyá kí sab se achchhí qaumon kí barakat ká báis ho. Yih log, jo Baibal ko radd karte hain, insán ke bare dost ko radd karte hain.

BAB VI.

APNÍ NISBAT YISŪ MASÍH KÁ DAWÁ.

1. Ibtidá se ek suwál insán ke dil men bahut páyá gayá hai, yāne yih, ki Naját kí ráh kyá hai? Sháyad koí thík nahín samajhtá thá, ki naját kyá shai hai, taubhí yih sochtá thá, ki jald yahán se kúch kar jánā hai, to main Málik ke huzúr kis tarah se chal sakúngá? Main kis tadbír se use rázī kar sakúngá? Mujh gunahgár ko muáfī kis tarah se hásil hogí? Qadím aiyám se Hindú pandit is suwál ká jawáb dhúndhne men bahut koshishen karte áe haiñ. Chunánchí un ke báz k̄hiyálát *Khad Darshan* náme kitáb áj tak mashhúr haiñ. Taubhí is suwál ke jawáb men, ki ásmán kí ráh kaun hai, insán ko púrī tasallí na milí. Alimon ke k̄hiyálát mutafarríq the. (a) Sháyad ziyáda log sochte the, ki Nekí karne kí ráh wuh hai, jis ko Hindu Karm Márg batáte haiñ. Chunánchí dunyá ke bare bare mazhabon men is ráh par bahut zor diyá játá hai; aur bahut sí aísí nasíhaten dí játí haiñ, ki sidhái se chal, Khudá ke hukmon ko hifz kar, k̄hud-inkárá ikhtiyár karke, parosí kí bhalái kar, wg. Háu, yih saláh to achchhí hai, kyúñki Nek Áamál se bahut-aqsám ke jismání aur ruhání fáide to hote haiñ, magar wuh jo apní karaní par naját páne ká bharosá rakhtá hai, zarúr dhokhá khátá hai. Begunáh firishte is tadbír se mubáarak tháhren to tháhren, magar gunahgár insán kí hálat dúsrí hí hai. (b) Báz álimon ne sochá hai ki Gyán Márg se, yāne aql dauráne se, naját mil saktí hai. Khudá ko jánná, insán ko jánná, haqíqat ko jánná, Khudá pás pahúñchne ká wasílá hai. Magar afsos, is ráh men chalkar log fauran dhokhá khákar yih kahne lagte haiñ ki jo kuchh hai, main wuhí hún. Kárigar aur kárigarí men kuchh bhed nahín hai. Sab ek hai. Is daldal men phaps jáne se bahuton kí halákat huí. (c) Hindustán men tín char sau baras se naját kí ek aur ráh ká bahut zikr sunne men átá hai jise Bhaktí Márg kahte haiñ, yāne apne mábúd par apní ján-nisárá karní;

jaisá kī Tulsi Dás aur Dádú wg., sikháte haiñ, kī apne ishṭ deote kī dil o ján se parastish karná, aur sirf us hī par dil lagáná, yih sachchá bharosá hai. Mumkin hai, kī yih talīm dakkhan se, Trávankor ke qadīm Suriyání Masíhiñ ke zari'e tamám Hindustán meñ phailí. Magar afsos, Hindu logon ne haqíqí nám ko chhorkar, apní muhabbat aur jánfishání, Rám aur Krishn aur qaum ke deotáon par lagáí, so un kī ibádat lá-hásil huí.

2. In mutafarriq talīm denewálon meñ Yisú' Masíh átá hai, magar is meñ aur un meñ bará farq nazar átá hai. Wuh bilkull áur tarah se sikhátá hai. Jab wuh Galíl meñ phirtá thá, tab sunnewále is farq ko pahchánte the. Wuh us kī talīm se hairán hue, kī wuh un ko wáqifiyat ke sáth, na faqíhñ kī mánind, talīm detá thá. Wuh jahán ko jántá thá, kyúñki us ká Bání thá: ásmán ko bhí jántá thá, kyúñki wahán se áyá. Balki ek din jab sarkárí piyáde us ke pakarne ke wáste bheje gaye, tab unhoñ ne use giriftár na kiyá, balki bhejnewálon ke pás lautkar kahá, kī "Hargiz kisi shakhs ne is ádmí kī mánind kalám nahín kiyá," Yuh. 7:46. Masíh záhiran bahut hī dáná aur samajh-dár shakhs thá. Baré baré álim o ustád us kī talímon ko parhke us se taajjub karte haiñ. Wuh haqq ká bará pairau bhí thá. To jab ham naját kī ráh ko dhúndhte haiñ, tab yih wuh shakhs hai, jis kī shahádat sunne aur mánne ke láiq hai. Jab wuh sab kuchh jántá hai, to ham us hī se suwál karen. To pahlá suwál yih hai, kī aise shakhs ne apní nisbat kyá sochá? Yisú' Masíh ká apne haqq meñ kyá kbiyál thá? Us ke nazdík us kī zindagí kaisí thí? Wuh kahán tak áur ádmion ká sá thá, aur kahán tak un se judá thá? Yih mazmún bahut hī gaur talab hai, kyúñki Masíhí mazhab kháss tarah se Masíh par hī mabnó hai. Bagair Masíh par nazar kiye ham us mazhab ko kaise samjhen? Aur bhí shakhs hue, jin se mazhab námzad hue, jaisá Muhammadí, Baudh, Kanfutsí, lekin yih tén shakhs, in tén mazhabon ke sáth áur tarah se iláqá rakhte the, aur Masíh áur tarah se Masíhí mazhab ká bání huá. Maslan Baudh mazhab Gautama Buddha se

shurú huá. Ibtidá men us ne us kí bunyád dálí. Us kí sí talímen kisi qadr áj tak dí játí hai. Us kí súrat, us kí khássiyaṭen áj tak kuchh aisí hai jaisí Gautama kí thín. Lekin dín i Masíhí ke sáth Yisú' Masíh ká taalluq is se bahut barhkar hai. Ham yih kah sakte hai, ki jahán haqíqí díní Masíhí hai, tahán Masíh áp hai. Us ne na sirf us dín ko jarí kiyá, aur use súrat baḡhshí, aur durust talímon se árastá kiyá, aur nayí ruh us men dálí, magar áj tak use sambháltá aur chalátá hai. Yahúdí Músá ko bahut máná karte hai. Pársí log Zaroastar kí hamd gáte hai. Musalmán bahut báton men Muhammad ke naqsh i qadam par chala karte hai. Lekin Masíh ká hamáre sáth áur kuchh taalluq hai. Imándár us ke sáth yagánagat hásil kartá, aur us kí súrat par bantá játá hai. Us wade men, jo us ne áp apne bandon ko diyá, ki dunyá ke ákhir tak main tumháre sáth rahúngá, ek bhárí matlab, ek barí haqíqat hai. Kalísiyá men ek zor rahtá hai, jo apná nahín hai. Ek qudrat us ke andar hai, jis ke zariye se wuh galbá páegí. Masíh na sirf Kalísiyá ká ustád hai, balki us kí zindagí hai. Ham log Masíh ke haqq men aisá sochte hai, to yih daryáft karná lázim hai, ki us ne áp apne haqq men kyá sochá? Kyá us ká khiyál Kalísiyá ke khiyál ke sáth miltá hai, kí nahín?

3. Yih bát cháron Anájíl se sáf záhir hai, ki Yisú' apne haqq men bahut báten kahín, balki zarúrat thí ki wuh aise kahe. Dunyá kí bhalái is bát par mabní thí, ki sab log Yisú' ko jánen, aur us par takiyá karen. Wuh áp jántá thá, ki insán ke nazdík main ek bhed hún. To agar wuh is bhed ko na khol sake, to unhen naját kí ummed na milegí. Pas apne báre men use bahut kuchh kahná pará. Pas in talímon ko gaur se parhkar záhir hai, ki wuh áp ko jahán ke ustádon se barhkar jántá thá, balki wuh kaí bhárí báton men sabaqat le játá hai. Yihí shakhs záhíran dígar ustádon se farq rakhtá hai, aur wuh aisá nahín sikhátá jaisá jahán ke muállim sikháte hai. Jab koí Injílon men Masíh kí talímon ko parhtá hai, to sháyad us ká pahlá khiyál yih hogá, ki is ustád ká kisi áur qism ká

akhlāqī ikhtiyār hai. Sach hai, ki qadīm āiyām ke Isrāelī ambiyā ikhtiyār ke sāth bolte the. Wuh is tarah se kalām karte the, ki “Yahowāh yūn farmatā hai.” Magar Yisū‘ ká kalām is se bhí barā hai: “Main tum se sach sach kahtā hūn.” Purānī Mūsawī Shari‘at ke sāth Yisū‘ ká ajīb ilāqa nazar átā hai. Wuh Shari‘at ko i‘zzat detā thā. Us ne kahā ki “Najāt Yahūdion men se hai.” Wuh Yahudī mazhab ko ilhāmī jāntā thā. Wuh sabt ko mántā thā, aur i‘bādat-khāne kī bandagī men hāzir huā kartā thā. Wuh Shari‘at kī tarīf karke kahtā thā, ki “Main ise mansūkh karne ko nahīn, balki use purā karne ko āyā hūn.” Us ne Haikal ko “Khudā ká ghar,” “Mere Bāp ká ghar,” kahā. Us ne farmāyā, ki “Ham (Yahūdī log) us kī, jise jānte haiñ, parastish karte haiñ: kyūñki najāt Yahūdion men se hai,” Yuh. 4: 22. Lekin us ne bār bār sikhāyā, ki purānā intizām mere āne ke wāste taiyārī hai, aur Mūsawī shari‘at merī taraf ishārā kartī hai, Ambiya mere liye rāh khol dete the. “Tumhārā bāp Ibrāhīm bahut mushtāq thā, ki mere din dekhe: chunāñchi us ne dekhā, aur khush huā.” “Yuh. 8: 56. Us ká gumān yih thā, ki jo koī ānewāle Masīh par bharosā kartā hai, us se barakat pātā hai. Jab wuh ānewālā thā, aur jab ā chukā thā, wuh donoñ hālatoñ men najāt-dihindā thā. Ajīb aur pur-fazl peshingoīāñ dī gai thīñ. Yisū‘ kahtā thā, yih merā zikr kartī haiñ. Nāsarat ke i‘bādat-khāne men us ne Yasaiyāh ká kalām parhā, ki Khudāwand kī rūh mujh par hai; us ne is liye mujhe Masīh kiyā, ki garībōñ ko khushkhabarī dūñ, aur Khudāwand ke sāl i maqbūl kī manādī karūñ.” Tab kitāb band karke, wuh unhen kahne lagā, “Āj yih nawishtā, jo tum ne sunā, purā huā,” Lūq. 4: 16; 22. Yih kaisā shakhs hai, jo yih dawā kar saktā hai, ki shari‘at merī taraf nigāh rakhtī thī, balki mujh men purī hotī, garaz pātī, khatm hotī hai. Us ká goyā yih kahnā hai, ki sārā dīnī intizām mujh hī se i‘lāqā rakhtā hai. Mere liye Khudā ne Ibrāhīm ko Pūrāb se bulāyā, aur Izhāq o Ya‘qūb ko chun liyā, aur Isrāel ko Misr se nikālā, aur Mūsā ke zariye unhen Shari‘at dī, aur ambiyā kī zabānī

unhen talímen aur hidáyaten dín. In sab báton ke wasíle se Mere áne kí taiyári kí játi thí. Kyá koí mahz insán hokar aisá dawá kar saktá thá?

4. Ek áur gaur karne ke láiq bát yih bhí hai, ki agarchi Yisú' ap mántá thá, ki Músawí Shari'at Khudá se hai, taubhí juráť karke wuh baz báton men use barháta hai. Agar wuh mahz insán hotá, to kyúńkar kah saktá, ki "Tum sun chuke ho, ki aglon se kahá gayá;" "par Main tum se kahtá hún?" Khudá ká haqq hai, ki jab lázim ho, tab apní talím ko barháwe; lekin insán kab aisá kar sakegá? Yisú' apne taín qaum ke buzurgon ke sáth muqábilá karke batátá thá, ki Yúnáh nabí se bará, Sulaimán bádsháh se bará, Haikal se bará, Main maujúd khará hún. Us ne apne ikhtiyár se Byáh ke qanún ko, aur Sabť ke máne ko, bihtar taur se chaláyá. Wuh díní báton men munsif aur faislá karnewálá hai. Wuh díní bahson men apní ráe nahín detá, balki haqíqat ko záhír kartá hai. "Main tumhen sach sach kahtá hún." Yih kaisá ustád hai?

5. Masíh ká lá-sání ikhtiyár phir in do kháss tarah se záhír kiyá játa hai. (a) Us kí buláhat ham sab se hai, ki "Merí pairawí karo." Sháyad ham is hukm ko halká samjhen: magar sochiye, ki jab yih rasúlon ko pahle diyá gayá, to kyá hí bhári hukm thá! Un ko sab kuchh chhorná pará, un kí bilkull áur qism kí zindagí ho gai. Sabhon ko dukh uthána pará, kitnon ko dúr mulkon men phirná huá, kitne is buláhat ke sabab se maqtúl hue. Ek tarah se naját Masíh kí bakhshish hai. Taubhí wuh kabhí us ke pánewálon se bahut kuchh talab kartá hai. Ham muft muáf kiye játe hai, lekin bhári bhári khidmaton ke wasíle se hamen apní shukr-guzári záhír karní partí hai. Aur Yisú' ne is bát kí zarúrat ham se nahín chhipáyí hai. Us ne shurú' men yún talím dí, ki "Agar koí mere pás áwe, aur apne báp aur mán, aur jorú, larke, aur bhái bahin, balki apní ján kí dushmaní na kare, merá shágird nahín ho saktá. Jo koí tum men se apne sáre mál se kanára na kare, merá shágird nahín ho saktá," Lúq. 14: 26, 33. Ham juráť karke áuron se nahín kahte hai, ki hamári

pairawí karo; kyúñki agar un ke mánne se unká ittifáqan nuqsán ho játá, to ham sharmindá hote. Magar Masíh jántá thá, ki mere har ek haqíqí pairau ko abadí bhaláí milegí. Masíh ke wáste ján ká dená, dándarí ke liye ján dená hai. “Jo koí mere aur Injíl ke liye apní ján ko ganwáegá, wuhí use bacháwegá,” Marq. 8: 35. Agar logon se ham minnat karte, ki hamáre naqsh i qadam par chalo, to wuh hamárf kamzorion aur bhúlchúkon aur khatáon se kitná kuchh nuqsán utháte? Magar Yisú’ ká namúná kámil hai, us kí suhbat se sirf barakat miltí hai. Patrus, Yaqúb, o Yuhanná ek chhóte mulk ke garíb báshinde the, magar jab unhon ne apne kám káj aur sáre sáman ko chhorke Yisú’ kí pairawí kí, dekho to tamám jahán men un kí shuhrat huí!

6. Masíh ká yih bhí dawá thá, ki mujh ko Khudá kí kháss pahchán hai, jo áuron ko nahín hotí, kyúñki mujh ko Khudá ke sáth ek taalluq hai, jo un ká nahín hotá. Main úpar se hún. Us se pahle ki Ibráhm thá main hún. Sach hai, ki ek tarah se insán Khudá ke farzand kahláte hain yane Khudá se paidá hue: magar yih दूसरी qism kí ibniyát hai. Yisú’ Khudá ká ek betá nahín, magar Khudá ká Betá hai. Wuh bár bár Khudá ko apná Báp kahtá hai. Yisú’ wuhí Betá hai, jis men Báp kí sifaten dunyá par záhir kí játi hain. Us ká Betá honá ek iláhi bhéd hai, jis ká samajhuá insán ke wáste mushkil hai. “Koí Bete ko nahín jántá, magar Báp; aur koí Báp ko nahín jántá, magar Betá, aur wuh jis par Betá use záhir kiyá cháhtá,” Mat. 11: 27. Jahán tak ho sake, Yisú’ apne ko hamará bhái záhir kartá hai. Jahán tak ho sake wuh insánon men insán sá rahá. Wuh laqab, jis se wuh bahut khush thá, yih thá, “Ibn i Ádam.” Taubhi jántá thá ki ek bát men bará farq hai, Main Khudá ká Betá hún aur is ajib ibniyat par naját ká kám mabní hai. Báz logon ne sochá, ki yih bát sirf Yuhanná kí Injíl men mazkúr hai, aur is sabab se barí koshish karte hain, ki is Injíl kí asálat o shahádat ká inkár karen. Lekin yih koshish befáida hai, kyúñki is ke nishánát dígar anájil o khatút men bahut milte hain. Aur gaur ke láiq bát

yih hai, ki kafi baat, jab Yisú ki zindagi mein koi bhari tabdili hoti thi; maslan jab baptismá pake wuh apni khas khidmat ko uthata tha, aur bad ke, jab pahar par wuh asmani jalal ko, jo us ka haqq tha, tark karke, wuh Kalvari ki taraf munh marta tha; donon waqt zahirí awaz ke wasile se asman se yih gawahi di gai, ki "yih mera piyara Beta hai, jis se main khush hun!" Mat. 3: 17; 17: 5. Yih bhi dekhne ke liye hai, ki wuh shagirdon ko aur tarah se dua mangne ko sikhati tha aur apni aur tarah se dua karti thi. Hum yun pukarte hain ki "Ai hamare Bap:" us ka kalam hai, "Mera Bap." Aur jab bataya chahi hai, ki insaan bhi is asmani Bap ke saath ilaqa rakhte hain, wuh alahidagi ke alfaz ko yun kam mein lati hai ki "Mera Khuda" aur "Tumhara Khuda;" maslan jab rawana hone par tha, us ne kaha, "Main upar apne Bap, aur tumhare Bap pas, aur apne Khuda aur tumhare Khuda pas, jata hun," Yuh. 20: 17. Phir us ki duonon mein koi tauba ka nishan nazar nahin ata: na apna koi qusur manti, na kisi bat ki muafi mangti hai. Agar wuh mahz insaan hota, to yih farq kyun hota? Yad rahe, ki yih Khuda ka Beta aise shakhs mein paya gaya, jo insanon mein insaan sa raha; insaan sa chala phira, soya, jaga, khaya, piya, taubhi uluhiyat ki mamuri us mein thi: Bap ki muhabbat khas tarah se us par rehti thi: Bap ki marzi us se zahir ki gayi, "aur hum ne us ka aisa jalal dekha, jaise Bap ke ekloute ka jalal." Is ka pana: is par iman lana: is ka paira banna, abadi zindagi hai.

7. Jab Yisú apne ko Ibn i Adam nam diya karti tha, to alimon ne socha, ki wuh na sirf apni ilaqa insaan ke saath batati tha balki us bari anwali saltanat ka ishara karti hai, jo akhiri dinon mein tamam jahan mein qaim ki jaege. Daniel ne kaha tha, ki char alamgir badshahaton ka silsila hoga, tab ek zabardast chauthi saltanat un ko chakna chur kar degi. Us ne farmaya, ki yih galba-panewala shakhs "adamzad ki manind asman ke badalon ke saath aya," Dan. 7: 13. Kahte hain, ki Masih is laqab ko istimal mein leke, is peshgoi ka ishara karti hai; aur is bat ki dalil yih

karte hai, ki jab bare muqaddame mein Sardār Káhin ne Yisú se púchhá, “Kyá tú Masíh, us mubárah ká beta hai?” Tab Yisú ne us se kaha “Main wuhí hún; aur tum Ibn i Ádam ko Alqádir ke nahine háth baithé, aur ásmán ke bádalon par áte dekhoge,” Marq. 14: 61, jis mein us peshingoí ká ishárá malúm detá hai. Goyá wuh Dániel kí royá kí yeh tashríh kartá hai, ki jab darindon ki sí saltanat, zamánon tak qaumon ko tang kar chukengí, tab aur qism kí, jaise insáni saltanat, hamdardí kí saltanat, un ki jagah áegí. Ek shakhs ádamzád kí tarah ráj karegá, Masíh hamári insániyat ke sáth niháyat hamdard hai. Hamári musíbaton ká use tajribá huá. Jo kuchh hamárá hai, use wuh apná jántá hai, aur is hie jántá, ki wuh Ibn i Ádam hai. “Ibn i Ádam is hie nahín áyá, ki khidmat le, balki khidmat kare, aur apní ján bahuteron ke hie fidiya mein de,” Mat. 20: 28. Wuh is haisiyat mein us fath ko hásil kartá hai, jise ádmí hásil nahín kar sakte hai. “Ibn i Ádam ko zamín par guráh muáf karre ká ikhti-yár hai,” Mat. 9: 6. Wuh gulám ko riháí, ranjída dil ko khushí, zamír ko áráam, kamzor iráde ko zor bakhsh saktá hai.

8. Lekin hameshá yád rahe, agarchi Yisú apní insániyat ko bár bár batátá thá, taubhí is bát ko chhipatá na thá, ki is se bhí kuchh b rkhkar mujh mein hai. Wuh bár bár is bát par zor detá hai, ki éur ádmí sirf insán hí hai: magar main Khudá-insán hún. Yeh bát bahut misálon se roshni kí játí hai. Ambiyá Khudá ke bande the: Masíh Khudá ká Betá hai. Ímándár lepálah bete, magar Masíh aslí beta hai; Ímándár Khudá ke pyáre hai: Masíh Khudá ká pyárá Betá hai, jis mein Báp khush hai; Ímándár Khudá kí bheren hai: Masíh wuh nek chaupán hai, jo bheren ko bher-sále mein latá hai. Ádmí bímár hai: Masíh Iláhí hakím hai, jo sihat dene áyá hai. Zamír ádmion ko bahut dántá kartí hai Masíh is dántne se mutlaq ázád hai. Insán kí दुष्ट ká bará his-a muáfí mángná hai: Masíh दुष्ट kartá hai, ki aur log muáf kiye jáen, magar apne wáste shukr bajá latá hai. Ádmí ko bár bár

qurbání láná partá hai : Masíh ne aisá qurbán kiyá, jis ká ek bár karná káfi thá. Gunáh ke mitáne ke liye insán bahut sí tadbíreñ karte haiñ : Masíh kí tadbír ek hí hai, mere baháye húe khún par bharosá rakh Ádmí Iláhí adálat se khauf kháte haiñ : magar Masíh apní samajh meñ gunahgáron se judá thá, táki unheñ bachá sake.

9. Ek gaur ke láiq bát yih bhí hai, ki Masíh apne ko Jahán ká Munsif batátá thá. Farmáyá, "Báp kisi shakhs kí adálat nahín kartá, balki us ne sári adálat Beṭe ko somp dí hai," Yúh. 5 : 22. Beshakk us i'láqe ke sabab, jo báp ke sáth rakhtá hai, aur insán ke sáth bhí rakhtá hai, wuh munsif hone ke liye barí liyáqat rakhtá hai. Jab jahán meñ thá, tab us ne munsifi kí : ádmion ke dilí hál ko jápchá kartá thá : nekon aur badon meñ i'mtiyáz kar letá thá. Qadím aiyám se Yahúdí log ek ánewále kí intizári karte the : Masíh apní dúsrí ámad kí taraf nigáh kartá thá, wuh us din kí ráh dekhtá thá, jab sufed takht bichhegá, aur sári qaumen us ke áge kharí hongí. Us din se jahán ká intizám, jaisá áj kal hai, khatm hogá. Insán kí tawá-ríkh Masíh meñ khatm hogí. Wuh jo us waqt us se barakat páenge, hamesha tak mubáarak rahenge. Wuh jo us waqt us ke dushman tharenge, hamesha ke liye sharmindá hongé. Us ke kalám meñ qiyám hai. Koí dúsrá Masíh kabhí bhejá na jáegá, koí dúsrí ráh i naját kholí na jáegí, koí dúsrá fazl dikháyá na jáegá. Yih kaisá bará kھیál hai ! Lekin wuh jo apne haqq meñ aisá sochtá hai, wuhí hai, jo bilkull sachcháí ká pairau hai.

10. Hamáre zamáne meñ bahutere logon ke dilon meñ díní báton ke haqq meñ shubhá rahtá hai. Main kis bát ko mánúñ ? Main kis kí parastish karúñ ? Dil cháhtá hai, ki koí Iláhí madadgár o parwardigár howe : ki hamári zindagí aisí howe, jis se áqibat mubáarak howe. Lekin áqibat kí nisbat hamen aisí khabar nahín miltí, jo tasallí-bakhsh ho, koí kháliq o málik to hogá, kyúñki námumkin hai, ki jahán kí ajíb kárigarí biná kisi kárigar ke banái aur sambháli jáe, lekin us ká jánná,

aur rází karná, aur us se qabúl kiyá jáná, mushkil ma'lúm hotá hai. Dunyá kí áwázen bahut hai, aur mutafarriq bhí hai, aur kán ko ghabrá detí hai. Dunyá men káf ek bare bare mazhab mashhúr hai: naját kí káf ek ráhen batáí játi hai; bahut se ustád alag alag ráen batáte hai. Kis ko sunen? Kis kí hidáyat thík hai? Is hairání men par kar baz log ná-ummed hoke hár játe hai aur kahne lagte hai, ki díní báton men haqíqat ká páná námumkin hai, pas ham isí jahán kí lazzat utháenge. Aish o i'shrat men garq honá bihtar hai; kyúнки koí nahín jántá, ki áge kyá hogá." Wuh kahte hai, ki "ánewálí hálát par kálá sá pardá patá hai, aur us pár kí roshnói hamárfí ánkhon tak bilkul nahín pahúnchtí hai: pas kháwen aur píwen, kyúнки kal to mar jáenge.

11. Aison ke liye, jo shakk ke máre niháyat pare-shán hai, Masíh dúsrí tadbír batátá hai. Wuh kahtá hai ki jo tasallí gaur karne, aur suwál karne, aur idhar udhar dhúndhne se, tumhen na milí, to merí pairawí karne se mil saktí hai; kyúнки main is wáste ásmán se jahán men áyá hún, insán ko záhir karún, ki Báp kaun aur kaisá hai. Is bát kí wáqifiyat dunyá tum ko nahín de saktí hai, main de saktá hún. Hán insán kí aql kamzor hai, aur Khudá ke púre jalál ko ham us ke huzúr men khare hoke ham us ká didár páenge; lekin jo wáqifiyat naját ke pánewálon ko zarúr hai, ambiya ke paigámon se, aur khásskar mere mujassam hone se, hásil ho saktí hai: aur agar insán áj tak aksar ráh se gumráh hoke máre phirte rahe hai, to sabab is ká yih huá, ki unhon ne in do wasílon kí qadr nahín kí, Khudá kí pahchán insán ko mil saktí hai, kyúнки Masíh use dene áyá hai. Ásmán ká rástá ma'lúm ho saktá hai, kyúнки Masíh use batáne ko ásmán se áyá hai, zindagí ke bhárfí se bhárfí suwálon ká jawáb mil saktá hai, kyúнки Masíh kí jismání zindagí se un par barí roshnói dálí gai hai. Sáre shakk o shubha ke mitáne ke wáste Masíh kí tadbír yih hai, ki mujh se síkho. Agar koí kahe, ki "main Khudá ko pahchán nahín saktá hún: kyúнки wuh dúr hai: insán kí nigáh

se buland o bálá hai," tab Masíh farmátá hai, ki merí taraf nigáh karo: mujh ko tum ján sakte ho, mujhe dekho. "Jis ne mujhe dekhá, us ne Báp ko dekhá hai," Yúh. 14: 9. Koí âur ustád is tarah se talím nahín detá hai. Dekho na Músá, na Yasáiyáh na Istibági, na Sukrát, na Iflátín, is tarah se sikhátá hai. Yih sab apne ko paigám lánewále jánte, aur apne paigám ko sunáte haiñ. Yisú' goyá yih kahtá hai, ki pugám main ap hún, aur ustád sikháte the, ki sachcháí yih hai, aur wuh hai. Yisú' kahtá thá, ki Haqq main hún. Ek shakhs abadí zindagí kí talásh men Yisú' ke pás áyá. Yisú' ne us se kahá, "Merí pairawí kar." Dústre ne us se kahá, ki "Báp ko hamen dikhá." Yisú' ká yih jawáb thá, "kyá tú ne mujhe na jáná."

12. Jab Yisú' ká maslúb honá nazdík thá, tab us ne ek din apne rasúlon ko ázmáyá, ki áyá yih merí talím dene ko, aur merí kalísiyá kí bunyád dálne ko, taiyár haiñ? to us ne un se yih na daryáft kiyá, ki kyá tum khúb talím páe hue ho? Kyá tum bhárá díní bhedon ko hall kar sakte ho? Kyá tum Khudá kí sífát ká bayán kar sakte ho? Kyá tum durustí se batá sakte ho, ki kaun aamál wájib, aur kaun ná-wájib haiñ? Nahín: us kí ázma'ish bilkull âur qism kí thí. Suwál yih thá, "Tum kyá kahte ho, ki main kaun hún?" Agar is ek bát se khúb wáqif ho, to bas, un kí liyáqat sábit huí. Chunáñchi jab Patrus ne munásib jawáb diyá, tab Yisú' khush hoke bolá, ki "Is patthar par main apní Kalísiyá kí bunyád dálúngá." Yún wuh bhárá suwál, jo har ek ádmí se kiyá játá, yih hai, "Tum Masíh ke haqq men kyá sochte ho?" Agar us ke sáth hamará taalluq thík ho, to hamári salámatí hogí. Agar ham us kí hiqárat karen, to koí gumán, koí chál, koí rasm, hamen na bacháegí.

13. Áj kal Masíhí logon men bahut ná-muwáfiqat hai. Is sabab se bahut log kahte haiñ, ki ham dín i Masíhí ko qabúl nahín kar sakte haiñ, kyúñki jáná nahín játá, ki wuh dín kyá hai. Koí Masíhí kuchh sikhátí hai aur koí kuchh sikhátá hai, aur koí Baibal kí baz íyát kí âur tarah se tashríh kartá hai, aur baz

aur tarah se. Bahut log kahte hain, ki Masihion ke bich mein bahut bahsen paida hui, balki aaj tak qa'im hain; pas jana nahin jata, ki kya manna hai. Jab Masih log apas mein muttafiq-ur-rae nahin hain to ham log un ke mazhab ko kyunkar qabul kar sakte hain? Ham mante hain, ki Kalisiya mein bahut si dini bahsen ho chuki hain, aur ab tak bhi jari hain, aur ki bahut log apni apni mukhtalif rayon par bahut zor bhi dete hain, aur unhen usulwali aur jarwali baton batate hain. Ham mante hain, ki nalaq jhagon ke baas se bar bar bechare gair Masih log thokar kha gaye hain; lekin yad rahe, ki is mein Masih ka nahin, balki Kalisiya ka qusur hai. Masih ne is garbar ka umda ilaj bataya hai, us ki marzi yeh hai, ki har bahson ko tark karke, us ek bat par, jo jarwali hai, yane yeh ki "Khuda ka Barra, jahan ka gunah le jata hai" qa'im rahan. Us ka hukm hai, "Meri taraf nigah rakho." Agar insaan ki nigah intizam ki taraf, zabiton o rasmon ki taraf, aur mushkil ayat ki taraf rahe, to jhagre uthenge; lekin agar insaan apne pak Shafi aur Munji par ankhen lagaye rakhen to mahfuz rahenge. Sawal to paida honge, kyunki qabiliyat mein aur hidayat mein sab admi barabar nahin, aur sochne aur samajhne ka mauqa sabhon ko ek taur se nahin mila hai. To jab suwal ho, tab Masih ke hukm ko yad rakho: "Mujh par nigah rakho; meri pairawi kar." Injilon mein Us ki taswir umda taur se hamare waste khinchi hui hai. Us nek namune ke mutabiq jo chalega, to bach niklega. Dunya ki mukhtalif awazen us ke dil ko hairan na karenge. Koi shubhe ki bat ho, to ham yeh na puchhen, ki aglon ne is ko kaisa samjha? ya is ke bare mein parosion ka kya gumán hai; magar yeh ki is ke haqq Masih ki kya marzi hai? Injil mein us ne aisi baton ki nisbat kya nasihat di? Bat yeh hai, ki jab jahan ki andhian chalti hain tab ek muhafizat ki jagah hai, aur wuh Masih ki god hai. Wahán bhag ja. Wahán tere liye salamatí hogi.

14. Agar Masih ka apne haqq mein aisa gumán tha, jaisa upar bayan hua; agar wuh na sirf be-gunah

thá, balki àuron ke gunáhon ká dafa karnewálá bhí thá; agar wuh na sirf áp zoráwar thá, balki kamzoron ká sambhálnewálá bhí thá; agar us kí pukár lázim thí, ki “Ai tum logo, jo thake aur bare bojh se dab ho, sab mere pás áo, ki main tumhen áram dúngá,” (Mat. 11 : 28) to yih suwál lázim átá hai, ki is bát se merá kyá taalluq hai? Is Munjí ke sáth mujhe kyá sulúk karná hai? Agar Kḥudá ká Beṭá sachmuch mujassam hoke is jahán men áyá hai, aur agar us ne rahm kí buláhaṭ se mujhe buláyá hai, to mujhe kyá karná hai? Kyá us se dostí karní bihtar hai, yá dushmaní? Suwál to bhárí hai. Kyúñki is par merí ábadí zindagí munhassir hai. Jaisá agle dinon men, waisá ab bhí, har ek se yih bát daryáft kí jātí hai ki, “Masíh ke haqq men terá kyá gumán hai? Wuh kis ká beṭá hai?” Mat. 22 : 42. Bahutere log bin soche samjhe jawáb dete hain. To jab wuh apne takht i adálat par baithégá to un kí kyá hálát hogí?

BAE VII.

YISÚ KÍ NISBAT RASÚLON KÍ TA'LIM.

1. Yisú' ke zamáne meñ bahut se log the, jinhon ne use dekhá, aur suná, aur us ke sáth báten kíñ. Yih suwál bhí lázim átá hai, ki us kí nisbat un ká kyá k̄hiyál thá? Kyá unhon ne use mahz insán samjhá, yá is se kuchh bar̄hkar? Chand rasúl the, jinhon ne áuron se ziyáda us kí rifáqat hásil kí, aur us se ziyáda talím bhí páyí. Pas unhon ne us ke haqq meñ kyá sochá? Chand áur log bhí the jo un dinon meñ Yarúsalam meñ áte játe the, yá us ke nazdík rahte the, aur un ko bahut mauqa milá, ki us pahile zamáne ke Masíhion ke sáth milen̄ julen̄ aur un ke k̄hiyálát ko malúm karen̄. To záhir hai, ki agar ham ko kisi tarah se daryáft ho jáe, ki yih log, jo Yisú' kí ziyáda pahchán rakhte the, Yisú' ke haqq meñ kuchh aisá hí mánte the, jaisá ki wuh áp apne haqq meñ sochtá thá, to yih hamáre wáste barí tasallí-bakhsh wáqifiyat howegí. Ab k̄hushí kí bát hai, ki agle dinon kí kitáb o kágazát meñ Yisú' ke haqq meñ bahut kuchh likhá gayá hai; k̄hásskar Injíl hí meñ chand aise logon kí shahádat miltí hai, jis se sábit hotá hai, ki wuh log Yisú' kí gawáhi ko, jo wuh apne haqq meñ detá thá, qabúl karte the. Sach hai, ki Us ke jí uthne ke din tak un kí samajh meñ gar̄barí rahí, kyúñki yih log paidáishi Yahúdí the, aur bachpan kí hidáyat o tarbiyat ko tark karná bahut hí mushkil hai. Lekin jab unhon ne dekhá, ki Us ká kalám Apne marne aur jí uthne ke haqq meñ lafzí taur se púrā huá, tab un ká imán pakká kiyá gayá.

2. Chár Anájíl meñ Masíh kí jismání zindagi ká ziyáda zikr páyá játá hai, ki wuh kis tarah se chaltá phirtá, boltá kartá thá, lekin K̄hutút wg. meñ us zindá Masíh par nahín, magar Masíh i sarfaráz par, yane Báp ke dahine háth par baithe hue Masíh par, nigáh rahtí hai. Goyá un pahile dinon kí yád un ke dilon se ur gaí hai, to wuh kis ko yád karte hain? Wuh Masíh, jo takht-nishín huá, wuh jo har tarah kí hukúmat, aur

ikhtiyār aur qudrat aur riyāsāt, aur har ek nām se bahut buland hai." Beshakk Masīh kā qabr se jī uthnā, aur shāgirdon ke dekhte hī āsmān par charh jānā, wuh bāten thīn, jin se un ke dil maglūb hūe. Un ke k̄hiyāl men yih naye mazhab kī bunyādwālī bāten thīn. Aur gumān gālīb hai, ki agar wuh log na sochte, ki Yisū' apne kahne ke mutābiq tīsre dīn qabr par gālīb huā, to Masīhī kalīsiyā mulk ba mulk qāim na kī jāti. Paulūs kā yahī gumān thā us ne kahā ki, "Agar Masīh nahīn jī uthā, to hamārī manādī befāidā hai, aur tumbharā imān bhī be-fāidā," I Kur. 15: 14. Rasūl mānte the, jaisā ham bhī mānte hai, ki Masīh Bāp kā bhejā huā, jāhān men āyā, ki us ne salīb par wuhī kaffāre kā kām kiyā, jis ke karne ke liye bhejā gayā, ab suwāl lāzim ātā hai, ki kyā Bāp is k̄hidmat se rāzī huā? Rasūl sochte the, ki us kā qabr men na rahnā, balki apne Bāp ke dahine hāth jā baithnā, is razāmāndī kī pukhtā dalīl hai: ab kisī ke dil men shakk na rahe, ki Yisū' Khudā kā pyārā Betā hai. Pas wuh log apne k̄hiyālāt men aur Masīh men, aur dīndār buzurgon men, farq karte the. Masīh firishton se bhī barā hai. Wuh fazl o sachchāī se mamūr hai. Aur Kalīsiyā yūn māntī āī hai, ki un kā yih gumān mahz apnī aqlī bāt na thī, par Khudā ke ilhām ke wasīle se unhen diyā gayā thā, yāne un kī samajh aisī kī gayī thī, kyūnki Rūh ul Quds unhen aisā sikhātā thā, agar un kā gumān sirf apnī k̄hiyālī bāt hotī, to us kī kyā haqīqat hotī, lekin agar is bāt men Rūh ul Quds un kā ustād thā, to un kā gumān qāim bhī rahā. Paulūs bār bār is bāt par zor detā hai, ki manādī jo main kartā hūn, mujhe āsmān se milī. Rasūlon se main ne nahīn sikhī, magar ilhām se "Wuh mujhe insān kī taraf se nahīn pahūnchī, aur na mujhe sikhāī gāī, balki Yisū Masīh kī taraf se mujhe us kā mukāshafā huā," Gal. 1: 12. Merā jānā (Yarūsalam ko) mukāshafe ke mutābiq huā," Gal. 2: 2. "Wuh bhed mujhe mukāshafe se malūm huā," Ifs. 3: 3.

3. Phir pahle zamāne ke Masīhī yih mānte the, ki us se pahīle kī Yisū' Baitlaham men Maryam kī god

men paidá, wuh dunyá men maujúd thá. Bachpan ká zuhúr us ká pahilá zuhúr nahín. Aur beshakk un ká yih gumán Masíh ke hí kalám se paidá huá thá, "Main tum se sach sach kahtá hún; Peshtar us se ki Ibráhim paidá huá, main hún." "Aur ab ai Báp, Tú us jalál se, jo Main dunyá kí paidáish se peshtar Tere sáth rakhtá thá, mujhe apne sáth jalálí baná de," Yúh. 8: 58; 17: 5. Yih ek barí bát thí, lekin Yisú ke sáre kám o kalám us ko pukhtagí dete hain. Chunánchí Kalísiyá is bát ko qabúl kartí thí, ki Masíh sirf thore baras ke liye apne ásmání jalál ko chhorke jahán men áyá, aur mujassam huá, tab phir wahán laut gayá jahán wuh pahile thá. Jaisá Yuhanná ne farmáyá, "Yihí ibtidá men Kḥudá ke sáth thá, Haqíqí Núr, jo har ek ádmí ko raushan kartá hai, dunyá men áne ko thá," Yúh. 1: 2, 9. Paulús ká kḥiyál bhí aisá hí thá, Us ne kahá ki "Wuh andekhe Kḥudá kí súrát aur tamám maḥbluqát se pahile maḥlúd hai: kyúнки usí men sárí chízen paidá kí gayín, ásmán kí ho, yá zamín kí, wg," Kul. 1: 15, 16: yane Báp. jis ko in-ání áñkhen dekh nahín saktí hain, us ke zariye se dikháyá játá hai; wuh Báp ká wáris hai, kyúнки us ká pahlautá hai: wuh kḥilqat ká kḥáliq bhí hai, kyúнки us ke wasíle se, sárí chízen ban gayín: pas wuh un sab se pahle thá. Phir wuh na sirf sárí kḥilqat ká Kḥáliq o Málík hai: na sirf sárí riyásaten o hukúmaten o ikhtiyárát us ke tabí hain, magar wuh Kalísiyá men bhí pahlá hai. Masíh us ka Bání hai, Usí se us kí bunyáden dáli gayín, Us ke qáim karne ke wáste us ne rasúl aur mubashshir aur pásbánon ko muqarrar kiyá, Us rúbání badan ká wuh ruhání sir hai. Jab rasúl áur báton ke haqq men talím dete the, to wuh Masíh ke azl se hone kí talím kí is tarah se ishárá kar dete the, ki goyá yih ámm talím hai, jise sábit karne ke liye dalílen dená bhí zarúr nahín hai. Balki is talím se dalíl lá lákar wuh bahut se faráiz kí nasíhat dete hain. Yih karo, kyúнки wuh, jo tumháre liye ásmán se áyá hai, yihí cháhtá hai. Maslan Kurinthus ke Masíhion ko nasíhat dí gayí, ki garíb bháiyon kí madad ke wáste kḥúb chandá

dená wájib hai, 'kyúñki tum hamáre Kludáwand Yísú' Masih ke fazl ko jánte ho, ki wuh agarchi daulatmand thá, magar tumhári khátir garíb ban gayá, táki tum us kí garíbí ke sabab se daulatmand ho jáo," II Kur. 8 9; yane apní ásmání hálát men daulatmand hokar, jahán men áne ke sábab se us ne arse tak is daulatmandí ko utára, táki tum ko us men sharik kar de. Phir farotan mizáj banne kí talím yún dí játi hai, ki us kí kámul misál o namúne ko dekho, jab wuh jo pahile ásmání tha, ek matlab se zamíní ho gayá, wuh jo Khudá ke barábar thá, insánon ke mushábih ho gayá, jo ap málík thá, us ne khádím kí súrat ikhtiyár kar lí, to bahut tarah se záhir kiyá játá hai, ki us ká Baitulham men áná us kí hastí ká shurú nahín thá. Wuh pahile thá: Báp ke sáth thá, Báp ne use jahán men bhejá. Us ne apná ásmání jalál utára, apná jaláli haqq chhor kar us ne arse tak zillat uthai. Yane wuh jo azl se thá, khudgaraz nahín thá. Us ne hamáre liye khud-inkári ká achchhá namúná dikháya. Wuh apní báton ke fikr men rahtá na thá, us ne insán ko zillat kí hálát men dekhá, aur is liye khádím kí súrat men áya.

4 Sháyad is bát ke haqq men Yuhanná kí shahádat sabhon se ziyáda pakki malúm hogí, kyúñki Yísú' ke sáth us kí ek kháss qism kí rifáqat thí. Wuh na sirf in tín shágirdon men se ek thá, jinhon ne us ke sáth ziyáda rifáqat páyí, lekin us ká mizáj bhí aisá thá, ki wuh Yísú kí khúbion ko ziyáda ásání ke sáth pahchán saktá thá. Apní Injíl ke shurú' men wuh Khudá ke sáth Yísú ke ek ajíb rishte ká zikr kartá hai, jo azlí rishtá hai, jis kí tashbíh insán ke múngh ká kalám hai, jis ke zariye se wuh apne dil ke bhedon ko záhir kartá hai. Pas, áur shágirdon ke muqábale men Yuhanná Yísú' kí ulúhiyat par ziyáda zor detá hai, yahán tak ki áj kal jo Baibal ke dushman hain, ziyádatar Yuhanná kí tasnífát par bahut hamlá karte hain; aur agar in ko bilkull khárij kar sakte, to khush hote. Yuhanná apní Injíl men Yísú' ke dáwon ko ziyáda darj kartá hai, kyúñki un men Yísú' kí Iláhibí khubián ziyáda roshan kí játi hain. Wuh farmátá hai, "Ham ne

us ká aísá jalál dekhá, jaisá Báp ke iklaute ká jalál," 1: 14. Kalám ibtidá men thá. Wuh bad ko mujassam huá, Insán kí zindagí us men thá, kyúunki wuh ap khud hast thá. Jahán kí táríkí ke blch men us ká ásmání núr chamaktá hai. Yih wuh thá, jo apní nisbat kah saktá thá, "Main Alfa aur Omiga, 'auwal o ákhir, ibtidá aur intíhá hún," Muk. 22: 13.

5. Agar ham Paulús ke khutút ko gaur se parhen to malúm hogá, ki wuh Masíh kí jismání zindagí kí nisbat bahut kuchh jántá thá, wuh us ke mazhab, aur us kí kalísiyá ke haqq men bhí bahut kuchh jántá thá. Wuh Yarúsalam men un dinon men, jab Yisú' wahán manádí kartá thá, házir na huá hogá, lekin bad us din ke jab Damishq kí ráh men Yisú' ne us kí muláqát kí, aur us ke dil par galbá kiyá, us kí bahut Masíhion ke sáth guftagú huí. Agar ham mukáshafa kí báton ko chhor den, taubhí Paulús jismání tarah se kalísiyá ke agle hál ke haqq men undá gawáh hai. Dekhiye, ki Masíh kí wáqifiyat ke kitne isháre us kí tasnífát men milte hain; sháyad is bát se wáqif thá, ki Yisú' kí muajizáná paidáish huí, kyúunki kahtá hai, ki "Wuh aurat se paidá huá," Gal. 4: 4. Yaqínan wuh jántá thá, ki "Jism ke iatibár se Yisú' Dáúd kí nasl se huá," Rom. 1: 3; pas wuh Yahúdí, aur achchhe khándán ká Yahúdí thá, Rom. 9: 5; ki us ká waqt pahilí sadí ke pahle hisse men thá, kyúunki us ká urúj us muláqát se peshtar ho chuká thá. Wuh yih bhí jántá thá, ki chand Masíhí is khass laqab ko "Khudáwand ke bhái" ko rakhte the, aur ki un men se ek ko, yane Yaqúb ko, Masíhion men barí 'izzat dí játí thi, I Kur. 9: 5. Yih bhí, ki Yisú' ne apne pás bárah rasúlon kí jamáat rakhí, I Kur. 15: 5. Aur un men se do tén, maslan Kefa aur Yaqúb "kuchh samjhe játe the," Gal. 2: 2. Wuh Yisú' kí jismání zindagí ke haqq men yih jántá thá, ki agarchi wuh be-áib aur begunáh zindagí thá, II Kur. 5: 21, taubhí barí garíbí aur taklíf men katí, II Kur. 8: 9. Paulús Yisú' kí maut ke haqq men jántá thá, ki wuh pakarwáyá gayá, aur ki yih rát ko kiyá gayá thá, aur usí rát men, jis men us ne Ashá i Rabbání

ko qaim kiya tha, I Kur. 11: 23; aur ki yih kam id i Fasah ke waqt mein kiya gaya tha, I Kur. 5: 7. Wuh janta tha, ki us ki maut salibi maut thi, I Kur. 2: 8, agarchi yih Yahudi dastur nahin tha, aur ki is ka hukm yahan ke sardaron se diya gaya tha, I Kur. 2: 8. Wuh is bat se bhi waqif tha, ki Yisú' maut par galib hua, aur tisre din ji utha. aur ki us ke bad bar bar chand Masihon se us ne mula jati ki, yane "Kesa ko, ka Yaqub ko, aur barahon ko, aur tab panch sau bhaiyon ko ek saath," I Kur. 15: 4-7, aur tab asman par chahke Khuda ke dahine hath par jalal mein baith gaya, Rom. 8: 34; 10: 6. Ab sochne ki bat yih hai, ki agar Paulus Yisú' ki zindagi ki nisbat itni baton ko janta tha, to mumkin hai, ki us ne us ka sara hal ba-khubi jana hoga. Pas us ki gawahi, jo un agle dinon ki waqiat ke haqq mein di gai hai, bahut gaur ke laiq hai.

6. Ab sochiye, ki Paulus ke nazdik Yisú' kaisa tha? Us ka khiyal Yisú' ke ajiab daron ki nisbat kya tha? Paulus ki samajh mein Yisú' ki zindagi be-misal zindagi thi. Suno, ki wuh Yisú' ki kaisi tarf likhta hai. "Wuh hamare liye Khuda ki taraf se hikmat thahra, yane راستبازی, aur pakizagi, aur makhlasi." I Kur. 1: 30. Apne iman ke haqq mein Paulus yun likhta hai, ki "Siwa us neo ke, jo pari hui hai, aur wuh, Yisú Masih hai, ko shaks dusri nahin rakh sakti," I Kur. 3: 11. Apni manadi ki nisbat wuh yih likhta hai, ki main ne yih irada kar liya tha, ki tumhare darmiyan Yisú Masih, balki Masih-i-Maslub ke siwa, aur kuchh na janiunga," I Kur. 2: 2. Aisi ayat us ke iman par saf roshni dalti hai. Us ke samajh mein Yisú ki manadi Khuda ke jalal ki khushkhabari ki roshni thi, II Kur. 4: 4. Us ki samajh mein insaan ki najat mahz ek bat par munhassir hai yane yih ki us ka Yisú ke saath kya dil ilaqa hai? Ab jo Masih Yisú mein hai un par saza ka hukm nahin, Rom. 8: 1. "Agar ko Masih mein hai, to wuh naya makhlug hai," II Kur. 5: 17. To zahiran aisa shaks jaisa Paulus pesh karti hai, insaan se barhkar hai, zahiran yih wuh jo ibtida mein maujud tha, jis se khilafat bhi khalq hui. Beshakk wuh

pákízagí kī rúh ke í'atibár se Daud kī nasl se paidá huá, magar is se peshtar us kī dúsrí haisiyat thí; yāne "qudrat ke sáth K̲hudá ká Betá ṭhahrá," Rom. 1: 4. Rasúlí barakat ke dene meṇ Masíh ká nám bhí shámíl kiyá játá hai, "K̲hudáwand Yisú Masíh ká fazl, aur K̲hudá kī muhabbat, aur Rúh ul Quds kī sharákat tum sab ke sáth hotí rahe," II Kur. 13: 14. Paulús ne Yisú ko í'bádat ke láiq, aur ásmání niāmaton ká dene-wálá samjhá, us ne kahá ki "K̲hudá Báp aur hamáre K̲hudáwand Yisú Masíh kī taraf se tumheṇ fazl aur itmínán hásil hotá rahe, Gal. 1: 3; yāne Báp aur Beṭe donon fazl ke denewále haiṇ," Us kī nazar meṇ sachchá Masíhí kaun hai? Wuh jo hamáre aur apne K̲hudáwand Yisú Masíh ká nám letá hai," I Kur. 1: 2. Yúel Nabí ne kahá thá, ki "jo koí K̲hudáwand ká nám legá, naját páegá," 2: 32. Paulús kahtá hai, ki wuhí K̲hudáwand yāne Yahowáb, Masíh hai, Rom. 10: 13. Jahán ká haqíqí bádsháh Masíh hai, I Kur. 15: 25. Jab qaumon ká insát kiyá jáegá, tab Masíh takht í'adálat par baithégá, II Kur. 5: 10.

7. Na sirí sábit hai, ki Paulús áp Masíh ko Jahán ká K̲hálíq o Máliq mántá thá, balki us ke k̲hutút se záhir hai, ki wuh in sárí báton meṇ, jinheṇ ham bhárí Masíhí talímát jánte haiṇ, máhir bhí thá. Wuh us bargashtagí kī bábat síkhátá hai, jo Ádam ke girne se dunyá meṇ phailí hai. "Ek ádmí ke sabab se gunáh dunyá meṇ áyá, aur gunáh ke sabab maut áí" Rom. 5: 12. Us bargashtagí ke bure natáij bhí mazkúr haiṇ. "Sab ne gunáh kiyá, aur K̲hudá ke jalál se mahrúm haiṇ," Rom. 3: 23. Yisú hamará zámín thá, aur us kī maut gunáh ká kaffará thí. "Jo gunáh se wáqif na thá, usí ko us ne hamáre wáste gunáh ṭhahráyá, táki ham us meṇ hokar K̲hudá kī rástbázi ho jáeṇ," II Kur. 5: 21. Us ke baháye hue k̲hún se barakat hai. "Use K̲hudá ne us ke k̲hún ke báis ek aisá kaffará ṭhahráyá, jo ímán láne se tádamand ho;" Rom. 8: 26. Fasáh ká barrá us kī alámat thá, I Kur. 5: 7; aur hamará íwazí hokar us ne hamáří k̲hatáon kī lánat utháí. Us kī k̲hún k̲harídí huí naját ímán ke zariye se hamáre kám áttí hai.

‘Admí shariát ke amal se nahín, balkí sirt Yisú Masíh par ímán láne se rástbáz thahartá hai,” Gal. 2 : 16. Esau aur Yáqúb kí nazír dekar Paulús Khuda ká kámil íkhtiyár sábit kartá hai, aur yih bhí, kí bagair Rúh ul Quds kí madad ke koi rúhání admí na banegá, balki rúháníyat us ke áge bewaqúfí thahregí, 1 Kur. 2 : 14. Yún bahut báton kí nazíron dí já saktí hain jin se záhír ho jáegá kí Paulús ká mazhab thík wuhí thá, jo áj kal Masíhion men páyá jata hai. Hân, har zamáne ohhotí díní aur rasní baton pái jati hain, jin ke haqq men dindáron men bahas hui, lekin bhárfí díní báton men ziyádátar muwáfiqat rahí aur aj tak hai. Muidon ke jí uthne kí nisbat, bare dín kí adálat kí nisbat, mominion kí ásmání zindagí kí nisbat, Paulús kí talím waisí hí thí jaisí kalísiyá kí talím hai. Ab hamáre kahne kí garaz yih hai, kí agar Paulús ke síkháne men yihí báton thín, (jo apní jawání ke dín men Masíhion ka dushman thá) to kitná ziyáda yih Patras o Yáqúb o Yuhanná kí talímen hui hongí. Chunáncí jab ham un ke khutút ko gaur se parhte hain, to yihí mutábíqat nazar atí hai.

KITAB I MUQADDAS KÍ ASLIYAT KE BAYÁN MEN.

1. Koi kitáb aslí tab hí samjhi jái hai, jab wuh us shakhs, yá un ashkhás se, jo us ke musannif samjhe játe hai, qalamband huí. Apíkryphá jis kí kitábon men ek kitáb "Hikmat: Sulaimán" nám se mashhúr hai, wuh díní kitáb aur parhne men mufid hai, magar ham us kí asliyat nahín mánte, kyúнки gumán karte hai, ki Sulaimán se wuh qalamband na huí Injíl men ek khatt banám "Paulús ká khatt Romion ko" páyá játá hai, jis kí asliyat Kalísiyá mántí áí hai, kyúнки gumán kartí hai, ki Paulús us ká musannif sábit huá. Kisí kitáb kí muatabarí áur bát hai, kyúнки mumkin hai, ki wuh us shakhs se, jis se námzad hai, qalamband huí ho, aur taubhi us ká mazmún haqíqí nahín, balki majází yá shairáná ho Ham Tulsí Dás kí Rámáyan kí asliyat mánte hai, kyúнки sochte hai, ki yih kitáb us ke háth se likhi gáí, magar ham is bayán ko, ki Sítá harí gayí, aur das-sir-wálá Ráman mára gayá, i'atibár ke láiq nahín jánte hai. Yih sirf aslí kahání hogí. Lekin Baibal kí kitábon ká hál áur hai; kyúнки agar un kí asliyat sábit hotí hai, to un kí muatabarí bhi sábit ho jái hai. Sabab is ká yih hai, ki yih na sirf nabí aur rasúlon ke háth se qalamband huín balki Rúh ke ilhám se likhwái gáín. Pas un ká paigám Iláhi hai. Un men se har ek qabúl karne ke láiq hai. Chunáncí Baibal kí asliyat aur muatabarí jurí huí hai: bihtar hai, ki ham zará un par gaur karen.

2. Jo log Baibal kí asliyat ká bayán karte hai, aksar pahle Injíl kí kitábon par liház karte hai, kyúнки agar wuh aslí sábit hon to ham un kí shahádat jo Puráne Ahdnáme kí nisbat hai qabúl karenge. (i) Naye Ahdnáme kí kitábon kí bolí un kí asliyat par shahádat detí hai. Paulús, Lúqá wag., Yunáni zubán men likhte the, magar un kí bolí men, aur mulk i Yúnán

ke musannifon kī bolī men, kuchh farq nazar átā hai Jaisā koī Angrez Urdū men kitāb likhe, aur Dehli kā koī Maulawī Urdū men kitāb likhe to in do kitābon kī zubān men kisī qadr farq hogā; yahan tak ki ālim shakhs batā sakegā, ki yih kitāb kisī wilāyatī kī tasnīf hai, aur yih kisī desī kī tasnīf hai. Yūn Injīl kī kitābon kī zubān Yūnānī hai, magar aisī Yūnānī hai jis men Ibrānī kī hū payī jāti hai: us ke likhī ewālon kī tarbiyat dū-re mulk men kī gayī, jahan dīnī bāton ke haqq men dīgar qīm ke khivālāt rāij the. (ii) Phir un Masīhī kitābon se, jo Pahlī, Dūsī aur Tīsī Iswī sadiyon men, vane Ignatius se leke Origen tak, qalamband hūn, Injīl kī kitābon kī asliyat kā bhārī subūt miltā hai; kyūnki yih buzurg har waqt in kitābon kā zikr barī tazīm ke sāth karte hain, aur kisī bāt ko sābit karne yā radd karne ke liye, kasrat se un kitābon se āyāt i qatibās karte hain, yahan tak ki kisī ne kahā hai, ki agar kisī āfat se Injīl kī kitābon kho bhī jātīn, tau bhī us kā barā hissā in tasnīfon se phir hāsīl ho saktā hai. Eusebios ne (San Iswī 325 ke qarīb) aisī bahut sī āyāt ko jama kiyā. To zāhir hai, ki un aiyām men Injīl kī kitābon aslī samjhī gayīn. (iii) Baz muāmlon men mukhālīfon kī gawāhī pakki samjhī jāti hai; chunānchī jab ham un bidatī kitābon ko dekhte hain jo Rasūlon ke dinon ke bad tasnīf hūn, aur malūm karte hain, ki baz log, jo chand Masīhī tālīmōn ke munkir the, taubhī iqrār karte the, ki Masīhī log inhīn kitābon ko mānte the, jo āī kal Injīl men shāmil hain to is men un ke aslī hone kā barā subūt miltā hai. Maslan Nāstik log (*Gnostic*) chand Masīhī tālīmōn kā inkār karte the, taubhī iqrār karte the, ki aisī nasīhaten Injīl kī kitābon men pāyī jāti hain. Marcion chāhtā thā, ki Lūqā kī Injīl se apnī bidatī khyālon ko qāim kare, so us se bāton iqtibās karke, aur khench-khānch karke, dalīl ke taur pesh kartā thā. Pahlī Iswī sadiyon men bare bare ajnabī muallim kalīsiyā ke khilāf use mitāne kī koshishen karte the, jin men Celsus, aur Lucian, aur Parphyry nāmī hue, aur un kī tasnīfon men Injīl kī kitābon ke bahut se ishāre milte

hai, aur un ke bayánát se áshkárá hai, ki kitábon í mazkúr wuhí hai, jo hamárá Injílón meñ hai. (iv) Phir in kitábon kí asliyat un tarjumón se sábit kí játi hai, jo agle zamánon meñ kiye gaye, aur ab tak maujúd hai. San 200 aur 300 Iswí ke Masíhí log mánte the, ki yih anájíl, khútut, wag. aslí aur Ilhámí kitábon, aur barí tazím ke láiq hai, aur munásib hai, ki áur zubánon meñ un ká tarjumá kiyá jáe, táki áur log bhí un ke parhne se naját hásil karén. Chunáuchi wuh Puráná Suryáni tarjúma jo Peshito kahlátá hai, San Iswí 175 ke qaríb, aur Puráná Látíní tarjúma, jo Itálá nám se mashhúr hai, usí zamáne meñ taiyár kiyá gayá. Phir San Iswí 250 ke qaríb Misrión kí zubánon meñ do tarjumá kiye gaye, aur wuh jo Ethiopic tarjumá kahlátá hai, un se sau baras bad kiyá gayá. In se pakki dalíl milti hai, ki Kalísiyá un zamánon meñ in kitábon par bahut takiyá kartí thí. (v) Phir koi yih na soche, ki Kalísiyá bagair sochkar, aur taulkar, aur jáñchkar in sab kitábon ko aslí aur Ilhámí mántí thí. So nahín. Ká ek kitábon kí nisbat, kháss karke Yaqúb, Yahúdáh, Patrus II, Yuhanná II aur III, qism qism ke iatiráz kiye gave, aur ká baras tak yih *Antilegomena* (mashkúk kí fihrist meñ darj kí gáin; yáne aisi kitábon kí fihrist meñ, jin ke haqq khúb taftísh karní lázim hai; aur barí jáñch ke bad wuh bhí qabúl kí gáin. Puráne Ahdnáme kí kitábon kí asliyat áur qism kí dalílon se sábit kí játi hai. Ham ko is bát ke haqq meñ is bát se ziyáda khátir-jamaí hotí hai, kyúнки záhir hai ki Masíh aur us ke Rasúl unhen qabúl karte aur Ilhámí jánte the. Is bát ká kuchh zikr áge milegá.

BĀB IX.

KITĀB I MUQADDAS KE MU'ATABAR HONE
KE BAYĀN MEN.

1. Nave Ahdnāme kī kitāben Khudā kī taraf se bakhshī gai haiṅ. Is bāt kī chand bhārī dalīlen haiṅ. (i) Yih bāt un kī tālīmāt kī khūbī se sābit hotī hai. Aur qaumon men dīnī kitāben to haiṅ, magar kisī men Injīl ke barābar rāst aur pāk nasīhaten pāvī nahīn jātī haiṅ. Akhlāq ke bāre men Hinduon kā Rig Ved, Purānon aur Upanishadon kī banisbat bahut bihtar hai, magar rāst o pāk talīm dene men Rig Ved Injīl ke darje tak nahīn pahunch saktā hai. (ii) Bahut mulkon ke tajriba se jānā jātā hai, ki Baibal kī nasīhaten Shāstr, Purān, Qurān ke banisbat bahut ziyāda musīd haiṅ, kyūnki yih dekhne men ātā hai ki jyūn jyūn koī qaum Baibal kī rahnumāī se thīk taur se chalne lagtī hai, tyūn tyūn rāstī o dānāī, aur hikmat o hunarbandī men bhī barhne lagtī hai. Āj kal Inglistān aur Turkistān men barā farq kvūnkar nazar ātā hai? Amerika ke bāshinde Tibbat ke bāshindon se kyūnkar sab tarah se sabqat le jā'e haiṅ? Ek sabab to yih hogā, ki Injīl jahān kahīn pahūnchtī, barakat i Ilhāhī le jātī hai. Kyā koī is bāt ko mān saktā hai, ki wuh barī taraqqī, jo ab bahut baras se hamārī ānkhon ke sāmne nazar ā rahī hai, mahz jhūthī kitāb par mauqūf hai? Hargiz nahīn. Kyā kānton se ām paidā hote haiṅ? Mazhabon kā jānchnā aisā hai, jaisā ādmion kā jānchnā: "Un ke phalon se tum unhen pahchānoge." Shāyad koī i'atirāz karke kahe, Qurān kī talīm men barā zor hai, aur ki Mahammadī mazhab bhī bahut qaumon par qābiz huā. Yih sach hai ki Mahammadī mazhab agle dinon men talwār ke zor se bahut phailtā rahā, aur āj kal chand kam shāistā logon men phailtā jātā hai. Magar suwāl yih hai, ki in nau-murīdon ko wuh kyā fāidā pahūnchātā hai? Beshakk agar wuh firqe bilkull wahshī hon, to Qurān yahān tak unhen uthā saktī hai ki wuh Arabistān kī qaumon ke barābar gine jāen. Magar is se barhkar un kī kyā ummed hai?

2. (iii) Injíl kí maqbúliyat Masíh ke us bayán par jo us men hai bahut hí mauqúf hai. Us kí sawáníh umarí aur kám o kalám ká ahwál dekhkar, bahut ádmí qáíl kiye gae haiñ, kí aisá bayán mahz insán kí banáwaṭ se kabhí nahín ho saktá hai; Yisú sach much thá, aur apní bolchál se Kḥudá ká beṭá sábit huá. Lekin agar ham Masíh ko qabúl karen, to Injíl kí kitábon ko qabúl karná partá hai. Masíh kí sháhádat dene ke liye yih kitáben tasníf kí gain: in ke likhnewále us ke kḥáss shágird the. Wuh mazhab jo un se qáim kiyá gayá hai, Masíh ká mazhab hai: us kí jar o jalál Masíh hai. Agar Rasúlon kí tasnífát naqlí yá jhúṭhí maní jáen, to is kí badnámí se Masíh kaise chhúṭ saktá hai?

(iv) Bare gaur kí bát yih bhí hai, kí agar Injíl kí kitáb iʿtibár ke lálq nahín haiñ, to kis liye tasníf kí gain? Admí, cháhe nek ho, yá bad, jab kuchh kartá hai to kisi lálach ke sabab se kartá hai. Ab farz karo, kí Injíl ke bayánát naqlí aur jhúṭhí báten haiñ, jo kisi ke manne lálq nahín haiñ, to kyúñkar tasníf kiye gaye? Likhnewálon kí garaz kyá thí? Un ko kis bat kí ummed thí? Wuh ap hí síkháte haiñ, kí Kḥudá jhúṭhon se naráz hai, aur unhen ásmán men jagah na dega, to jhúṭh likhne se wuh Kḥudá ko rází nahín kar sakte the. To kyá aisí jhúṭhí kitáben insán ko kḥush karne ke liye likhí gain? Kyá mulk ke hákim aur, buzurg aur raís aisí kitábon se kḥush hote? Nahín, záhir hai, kí wuh Masíh kí saíí manadí se bahut hí aðawat rakhte the. In báton ke záhir karne ke sabab wuh bahut satáye gaye, balki un men se koí koí qatl bhí kiyá gayá. To agar jhúṭh sunáte the, to kis matlab se sunáte the? Is se unhen kyá faidá huá?

(v) Agar Injíl ke musannif muʿtabar samjhe jáen, aur agar yih sábit kiyá jáe, kí un kí garaz jhúṭh likhne se bilkul hí na thí, to ham un muʿajizon se jo in tasnífon men bayán kiye gaye haiñ, in kitábon kí sachchál kí shahádat páte haiñ. Dalíl yih hai, kí muʿajizon men qudrat i lláhi nazar áti hai. Magar yih nahín ho saktá hai, kí logon ko fareb dene ke wáste Kḥudá dhokhebáz ko muʿajizáná qudrat dewe, Yuh,

9: 16, 33; 10: 21. Aur yád rahe, ki baz muajizon ke gawáh na sirf Masíh ke shágird the, balki bahut se Yahúdí bhí unhen dekhthe the. Jab Lázar qabr se niklá, jab páñch hazár bhúkhe ádmí khiláye gaye, jab Yisú kí qabr tísre dín par khul gayí, tab bahut log in májaron se wáqif the: aur un men dushman bhí the. To wuh in bayánát ko kyún jhúthlate na the? Sirf is sabab se, ki bahut log in kí sachcháí kí shahádat de sakte the.

(vi) Rasúl safáí se is bát ká dáwá karte haiñ, ki ham suní sunáí báten nahín, balki aisí báten likhte haiñ, jin kí haqíqat ko ap hí jánte haiñ. Patras ne yún farmáyá: "Ham ne na failsúfí kí kabániyon ká píchhá karke, balki us kí buzurgí ko apní ánkhon se dekhne wále noke, apne Khudáwand Yisú Masíh kí qudrat aur áne kí khabar tumhen dí," II Pat. 1: 16. Balki wuh shahr ke buzurgon se kahtá hai, ki tum bhí, agar cháhte ho, to in báton kí sachcháí ko daryáft kar sakte ho. "Ai Isráelí mardo, yih báten suno, ki Yisú Násrí ek mard thá, jis ká Khudá ki tarat se honá, tum par sábit huá, un muajizon aur achambhon, aur nishánon se, jo Khudá ne us kí marífat tumháre bích men dikháín jaisá tum ap bhí jánte ho." Aam. 2: 25.

3. Injíl kí sachcnáí kí ek bhárí dalíl us wáda se miltí hai, jise Yisú ne ruhání rahnumáí ke haqq men apne shágirdon ko dí. Jab apní rawánagí ke haqq men unhen tasallí detá thá, tab farmáyá, ki "Main Báp se darkhwást karúngá, to wuh tumhen dúsrá madadgár bakhshégá, ki abad tak tumháre sáth rahe, yane sachcháí ká Rúh, jise dunyá hásil nahín kar saktí, kyúñki na use dekhtí, aur na jántí hai: tum use jánte ho: kyúñki wuh tumháre sáth rahtá hai, aur tumháre andar hogá," Yuh. 14: 16, 17. Ab záhir hai, ki is madadgár ke bheje jáne kí ok khashs garaz yih thí, ki un gawáhon kí thík rahnumáí kare, jinhon Yisú bhejtá thá, ki naját kí khushkhabarí dunyá ko sunáwen, aur Masíhí Kalisiyá kí bunyád dáleñ, kyúñki Yisú ap is garaz ká ishárá kartá thá. Us ne kahá ki, "Jab wuh madadgár áegá, jis ko main tumháre pás Báp kí taraf

se bhejúngá, yane sachcháí ká Rúh, jo Báp kī taraf se nikaltá hai, to Wuh Merí gawáhí degá, aur tum bhí gawáh ho, kyúñki shurú' se Mere sáth ho," Yúh. 15: 26, 27. Matlab is ká yih hai, ki madadgár kī tásír se likhí huí aur sunáí huí shahádat men mutábiqat rahegi. Chunáñchí aisá hi húa, Yisú' áp is rahnumáí par bará zor detá thá, aur phir us ke haqq men áur bhí safáí se farmáyá. "Jab Wuh, yane sachcháí ká Rúh áegá, to tum ko tamám sachcháí kī ráh dikháegá; is liye ki wuh apní taraf se na kahegá, lekin jo kuchh sunegá wuhí kahegá, aur tumhen áiyandá kī khabaren degá," Yúh. 16: 13.

4. Masíh ke ek dúsre wáde se bhí is bát kī dalíl miltí hai, kyúñki un musábaton aur tangíon ká zikr karke, jo shágirdon par ánewálí thin, us ne yih tasallí-bakhsh kalám kahá, ki "Jab tumhen le jákar hawále karen, to pahile se andesha na karná, ki ham kyá kahen; balki jo kuchh us gharí tumhen batáyá jáe, wuhí kahná; kyúñki kahnewále tum nahín ho, balki Rúh-ul-Quds hai." Marq. 13: 11. To agar Kḥudá aisí ruhání madad, us ko jo zulm uthátá, hai, dewegá, to kitná ziyáda is garaz se degá, ki mere paigambar mere paigám dene men galtí na karen? Kyúñki isí paigám se kalísiyá bahut zamánon tak hidáyat páegi. Phir Injíl ke musannif Ilhámí ádmíon kī mánind likhte hain. Wuh apne apne gumán aur khiyál nahín pesh karte hain, balki yún likhte hain, ki haqíqat yih hai. Yún ján lo. Is bát ko máno. Un ká kalám ikhtiyár ke sáth hai. Dúsre musanníf sochte, aur natíje nikálte, aur apní ráe dete, aur nasíbaton lá lákar ise qáim karne cháhte hain, magar yih log yún likhte ki "Kḥudá ne yún farmáyá hai." Yúhanná ke dáwa ko suno. "Ham Kḥudá se hain: jo Kḥudá ko jántá hai, wuh hamáří suntá hai. Isí se ham haqq kī rúh, aur gumráhí kī rúh ko pahchán lete hain," I Yúh. 4: 6. Patras un ahkám ko, jo rasúlon ko diye játe hain, pák Ambiya ke paigámon ke barábar batátá hai. Paulús ne farmáyá ki jo talím main detá hún, so mujhe kisi ádmí se nahín milín "Wuh mujhe insán kī taraf se nahín pahúñchí,

aur na mujhe sikháí garí, balki Yisú' Masín kí taraf se mujhe us ká mukáshshá húa" Gal. 1: 12. Phir wuh dáwá karíá hai, kí jo báten ham rasúl log síkháte haiñ, so ásmání haiñ, "Ham par Kḥudá ne un ko Rúh ke wasíle se záhir kiyá," I Kur. 2: 10. Aur kalísiyá ne us zamáne se is dáwá ko máná, kí yih tasnífát Iláhí haiñ, jin kí rahnumái se chalná barí mubárákbádí hásil kartá hai.

Puráne A'hdnáme kí kitábon ká mu'atabar honá.

5. Jab sábit huá, kí naye Aḥdnáme kí kitáben Ilhám se likhí gayín, aur Kalám i Iláhí haiñ, tab in ke musannifon kí shahádat se Puráne Aḥdnáme kí kitáben bhí Ilhámí paigám sábit hongí. Kyúñki dekhiye, Puráne Aḥdnáme kí 'imárat Injíl kí neo par tamír kí gayí hai. Yahúdí kalísiyá wuh konpal thí, jis se Masíhí kalísiyá phúl hokar niklí, Injíl ke imándár Ibrahim kí haqíqí nasl haiñ. Jo Baibal rasúlon ke háth men thí, so yih qadím tasnífát thín, aur wuh barí tazím se unhen parhte, aur i'stiámál men láte the. Wuh barí safái se apná imán záhir karte the, kí Nawishte Kḥudá ká kalám haiñ. Maslan Patras síkhátá hai, kí "Ambiya Rúh ke bulwáye bolte the." Agar yih durust ho, to un ká bolná, Kḥudá ká kalám hai, phir kahtá hai, kí Ambiyá kabhí kabhí áp us paigám ko, jo ásmán se unhen diyá gayá thá, ba-kḥúbí nahín samajhte the, "Isí naját kí bábat un nabíon ne barí talásh aur tahqíq kí, jinhon ne us fazl ke báre men jo tum par hone ko thá, nabúwat kí. Unhon ne is bát kí tahqíq kí, kí Masíh ká Rúh, jo un men thá, aur peshtar se Masíh ke dukhon kí, aur un ke bad ke jalál kí gawáhí detá thá, wuh kaun se aur kaise waqt kí taraf ishára kartá thá. Un par yih záhir kiyá gayá, kí wuh na apní, balki tumhárí kḥidmat ke liye yih báten kahá karte the, jin kí khabar ab tum'ko un kí marífat millí jinhon ne Rúh-ul-Quds ke wasíle, jo ásmán par se bhejá gayá, tum ko khushkhabrí dí," I Pat. 1: 11, 12, jis se sáf záhir hai, kí Patras kí ráe yih thí, kí Ambiyá apná kalám nahín, balki Kḥudá ká kalám sunáte the, Paulús kí bhí yihí ráe thí. Wuh Timúthiyas ko yád dilátá hai, kí "Tú bachpan se un

pák nawishton se wáqif hai, jo tujhe Masíh Yisú' par ímán láne se naját hásil karne ke liye dánái bakhsish sakte hain, har ek sahifa, jo Khudá ke Ilhám se hai, talím aur ilzám, aur isláh aur rástbázi men tarbiyat karne ke liye fáidamand bhí hai, táki Mard i Khudá kámil bane, aur har ek nek kám ke liye bilkul taiyár ho jáe," II Tim. 3 : 15, 16.

6. Lekin na sirf rasúl qadím Nawishton ko Ilhámí o Iláhi kitáben jánte the, balki Masíh kí shahádat bhí bár bár is bát men dí játi thí. Us ne báz bedínon kí malámat yún kí, "Agar tum Músá ká yaqín karte, to merá bhí yaqín karte, is liye ki us ne mere haqq men likhá hai. Lekin jab tum us ke nawishton ká yaqín nahín karte, to merí báton ká kyúnkar yaqín karoge?" Yúh. 5 : 46, 47. Us ne dúson kí malámat kí, ki "Tum gumráh ho, is liye kí kitáb i muqaddas ko nahín jánte ho," Mat. 22 : 29. Apne marne aur jí uthne ke bad, us ne farmáyá, ki in báton kí peshingofán Nawishton men thín pas in ká púra ho jáná zarúri bát thí, "Yih Merí wuh báten hain, jo Main ne tum se us waqt kahí thín, jab tumháre sáth thá, ki zarúr hai, ki jitní báten Músá ki Tauret, aur Nabíon ke Sahífon, aur Zabúr men merí bábat likhí hain, púri hon. Phir us ne un ká zihn kholá, táki kitáb i muqaddas ko samjhe : aur un se kahá, "Yún likhá hai, ki Masíh dukh utháegá, aur tisre din murdon men se jí uthegá," Lúq. 24 : 44. Is se pahle bhí Yisú kah chuká, thá, ki "Ai nádáno, aur nabíon kí sári báton ke mánne men sust i'tiqádo ! Kyá Masíh ko dukh uthákar apne jalál men dákhil honá zarúr na thá ? Phir Músá se, aur sáre nabíon se shurú karke, sáre nawishton men, jitní báten us ke haqq men, likhí húi hain, wuh unko samjhá dín," Lúq. 24 : 25, 26. Jab us ke shágird dekhte the ki wuh Gatsamane ke bág men apní muháfizat ke wáste kuchh nahín kartá, tab us ne un se kahá, ki agar Main apne Báp se firishton ká túman mángtá, tab wuh nawishte, jin ká yún púra honá zarúr hai kyúnkar púre hongé ? Mat. 26 : 53. Aur un Nawishton ke ek hisse ke haqq men us ne bare zor se kalám kiyá, ki main tum se each kahtá hún, ki jab tak

ásmán aur zamín tal na jáen, ek nuqtá yá ek shoshá Tauret se hargiz na talegá, jab tak sab kuch púra na ho jáe Mat. 5 : 18. Pas agar hamára Khudáwand ap un Nawishton ko Illámí jántá thá, to yih hamáre liye káfi hai.

BĀB X.

BĀIBAL KI UMDAGI KE BAYĀN MEN.

1. Baibal lafz ke manē haiṅ kitāb, aur beshakk yih kitābon men kitāb hai. Agle zamānon men dunyā kī qaumon kī taraqqī aur ārāstagī pāne men Baibal ke barābar kisī dusrī kitāb ne madad nahīṅ pahunchāī hai, aur us ke barābar āj kal koī dusrī kitāb jahān ke logon par tasīr nahīṅ kartī hai. Wuh dunyā kī kitāb hai, kyūṅki aur sabhon se ziyāda is se jahān ke logon ko jis-mānī aur rūhānī fawāid hāsīl ho chuke haiṅ. Yih wuhī kitāb hai, jis ko dunyā ek tarah se pasand kartī hai, yāne us ke dekhne aur parhne kā barā shauq rakhtī hai, koī dusrī kitāb itnī jagāhon men pāyī nahīṅ jāti hai, kisī aur kitāb kā tarjūmā itnī zubānon men hargiz kiyā nahīṅ gayā hai, yih nahīṅ ki sab jo us kī tālīmon se wāqif haiṅ unhen amal men lāte haiṅ magar itnī bāt hai, ki bahuteron kī zamīr unhen rāst o muḥid ṭhahrātī, aur un kī tarīf kartī hai. Bahutere log haiṅ jo Baibal ke Kalām i Ilāhī hone kī nisbat qāil bhī nahīṅ haiṅ, taubhī us kī 'umdagī ke qāil haiṅ.

2. Mulk i Hindustān men qadīm chīzon kī bahut tazīm kī jāti hai. Bahut log kahte haiṅ, ki purānī līk par ham challenge, kyūṅki yih ṭhīk hai; khair, Baibal bahut qadīm hai. Hāṅ bantī bantī wuh qarīb 1700 baras men tasnīf kī gai, magar us ke baṛ hisse Ved Shāstron se bhī qadīm haiṅ. Dunyā bhar kā koī bhārī tawārīkhī bayān itnā purānā na hogā, jitnā Tauret kā bayān hai. Hāṅ un qadīm aiyām kā bahut mukhtasar zikr us men hai, taubhī wuh bahut sāf aur tasallī bakhsh hai. Kitnī āur purānī kitābon men chand qaumon kī āsl, aur pahle zamānon kī barhtī ke haqq men qisse kahāniyon kī tasnīfāt miltī haiṅ. Magar yih bayān jahān tak miltā hai, dilchasp aur maqbūliyat ke lāiq hai, balki bahut se nishānat, jo Bābul aur Ninawah o Misr se khodke āj kal nikālte haiṅ, is bayān kī pukhtagī par dalālat karte haiṅ. Shāyad Aiyūb kī kitāb Tauret se bhī bahut qadīm hogī. Agar Baibal kī kitāben na

hotin, to dunyá ká qarīb do hazár baras ká ahwál aisá hotá, jis ke haqq men bahut hí thorí wáqifiyat mil saktí aur un aiyám men dunyá kí kaí ek saltanaton kí bunyáden dálí gain, jo bad ko barí zabardast ban gain.

3. Baibal púrabí qaumon ke sáth ek kháss qism ká iláqa rakhtí hai. Wuh ek púrabí mulk men, aur púrab wálon ke háth se, qalamband huí. Wuh baní Isráel ke bích men, jo Sim kí aulád hai, aur Asiya i magrabí men tasníf kí gai. Us kí áb o hawá Asiyá kí hai. Us ke dastúráat púrabí hai, aur púrabí tashbíhát se bayán kiye játe hai. Baní-Yahúd Asiyá kí barí qaumon ke sáth ek kháss taalluq rakhte the, un ká báp Ibrahim qadím aiyám men buláyá gayá kí Fúráat ke maidán ko chhorkar Kanán kí paháron men búd o báhsh kare. Us kí tasallí ke wáste us ko wadá diyá gayá thá, ki us kí aulád kasrat se barhegi, aur mulk i Kanán ko qabze men kar legí; balki un ke zariye se dunyá kí sárí qaumon ko barakat milegi. Chunáncí us kí nael se wuh Yahúdí qaum niklí jo dunyá kí sárí qaumon men lásání thahartí, aur jis kí aisí ajíb tawárikh huí, jaisí kabhí kisi dúsrí kí na huí. Un ká dunyawí ahwál, balki kháss karke un ká díní ahwál, bahut hí gaur ke qábil hai. Balki aisá jánájátú hai, ki yih báten is wáste is tarah se un par guzrin, táki dunyá kí aur qaumon ke wáste 'ibrat aur nasíhat mile. Baní-Yahúd men aur jahán kí dígar purání qaumon men tén aqsám ká farq nazar átá hai. (a) Jab áur qaumen deo-parastí aur múratpújá men máil thín áur log suraj chánd aur sitáron ke áge jhukte the, tab Ibrahim kí aulád Yahowáh nám ek akele mábúd, ek qádir Kháliq o Malík kí parastish kartí thí. (b) Yih bhí kahte the, ki ham ne is sachchí 'ibádat ko apní aql se nahín síkhá, balki Khudá ne áp hí ham ko yih bát síkháyi, ki kis tarah se uskí 'ibádat karní wájib hai, aur insán ke faráiz kaise hai. (c) Un ká yih bhí qaul thá, ki in báton ko insán par záhir karne ke liye, Khudá ne Baní-Yahúd men ek ajíb qism ke ustád barpá kiye, yane Ambiya logon ká silsilá járí huá, jo Khudá se paigám páke zamána ba zamána un logon ke bích men

sunáyá karte the, un ke paigám pahle Ísráel ke liye the, magar un men aisi báton thín, jo har qaum o zát ke liye mufid, balki zarúrí thín, kyúнки yih ásmání talím aur paigám i Íláhí hai. Baz zamáne men log nabíyon kí talím ke mutábíq chalte the, aur mulk par barakat áti thí. Baz zamáne ke log sakht dil hokar apne kánon ko band kar rakhte the, aur mulk par áfaten áyá kartí thín, magar ánewále Darmiyání ke wáste ráh taiyár kí játí thí, aur ákhir i kár wuh namúd huá, aur gunahgáron ke bacháne ke wáste wuh ajíb kaffárá kiyá gayá, jis kí khabar barí safái ke sáth Injíl men dí gai hai. Chunáncí Puráne Ahdnáme men us sulúk ká bayan multá hai, jo Baní-Yahúd ke sáth zamána ba zamána kiyá játá thá, jis se un men wuh ajíb intizárí paidá huí, jo Injíl ke bayán men purí kí játí hai. Sháyad koí iatiráz karke kahegá, ki Yahúdiou kí samajh kí bhúl thí, aur yih paigám, jo ambiyá kí zubání un ko diyá gayá thá, Khudá se nahín thá, sirf ádmíou ne apní aql se kuchh síkhá diyá, jaisá ki Hinduon men rishí muní log Ved Shástron kí talímou ko síkháthe the. To is ke jawáb men ham yih púchhte hain, ki agar Yahúdí log Yahowáh se síkháye nahín gaye, to un kí díní talím lásání kyún, huí? Jab sárá aur qaumen deo parastí men garq huín, to yih bát kyúnkar huí, ki baní-Yahúd akele ek hí sachhche aur zinda Yahowáh kí parastish karte rahe. Jab aur bhí barí barí qaumen díní táríki men phirtí thín, to un ko díní roshuí kyún milí? Un ke bích men aisi pák aur mufid akhláqí shariat kyúnkar paidá kí gai jis se áj tak koí sabqat nahín le já saká? In se bihtar qawánín ke banáne ke wáste beshumár pandíton aur álímon ne koshíshen kí, aur is bát men barí sargaríní bhí dikhái gayí, par áj tak koí kámyáb na huá. Agar yih shariat Khudá se bakhsí nahín gai thí, to dúson se pák aur rást kyún samjhi gai hai? Díní talímou kí nisbat Ísráil dúsrí ustatí kyún thabré? Duniyá kí áar báton kí nisbat Ísráel ká darjá kisi qadr kam thá. Hukúmat kí báton men Róm sabqat le játá thá, saudágari aur tijarat kí báton men Fínkí log ustád thaharte the.

Aqlí báton aur faísúfí kí baton men Yúnani sabhon se age barh gaye the. Jab in báton kí bát chut hotí thí, to koí baní-Yahúd ká zík'r bhí na kartá tha. To yih kyúnkar huá, kí díní báton men Isráel ka auwal darjá huá? Yih kyúnkar huá, kí Khudá kí pahchán ziyáda rástí aur safáí ke sáth un hí ko de dí gai? Kí 'ibádat kí bihtar rasúmát, aur ruháníyat men taraqqí karne ka bihtar tariqá in hí men se niklá? Aur koí na samjhe, kí sabab yih thá kí tabiát se baní-Yahúd ziyáda rúbání ádmí, aur díní báton men shaukín the. Yih nahín, yih wáqífíyat aur qábíliyát báhar se áí. Wuh log tabiát se náfarmanbardár the, jaisá áur log the. Khudá ke hukm men rahná un ke liye ásán na thá, un kí sárí tawárikh men yih bát bár bár nazar áti hai, kí jab unhon ne badí kí, to us kí sazá ko sahná pará. To un ká is bát men agar barhná huá to aql ke kuchh zor se nahín, dindárá kí kuchh ziyádatí se nahín, balki ilhám i Iáhí se huá.

4. Phir Baibal ek bahut gaur ke láíq kitáb hai, kyúnki sochiye, kí agar us ko sirf insání kitab samajhte itne hazáron dushman us ke mitáne ká mansúba na bándhte, jaisá Masíh ke khiláf qaumen us waqt josh men áín, jab wuh Khudá ká Beṭá batáyá gayá, jaisá wuh use takht nishín jánkar us ká sámhná karte, aur us ke khiláf mansúba bándhte hai, waisá hí is kalám kí mukhálifat bhí karte hai, aur unki dushmaní bhí barí thí, kis qism ká badkurdár is kitáb se sharmindá nahín kiyá gayá hai? Kaun zabardast zálím aisá nahín hai jo is bát ká shauq nahín rakhtá hai, kí Baibal nest o nábúd kí jae. Yih kitáb misl us chatán ke hai jo samundar ke kináre par ho jis par bahut zamánon se maujeñ lagti rahti hai, magar wuh chatán waisí hí qáim o sábut rahti hai. Lahareñ uthín aur chaknáchúr hún : magar chatán baní kí baní rahí. Agar aisá koí qilá kahín nazar áwe, jis par saikron dáfá dushman kí faujon ne charháían kí, magar áj tak koí use ultá na saká, to ham tázím se us kí díwáron aur phátakon par nigáh karte hai. Wuh 'izzat ke láíq hai, kyúnki mushkil zamánon men pukhtá baná rahá,

jo us men panáh lete the, aur us par bharosá rakhte the, wuh sharmindá nahín kiye gaye. Yih kitáb bhí ab aisí hí 'izzat ke láiq hai : us par bahut se hamle hue, magar wuh ulaftí na gai. Failsúfon ne us par dushmaní dikhái, Panditon ne cháhá, ki us kí baz báton ko jhuthláwen. Bahuton ne us kí baz báton ke haqq men hansí thaṭṭhá kiyá, bazon ne use mansúkh kí huí kitáb samjhá. Bazon ne hukm diyá, ki is ko mat parho, bazon ne ultí tafsíren karke, us kí tálím ko bigará, magar kitáb qáim rahí, dunyá men us kí 'izzat barhtí játí hai : balki dunyá men jis qadr koí qaum is kitáb ko pasand kartí, aur us kí nasíhaton ke mutábiq chaltí hai usí qadr wuh qaum jahán men sarfarází patí játí hai.

5. Aur jaisá is kitáb ke dushman beshumár hue, waisá hí us ke dost bhí beshumár hue. Lákhon dindár us kí rahnumái se apná ásmání safar tai kar chuke hain, lákhon mard aur auraton saḥt musíbaton ke din men us se tasallí aur khátir-jumái pá chuke hain, bahut se shahid is kí hidáyat se ág ke shuálon ke bích men Khudá kí hamd gá chuke hain, us ke parhne se lákhon kí rúhání ankhen khul gain ; lákhon saḥt dil shikastá kiye gaye hain, ranj ke din men yih insán ká bihtar tasallí-dihindá hai, shakk o shubh ke waqt men yih bihtar saláhkár hai, unke wáste, jo taríki men chalne-wále hain, yih pánw ká chirág, aur un kí ráh kí raushní hai, wuh jo Khudá kí sitáish gáyá cháhtá hai, Baibal men umda hamd ke alfáz patá hai, aur wuh jo apná iltimás pesh kiyá cháhtá hai, is men se bahut madad hásil kar saktá hai, jab ham maut kí wadí men phirte hain, to hamáre pánw ke sambhálna ke liye is siwá koí dúsrí láthí kahín na milegí.

6. Baibal kí barí taríf is bát men bhí kí játí hai, ki dunyá ko barí barakat denewáli wuhí hai, koí dúsrí kitáb, yá kisi mulk ká shástrá, is bát men us ke sáth zikr karne ke láiq nahín, jahán kahín wuh pahúnch játí wuh ádmiyat aur sháístagí ko barhá detí hai. Qadím zamáne men kitní qaumon men aisí bad-ádaton phailí huí thin jo unhen barbád kar detí thin,

Kahín zálím log garíl on ko umr bhar kí gulámí men rakhte. Kahín ádmí deotáon ke áge qurbán kiye játe the, kahín bachche ág men yá pání men phenk diye játe the, kahín bewáen apne shauharon kí lásh ke sáth apne ko phúnk detí thín, kahín hazáron log ghar bár chhor kar jogí ban játe, aur sust aur faqír hokar auron kí kamáí se kháte the, kahín zamána ba zamána qaum qaum ke sáth, aur khándán khándán ke sáth, jhagrá laráí kiyá kartá thá, lekin jahán Baibal apní mufíd tasír kar gai hai, log aise wahshipan par gálib á gae. Mádagáscar tápú ke hál par kھیál karo. Sau baras na guzre ki jab se is tápú ke báshinde Baibal ko parhne lage, us waqt un kí bahut burí bálat thí, wuh bahut hí wahshí the, na unki hukúmat achchhí thí, na un ká intizám durust thá, un men deoparastí aur butparastí bahut páí játi thí. Ab un kí barí taraqqí ho gayí hai, aur bahut log us dín ká shukr karte hain, jab Injíl kí khushkhabarí un ke pás pahúncí. Hind ke bahut átráf men bhí, agarchí aksar Hindu aur Musalmán Baibal ko piyár nahín karte hain, taubhí us se mufíd tabdilián hásil ho chuki hain. Yih madrase, aur High School aur Kálíj aur Universití ká parháná, tamám mulk men kyún kiyá játa hai? Yih háspital aur shifá-kháne, aur andhek-kháne aur korhí-kháne shahr ba shahr kyún khole játe hain. Kyá aisí madad ke wasáil Tibbat yá Arabistán men milenge, jahán Baibal nahín pahúncí? Sab jánte hain ki na milenge, taubhí baz Hindú inkár karke kahenge, ki yih sukh chain ká ráj, jo áj kal Hindustán men áram de rahá hai, aur qism qism kí sháistagi kí taraqqí bakhshtá hai, Baibal ke sáth iláqa nahín rakhtá hai. To ham un se yih púchhte hain, ki is qism ká chain Hindustán ko un dinon men kyún na huá, jab Mugal Pathán uttar men ráj karte the, aur dakhán men Mahráttá sawár dost aur dushman ko lúta karte the?

7. Magar is se bhí bhárí ek sabab hai, jis se Baibal ko parhná, aur hifz karná, aur mánná lázim hai, sabab yih hai, ki Baibal ek ruhání paigám hai, jise Khudá ne insán kí ruhání hidáyat ke wáste bakhshá

hai. Beshakk wuh ambiyá aur rasúlon ke háth se qalamband huá, magar bahut dalfilon se sábit kiyá játá hai, ki paigám K̲hudá ká hai. Hinduon men bhí qadím zamánon se yih gumán chalá áyá hai, ki insán ko ásmán se hidáyaten zarúr milengí, chunáncí un ká gumán hai, ki Ved Shástr, Purán, aísí bahut sí kitáben isí liye dí gaín. Magar in Shástron ke haqq men shakk kí yih bát paidá hotí hai, ki sab ek hí áwáz se nahín bolte haín, aur kisé men kisé kí parastish, aur kisé men aur kisé kí parastish, síkháí játí hai. Maslan Vedon men Varuna, Indra, Agní kí parastish kí játí hai, jin kí parastish áj kal ke Hindú bahut hí kam karte haín. Aur un sab men ek kamzorí yih dekhne men áti hai, ki Parmeshwar ek nahín, balki ek se ziyádá mánte haín, aur is sabab se wuh parastár ko tasallí nahín bak̲hsh sakte haín, ab gaur karne ká maqám hai, ki Baibal ke musannif jo the, so yih gawáhi dete the, ki ham apná paigám nahín dete haín. Hamáre bhejne-wále ne hamen ek kalám diyá, is ko ham sunáte haín Injíl ká ek bará hissá Paulús ke háth se qalamband huá, aur uská qaul us kalám ke haqq men yih hai. "Maia tumben jatáe detá hún, ki jo k̲hushk̲habarí main ne sunáí, wuh insán kí sí nahín, kyúnci wuh mujhe insán kí taraf se nahín pahunchí, aur na mujhe síkháyi gayí, balki Yísú Masíh kí taraf se mujhe us ká mukáshafá huá," Gal. 1 : 11-12. Phir jab logon ko Masíh kí tálímen sunátá thá. tab kahtá thá. "Ham par K̲hudá ne un ko Rúh ke wasile se záhir kiyá," I Kur. 2 : 10. Jab naját ke bhed ko kholtá thá, tab farmátá thá, wuh bhed mujhe mukáshafa se málúm huá " Ifs. 3 : 3. Aur digar rasúlon ke paigámon kí nisbat wuh farmátá hai, ki har ek sahífa jo K̲hudá ke 'ilhám se hai, faidamand hai. Aur ambiyá ke haqq men Patrus kí yih gawáhi hai, ki nabúwat kí koí bát ádmí kí khawáhish se kabhí nahín huí, balki ádmí Rúh ul Quds kí tahrík ke sabab K̲hudá kí taraf se bolte the, II Pat. 1 : 21.

BAB XI.

NABÚWATON KÍ SHAHADAT.

1. Jab *Khudá* ne nabion aur rasúlon ke zariye se insán ko 'ilhámí kitáb bakhsí, to us ne us ke sáth do umda muhren dín, jin se sáf záhir ho, kí yih paigám lánewále *Khudá* ke bheje hue hain. Yih muhr muajize aur nabúwatan hain, aur donon se is wáste qawí dalíl miltí hai, kí donon insán kí qúwat se báhar hain; aur *Yahowáh*, jo sachcháí ká Bání hai, hargiz kisé dagábáz ko aisi muhr na degá, táki uská jhuth sach thahre. Muajize us zamáne ke liye 'umda muhr thí. Jab koi aise májare ko apní ánkhon se dekhtá, jo záhiran insán kí qúwat se báhar thá, to ján saktá thá, kí is men *Khudá* ká háth hai. Lekin jyún jyún zamáne guzarte játe, aur un karámat kí khabar sirf bápádádon kí gawáhi se miltí hai, tyún tyún yih muhr kisé qadr kamzor nazar áti játí hai. Nabúwat ká hál dúsrá hai, yih wuh muhr hai, jo dúr ke zamánon ke wáste dí gayí hai, kyúнки us ká zor zamána ba zamána barhtá játá hai. Jab koi nabúwat ká kalám pahle sunáyá játá hai, tab be thikána, hai. Hán, agar aur tarah se bolnewálá mard i *Khudá* máná játá hai, to us ke sunne se kuchh nasíhat yá íbrat yá tasallí hásil hogí. Magar nabúwat ká zor tab málúm hogá, jab wuh bát púrí hotí hai, aur púrá hone men, jitná ziyáda ársa guzre utní ziyáda pakkí dalíl us se hásil ho saktí hai. Pas yih ek qism kí dalíl hai jo ham logon ke wáste bahut hí mufíd ho saktí hai. Pas lázim hai, kí ham khúb dil lagá ke un nabúwatan par, jo Baibal men marqúm hain, aur un ke púre hone par, gaur karen. Is se barí pakkí dalíl is wáste hotí hai, kyúнки insán ko ánewálí báton kí khabar mutlaq nahín hai, aur un ká batána *Khudá* ká kám hai. Hán agar koi ánewálí bát bahut hí nazdík ho, to aql us ke báre men kuchh kahegi, lekin in aqlí khiyálon men bahut sí bhúl chúken bhí hotí hain; yahán tak kí masal mashhúr hai, kí "Jiskí intízarí insán karte hain, wuhí bát hai, jo howegí nahín," *Khudá* ne insán

ko ek ajib qúwat, yane qúwat i háfiza bakhshí hai, jis se barason kí guzrí hui báton ko yád kar saktá aur un se dánish aur hoshyári pá saktá hai, aur agar us kí marzí hotí, to ánewálí báton kí wáqifiyat bhí insán ko yúghí de saktá thá. Us ke nazdík donon báton barábar ásan hotín, magar us kí marzí aisí nahín thí. Ham pichhe kí taraf dúr tak dekh sakte hain, magar áge kí taraf dekh nahín sakte hain. Insán nahín jántá, ki kal kyá hogá. Pas jab koí bahut baras áge kisí saltanat ká uthná aur barhná aur us ke ulatáe jáne kí thík thík peshingoí kare, aur us ke kahne ke mutábíq us ká anjám waisá hí howe, to záhir hai, ki yih kalám ilhám se thá: Kḥudá ne nabí ko batáyá, ki kyá hogá. Waisá hí jab kisí shakhs ká ahwál, yá us ká mizáj, yá us kí khidmat ká taríqa, yá us ke paidá hone yá mar jáne kí kaifiyat, bahut baras áge durústí se bayán kiyá gayá hai, to ham be-ikhtiyár kahenge ki Kḥudá ke siwá in báton ko kaun jántá thá? Yih us kí taraf se peshingoí hai. Ánewálí bát ká batáná ásan hai, magar haqíqat ko us ke mutábíq níkálná, yih sirf Yahowáh kar saktá hai: pas peshingoí us ke púre ho jáne par pahcháni játi hai. Pas yih ek qism ká subút hai, jas ká zor barhtá rahtá hai. Rasúlon ke zamáne tak bahuterí peshingoíán, jo bápádádon se chalí áyí thín, púrí ho chukí thín, aur in se un ke ímán ko barí pukhtagí hásil hui. Magar ambiyá kí tasnífát men bahuterí aur nabúwatan hain jo us waqt báqí rahín. In men se bahut sí báton in bis sadión ke guzarne men sáf taur se púrí ho chukí hain; pas cháhiye kí rasúlon ke ímán kí banísbat hamará ímán bahut ziyádá mazbút howe, Goyá Bábul o Ninawah ke khandaron se, aur Súr kí wíráni se, aur maglúb Misr kí túti phúti ímáraton se, ek áwáz hamáre kánon tak pahúnchti hai, jo Báibal kí sachcháí kí shahádat detí hai. Paráganda qaum i Isráel us Kḥudáwand kí sachcháí ko áj tak záhir kartí hai, jis ko us ne náhaqq radd kiyá hai. Yarúsalam kí giri hui díwáren us Kḥudáwand kí yád diláti hain, jo us kí ánewálí barbádí ke bá'is rotá thá. Aur barbád kiye hue Sardis aur Ifisus un dhamkion ke gawáh hain,

jin ko wuh nahín mánte the. Jyún jyún qadím aiyám kí nabúwatan hamáí ánkhoṇ ke áge púrí hotí játí haiṇ, tyún tyún ilhámí kitáb kí yih muhr zor pátí játí hai.

2. Nabúwat kís ko kahte haiṇ? Nabúwat kisi ánewálí bát ká aisá, b. yan hai, jo insán kí táqat se báhar ho, yáne insán apní danish o hikmat se nahín ján saktá, kí yih bát hogí, aur isí tarah se hogí, taubhí wuh batáyí játí hai, aur apne waqt par thík wáise púrí kí játí hai. Aisi bat men Khudá ká háth nazar atá hai. “Kyúnkí nabúwat kí koí bát ádmí kí khwáhish se kabhí nahín huí, balkí ádmí Rúh ul Quds kí tahíik ke sabab Khudá kí taraf se bolte the” 2 Pat. 1 : 21. Jab insán ánewálí báton ke haqq men khiyál kartá hai, to us ke khiyálát chár báton par mabní hongé; lekin yih cháron bahut mutafarriq haiṇ.

(1) Ummed, Beshakk ummed ánewálí báton se taalluq rakhtí hai, magar un báton kí wáqifiyat se taalluqq nahín rakhtí hai. Ummed cháhtí hai, kí fulání bát howe, magar nahín ján saktí, kí hogí, yá nahín hogí. Ummed zamáná í ‘istiqbál par roshní chamkátí, aur nayí nayí koshishoṇ ke karne men díl ko ubhártí hai. Wuh jawán ko targíb detí rahtí hai, kí dekho, kitne log koshish karne aur díl lagáne se in báton men barí taraqqí pá gaye haiṇ. so mumkin hai, kí tú bhí un ke naqsh í qadam par chalkar bahut barh jác. Taubhí ham sab jánte, kí ummed kabhí hamen dhokhá detí hai. Sárí chízen jin kí intizárí ham kar gaye haiṇ, háth nahín átíṇ, “sháyad” lafz ko kám men láná partá hai. Hán, beshakk baz báton haiṇ, jin ká wada Khudá ne insán ko diyá hai, aur jin ke hásil hone par pakká bharosá ho saktá hai, magar bahut baton ke báre men ummed yaqín nahín dílá saktí hai.

(2) Phir ánewálí báton kí ek qism kí wáqifiyat riyází kahlátí hai, jo tajriba par mabní hai. Ham kahte haiṇ, kí kal subh ko súraṇ púrab men tulú hogá, aur shám ko pachchhim men us ká gurúb hogá. Kyún? Kyúnkí ibtidá se aisá dastúr dekhne men áyá hai. Ham kahte haiṇ, kí yih nadián samundar men já girengí. Kyún? Kyúnkí zamanon se un ká yih dastúr ho rahá hai, jo qúwat se

mushkil báton ká hisáb bhí kiyá játa hai. Fuláne sál kí fulání táríkh, fuláne baje ko, súra j grahan hogá, aur fuláne mulk men dikhlái degá, fulána dumdár sitára, bahut barason ke phirne ke bad, fuláne sál men phir laut áegá. Lekin is men aur nabúwat men bará farq hai. Is kí barí hadd-bandí hai, yih is bát par mabní hai, kí khilqat ká intízám waisá hí barábar rahegá. Jo huá so hogá. Yih na Khudá ká irádá na insán ká irádá apne hisáb men lá saktí hai. (3) Tisri qism kí ánewálí báton kí wáqifiyat wuhí hai, jo insán kí tez-fahmí se hotí hai. Kabhí kabhí koí ádmí dekhne men átá, jo aisá dánishmand hai, kí wuh áge pichhe kí báton ko khúb jáñchtá hai, us ko itní durandeshí hai, kí bahut kuchh batá saktá hai. Is ko bhí koí nabúwat na kahegá. Pahle to yih hoshyár ádmí thore hain, phir un kí wáqifiyat kí barí hadd-bandí hai. Wuh sabab natíje ke qánún se hisáb karte hain: sochte hain, kí jaise bá'is waise natíje honge. Is qism kí hikmat se aksar jismání fawáid hásil hote hain. Jab bádsháh durandesh hai tab raiyat árán se rahtí hai, jab sáhukár durandesh hai, tab lakhpatí ban játá hai, jab Kisán durandesh hai, tab anáj kasrat se khet men paidá hogá. Lekin is qúwat men aur nabúwat men bará farq hai. Aisá dánishmand shakhs nahín jántá, kí kis sál men akál paregá: kí kis mulk men nayí saltanat uthegí: kí kis shahr men haizá hogá: yá kaun bádsháh kis par hamlá karegá. (4) Nabúwat áur qism kí bát hai, us kí haddbandí sirf Yahowáh kí marzí hai. Khudá sab kuchh jántá, aur jo kuchh insán ko batáne cháhtá hai, wuh apne nabion kí zubání kahtá hai, aur jaisá kahá gayá hai, waisá hí waqt par thík kiyá játá hai.

3. Sachcháí par yih muhr qadím aiyám se dí gayí hai. (1) Us se pahle kí Ádam aur Hawwáh bág i adan se khárij kiye gaye, unhen ek jhagre kí khabar dí gayí, jo dunyá men kiyá jáegá, aur ham áj tak is jhagre par nazar karte hain. Qadím se ek Naját Dihinde kí ámad kí khabar dí gayí, aur muqarrar waqt par wuh ákar maujúd huá. Ab se tentís sau baras guzre hain, jab se Músá se us sazá ká zikr kiyá gayá jo náfarmán Isráel

par bhejī jāegī, aur āj kal ham unhen us hī saza ko sahte dekhte hai, chunānchi haqīqī nabúwat kí auwal kasautī yih hai. Kyá wuh us wáqī se bahut din peshtar mashhūr kí gai, kí nahīn? (2) Dúsrī kasautī yih hai, ki kyá yih kalām sáf thá, jis ko insán samajh saktá hai? Sach hai, ki Baibal kí bahut sí nabúwatan aísí thīn, ki jab tak púrī na huīn, tab tak un ká sharh karná mushkil thá: lekin un kí takmíl un par púrī roshnī dáltī hai, maslan Sidqiyáh ke haqq men kahá gayá thá, ki asír hoke Bábul men pahuncháyá jāegá, दूसरे maqám men likhá thá, ki wuh kabhí Bábul ko nahīn dekhegá. Jab Nabukadnazar ne us kí ankhen nikál kar use Bábul men qaid kiyá, tab yih do khiláf báten samajh men áyīn, jab Yisú ke báre men kahá gayá thá, ki us kí maut be-izzatī se hogí, magar us ká dafnáná 'izzat se hogá, tab in báton ká samajh men aná us waqt tak mushkil thá, jab tak wuh choron ke sáth maslúb, aur Yúsuf kí nayí qabr men gárá nahīn gayá. Phir Yisú ke haqq men kahá gayá thá, ki wuh mará jāegá, taubhí fathmand hogá, ab ham ásání se dekh sakte hai, ki us ká fathmand honá, kháss us salíbí maut ke zariye se huá. (3) Nabúwat kí tísrí kasautī yih hai, ki wuh aísá kalām ho, jo mahz insán kí hikmat o hoshyarí se malúm na ho. Agar koí kisí fuzul-kharch jawán se kahe ki "Burhāpe men tú bhíkh máng ke phiregá": yá kisí sharábí jawán se kahe, ki tere betē nange phirenge; to yih nabúwat nahīn: yih sirf tajriba se síkhí huí báten hai, Gadar se kaí sál peshtar Napier sáhib ne kahá, ki "In Hindustání paltanon se mulk ká bará khatrá hai, magar yih nabúwat na thí: sirf itní bát thí ki us ne sáf dekhá thá, ki yih sipáhhí log sarkár ke taht se chhut gaye hai: koí un ká roknewálá nazar nahīn áta, magar ham is ko nabúwat nahīn kahte hai. (4) Chauthí kasautī yih hai, ki kalām thík us tarah se púra ho, jaisá farmáyá gayá, aur na kí दूसरी tarah se Yahúdon se kahá gayá, ki tum asír kiye jāoge, magar lautāye jāoge. Súr ke haqq men kahá gayá ki jahán bare bare saudágar rahte the garib machhwe apne jál phailāenge. Ninawáh ke haqq men kahá gayá ki

tú dafnáya jáegá, pas ek ek par us ká muqarrar anjám áyá, aur na kí koí dúsrá. Alqissá agar ham Baibal kí kisi ek nabúwat ke háqq men yih cháron nishánát páte hain, kí wuh púre kiye jáne ke bahut din peshtar mashhúrkí gayín : kí wuh sharh karne men ásán thá ; kí yih batáná insán kí táqat se báhar thá : aur kí wuh thík jaisí batáyí gayí, waisí púrí kí gayí, to yih ek hí peshingoí Baibal kí sachcháí ko sábit karegí, kyúnci záhir hai, kí is men Khudá ká háth hai.

4. Maslan in dinon ke bád, jab Núh kishtí se nikal áyá, us ne apne tén beton kí aulád ke haqq men aisi nabúwaten kí, jo bahut zamánon tak púrí hotí rahín ; balki wuh áj kal kí dunyá kí hálát se mutábíqat rakhtí hain us ne kahá kí Kanán malaún ho : wuh apne bháion ke gulámon ká gulám hogá : Khudáwand Sim ká Khudá mubáarak : aur Kanán us ká gulám hogá Khudá Yáfat ko phailáwe : aur wuh Sim ke deron men rahe : aur Kanán us ká gulám ho," Paid. 9 : 25-27. To is se záhir hai, kí tñon beton kí aulád kí tñon qism kí tawárikh hogí. (a) Yáfat ko ek jismání barakat ká wáda diyá játá hai, Yáfat lafz ke mane barhtí hain, so barhtá kí barakat use dí játí, aur us kí aulád men yih bát záhir huí hai, kí Yáfat wále kasrat se hue aur małúm hai, kí pahle zamáne men bhí yih bát roshan huí. Hám ke chár bete hue : Sim ke pánch bete the ; lekin Yáfat ke sáth bete the, phir zamána ba zamána, jahán kahín un kí ábádí hotí, to un kí parosí qaumon ko un ke barh jáne se taklíf milá kartí hai. Chunánchi yih barhtí Taimúr Lang aur Jenghis Khán ke dinon se leke áj kal ke Yúráp-wálon men záhir huá hai. Na sirf yih, balki Núh ne kahá, kí un ke kasrat se hone se ek kháss natíjá yih hogá, kí jab un ká koí mulk bhar jáegá tab Yáfat wále nikalkar pardes ko ábád karne lagenge, un kí khássiyat yih hogí, kí bare phailnewále honge. (b) Sim kí aulád kí barakat ziyádatar rúhání thí, Khudáwand Sim ká Khudá mubáarak ; yane Khudáwand kháss tarah se Sim ká Khudá hogá. Chunánchi Iláhí báton kí wáqifiyat baní Sim se tamám dunyá kí sárf qaumon ko milí hai. Núh kí peshingoí

men ek kalām hai, jis kī tashrih do tarah se kī jā saktī hai, agar ham use yūn parhen, “Yāfat Sim ke deron men rahe,” jaisā kī aksar ālīm parhte hain, to bāt purī hūī, jab Rūmī aur Yunānī log, jo Yāfat kī aulād se the, Yahūdiyā, Arabistān wag. mulkon par, jo Sim wālon se ābād the, qābiz hue, aur wahān rahne lage, wuh dūsri tarah se bhī purī hūī, jab Yāfat wālī qaumen ruhānī taur se Sīm ke deron men rahne lagen, yāne us haqīqī mazhab ko, jo Sim kī aulād men nāzil huā, qabūl karne lage; aur wuh, jo janam se Isrāelī nahīn the, imān se Isrāelī ho gaye, (c) Phir Hām kī aulād, aur khāsskar us ke chauthē betē Kanān kī aulād ke haqq men, āur qism kī nabūwat kī gayī. In qaumon kī hālat kisī qadr burī hogī, un kā gulām kā sā hāl hogā, chunānchī yih bāt qadīm se dekhne men āyī hai, kī Hām wāle Sim wālon aur bad ko Yāfat wālon se dabē rahe hain. Yih sach hai, kī ibtidā men Hām wālon ko achchhā mauqā bakhshā gayā hogā, balki tīn saltanatēn jin men pahle tāqat aur shān o shauqat paidā huīn, yāne Misr o Ninawah Namrūd kī hukūmat, sab Hām wālon men namūd huīn, lekin in kā shāistagi men sabqat le jānā, sirf chand dinon kī bāt thī. Hām wālon par bure dīn ānē lage, balki āj tak unkā burā hāl hai, jaisā Afrikā kī qaumon se roshan hai. Nūh ne khāss karke Hām ke betē Kanān kā nām liyā, jis se is bāt kā ishārā hogā, kī jo musibatēn in qaumon par zamānon tak āengī, so mahz un kī bedīnī kā phal hain. Baibal men mazkūr hai, kī Yashū’ ke dinon men Kanānion ke tīs Rājā māre gaye, aur un kī milkiyat Isrāel ko dī gayī, aur un men se bahut Tibaūnī wag. gulām kiye gaye; aur Sulaimān ke dinon men yih bāt tamām kī gayī. “Wuh sārī guroh, jo Hittion, aur Amūr.ōn, aur Firizzion, aur Hawion, aur Yabūsion se bāqī rahī, aur Isrāelī na thī; ham, un kī aulād, jo ba’d un ke zamīn men bāqī rahī, jinhen banī Isrāel ne nāhūd na kiya, so Sulaimān ne un se khirāj ke badle kām liyā, jaisā kī āj ke dīn hotā hai,” 2 Sau. 8: 7, 8. Ab sochiye, kī yih bāten, jo chār hazār baras guzre kahī gayen, kaisī sāhib taur se purī

hotí áyí haiñ, sábit hai, ki Khudá ne Núh ko in báton kí khabar dí.

5. Ek aur pheshingoí agle dinon men dí gayí thí, jis ká zikr bahut kam kiya játá hai, aur taubhí wuh ajíb taur se bahut zamánon tak púrí hotí chalí áyí hai; yane wuhí kalám, jo Arabí logon ke haqq men kahá gayá thá. Jab Isráel paidá hone par thá, tab ghar men kuchh jhagrá huá, aur Hájiráh jangal men chalí gayí, wahán use khabar dí gayí, ki tujh se Ismáel paidá hogá, aur us kí, aur us kí aulád kí nisbat yih kahá gayá, ki “wuh wahshí ádmí hogá; us ká háth sab ke, aur sab ke háth us ke barkhiláf hongé; aur wuh apne sab bháion ke sámhne búd o bášh karegá,” Paid 16: 12, Bad is ke yih wáda dohráya gayá, ki “Ismáel ke haqq men main ne terí suní: dekh, main use barakat dúngá, aur use baromand karúngá, aur use bahut barháúngá; aur us se bárah sardár paidá hongé, aur main use barí qaum banáúngá,” Paid, 17: 20. Is men kaí ek báton kí nabúwat dí játí hai. (a) Ibráhim ká ek larhá paidá hogá, aur agarchí wuh “wáda ká farzand” na hogá taubhí us ko yih barakat milegí, ki us kí aulád ek bare mulk ko ábád karegí, us kí aulád men bárah sardár námí hongé. Khair, sab jánte haiñ ki Ismáel nám Ibráhim ká ek betá paidá huá, aur ki áj tak Baidawí log, yane Arabistán kí qaumen apne ko baní Ismáel kahte haiñ. Ab qaríb chár hazár baras hue, jab se Khudá ne in logon ke बारे में दो तीन अजिब बातें कहीं, जो हमारी आंखों के आगे पूरी होती आई हैं.

6. (b) Us kí aulád kháss taur se alag rahegí. Agarchí wuh log bare lare jhagarnewále hongé, taubhí koí unhen apní zamín se nikál na sakegá. “Wuh apne sab bháion ke sámne búd o bášh karegá.” Larege to: har waqt lúthne márne ko taiyár hongé: goya sab log un ke dushman hongé: “un ke háth sab ke khiláf hongé,” aur is ká natíjá yih hogá, ki sab háth us ke barkhiláf hongé, un ká báp Ismáel ap is tarah apne bháion ke sámhne rahá yane us kí hayát ke baras 137 the, us kí sarzamín ke nazdík bare bare fathmand

bádsháh hue, aur kitnon ne fauj leke us zamín par hamlá kiyá, magar wuh áj tak Baidawí logon ke mátaht hai, un ke khash bhái Moábí, Ammání, Adúmí játe rahe, magar Ismáelí báqi hain, wuh Misr aur Bábul ke nazdík rahe, magar un se maglúb na hue, Fíráun Sesastris ne farmáyá, ki main ne baní Ismáel ko jit liyá. Sesastris kí fatúhát ko kaun yád kartá hai? Lekin baní Ismáel apne maidánon men apne jánwaron ko áj tak charáte hain. Khoras ne bahut se mulkon ko apne qabze men kar liyá, aur wuh Finíkiyá, Yahúdiyá wag. se jiziya liyá kartá thá, magar Arabwálon ko apná dost jánkar un se madad mángtá thá. Sikandar i Aazam ne bháí Fársí saltanat ko ulat diyá : aur Asiyá kí bahut qaumen us se dab gayín, magar Arab wále ta dabte, na use jiziya lete the, wuh us ke pás elchí tak bhejne ká inkár karte the ; aur Sikandar is ko be-adabí jánkar un se bahut hí náráz huá, ákhir i kár us ne Arabistán par charháí karne ke wáste bare lashkar ko faráham kiyá : magar charhne se pahle wuh mar gayá Jab Sikandar kí saltanat char bádsháhon men taqsím kí gayí, tab Antígonus náme un men se ek ne is ná-tamám kám ko utháyá, aur do faujen Arabistán men bhejín. Pahle us ke sardár Athenens ne fauj leke hamlá kiyá, magar wuh maglúb huá, jab bádsháh ke bete Dometrins ne aísá hí kiyá, wuh bhí kámyáb na huá aur un se sulh bándh ke laut áyá, chunáncí Diodorus yún kahtá hai, ki "In Arabwálon ko agle dinon men Kaldí, aur na áj kal Medí o Fársí, aur na Makadúní qabze men lá sakte hain agarchí bár bár koshishen kí gayín, wuh kabhí kabhí parosion se larte, aur kabhí sulh karte hain ; kabhí Suriyánion aur Misrion se jhagarte, aur kabhí un kí madad karte hain : kabhí Yahúdiyon se dostí karte, aur kabhí lútte hain ; magar har waqt ép ázád o kхуд- mukhtár log rahte hain." Agar ham un kí áj kal kí hálat par nigáh karen, to waisí hí malúm detí hai. Beshakk jab Romí log dúr dúr mulkon par fathyáb ho gaye, tab un ke lashkar is mulk par bhí charh gaye, aur Lucullus aur bad us ke Pompey ne Arabwáli faujon ko

shikast dī, aur barī koshīsh kī gayī, kī Arabistān Romī saltanat kā ek sūba ban jāe, jaise Yahūdīyā, Arām, Misr wg. ban chuke the : magar yih intizām kabhī kiyā nahīn gayā. Bare bare Romī Qaisar, maslan Prejan o Síviras ne wahān faujen bhejīn, magar un se kuchh ban na parā. Ek dafa, Angustus kī hukumat men, ek Romī fauj wahān bhejī, gayī, lekin us men khanfuāk bīmārī lag gayī, yahān tak kī laṭnā parā. Romī muarrikh kahte the, kī yih zāhir hai, kī deotāon kī yih marzī nahīn hai ; kī ham Arabwālon ko qabze men lāen ; is liye yih āfaten bhejī jātī hain, tab Muhammadī saltanat wahān qāim kī gayī, aur dūr mulkon men phail gayī.

VII. (c) Ek aur khāssiyat banī Ismāel men yih hai, kī wuh log shurū se ek qism bane rahe hain. Bāz qaumon par zamānon ke guzarte hī barī barī tabdīlīān wāqī' hotī hain, magar Arabī log shurū se ajab tarah se in tabdīlion se bach gaye hain. Har zamāne men un kī aisī tabīat nazar āyī, jaisī un ke bāp Ismāel kī thī, us ke haqq men yih nabūwat dī gayī thī, kī “wuh Wahshī ādmī hogā, Ibrānī lafz hai,” “gorkhar ādmī,” yane us kī aisī khāssiyaten hongī jaise bayābān ke godhe, men hotī hain. Agar koī pūchhe, kī yih kaisā jānwar hai, to Aiyūb ne umda jāwāb diyā hai. “Kis ne Gorkhar ko āzād karke bāhar chhorā hai? Aur kis ne dashtī gadhe kā bandhan kholā hai? Main hī ne bayābān ko us kā ghar muqarrar kiyā, aur khāre dasht ko us kā maskan, wuh shahr kī bhīr bhār par hanstā hai, aur hānknewāle ke shor shār ko wuh nahīn suntā. Pahāron men dhūndh dhāndh ke wuh charāī pātā, aur wuh har ek harī chīz kī talāsh men phirtā hai,” Aiy. 39 : 5-8. To yih bāten banī Ismāel men kaisī lafzī taur se pūrī hūn ! Misl gorkhar ke wuh bayābān men phirná bahut pasand karte hain, un kī bastiān hain, taubhī har zamāne men bahut āwārā phirnewāle, aur jangal pahār men apne jhundon kī charāī karnewāle hain, āj un ke dere yahān, kal wahān hongē, Gorkhar kī mánind wuh āzādī ko pyār karte hain, koī hānknewālā ba-mushkil tamām un se koī khidmat

legá, gharelú gadhe khidmat karen to karen, magar
ghorkhar ázád mára phiregá, chunáncí us nabúwat ko
dekhkar jo Ismáel ke haqq men us waqt dí gaí, aur
use us qaum kí surguzasht ke sáth miláke, sáf záhir
hai, ki Baibal barhaqq, aur Khudá ká ilhámí kitáb
hai.

BĀB XII.

CHAND PESHINGOĪĀN, AUR UN KĀ
PŪRĀ HONĀ.

SHAHR I BĀBUL KĀ BAYĀN.

1. Jab yih bāt daryāft kī jāti hai, ki kisī nabī ne kisī qaum yā shahr yā shakhs kī nisbat sáf peshingoi dí, aur wuh kalám saikron baras bad púrā, balki lafzī taur par púrā húa, to yih iqrár karná partá hai, ki nabī ne apná nahín, balki Kḥudá ká paigám sunáyá. Insán ko ánewálí báton kī kḥabar nahín hai. Hān, wuh kuchh kuchh gumán karegá, taubhí us ke gumán meṇ kuchh bhí thikáná na howegá. Pas haqíqī peshingoi, jab púrī húi, tab kalám kī sachcháí kī muhr hai.

2. Maslan wuh báten, jo Bābul shahr ke haqq meṇ farmái gayē, bahut hí qābil i gaur haiṇ. Wuh bahut hí puráná shahr thá. Jab Baibal meṇ Hām kī aulád ká bayān miltá hai, to yūn likhá hai, ki “Kúsh se Nimrúd pridá húa, aur wuh saiyád i jabbár thá, aur us kī bādsháhat kī bunyád Bābul wg. jagáhon meṇ thí,” Paid. 10: 8-10; yāne shurúwálí bādsháhaton meṇ Bābul ek thí. Bahut zamánon tak us kī qaumon meṇ shubrat thí, Yasaiyáh ne us ke qadím jalál ká ishárá kiyá hai. Farmátá hai, “Tú ne kahá hai, ki main abad tak maliká baní rahúngí. Tú áge ko Mamlukaton kī maliká na kahláegí,” Yas. 47: 5-7. Yaramiyáh ne bhí us kī sarfarází ká zikr kiyá. Bolá, “Harchand Bābul ásmán par charhá ho, aur agarchi us ne apní tawánái ke únche makánon ko muhkam kiyá ho,” to giráyá jáegá, Yar. 51: 5-3. Nabukadnazar bará bādsháh thá. Dániel farmátá hai, ki wuh is bāt par bahut phúltá thá, ki us ke háth se shahr barí barí ‘imáraton se árástá kiyá gayá hai, “kyá yih wuh barí Bābul nahín, jise main ne apní tawánái kī shiddat se banáyá, tá ki wuh dár-us-saltanat ho, aur us se merí shán o shaukat jalwagar hogá,” Dán, 4: 30. Haqiqat yih húi hogí, ki shahr kī bunyád Nimrúd se qálí gayí, aur us kī aglí

banáwat Semirámis Rání se kí gaf hogí, taubhí Nabu-kadnazar ká fakhr ek tarah se durust thá, kyúnkí us hí ne shahr ko bahut hí barhá diyá, aur áj tak un pakkí inṭon men, jo koson tak idhar udhar us maidán men bithráyí húi hain, ziyádatar us hí kí chháp dikhái detí hai. Shahr to niháyat phailá húa thá. Herodotus, jis ne Yasaiyáh kí nabúwat ke 250 baras bad wahán kí sair kí, kahtá hai, ki shahr chaukon thá, aur us kí ek ek taraf 15 míl lambí thí: yane zamín ke hisáb se áj kal ke Landon shahr se dúná bará thá, Magar koí na samjhe, ki tamám zamín jo díwáron ke bhítar thí, so sab ábád thí. Nahín balki bare bare mahall aur mandír aur 'imáraton aur un ke 'iháte, aur khet, aur bágíche shahrpanáh ke andar bhí the: aur agar shahr ká muhásira kiyá jae, to log der tak andar kí paidá kí húi chizon ko khákar, apní jánon ko bachá sakte the.

3. Bábul shahr na sirf bará, balki bahut hí mazbút bhi thá, Yarmiyáh ne us ko hathaure se tashbíh dí, jo chatán ko chúr chár kartá hai, 'Tamám dunyá ká hathaurá kyúnkar kútá gayá, aur torá gayá?' Yar. 50: 23. Jab Musalmánon kí faujen bahut sí púrabí mulkon par qábiz hoke Yúrap par bhí charháí karne lagín, tab Charles náme ek Sardár ne unhen jít liyá aur unhen áge barhne se rok liyá, aur is se us ká nám Charles Martel, yane mártaul mashhúr húa, kyúnkí is hataure se Musalmán jangí qúwat chúr chár kí gayí. Magar Charles se saikron baras áge, wahán Sínár ke maidán men dunyá ká dúsrá mártaul thá, jo ás pás kí qaumon ko bahut tortá thá. Aglab hai, ki Bábul ká burj, jis ke banáte waqt zubánon men ikhtiláf dálá gayá, us shahr ke bích thá. Áj kal wahán Birs Nimrúd nám ek 200 fuṭ únchá khandar dekhne men áta hai, jis kí súrat se málúm hotá, ki pable bahut hí únchá thá, aur kisé zamáne men bijlí se giráyá gayá aur jaláyá gayá hai, chunánci beshumár jale hue roṛe aur patthar cháron taraf bithráye hue hain, balki púrab-wálon men ek riwáyat thí, ki ásmán se ág ne girke us burj ko barbád kiyá. Magar málúm hotá hai, kí khandar bhí puráná hai, aur ki us kí choṭí par

Bábul ke badsháhon ne Bel deote ke nám par wuh bará mandí banwáyá, jis kí shuhrat dúr mulkon men phailí, aur jis ke nám se Belshazzar aur Beltashazzar námzád hue. Ambiyá ke zamáne men wuh mandír jalwagar huá hogá. Haikal ke pák zurúf us men rakhe gaye honge, taubhí áge se us ke khíláf peshingóí níkaí chukí thí, Yasaiyáh us kí taraf nigáh rakhtá hai, "Bel jhuktá hai, Nabu nihurtá hai. un ke but chau-páyon par lade hain," Yas. 46 · 1,2. Yaramiyáh ne bhí aisá tarmáyá, "Bel ruswá huá, Marúdak sarásímá kiyá gayá hai, us ke but khajil hue, us kí múraten pareshán kí gayi," Yar. 50 · 2. (b) Is se thorí dúr par ek aur bará puráná khandar maidán men nazar átá hai, jis ko log Al Qasr, yane sháhi-mahall nám dete hain. Liwáyat hai kí ek bádsháh apní maliká ko paháristán se byáh láyá, aur kí Maliká is maidán ke bích men rahke bahut bechain ho játí thí. Kahtí thí, kí "Yahán jí nahín lagtá. Yahán koí pahár, balki pahári yá tílá tak nazar nahín átá hai." Bádsháh ne kahá, "mat ghabrá kí yahán shahr ke bích men main ek pahár banwátá hún," chunánci us ne ek bahut hí 'umda pahár-súrat sháhi-mahall banwáyá, jis kí taríf zamánon tak kí gayi. 'Imárat ká nám latká huá Bág thá, goyá ásmán se koí bágícha jhuká huá hai. Khair, wuh 'imárat zamánon ke guzarte hí barbád hui, lekin jab gir bhí gayi, us ká khandar bará aur únchá rahá, aisá mahall qílá kí mánind mazbút huá hogá. (c) Magar shahr kí kháss mazbúti us kí únchi únchi aur motí motí shahrpanáh men thí. Curtius náme musanníf, jo Sikandar Buzurg ke sáth Bábul men dákhil huá, kahtá hai, kí shahr kí díwár 350 fút únchi, aur 87 fút motí thí, aur kí us men sau darwáze bane the. Cháhe is bayán men kuchh mubáligá hhi ho, taubhí Baibal se jáná játá hai, kí shahr bará mazbút thá. Log is díwár par bahut fakhr karte the, kí us kí aisí úncháí hai, kaun dushman us par charh sakegá? Us kí aisí motái hai, kaun dushman use tor saktá hai?

4. Alqíssá, qadím aiyám men Bábul niháyat bará aur niháyat zabardast aur zálím shahr thá. Kyá

dunyá ke ákhir tak aisa hi rahega? Nahin do nabion ne bár bár us ke ultác jáne ká zikr kiyá, aur un dinon men kiyá, jab us kí shuhrat tamám zamín men phailí huí thí. Pahle Yasayáh ne Bábul kí barí malámat kí, aur khásskar is bát men kí, kí yih shahr butparastí karne men sab se ziyáda hai. “Ab tum wawailá karo, kí Khudáwand ká din nazdík hai. wuh Qadir i Mutlaq kí taraf se ek bare halákat kí mánind áwegá. Dekho, Khudáwand ká wuh din átá hai, jo gazab men, aur qahr i shadíd men, sakht durusht hai; táki mulk ko wíran kare, aur gunahgáron ko us par se nest o nábúd kare. Dekho, main Mádíon ko un par charháungá. Aur Bábul, jo mamlukaton kí hashmat, aur Kasdíon kí buzurgí kí raunaq hai, Sidúm aur Amúrah kí mánind ho jáegá, jin ko Khudá ne ulat díyá.” Yas. 13: 6-19. Is men, jo sau baras áge se peshingoí kí gayí, kái báten sáf batáí játí hai. (1) Bábul par áfat atí hai. (2) Wuh Khudá ke gazab se bhejí játí hai. (3) Wuh Mádí logon ke zariye se atí hai. (4) Us se shahr bilkull barbád kiya jáega. Yih cháron báten bad ko lafzí taur se púri huín. Dúsré waqt men Yasayáh ne phir farmáyá, kí “Khudáwand ká háth Kasdíon kí mukhálifat men hogá, tum Bábul se niklo, Kasdíon ke darmiyán se bhágo. Use mashhúr karo: hán zamín ke kináron tak pahúncháo, Khudáwand farmátá hai, kí badkáron ke liye salámatí nahín,” Yas. 48: 14-22. In áyáton men us ánewálí barbádí kí ‘ibrat dohráí játí hai.

5. Bahut baras bad Yaramiyáh aur bhí safái ke sáth us ánewálí barbádí ká zikr kartá hai, balki us ke dinon men áfat i mazkúr Bábul ke darwáze ke nazdík pahúnch chukí thí, “tum qaumon ke darmiyán bayán karo, aur ishtihár do, aur jhandá khará karo: manádí karo: mat chhipáo, kaho, Bábul le liyá gayá hai, Bel ruswá huá; Marudak sára súná kiyá gayá hai: us ke but khajile hue: us kí múraten pareshán kí gayín, kyúнки uttar se ek qaum us par charhtí hai, jo us kí sarzamín ko ujár karegi, yahán tak kí koí us men na rahega: we bháge hai; we rawáná hue, kyá insán aur kyá haiwán’ Yar. 50: 2,3, “Ki dekh, main uttar kí

sarzamín se barí qaumon kí ek guroh ko barpá karúngá aur Bábul par le áúngá, aur we us ke muqábil pare bándhengí wahán se we áwengí, jo use le lengí, Kasdistán lútá jáegá; sab jo use lútenge ásúda hongé, Khudá-wand kahtá hai,” Yar. 50: 9, 10. Bad ko Yaramiyáh ne phir farmáyá, “Main Bábul men Bel ko sazá dúngá, aur jo kuchh wuh nigal gayá hai, main us ke munh se nikálúngá aur qaumen us ke pás phir wahán rawáná na hongí: chunánchi Bábul kí díwár gir gayí hai. Ai merí qaum, us men se nikal á, aur tum men har ek apní apní ján ko Khudáwand ke qahr i shadíd-se bachá lewe,” 51: 44, 45, Yaramiyáh ke in paigámon men bhí kai báton kí gawáhi nazar atí hai. (1) Agarchi Bábul jaláli aur hasín shahr hai, taubhi us kí haulnák barbadí atí hai. (2) Is halákat ká bá'is Yahowáh ká qahr i shadíd hai. (3) Un logon ke wáste, jo Bábul i Sharír se apne tain aláhída na karenge, bará khatrá rahegá. (4) Ánewáli halákat ajnabíon kí faujon se kí jáegí. (5) Yih faujen uttar kí sarzamín se áengí. (6) Yih halák karnewále ek mulk ke nahín hain, magar kai mulkon ke sipáhi milkar fauj banáenge. (7) Un ánewálon ká kháss maqsad Bábul ko lutná hogá; yane Yahowáh ká maqsad aur hogá; wuh unhen Bábul ke beshumár gunáhon ká intiqám lene ke wáste bhejtá hai; magar un ke dil men khwáhish aur hai, ki ham is daulatmand shahr ko khúb lúten. (8) Yaramiyáh is jang ká anjám bhí batátá hai, Bábul ká maidán wíran kiyá jáegá. Ab sochiye, ki Yarmiyáh ko in áthon báton kí khabar áge se kahán se milí: kyúнки alím log jánte hain, ki yih bilkull purí tarah se wáqiá hún. Záhiran wuh Khudá ká paigám sunátá thá, záhiran wuh sach boltá thá, kyúнки sachcháí ke Khudá ká bhejá húa áyá.

6. Bahut log jánte hain, ki Bábul kí bádsháhat qadím aiyám men barbad kí gai, aur shahr ultáyá gayá, magar unhon ne kabhi is bát par nahín sochá, ki is halákat ke haqq men ambiya ke kalám kaise lafzí taur se pure hue. To is bát par kuchh gaur karná mufid hogá. Nabíon ne is bát ká 'ishará kiyá, ki yih

maidán, jis men khúb ábádí hai, jis men 15 mil chaukon shahr baná hai, jis men mahallon aur 'imáraton aur qiláon kí kasrat hai, wírán o sunsán kiyá jáegá. Agar is nabúwat kí khabar Bábulwálon ko pahúnc hí, to wuh hanse hongé. Kahá hogá ki yih jagah kyúnkar wírán ban saktí hai ? agar log jáen bhí, taubhí ghar bane rahenge, agar bhúnc hál 'imáraton ko girá de, to log inhen phir utháenge, yá un kí maraminat karenge. Agar dushman áwen, to gharon ko lutenge, magar kis matlab se girá denge ? Wuh sochte hongé, ki yih bát anhoní hai, taubhí ambiya ká paigám is ke khiláf thá, Yaramiyáh farmá chuká thá, kí Bábul khandar ho jáegá, aur gídaron ká maqám, aur hairání aur sífí ká báis hogá, aur us men koí na basegá. Us kí bastíán ujar gayín, we ek kbushk zamín aur sahrá ho gayín, aísí sarzamín, jis men koí nahín bastá, na wahán ádamzád ká guzar hotá hai," Yar. 51 : 37, 43. Hán ás pás ábádíán hongí, magar jahán shahr kí raunaq jalwagar thí, wahán gídar phirenge. Yasaiyáh ká paigám waisá hí thá. " Ban ke janglí darínde wahán baithenge, aur un ke gharon men ullú bhare húe hongé ; wahán shutr-murg basenge, aur buz-kohí wahán kúdenge phándenge. Aur gídar un ke álishán makánon men, aur bheríye un ke rang-mahallon men chilláenge : " Yas. 31 : 21, 22. Sab log jánte haij kí shutr-murg aur ullú aur bheríyá insán kí nazdíkí se bhágte haij : pas yih wírán jagah kí taswír hai. Ab dekho, ki yih bát kaise púrí hui hai. Strabo, jo Masih ke dinon ká ek musanníf thá, kahtá hai, kí San Iswí 20 men Bábul ká maidán bilkull sunsán thá. Jerome buzurg us ke 400 baras bad kahtá hai, kí Fárs ke bádsháhon ke wáste Bábul shikárgáh, yáne jahán wuh janglí jánwar ká shikár karen, húa hai. Ráwlínson sáhib áj kal kahtá hai, kí puráne tñle aur khandar us maidán ko ná hamwár kar dete haij. Layard sáhib, ek daulatmand Angrez Nínawah maidán men ajáibát kí talásh men khodne ko gayá. Us ne Bábul kí bhí sair kí, aur kyá páyá kí " Jagah bilkull sunsán hai. Agar kahín darakht dekhne men áwe, aur main us ke pás

chalūn. to us men se ullū nikal bhāgtā, yā gīdar us ke nazdik se chalā jātā hai." San Iswī 1811 men Rich sāhib us mulk men Angrezī Consul muqarrar thā. Us ne bhī us maidān men daurā kiyā. Batātā hai, "Wahān main ne idhar udhar janglī jānwaron kī mānden dekhīn, ek mānd men sherbabar kī sī bahut bú mālūm hotī thī, aur main ne us ke andar bheron aur dīgar chhote jānwaron kī haddiān bithrāī hūī dekhīn, aur jagahon men sāhī ke kānte pare hūc the, aur jahān tīlon aur dīwāron men surākh dikhāte the, to bahuton men ullū aur chamgīdar baithe hūc the," yūn mālūm hūā, kī nabī sach bolte the. Agar koī pūchhe, kī shahr kis tarāh se aisā kāfūr ho gayā? to bāt yūn hūī hogī. (a) Fārsī bādshāh ne is shahr ko rahne ke wāste pasand nahīn kiyā aur apne liye dūsri jagah men mahall banwāe. Rāis log aur bare bare saudāgar bādshāh ke nazik rahnā pasand karte hain, so wuh bhī Bābul se rawānā hue, un ke jāne se naukār chākar aur mazdūr logon ke wāste mazdūri pānā mushkil huā, so dhire dhire wuh bhī chale gaye aur ghar khālī hue. Jab koī barsāt ke bad un kī marammat nahīn kartā thā, to wuh girne lage. Itne men, jab log āur kahīn shahr banāte the, to apne wāste int nahīn pakwāte, na patthar khudwāte the, yih āsān thā, kī Bābul se aisī chīzon ko batorkar lāwen. Nadī pās thī, pas khude hue pathar, aur pakāī hūī, int batorkar, jahāzon par lādo, aur jahān chāho bhejo. Yūn shahr lūtā gayā, jo chīz zamīn ke ūpar rahī, use koī uthā le jātā thā, aur yūn Kasdī āp nabī ke paigām ko purā kar dete the.

7. Koī pūchhegā, kī jis hāl kī wuh maidān bahut hī sarsabz o zarkhez thā, to bad ko us kī ābādī phir kyūn nahīn kī gayī. Hamārā yih khyāl hai, kī yih us kī nahron ke bigar jāne se huā. Pahle in nahron se shahr kī daulat bahut barhī. Ek barā daryā, yāne Furāt nadī shahr ke bīch men bahtī thī, aur us se nahron idhar ūdhar katī hūī thīn, jin men se baz itnī barī thīn kī ladī hūī kishtiān un men jā saktī thīn. In pānion kā ishāra Baibal men bhī miltā hai. "Bābul kī nadion par wahān ham baithe, aur saihūn ko yād karke roe,

Ham ne apní barbaten, bed ke darakhton men, jo us ke bích men the, táng dín Zab. 137- 1, 2 Yarmiyáh ne bhí farmáyá "Aí tú jo bare pánion par sukúnat kaití hai" Yar. 51: 36 Phir kahí, us ke panion par ek talwár hai, we súkh jáenge," Yur. 50: 38. Aur phir kahá, main us ke bahr ko sukháúngá, aur us ke sote ko khushk kar dúngá, Yar. 51: 36. Furát nadí to bahtí rahí, magar yih nahren ret se bhar gai hai, chunáncí khet ke badle men ab wahán bihut daldal ho gayá hai.

8 Úpar Birs Nimrud náme khandar mazkín húa jis kí nisbat bihuton ká gumán yih hai, kí yih wuh Bábul ká burj hogá, jise log us waqt utháthe the, jab un kí zubán men garbarí dálí gai aur jis ke haqq men kahte the, kí "Aó ham apne wáste burj banáwen, jis kí chotí ásmán tak pahúnche." Khair, us ká bananá us waqt roká gayá, magar píchhe ur bhí únchá kiyá gayá hogá, phir aglab hai, kí kisi zamáne men burj ka úpar wálá hissá ág se (sháyad bijlí kí ág se) bhasam kiyá gayá, aur tab us ke bare khandar par Bel ká mandir utháyá gayá hogá. Ham samajhte hai, kí Nabukad-nazar ke dinon men yih wuh kháss mandir thá, jis men bádsháh log parastish karte the, kyúncí ambiyá Bel ká bahut zikr karte hai. Agar yih gumán thík ho, to isí mandir men jab Yarúsalam lútá gayá tab Haikal ke sone ke bartan rakhe gaye, "aur Nabúkadnazar Khudáwand ke zuruf men se bhí baze Bábul ko le gayá, aur Bábul men apne mandir ke bích unhen rakhá," 2 Sam. 36: 7. Aglab hai, kí yihí bartan Khoras ke háth men pare, kyúncí Yaramiyáh kí zabání yih bát kahí gai thí, kí main Bábul men Bel ko sazá dúngá, aur jo kuchh wuh nigal gayá hai, main us ke munh se nikálúngá," Yar. 51: 44. Aur Azrá kahtá hai, kí yih bartan us ke munh se chhín liye gaye. Khudá ke ghar ke sonahle rupahle bartan bhí, jinhen Nabúkad-nazar ne Yarúsalam kí haikal men se nikál liyá, aur Bábul men lá rakhá, so phir diye jáwen aur Yarúsalam kí haikal men apní apní jagah men pahúncháe jáen, Az. 6: 5. Chunáncí Azrá ne bárah ashraf káhinon ko chunkar yih sári soná chándí kí chízen in ke hath men

tauláke dīn, Az. 8 : 24, 30, aur yih phir Haikal men rakhī gayā, Nabī kī bāt ki Bel jhuktā hai.” kaisā purā huā !

9. Phir bādshāhon ke qasr kā k̥hiyāl kījiye jo shahr ke andar qila ke taur par banā thā. Kahte haiñ ki us kī dīwāron ke bāhar kā gherā tīn kos thā, aur ki us ke bhītar malikā ko khush karne ke liye wuh ūnchī ūnchī imārat banī thī, jis he ūpar baithkar aur tahalkar malikā shām kī thandī hawā pī saktī thī, kyūñki yih shahr kī dīwāron se bhī ūnchī thī, yih wuh jagah huī hogī, jahāñ Nabukadnazar ūpar tahalkar apne ghamand men kahtā thā. “Kyā yih wuh barā Bābul nahīñ, jis ko main ne ūthāyā”? Is mahall ke ālīshāñ mihmāñkhāne men wuh jagah huī hogī, jahāñ Belshāzar apne amīron ke sāth kāfirānā jashn us rāt ko kartā thā, jis waqt kī ek hāth ne dīwāron par yih k̥haufnāk paigām likhā. “Tū tarāzū men taulā gayā, aur halkā niklā.” In ūnchī imāraton ko bhī nabī ne royā men dekhā, bolā, “harchand Bābul āsmāñ par charhā ho, aur agarchī us ne apnī tawānāī ke ūnche makānon ko muhkam kiyā ho, tab bhī gāratgar merī taraf se us par charhenge. K̥hudāwand kahtā hai.” Yar. 51 : 53. Is maidāñ men pahārī bhī nahīñ hai, taubhī nabī in ūnchī banāwaton, yāne Birs Nimrūd aur Qasr ko dekhkar, Bābul ke pahār nām detā hai. “Dekh, K̥hudāwand kahtā hai, ai halāk karnewāle pahār, jo sārī zamīñ ko halāk kartā hai, main terā mukhālīf hūñ, aur main apnā hāth tujh par barhāūngā, aur chatānon par se tujhe lūrhkāūngā, aur tujhe koh i sozāñ kar dūngā,” Yar. 51 : 25. Ab thore din hue, kī Bishop Newman in khandaron ke ūpar kharā huā, aur kyā dekhtā thā, “chāron taraf jagah nihāyat sunsāñ thī. Mālūm detā thā, kī kisī barī bhūñchāl ne imāraton aur qilāon ke ūpar imāraton aur qilāon ko ke ūpar dāl diyā hai.” Phir nabion ne kahā thā, kī Bābul na sirf ulat diyā jāegā, magar wirāñ banā rahegā. Jab Sikandar buzurg wahāñ āñ pahūñchā, tab yih k̥hiyāl us ke dil men āyā, kī main Bābul ko phir tamīr karūngā, aur yahāñ se ās pās ke mulkon kī saltanat

karúngá, so 10,000 mazdúron ko jamá karke hukm diyá, ki is maidán ko sáf karo, aur shahr banwáne ke wáste barábar karo. Magar kahte haiñ, ki do mahínon ke bad us ne dekhá kí yih safái ke kám sirf -hurú hí kiyá gayá hai, tab wuh is bát men be-himmat ho gayá, aur dusrí bandish bándhne lagá,

10. Ek aur bát qábil i gaur hai. Do nabíon ne is bát ká 'ishará kiyá, na sirf ki Bábul uttarwáli fauj ke háth men giregá, magar yih bhí, ki kis wasíle se wuh un ke qabze men giregá. Yasaiyáh ne farmáyá, "eká ek gárat tujh par áwegí, aur tujh ko kuchh khabar na rahegi," Yas. 47 : 11. Kḥudáwand apne Masíh Khoras ke haqq men yún farmátá hai, ki main ne uská dahiná háth pakrá, ki ummaton ko us ke qábú men karún, aur dḥráe huc darwáze us ke liye khol dúñ, aur we darwáze band na kiye jáenge, Yas. 45 : 1. Yaramiyáh ne bhí farmáyá, ki dushman kí fath nághání kí bát hogí, aur ki is men Bábulwálon kí gaflat ek ziyáfat kí nashebází se hogí, "Main ne tere liye phandá lagáyá, aur ai Bábul, tú pakrí gayí," Yar. 50 : 24. Main tujh men log is tarah se bharúngá, jis tarah se tiddián, aur we tujh par jang ká nara márenge," Yar. 51 : 14 "Harkára harkáre se milne ko, aur qásid qásid se milne ko dauregá, ki Bábul ke bádsháh ko ittilá dewe ki terá shahr sartásar le liyá gayá," Yar. 51 : 31. Aur main un ke sardáron ko, aur us ke álímon ko mast karúngá, aur we hameshá kí nínđ men pare rahenge, aur na jáenge," Yar. 51 : 57. Ab dekhiye, ki yih peshingoíán kis tarah se purí huñ ! Jána játá hai, ki agle zamánon men shahr ke báhar maidán men ek lambá chaurá táláb khodá gayá thá, jo aksar súkhá rahtá thá. Mádion ne sochá, ki agar do char ghante tak daryá ká pání ham nahr káṭkar is táláb men phirá den, to daryá kí ráh se shahr kí díwár ke andar dakhil pá sakeñge : aur agar yih kám rát ke waqt kiyá jáe, to shahrwálon ko is bát kí khabar nahín hogí. Rawlinson sáhib kí tawárikh men is tadbír ká anjám yún batáyá gayá hai, "Táláb tak nahr káṭí gayí, lekin Mádion ne kabá, zará thahro. Bábulwálon kí ek barí id nazdík hai. Us roz sab kḥúb kḥáenge pienge : bat

sham ko hum nadí ke pání ko pheí karke is rah se dákhil hongé, aur aksaron ko gáfil páenge Yún kiyá gayá. Rát ke áte hí nadí phiráí gai, pahre, us jagah jahan nadí shahr ke andar játi, aur jahan shahr se nikal áti hai, bitháe gaye. Jab unhon ne khabar dí kí nadí men páni bahut kam íhá, tab Mádí fauj bare khamoshi ke sáth, rát ke andhere se chhipkar, shahr men ghusne lagi. Jaisá unhon ne sochá, koí koí pítal ká darwázá, jis se jaházwále apná sauda shahr ke andar láte the, darbánon kí gufat se khulá páyá gayá. Jab amír o faqír khushí manate, aur mai-noshi kar rahe the, to becháre durbán bhí thorí sí khushí kyún na karen ? Alqissá dushman kí fauj shahr men pahunchí, aur jis jis ko páte the, qatl karne lage. Un ke rokne ke wáste koí fauj tayár nahín thí, aur rát kí taríki men kaun fauj ko tayár kare ? Un ke sardár bhí aksar ziyafaton men mashgúl hue. Shahí kí sukron men barí khún-rezí huí. Baz sipahion ne mahall men ghuskar Belsházzu ko, jahan apne musáhibon ke sath khushí kartá tha páya, aur use mar dála, aur sipahion ne mahallá ba mahalla jákar, ág aur talwát se sáre bashindon ko dabá diyá, chunanchí jab subh huí, tamám Babul Fársion ke háth men thá, aur un ká koi muqá-balá karnewálá na rahá." Yún Khudá kí peshingoián lafzí taur par púrí huín. Duniyá kí sultanaton uthtín aur zabardast ban játi hain. Magar Kalám í Iláhi zindá aur abad tak qaim hai !

BĀB XIII.

SHAHR SŪR KĀ BAYĀN.

1. Mulk i Kanān ke pachhimī kināre par, yāne bare samundar ke kināre par Finíkion ká ek bahut hī purānā shahr Sūr nāme wāqī thā, jis ká zikr Baibal men bār bār atā hai. Kabhī kabhī us ke bāshinde, jaisā Dāūd aur Sulaimān kī saltanat ke dinon men, Isráelion ke sāth barī dostī rakhte the, taubhī wuh log bare butparast the, aur ambiyā bār bār is bāt ká zikr karte the, ki in logon par Kḥudā kī taraf se barī halākat ānewālī hai. Hizqiel kī nabúwat men ham Sūr ke बारे में तीन बāb, aur Yasúyáh men ek bāb parhte hai, aur chand aisi áyāt aur nabúwaton men pāī jātī hai. Ab yih báten us zamāne men kahī gāin, jab Sūr bahut nāmī, aur daulatmand, aur zabardast shahr thā, taubhī ambiyā log is qism kī ānewālī hālat ká zikr karte hai, ki “Tujh par yūn roke kahenge, Kaun Sūr kī mánind hai, jo samundar ke darmiyān men tabāh hūí?” Hizq. 27 : 32. Agar aise kalām kī khabar un dinon men un pás pahūnchtī, to wuh taajub karte honge, ki aisi áfat kyūnkar ham par áwegí? Magar Yahowáh ká kulām barhaqq hai. Jo kuchh wuh farmátā hai, zarúr púrā hogá. Chunānchi Sūr kī aglī aur picchlī hālat par gaur karnā mufid hogá.

2. Qadīm aiyām se Sūr o Saidā do Finíkī shahr is samundar ke kināre par ábād the, aur kabhī in men se ek aur kabhī dúsrā muqaddam samjhā jātā thā. Saidā Sūr se sirf das kos dūr thā, aur pahle us se barā huá hogá, kyūnki us mulk ke log agle dinon men Saidānī nám se mashhūr the, Qáz. 18 : 7. Aur jab Sulaimān ne Sūr ke bādsháh se Haikal ke banāne men madad mángí, to kahá, ki “Hamāre bich men aisé koi nahīn, ki jis kī dānish, per kātne men, Saidānion ke mánind ho,” 1 Sal. 5 : 6. Yúsífas kahtā hai, ki Sūr shahr kī bunyād Haikal ke banāne se 230 baras pahle dālī gayí thī. Magar un logon ká dawá thā, kī is se bahut din peshtar wahān kuchh ábādī thī, agar aisé ho

to kuchh taa'jub nahín kyú'unki jagah bahut hí achchhí thí. Maidán bahut hí zar'khez thá, jis men insán kí mihnat se khúb phal há'síl ho játá thá. Samundar pás thá, jis men se machhlián kasrat se há'síl ho játí thín, aur sípion se ek níháyat qímatí rang bantá thá, jise bád-sháh log apní poshák ke rangáne ke wáste bahut pasand karte the. Phir bahut se jaház rakhne ke wáste wahán ká bandar námí thá. Chunauchi jab shahr kisí dushman se giráyá játá thá, tab jald phir tamír kiyá játá, aur pahle ke mánind zabardast ban játá thá. Na sirf khushkí par 'um-da jagah thí, magar us ke sámhne pání men thorí dúr par ek chhotá sá pathrílá jazírá thá, jo bahut zamánon men qila ke taur par shahr kí muháfizat kartá thá. Is se shahr ká zor duná thá. Jab dushman zamín par qábiz hotá, tab Súr wále apná asbáb leka jazíre men bhág játe, aur phir larne lagte the aur agar dushman ke pás bahut se jaház na hon, to un pás pahúnchná mushkil thá. Lekin is mazbút chatán ke haqq men Khudá ne farmáyá, "Main tujhe dhúp kí jalí húi chatán karú'ngá : tú jal phailáne kí jagah hogí." Hizq. 26 : 14 Tauret men dúr ká zikr nahín miltá hai. Is ke kaí ek sabab húe hongé. Jab Ibrá'hím Yaqúb wg. Kanán men phirá karte the, to un ká áná jáná Yordan kí taraf húa hogá, aur sháyad Súr ko unhon ne nahín dekhá. Phir Súr wále, jo khásskar jaház wále aur tájir hote the, sháyad Kanáníon kí laráíon men milá nahín karte the, magar aglab hai, ki un dinon men wahán maujúd the. Yisú ne muhkam shahr Súr ká zikr kiyá, Yash. 19 : 29, aur Yasaiyáh ne bhí púchhá, "Kyá yih tumbá'rí shádmáu bastí hai, jis kí purání neo qadím se hai?" Aur Lais ke báshindon ke haqq men, jo un se kuchh dúr rahte the, Qázíon ke dinon men kahá gayá, ki "Wahán ke log be-khauf Saidáníon ke taur par aman o chain se rahte hai, aur us sarzamín men koí hákim na thá, jo un ko kisí bát men zalíl kartá, aur ki we Saidáníon se bahut dúr the, aur kisí se kuchh sarokár na rakhte the," Qáz. 18 : 7. Sháyad Súr wále Dáúd ke din tak aise chain se barhte játe rahe. Sirf ek tabdilí húi hogí, ki kisí qaum ke phail jáne se, Saidá kuchh kamzor ho gayá, aur Súr ne

taraqqí páí. Jab Sulaimán ne Haikal banána shurú kiyá, tab Hurám Súr ke bádsháh ne us kí barí madad kí, jaisá ki pahle Dáúd kí madad jab apne liye Yarúsalam men mahál se tamír kartá thá, kar chuká thá. Sab se unda patthar aur lakrî Lubnán pahár men miltí thí, aur sab se achchhe barháí aur sangtarásh Saidáníon men páe játe the, lekin un dinon men Lubnán aur Yarúsalam ke bích men koí surak na baní thí, so unhon ne yih tadbír nikálí, ki is asbáb ko Súr kí ráh se samundar par Yáfá tak bhejte the; aur wahán se Yarúshalam tak sirf 16 kos ká rástá thá, 2 Sam 2: 16. Alím log sochte hain, ki wuh patthar, jo yún ghúm ghúmkar Yarúsalam men láe játe the, hahut hí bare húe hongé. Ab thore din kí bát hai, ki baz logon ne zamín men 80 fút tale khodkar Sulaimán kí utháí huí diwár kí bunyád záhir kí, aur dekhte kyá hain, ki wahán zamín ke niche aise patthar rakhe húe hain, jo 20 aur 22 aur 24 fút lambe hain. Sháyad yih wuh hongé, jin ko Súr ke sangtaráshon ne wahán lagáye; kyúнки in pattharon par jab roshní dálí gáí, tab un par lál rang se likhe húe hurúf dekhne men áye, jinhen ulama Fínkí kárigaron ke nishánát samajhte hain. Agar yih bayán thik ho, to Hurám ke mazdúron kí barí kárigarí húi hogí.

3. Magar ek aur kám thá, jis men Súrwalé aur bhí námwar ho gaye the, yane jaház par sawár hoke dúr mulkon ke safar karne men. Ek shakhs Váscó dí Gáma náme ne is bát men apní barí nek námí paidá kí, ki Yúrap se Hindustán aur Chín tak náí ráh khólí, yane jaház par sawár hokar aur Áfríka ke niche hoke wuh samundar kí ráh se un mulkon men pahúncchá. Aur hán, yih barí bát thí, ki jis se dunyá kí tijárat bahut barh gáí hai, aur Asiyá ká mál Yúrap men sastá bikne lagá hai. Jab Herodotus muarrikh ne unke mulk kí sair kí, to unhon ne use ek bát batáí, jis ko wuh na mántá thá. Un ká qaul yih thá, ki hamáre jaház Lál samundar aur Hind ká samundar tai karte Áfríka ke niche kí ráh ghúmkar, phir Jabl Tárik aur bare samundar kí ráh se Súr men pahúncch gaye. Agar un

ká kahná thik thá, tab wuh do hazár baras áge us ráh ke kholnewále the, jis ke sabab se Váscó dí Gáma ne taríf páí. Ham nahín jánte hain, ki wuh sach kahte the yá jhúth, magar Baibal men zikr hai, ki unhon ne Sulaimán se bandish bándhkar ek kám kiyá, jis ke haqq men bahut bahs kí gai hai. Jab us ne dekhá, ki jaházon ke wasile se nafa kamáyá játá hai, “tab us ne daryá e Qulzum ke kináre par jaházon kí bahr banáí, aur Hurám ne us bahr men apne chákár malláh, jo samundar ke hál se ágáh the, Sulaimán ke chákaron ke sáth karke bhijwáe,” 1 Sal. 9: 26. Ab málúm nahín ki yih jaház kahán gaye, aur tén baras ke bad kyúnkar laut áe? Ab yih jaház Tarsísí kyún kahláte the, kyúncí Asyún Jabr se púrab kí taraf rawáná hote the, aur Tarsís pachhín kí taraf thá 1 Sal. 10: 22. Sháyad un ká kahná thik thá, aur yih Áfriká ke gird ghúm kar laut áte the. Yih bát jo ho so ho, magar Diodarus fámátá hai, ki un ke jaház Jabl Tárik ke darwáze se bahar nikalte the, balki bahut ulama mánte hain, ki we Inglístán tak pahúnc h játe, aur Kárnwál kí kánon se tén wg. sandá le áte the, aur Herodats bhí gawáh hai, ki wuh dunyá kí sarhadd tak jáyá karte the.

4. Sulaimán ke sau baras bad phir Súr men aur Isráel men ziyáda dostí hui, aur us waqt Isráel par us dostí ke sabab se barí barbádí áí; kyúncí Akhiáb ne Ithbnál bádsháh kí befi ke sáth shádí kí, aur yih sháhzádí apní qaum ke deotáon par aisá farefta thí ki sáre Isráel ko us ke parastár banáná cháhtí thí, aur agar Ilyáh nabí us kí sakht mukhálifat na kartá, to málúm nahín, ki bádsháhat kí halákat kitní jald á pahúnchtí. Súrwalé qadím se butparastí men bahut mashhúr the. Na sirf Baalam aur Astárte ko pújte the, balki shahr ká isht deotá Melkárth (Hercules) thá, aur us ke nám men shahr men aisá khubsúrat mandir tamír kiyá gayá, jis kí shuhrat Yúnán tak pahúnc h gai. Herodotus ne kháss kar is imárat ke dekhne ke liye wahán ká safar kiyá balki Arrian ne us ke haqq men ek bát kahí, jo sháyad thik na hogí, ki jahán tak log yád kar sakte hain, yih pahlá dev-mandir

hai jo tamh kiva gayá. Ithb al ke khándán men Daido nám ek m shúr sháhzádí thí, jis ne sun Q M. 813 men Afriká men jákai sahan shahr i Karthej kí bunyád dáli, jo jald námi aur zabardast saltanat ban gai, aur jo koi sadiyon tak Romí saltanat ke sath sakht larái kartí rahí. Na sun Súrwalon kí butparastí Khudá kí narázagí ke báis thí b lki kabhí kabhí un se barí be-rahmí bhí hui, kyúnkí lálach ke máre wuh bechhare Isráelion ko un ke dushmanon ke háth se le leke unhen Yunánion aur Adunnon ke háth gulám banne ke wáste bechá karte the. Yuel farmátá hai, ki aise gunáhon ká badlá zarúr liyá jáegá, Yuel, 3: 18. Amús ke munh se bhí paigám áyá, ki "Súr ke tén gunáhon ke liye, hán chárke sabab, main us se dast-burdár na húngá. Pas main Súr kí shahr-pináh par ek ág bhejúngá, jo us ke mahallon ko khá jáogí," Amús 1: 9, 10.

5. Ab yih sochne kí bát hai, ki wuh zamáne jis men ambiyá Súr kí ánewáli sazá bitáte the, us shahr kí barí sarfauzí ká zamána thá. Do shahr the, ek ehhotewále jazíre par, aur dúsrá khushkí par, aur donon díwáron aur qílaon se mazbút kiye gaye the. Ab suniye, ki Hizqiel is khúb-úrat aur daulatmand shahr ke girne ke sabab kaisá mátam kartá hai, ki "Aí tú, jis ne samundar ke áin madkhal men jagah páí aur bahut se bahrí mamálik ke logon ke liye ek tijárat-karnewáli hai, Khudáwand Yohowáh yún farmátá hai, ki, Aí Súr, tú kahtí hai, ki merá kamál husn hai, terí sarhadden samundar ke darmiyán hain. Tere miamáron ne terí khush-numái ko kámil kiya hai," Hizq 27: 3, 4. Is paigám men nabí ek khúb banáye aur taiyár kiye hue jaház kí tashbíh detá hai, jis ke malláh bahut, aur ná-khudá qábíl hai: jo har kabín játá, aur har qism kí tijárat se fáida utháte thá. "Tú to mamúr thí, aur samundar ke darmiyán niháyat shán o shaukat rakhtí thí," magar din átá hai, jis men ándhí is jaláli jaház ko tor dálegí. Wuh use chatánon par dálegá. "Púrab kí hawá ne tujh ko daryá ke bích men torá hai. Terá mál o asbáb, aur terá bázár, aur terí ajnás i tijárat aur ahl i jaház, aur tere ná-khudá, tere nám ke khenewále,

aur tere kár o bár ke gumáshte, aur sáre jangí mard jo tujh men hain, us sáre amboh samet, jo tere darmiyán taráham huá, terí tabáhí ke din samundar ke bích men girenge." Is ánewálí halákat ká zikr aur bhí nabion ne kiyá thá. Yasayáh ne farmáyá, "Ai tápú ke basnewálo, tum zár zár roke Pársis men pár utar jáo, kyá yih tumhári shádmán bastí hai, jis kí purání neo qadím se hai? usí ke páñw use dúr le játe, ki pardes men rahe. Kis ne yih mansúba Súr ke barkhíláf bándhá? Rabb ul afwáj ne yih mansúbá bándhá, kí sári hashmat ke gurúr ko najis kare, aur dunyá ke sáre izzatwálon ko zalíl kare." Yaramiyáh kí kitáb men yún likhá hai, ki "Súr ke sáre bádsháhon ko kaho, Dekh main us shahr par, jo mere nám ká kahlátá hai, áfaten láná shurú kartá hún, aur kyá tum sáf bin sazá páe nikal jáoge? Tum bin sazá páe na chhútoge," Yar. 25 : 22-29. Phir yún hai, yih us din ke sabab se hogá, jo áta hai, ki sáre Filistion ko gárat kare, aur Súr o Suidá se har madad-gár ko, jo báqí rah gayá hai, nest kare, Yar. 47 : 4.

6. Ab sochiye, ki wuhí barbádí, jis kí peshingoí nabion ne barí safái se kí, ek dam Súr par nahín aí. Yih lañe arse, aur bahut wasílon se, kí gai. Taubhí Khudá kí dhamkí ke mutábíq shahr par halákat aí. Pahlí taklíf, jo us par aí Asúr kí taraf se aí. Jab Shalmanazar Samrún par gálib huá, aur bahut se Isráelion ko Ninawah men le gayá, to us ne Súr ko bhí qabze men lená cháhá. Aglab hai, ki us waqt Suidá aur Akko balki Finíkí mulk ke aksar atráf, jald jíte gaye, magar Súr shahr ko lútná ásan na thá. Ek dafa us ne 60 jaházon ko ikatthá karke us par hamlá kiyá, magar Súrwalon ne 12 jaházon ke zariye se us ko shikast dí, aur yún unhon ne barí námwarí páí. Tab shahr ká muhásará karke us ne sab nadion aur nahron par qábiz áke pine ká pání káta, aur yún páñch baras tak kartá rahá, magar Súrwalé phurtí se kúán khod ke un se pání píte the, so Asúr ká bádsháh chalá gayá. Tab der tak Súr men chain rahá hogá, magar is ke bích men wuh Yahúdion se niháyat náráz hue hongé, kyúñki jab Yúsiyáh bádsháh ne apní qaum men barí isláh kí, aur

zabardast háth se mulk ko butparastí se sáf kiyá, tab Súrwalon ke mabúdon kí barí be-izzatí kí gai. Un kí 'ibádat ke sáre bartan jaláe, gae, aur unke mandir giráe gaye, aur unhon ne buton ko chaknáchúr kiyá, aur Yasíraton ko kát dálá. Chunánehí jab kuchh arse bad Yúsiyáh kí fauj ko shikast dí gai, aur bádsháh ap maqtúl huá, tab Súrwalé shádmán hue. Seehte the, ki Yúsiyáh ne apní bedíni kí wájib sazá pái, 2 Sal. 22, 23. Magar áfat darwáze par jald áf. Us ká shurú yih thá, ki jab Nabúkadnazar ne Yarúsalam par charháí kí to us ne Súr par bhí hamlá kiyá. Lekin us waqt malúm hotá hai, ki us ne shahr ká bahut nuqsán nahín kiyá, sirf use thorá bahut lútkar chalá gayá. Bad is ke Súr bahut baras tak Fárs ke bádsháhon ke taht men rahá. Jab Xerxes ne barí fauj faráham karke Yúnán par charháí kí, tab Súr ke bahut se jaház us ke sáth chale, aur unhon ne us kí barí madad kí. Jab Sikandar 1 Azam ne cháhá, ki Yunání fauj púrabi mulkon par charháí kare, to us ko yih bát bahut zurúr thí, ki Finíkí jaház wále us kí mudul karen, nahín to dur thá, ki us kí fauj kí ráh kut jáe aur Finíkí shahron ne Sikandar se ahd o paimán kiyá, lekin Súrwalon ne bilkull inkár kiyá. Sikandar bahut khafá hua, ki merá rastá roká gayá, so shahr par qábiz áke us ne us ke bahut se bahádur sipáhion ko qatl kiyá, balki 3,000 báshindon ko yane auraton aur bachchon ko gulámí men bech dálá. Súr bahut dinon tak Yunánion ke taht men rahá. Bad us ke Romí log us par qábiz hue, aur Masíh ke dinon men wahán aisé shahr rahá hogá, jo Yarúsalam ke barábar yá us se kuchh hí bará huá hogá, aur jis ke log Yunání zubán bolte the. Masíh bhí us zubán se wáqíf huá hogá, Násarát, jahán wuh bahut baras tak rahá, sirf Súr se tis ek mil dúr thá, 7wín Iswí sadí men shahr kí hálát aur bhí burí ho gai, kyúñki wuh Musalmánon ke qabze men áyá. San 638 men Umar Khalfá ne tamám Kanáan aur Súriyá ko jít liyá, aur nayá qism ká intízám chaláyá. Súrwalon ko ek khássa qism ká kaprá pahínná pará, Musalmánon ko jiziya dená pará; har ek muhammadí Musáfir ko tén din tak

mihmán karná pará : girjon par salíb ká nishán lagáná, yá un par ghanṭá bajáná, maná kiyá gayá, balki naye girjon ko banwáná bilkull, maná kiyá gayá, balki un ko ghoron par sawár honá tak maná huá. Crusades ke zamáne men Súr Masíhion ke háth men áyá, aur derh sau baras tak un ke mátaht rahá. Tab shahr ká burá din á pahúnchá; San Iswí 1291 men Misr ke sultán ne us par hamlá kiyá, Súr ke báshindon ko us se larne ke liye himmat na huí, aur wuh apne jaházon par sawár hokar bhág gaye, aur hameshá ke liye us kí raunaq játi rahí, bahut baras tak chhote gánw men chand machhwe rahte, aur túti huí díwáron par jál phailáte rahe. Áj kal wuh jagah phir taraqqí par hai, aur wahán par qaríb 3,000 ádmion kí bastí ban gai hai, jin men se ádhe Masíhí hai.

7. Súr ke is qisse se zahir hai, ki shahron men us ká ahwál ajib hai. Ek zamáne men wuh aisá sarfaráz kiyá gayá ki tadjub nahin agar Súrwalé sochte honge, ham kabhi na girenge. Taubhi Khudá kí nárazagi unpar zahir huí. Ambiyá ne dhamki dí, ki is shaúkat par áfat giregi, yih shahr jo sitáron tak charhtá játa hai, zamín par giráyá jáega, balki samundar kí lahton ke niche chhípáyá jáega. Chunánci jab ham Súr kí tawá-rík ki ambiyá ke kalám ke sáth parhte hai to hamári hidáyat ke wáste bhári bhári sabaq hásil hote hai. Is shahr ke sáth ajib sulúk kiyá gayá. Us par dhamki dí gai, us dhamki kí bát chit zarúr Súr kí sarakon men kí gai hogi, kyunki aisi báton kí khabar ba-ásáni-tamám chális pachás kos tak pahunch sakti hai. Súrwalé apni butparasti se báz na áye. Bas áfat giri. Magar Ninawáh kí manind Súr jald halák na huá, us ká girná ek dam na huá. Wuh bár bár mismár kiyá gayá, aur phir tamír kiyá gayá, magar Khudá ne bahut zamánon tak us kí barí bardásht kí, balki us par itná fazl dikháyá, ki us ke bahut báshindon ne Masíh ke zamáne ko dekh páyá, balki zamánon tak Injíl kí bashárat us ke andar hí dí gayi, aur taubhi is sab thahrne, aur sabr karne, aur fazl dikháne ke bad Súr ákhir i kár barbad huá, aur zamánon tak niháyat zalil aur pareshán rahá.

Balki us barbádí ke bad bhí shahr par fazl dikháya gayá, aur áj kal jo wahán kí chhotí sí bastí hai, taraqqí par nazar áti hai. Is sáre bayán men Yahowáh ká ajíb sabr dikhái detá hai, jo gaur karne láiq hai.

8. Ab yád rahe, ki ambiyá log us kí sarbulandí aur us kí barbádí kí nisbat kaise kalám kar gaye the? Hizqiel us kí zabardastí aur us kí dúr kí tijárat kí bahut taríf gátá hai, Fárs aur Lúd aur Fút ke log tere lashkar men the, aur tere bahádur the: we sipar aur khod tere bích men latkáte, aur we tujhe raunaq bakhshte the. Tarsis sab tarah ke mál kí kasrat ke sabab tere sáth tijárat kartá thá, we rúpá, aur lohá, aur rángá, aur sísá láke tere bázár men baipár karte the. Arab aur Qidár ke sab amír tijárat kí ráh se tere 'iláqa-mand the; we barre, aur mendhe, aur bakrí leke, tere sáth tijárat karte the. Sabá ke saudágar har raqam ke nafis o khushbúdar masáliḥ, aur har tarah ke qímatí pathar, aur soná tere bázár men láke, len den karte the, Hizq. 27 : 10, 21, 22. Ab sochiye, aísá shahr kyunkar gir gayá? Jo shahr sárí áspás kí qaumon ke kám áta, aur sabhon kí madad kartá, to kaun us ká dushman hokar us ká nuqsán cháhegá? Taubhí is taríf ke sáth nabí Súr par yih naubá kartá hai, ki "Ye sab tujh par yún roke kahenge, kaun Súr kí mániind hai, jo samundar ke darmiyán men tabáh huí? Terí tijárat, aur tere bích ká sára amboh ek sáth gir gayá." 'Álimon ne sochá hai, ki pahlí sazá, jis se Yahowáh ne apní narází dikhái, Nabukadnazar kí chaḥái thí. Is samajh men ek mushkil darpesh hai, kyúnkí Hizqiel ap hí farmátá hai, ki jo kám us ne Súr ke khuláf uṭháya, to bahut hí bhárfí níklá, aur taubhí láhásil huá, yāne wuh bhárfí lut, jis kí ummed kartá thá, use na milí. Nabukadnazar ne apní fauj se Súr kí mukhálifat men sakht khidmat karwái hai; har ek sir ká bál jhar gayá, aur har ek kandhá chhí gayá; par na us ne, aur na us ke lashkar ne, Súr se us khidmat ke wáste, jo us ne us kí mukhálifat men kí thí, kuchh darmáhá páya," Hizq. 29:18. Yúnánion ne bhí kahá hai, ki us kí sakht khidmat thí, kyúnkí wuh 13 baras tak apní fauj se

shahr ká muhásira kartá rahá. Kuchh taajjub nahín, ki faujwálon ke siron ká bál jhar jáe, magar yih kyúnkar huá, ki itní sakht k̄hidmat ke bad jab Súr shahr ákhir ko us ke qabze men áyá, to us kí beshumár qímatí chizen, jin ká ishárá nabion ne kiyá thá, us ke háth na áyín? Yerome buzurg ne is bhed ká yih bayán kiyá hai, ki main ne Asúron se yih dáiyáft kiyá, ki jab barason kí koshishon ke bad, Nabukadnazar shahr men dákhil huá, tab kyá dekhtá hai, ki sirf garib aur kamín Súrwalé rah gaye. Amír aur daulatmand log pable se ná-ummed aur bedil hoke, aur apní sárí mál daulat ko faráham karko, aur jaházon par sawár hoke, nikal bháge the, yih bayán durust hogá, kyunkí bádsháh apní fauj leke Misr ke lútne ko áge barhá, Hizq. 19, 20. Taubhí us waqt shahr par barí musíbat guzrí, aur wuh bahut baras tak barí tanghálí men rahá hogá. Yasaiyáh ne in musíbat ke zamánon ká zikr kiyá. Bolá, " Aur us din aisá hogá, ki Súr sattar baras tak farámosh ho jáegá," Yas. 23 : 15. Jaisá Isráel sattar baras tak asíri men jáegí, aur bád us ke K̄hudá us par fazl dikháegá, waisá hí sattar baras kí musíbat ke bad " K̄hudáwand Súr kí k̄habar lene áwegá," Yas. 23 : 17.

9. Us ke do sau baras bad Súr phir yahán tak zabardast ban gayá thá, ki Sikandar i Azam ká sámhná kar saká, un dinon men us ká zor jazirewále shahr men páyá gayá. Na sirf pání se muháfizat hotí thí, balkí bahut únchí aur pakki shahr-panáh ban gayí thí, Sikandar ke pás díwár giráne kí kalen thín, lekin pání ke máre wuh unhen kám men nahín lá saká. Sikandar ne fauran tadbír nikálí. Us ne puráne shahr ko, jo khushkí men thá, mismár kiyá, aur ínt patthar lakrí mittí wahán se lákar aur pání men dálkar jazíre tak ek rástá baná diyá, aur is wasíle se apní kalon ko shahr kí díwár ke pás pahúnchá diyá. Jaisá un dinon ká dastúr thá, jab yih rastá adh-baná thá, tab Súrwalon ne nikalkar barí tundí se us par hamlá kiyá, aur ek bare jaház ko jalákar us ke bích wále hisse par daurá diyá, lekin Sikandar ke sipáhi bare bahádur the, wuh hatáye na gaye. Rastá taiyár huá, aur bahut se jangí jaházon

ko ikatthá karke áge píchhe ek dam Súr par hamlá karke Sikander sáť mahinon kí barí koshishon ke bad us par qábíz huá, aur ab kí dafá logon ke bhágne ká mauqá na huá. So us kí barí fath huí, aur us kídíwáren torí gáin, aur bahut sí ‘imáraton phúnkí gáin, lekin áge se ambiyá log aísí waqíát ká ishára kar gaye the, Hizqiel ká kalám yih thá, ki wuh terí díwáren tor dále nge, aur tere rang-mahallon ko dhá denge, aur tere patthar aur lakrí, aur terí mittí samundar ke darmiyán dál denge,” Hizq. 26 : 12. Yih puráne shahr ke nismár kiye jáne ká bayán hogá. Amús ne faimáyá thá, ki “Main Súr kí shahr panáh par ek ág bhejúngá jo us ke mahallon ko khá jáegí,” 1: 9, 10; to khás shahr-panáh jazíre par baní thí, so yih naye shahr ká zikr hogá. Zakariyáh ne bhí us ág ká zikr kiyá. “Hán, agarchí Súr ne apne liye ek mazbút qilá banáyá, aur dhúl kí tarah chándí ká túdá kiyá, aur chokhe sone ká bhí galíon kí kíchar kí nánind; dekho Khudáwand use khárij kar degá, aur wuh us ke mál o asbáb ko samundar men dál degá, aur ág us hí ko khálegí,” Zak. 9 : 3, 4,

10. Agar koí púchhe, ki Khudá ne kyún Súr par aísí saht musíbat bhejí, to sháyad Yúel ke ek kalám se jo Sikandar kí ámad se 450 baras áge kiyá gayá hogá, kuchh roshní milegí. Nabí ne un kí butparastí ká zikr karke Súr kí saht malámat kí, ki agarchí nazdik ke parosí the is liye cháhiye ki ek dúsre se nek sulúk karte, taubhí aísá na thá. Tum ne Yahúdáh aur Yarúsalam kí aulád ko Yunánion ke háth bechá hai, táki unhen un ke mulk kí sarhadd se dúr karo. Tumhárá badlá tumháre sir par dhálúngá : aur tumháre beton aur betion tumháre ko bhí, baní Yahúdáh ke háth bechúngá,” Yúel 3 : 6-8. Chunárchí yih bát itne arse ke bad purí huí, aur Sikandar ne 30,000 becháre Súrwalon ko jilá-watan karke bech dálá. Aj kal London shahr men ek ínt kí likhí huí chitthí dekhne men áti hai, jo July kí bíswin San Q.M. 709 men, yane Yuel ke kalám se sau baras bad likhí gáí, aur chitthí ke zariye se koí Súrwalá saudágar kisí Ninawáh-wálí aurat ke háth do Ibrání gulámon ko bech dáltá hai, aur us se unká dām 405

rupae pátá hai, aur is farokht kí gawáh yih ínt kí chitthí hai. Is se sábit hai, kí Yúel ke sau baras bad yih sharárat hotí rahí.

11. Agar Sikandar ke dinon men koí jaház par sawár hokar bhág gayá ho, jaisa agle zamánon men bhág játe the, to aison ke haqq men bhí nabí ne farmáyá thá, kí pachchhim men, yane Kárthej aur Kittím aur jazíron men panáh leke, wahán bhí áram na páenge. Uth kittím men pár já kí tujhe wahán bhí chain na milegá, Yas. 23 : 12. Diodarus kahtá hai, kí baz Súrwalon ne agarchí ap laré rahe, taubhí chupke se apní bíblon aur bál-bechhon ko Kárthej aur pachchhimí atráf men bhej diyá. Ab yih bát mashhúr hai, kí pachchhim men un dinon men Rom ká ráj bahut barhtá játá, aur phailtá játá thá, so tén sau baras tak wuh laráí, jo Púnik. yane Fínkí kahlátí thí, barí tundí se hotí rahí. So in becháre bhágnewálon ko bhí wahán áram na milá.

12. Magar Súr kí sárfí taswír par tárfí chhá na gáí thí. Jab Yahowáh kisi par dhamkí detá hai, to bár bár dekhne men átá hai, kí wuh us ke sáth koí fazl ká ishárá bhí kartá hai, táki insán be-ummed na ho jáe. Malúm hotá hai, kí Yasaiyáh ne us dúr ke din par nigáh kí, jab Súr men Injil kí bashárat hogí, aur bahut Masíhí wahán basenge. Us ne farmáyá "Us kí tíjárat aur us kí khaichí Khudáwand ke liye muqaddas hogí, aur us ká mál zakhíra na kiyá jáegá, aur na rakh chhorá jáegá, balki us kí tíjárat ká hásil un ke liye hogá, jo Khudáwand ke huzúr rahte hain, kí kháke ser howen, aur nafís poshák pahinen," Yas. 23 : 18. Yih us din ká ishárá hogá, jis men Lúqá farmátá hai, kí logon kí barí bhí, jo sáre Yahúdiyá aur Yarúsalam aur Súr o Saidá ke samundar ke kináre se us pás áí thí, kí we us kí sunen aur apní bímáron se change hon," Lúq. 6 : 17. Masíh ap ek dafa un atráf men gayá, kyúnkí Súr aur Saidá ke sarhaddon men wuh aurat us ke pás áí, jis kí chhotí betí men nápák rúh thí, jo Masíh se changí huí, Marq. 7 : 24-29. Ek dafa Paulús sáť din Súr men thahrá rahá, aur wahán dindár bhái

the, jo apní jorúon aur larkon ko sáth leke us ke rawána hote waqt use shahr ke báhar tak pahúncháyá chunánci Paulus ne wahán samundar ke kináre par ghutne tekke un ke liye duá mángí, Aam, 21 : 5. Eusebius ek khúbsúrat girjá-ghar ká zikr kartá hai, jo us ke dinon mein tanír huá. Jerome buzurg ne wahán ek achchhi bastí dekhí, aur apne dil mein púchhtá thá, kí wuh din kab áegá jis ká zikr ambiyá ne kiya thá, kí us kí barí barbádí áwe ? Lekin aur bhí derí huí : ákhir í kár Musalmánon kí amaldárí un atráf mein huí, tab Súr ká jalál játá rahá, aur phir na áyá. Áj kal us ke nazdík thorí sí ábádí hai, magar shahr banáyá na gayá. Wuh jaisá nabí ne kahá thá "samundar ke darmiyán jál bichháne kí jagah hogí," Hizq. 26 : 14. Chunánci Maundrell sáhib ne San Iswí 1697 mein wahán kí sair kí, aur kahtá hai, kí "Thore se garíb log yayan rahte, aur machhliyon ko pakar ke apní rotí kamáte hain." Nabion na kahá thá, kí Súr ke patthar samundar mein dále jáenge. Robinson sáhib ne San Iswí 1838 mein wahán kí sair kí. Us ne farmáyá, kí "Pání ke andar puráni 'ímáraton ke sutún idhar udhar tute hue pare the. Kabhí kabhí chálís pachás ek sáth nazr áte the," Hizqiel ne farmáyá hai, kí yih barbádí dáimí hogí, "main tujhe jáe 'íbrat karúngá, aur tú nábud hogí; harchand terí talásh kí jáwe, tú kahín abad tak pái na jáwegí Khudáwand Yahowáh farmátá hai," Hizq. 26 : 21. Is ke mutábíq Renán sáhib likhtá hai, "Ho to saktá hai, kí koi sáhib, jo Súr ke agle hál se wáqif thá, is tamám kináre kí sair kare, aur taubhí us ko malúm na ho, kí qadím shahron mein ek, jo bahut hí námi shahr thá, yahán ábád thá : yahán tak wírání is jagah par gálib huí hai. Súr ke ahwál se ham kyá nasíhat hásil karen ? Khásskar yih, kí Khudá ká kalám purá hogá. Sháyad bahut zamáne guzar jáen taubhí wuh purá hogá. Sháyad insán samjhe, kí barí derí huí : Khudá ko yád na rahí hogí ; taubhí wuh purá hogá.

BĀB XIV.

NINAWAH KÍ NISBAT NABÚWATON KĀ
BAYĀN.

1. Ninawah bahut puráná shahr hai. Jab Sinár ke maidán meñ Namrúd ne kai shahron ko banwáyá, aur Bábul kí saltanat kí bunyád dālí, tab us mulk se Asúr niklá, aur us ne Ninawah banáyá, Paid. 10 : 11. Aur zamánon ke guzarte hí, wuh us zarkhez maidán meñ bahut hí mazbút aur daulatmand aur nāmí shahr ban gayá. Lekin ambiya us waqt se us ká zikr karne lage, jab se us meñ aur baní Isráel meñ ámad o raft hone lagí, yāne jis waqt ki Yahowáh ne cháhá, ki Asúr ko dandá banáke, is zariye se Isráel ko máre, tab us ká zikr Baibal meñ áne lagá. Ninawah shahr mulk i Asúr kí dár us saltanat thá, aur bāz zamánon meñ us kí fājuen dūr tak charháían kartí thín. Jab Manáhím Isráel ká bádsháh thá, tab Asúr ká bádsháh Pul us kí mamlukat par charh áyá, aur jab tak ki Manáhím ne use hazár qintár chándí nazar na dí, wuh chalá na gayá, 2 Sal. 15 : 19. Kuchh ársa bad jab Fiqah Isráel ká bádsháh huá, tab sháh i Asúr Tiglat-pilásur ne us par hamlá kiyá, aur Jiliád o Jalíl o Naftálí ke báshindon ko asír karke le gayá, 2 Sal. 15 : 29. Bad kuchh dinon ke Yahúdáh ke bádsháh Ákhaz ne isí Tiglat pilásar ko buláyá, ki Fiqah aur Rezin, yāne Isráel aur Arám ke khiláf madad dewe ; aur use nazráná dene ke liye Ákhaz ne apne mahall ko, aur Khudá ke ghar ko lúta, 2 Sal. 16 : 8. Sháh i Asúr ne us ke dushmanon ko bhagá diyá, taubhí is bandish par Khudá kí barakat na rahí." Tiglat pilásar us pás áyá ; par us ne us ko tang kiyá, aur us kí kumak na kí," II Taw. 28 : 20. Bad chand baras ke Salmanazar ne charháí kí, aur Samrún kí saltanat ko ulat diyá, 2 Sal. 17 : 5, 6. Un aiyám meñ Ninawahwálon ne Yahúdáh ko bár bár tang kiyá, Hizqi-yáh ke chhathe sál meñ Sanherib ne Yahúdáh ke sab hasín shahron par charhá, aur us ne unhen le liyá. Balki nek

Hizqiyáh ne bhí use rází karne ke liye K̄hudá ke ghar ko lúṭá, 2 Sal. 18 : 14, 15. Lekin is soná ehándí ko pákar Sanherib ne bewafáí kí, aur barí fauj lekar Yarúsalam ká muhásará kiyá. Hizqiyáh ne apná bojh K̄hudá par dāl diyá, aur Sanherib kí fauj ajib tarah se halák kí gayí, aur wuh ap Ninawah men jáke maqtúl huá, 2 Sal 19 : 35-37. Us ke bete Asar-Haddím ne Sámari mazhab kí bunyád dālí, kyúnkí us ne Isráel kí khálí bastion ko butparast Asúrí logon se bhar diyá, Az. 4 : 2. Pas kuchh taajjub nahín kí nabí log qaum i Asúr ká bahut zikr karen.

2. Jab ambiyá qaum i Asúr ke gunáhon kí malámat karne lagte hain, to aksar Ninawah shahr ká nám leke nabúwat karte hain, kyúuki us tamám sarzamín men, balki sháyad jahán bhar men koí bastí us ke barábar na thí. Strabo is bát ká gawáh hai, ki yih bastí Bábul se lambí chaurí thí aur Diodorus farmátá hai, ki Ninus bádshkh ká, jo us ká kháss barhánewálá thá, yih irádá thá, ki ham yayan aísá shahr tamír karenge, jo dunyá men lāsáuí hogá, balki bad ko us ke barábar banána bahut hí mushkil howegá. Jab K̄hudá ne Yúnáh ko wahán bhejá, to us ne shahr kí yih taríf kí, ki wuh bará shahr thá, ki us ká iháta tén din kí ráh thí, jis ká matlab yih hogá, ki us ká gherá sáth mil ká thá, Yún. 3 : 3. Yih nahín ki itní zamín us men ábád thí, kyúuki un dinon men dastúr thá, ki díwáron ke andar bahut se khet aur bágát rakhte the, jin ke bási se, jab koí dushman áke shahr ká muhásara kare, us ke báshinde bahut din tak kháyá karen. (Agar ham Hindustán ke rozána safar, yane chha kos, ká hisáb rakhen, to us ká gherá 36 mil thá.) Shahr ke bahut hí zoráwar aur máldár ban jáne ká báis yih samjhá játá hai, ki wuh us wasí aur zarkhez maidán meú baná thá, jo Dijláh o Ifrát se seráb kiyá játá thá, aur jis men in daryáon aur Fárs ke samundar ke zariye Púrab ke tájír Pachhim ke mulkon men jáyá karte, aur Pachhim ke saudágar Púrab men já pahúnchte the. Lekin wuh waqt áyá, jis men tijárat ke jaház bare samundar kí ráh se, yane Afriká ke niche, idhar

udhar chalne lage, aur yih bahut bihtar rastá thá. Pas jab Ninawah o Bábul, Baalbek o Súr barbád kiye gaye, tab unhen phir tamír karne kí zarúrat na rahí.

3. Ninawah na sirf bará aur daulatmand shahr ban gayá, balki us ke báshindon kí barí sharárat hone lagi. Chunánchí Yúnáh nám ek Isráelí nabí un pás nasíbat dene ke wáste bhej diyá gayá. Un májaron ke sabab se, jo nabí par ho chuke the, bádsháh aur raiyat Yúnáh kí manádí par bahut dil lagáte the. Chunánchí fauran Ninawah men barí díní isláh ki gayí, aur Khudá ne us ke báshindon kí taubá ko qabúl kiyá, aur shahr ko qaríb sau baras tak halákat se baeháyá. Jab qaum kí sharárat phir bahut barhí, tab Khudá ne Nahum nám दूसरे nabí ko Ninawah kí haláqat kí peshingóí karne kí ijázat dí. Malúm nahín, ki nabí ne wahán jáke kalám sunáyá, yá us kí nasíhat aur tarah se wahán pahúnchái gai. Magar us waqt na taubá na roná na isláh kí gayí, aur nabí ke kalám ke mutábiq qaum par áfat girí, aur us kí halákat kí gayí. Chunánchí jab ham un nabúwatan ko, jo Baibal men Asúr kí nisbat marqúm hún, Yúnání aur Látíní musannifon ke zikron ke sáth muqábila karte hain, tab sábit hotá hai, ki Baibal Khudá ká kalám hai.

4. Ek bát jis ká wuh ishárá karte the, yih thí, ki Ninawáh bilkull nest o nábud kiyá jáegá, "Tum Khudáwand ke barkhiláf hoke kaun mansúbe bándhte ho? wuh sáf nábud kar dálegá: bipat do bár nahín uthégí. Agarchí wuh sahíh o sálim hon, aur wuh bahutere aise howen, tis par bhí usí hálát men wuh káte jáenge aur wuh játá rahégá. Báwajúde ki main ne tujhe dukh diyá, phir kabhí tujhe dukh na dúngá," Nahúm. 1: 8-12. Yane Nahúm ne sochá. (a) ki Ninawah kí halákat Khudá kí taraf se hogí, (b) wuh ek dam áegí, aur (c) purí kí jáegí. Nabí qaum kí nisbat tiddion kí tashbíh detá hai: jab áftáb nikaltá hai, to bhág játín, aur un ká makán málum nahín hotá, ki kahán hai. Kahte hain, ki jab Xenophon sardár Yúnání fauj leke us maidán kí ráh se Púrab se laut áta thá, tab us ne daryáft kiyá, ki

Ninawáh shahr kis jagah par baná thá ? Aur log use batá na sake, Yasaiyáh ne bhí ishárá kiyá thá, ki Yahowáh pahle Asúr se apná matlab nikálegá, yane Isráel ko maregá, tab use tamám karegá. "Wáwailá Asúr par ; mere gusse ke dande par : jo lañh us ke há th men hai, so mere qahr ká hathiyár hai ! Main use ek riyákár qaum par bhejúngá, Lekin us ká yih khiyál nahín hai." Wuh in galbon kí taríf apne mábudon ko degá, "Par aisá hogá ki jab Khudáwand Koh i Saihún par aur Yarúsalam men apná kám kar chukegá, tab (wuh farmátá) main Sháh i Asúr ko, us ke gustákh díl ke samare kí, aur us kí buland nigáhí aur ghamand kí sazá dúngá," Yas. 10 : 5, 12. Is púrí barbádí ká zikr bár bár kiyá gayá, hai. "Aur aisá hogá, ki har ek jo tujh par nigáh karegá, tujh se bhágegá, aur kahegá, ki Ninawah wírán huá hai. 'Terá zakhm kárá hai,' Nah. 3 : 7, 19. Lucian, jo áp daryá i Furát ke kináre par Masíh se do sau baras bad rahtá thá, kahtá hai, ki "Ham logon ko malúm nahín hai, ki Nínawah shahr kis jagah baná thá." Us kí sárfi shán o shaukat par aisi barbádí á chukí thí ! Sach hai ki áj kal daryá i Díjlá par ek jagah Mosul nám ek shahr baná hai, aur Nadí pár ek khandaron se bhará huá maidán hai, jise sáhib log sau baras se khod rahe, aur qadím zumáne ke bartan aur hathiyár aur múraten wg. nikálte hain jin se jáná játá hai, ki qadím aiyám men Ninawáh yahán ábád huá hogá, lekin koí bastí bilkul wahán na rahí. Jo kuchh háth átá hai wuh zamín men khodne se háth átá hai Bádsháhon ke qasr, deotáon ke únche únche mandir, saudágaron kí barí barí dukán buzurgon kí hawelián kahán gayín

5. Ambiyá ne nahín batáyá, ki kaun bádsháh, yá kaun qaum Ninawáh ko ulañ degí, lekin Ctesias aur Diodorus donon farmáte hain, ki Arbaces nám Medí, aur Belesis nám Bábulwálá Asúr se bagáwat karke, aur apní faujon ko milákarke, Asúr par charháí karte the. Asúrfi fauj un ká sámhná karne ke wáste niklí, magar unhon ne maidán i jang men shikast khái. Jab wuh Nínawáh men bhás gaye, tab Arbaces ne shahr ká

muhasará kiyá. Is maidán kí fath kí nisbat Nahúm ne kahá thá. kí Asúrí mai-noshí ke sabab se maglúb hongē. “Harchand wuh kánton kí mánind torē marōre gaye, aur apní mai se sharábar hain, lekin wuh súkhe púál kí tarah bilkull jaláe jáenge,” Nah. 1: 10. Nabúwat se is ká matlab jáná nahín játá hai, lekin Diodorus batátá hai, kí is waqt se pahle Asúrí fauj ko koí fath hásil ho chukí thí, jis se bádsháh ne bahut khush hoke ek barí ziyáfat ká bandobast kiyá; lekin us kí fauj se ek bágí ne bhágkar Medion ko khabar dí, kí áj rát Asúrí log khúb kháenge, píenge, khushí manáenge. Chunáncí Arbaces ne usí rát ko un par nágahán hamlá kiyá, aur unhen gáfil pákar bahuton ko qatl kiyá, aur bágion ko bhagá diyá.

6. Ninawáh ke haqq men do báten kahí gayín. jo dekhne men miltí na thín, magar donon purí ho gayín. Nahúm ne ishárá kiyá thá, kí pání Ninawáh ko halák karegá, “Lekin ab wuh us ke makán ko ek barí bārḥ se nest o nábúd karegá,” Nah. 1: 8. Is ke mutábíq Diodorus ká qaul yún hai, kí Qadím se shahr men ek peshkhabarí mashhúr thí, kí “Jab tak Dijlá nadí ap Ninawah ke khiláf na uthe, tab tak shahr maglúb na hogá.” Chunáncí jab Arbaces shahr ká muhasará do sál se befáidá kar chuká thá, tab bará pání barsá aur nadí men bārḥ á gayí, aur shahr kí díwār ke ek tukre ko bahá le gayí. Is áfat ko dekhkar, bádsháh ne sochá kí Hée, hée, nadí ab hamáří dushman ban gayí! So ná-ummed hoke, us ne apní sáří harámon aur khwájá-sarāon ko apne mahall men faráham karke, use apne sáth phúnk diyá; pas Medí shahr par gálib hue. Lekin dúsrí bát bhí kahí gayí thí, kí ág Ninawah ko khá jáegi, Jab Layard, Bottá wg. sáhibán Ninawah ke wíran bayábán men idhar udhar khodne lage, tab tén char sháhi imáraton kí bunyáden, yaue wuh jo Kharsá-dáb kí, aur Konyunjik kí aur Nimrúd kí kahlátí thín, dikhláyi gayín, to sábit huá kí tīnon men ág lagí thí. Maslan Konyunjik ke mahall kí diwāren sang i marmar kí takhtion se marhí huí thín, aur yih aisi jalí huí thín, kí bilkull chūne men badal gayí thín. Jahán Nimrúd

ká bará phátak lagá thá, wahán khodnewálon ne koelon ká bará dher páyá: ág zor se jal chukí thí. Jahán Kharsábád ká mahall thá, wahán bahút koelá pará thá, jis men adh-jali luktián bhí milí hui hai. Yáne hál aisá hai, jaisá Nahúm ne peshingoí kí thí, ki ág tere arbangon ko khá jáegí: wahán ág tujhe khá jáegí, Nah. 3: 13, 15.

7. Safaniyáh nabí ne bhí Ninawah kí halákat kí peshingoí yún kí, ki wuh uttar par apná háth chaláegá, aur Asúr ko kharáb karegá, aur Ninawah ko wírán aur bayábán kí mánind khushk kar degá. Aur galle us ke darmián letenge, hán, qaumon ke sáre baháim; hawásil aur baglá us ke sutúnon ke siron par muqám karenge; chahchahané kí áwáz un ke jharokhon men hogí; un kí dahlízon men wírání hogí; kyúнки saro ká kám, jo baná hai, be-ár chhorá gayá hai. Yih wuh shádmán shahr hai, jo be-fikr hoke rahtá thá; jis ne apne dil men kahá, ki main hún, aur mere siwá koí dúsrá nahín; so wuh kaisá wírán huá, haiwánon ke baithne kí jagah! har ek jo udhar se guzar karegá, so phunkháregá, aur apná háth hiláwegá," Saf. 2: 13-15. Ab soehiye, ki jis waqt yih barbádí ká kalám kahá gayá, yih kaisá shándár shahr thá, jo koson tak lambá chaurá philá huá thá, jis kí niháyat barí ábádí thí, jis kí shahr panáh sau fut únchí thí, aur 1500 turjon se mazbút kí gai thí, aur taubhí nabí jurat karke kahtá thá, ki yih shádmán shahr haiwánon ke baithne kí jagah hogí! Taubhí Ninawah par aisí barbádí áyí, ki qadím musannifon men se koí kahtá thá, ki shahr Furát nadí ke kináre par thá, aur koí ki Dijlá ke kináre par ábád thá.

8. Ninawah Yúnah ke dinon men bará máldár shahr thá. Bare bare tájir o mahájan us kí ámad o raft kiyá karte the. Bahut mulkon kí nafis chizen wahán jama kí játí thín. Use daulatmand kar dene ke liye bahut qaumen lútfí gai thín. Chunánchi ambiyá farmáte the, ki Ninawah lútfá jáegá. Phárnewáli sherní kí tashbíh deke, nabí ne kahá. "Shernion ká gár, aur sher i babaron ke bachchon kí khurák páne

kí jagah kahán hai, ki jis men sher i babar aur sherní aur un ke bachche phirte the, aur un ko kisé ne nahín daráyá? Sher i babar apne bachchon kí khurák ke muwáfiq phartá thá, aur apní Shernion ke liye galá ghoñtá thá, aur apní mándon ko shikár se, aur gáron ko pháre húon se bhartá thá. Main terá shikár zamín par se mitá dálúngá." Nah : 2. 11-13. Us ne yih bhí kahá, ki yih daulat dushman ke háth men áegí. "Chándí ko lúto, aur sone ko lúto; kyúнки amwál kí kuchh intihá nahín hai; sáre nafis zurrúf kasrat se hain," Nah, 2 : 9.

9. Nabí ne Ninawahwálon kí ek kháss sharárat yih batáí, ki wuh niháyat be-rahm aur sakht dil log the, aur ki is liye shahíwálon se be-rahmí se sulúk kiyá jáegá, "Khúnrez shahr par wawailá: wuh jhúth aur lút se bilkull bhara hai; wuh shikár ko nikal jáne nahín detá. Ghur-charhon sawár ho jáná, aur talwáron kí chamak, aur bhálon kí jhalak hotí, aur maqtúlon ká dher, aur láshon ká túda hai: láshon kí intihá nahín: wuh un kí láshon par thokar kháte hain," Nah. 3: 1-3. Shahr kí khushhálí ke dinon men, jab wuh khlúb barhtá játá, aur cháron taraf se daulat ko batortá játá thá, nabí ne us ko tiddion se tashbih dí, jaisá hujúm karne-wálí tiddion lákhon lákh átí, aur sab kuchh khá játí hain, lekin jab Khudá chátnewálí tiddion ko wahán látá hai, tab hujúmwálí gaib ho játí, aur un ká nám o nishán nahín rahtá hai. Tú ne apne saudágaron ko firáwán kiyá, kí wuh ásmán ke sitáron se ziyáka hue: Chátnewálí tiddián kharáb kár detí, aur ur játí hain. Tere tájdár hujúmkarne-wálí tiddion ke se hain, jo sardí ke waqt báron ke andar rahtí hain, aur jab áftáb nikaltá hai, to bhág játín, aur un ká makán malúm hotá, ki kahán hai," Nah. 3 : 16, 17.

10. Jab khodnewále us bare maidán men, jo Mosul shahr ke us pár hai, khodkar, kisé Asurí mahall kí díwár ká tukrá zamín ke niche páte, to bár bár sang i marmar kí takhton par naqqáshí kí taswíron páte hain. Aur jo koí in taswíron par gaur karegá, fauran ján legá, ki Khudá ká gazab us khún álúd shahr

par kyúnkar girá. Maslan Kharsábád ke mahall kí diwár par ek Asúrí sipáhi kí teswír hai, jo chhurí háth men lekar kisi becháre ká chamrá jíte jí khinchta hai. Dúsrí men koí bechára. bádsháh ke áge ghutná tektá hai aur bádsháh barchhí háth men leke us kí ánkhen ko phár dáltá hai. Tísí men bádsháh apne háth men káí rassíán liye játá hai, aur ek ek rassí ká dúsrá sirá kisi dushman ke honth men bandhá rahtá hai, táki wuh unhen ghasí le jáe. Chauthí men ek sipáhi ek munshí ke pás ek burá tokrá le áta, jis men dushmanon ke kañe hue siron ká dher lagá hai, táki bádsháh un kí kasrat par fakhr kare. Pánchwin men bahut se ádmí súlion par charháye hue dikhái dete hain. Jab Asúrí log aise baddastúron se yahán tak khush the, ki un kí yádgári ke naqshe bádsháh aur amíron ke ghar kí diwáron par dikháte the, to dil kahtá hai ki un ká jald nest o nábud karná wájib thá, Aur yih bhí ajib bát nahín, ki jab us ke girne ká din á pahúnchá, tab ás pás kí qaumen niháyat khush huín. Jaisá nabí ne farmáyá, ki Terí shikastagi ká darmán nahín ai: terá zakám káí hai: sab jo terí shuhrat sunenge tujh par tálí bajáwenge: kyúnki kaun hai, jis par terí shuhrat sadá hujún na kartí thí," Nah. 3: 19. Diodorus gawáhi detá hai, ki jab dushman kí fújien Ninawah par hamlá karne lagín, tab bádsháh ká bharosá kuchh dinon tak yih thá, ki wuh sáí qaumen jo merí saltanat men sharík hain, sab ke sab merí muháfizat ke liye daurí áwengí chunáñchi us ne idhar udhar hukm bhejá, ki "Merí madad ke liye faráham ho." Lekin barkhiláf is ke, jab unhon ne Ninawah kí musibat kí khabar suní, to wuh bagáwat karne aur paháristánon men bhágne lagín. Unhon ne shahr kí madad kuchh bhí nahín kí. Yih wuh bát hogí, jis ká ishára nabí ne kiyá, ki "Ai Asúr ke bádsháh, tere garariye (súbon ke hákim aur sardár) sote hain: tere sardár let gaye hain: terí riayá paháron par parágandá huí hain, aur koí nahín hai, jo un ko ikatthá kare," Nah. 3: 18.

BĀB XV.

*YARŪSĀLAM KĪ BARBĀDĪ KE HAQQ MEN
MASĪH KĪ NABŪWATEN.*

1. Sach hai, ki Masīh nabī se bar̄hkar thā, lekin jab wuh Galīl o Yahūdīyā meṃ manādī kartā thā, tab us ne bahut sī ānewālī bāton kī peshingoiān dīn; balki kabhī kabhī kahtā thā, ki chāhiye ki ādmī merī in nabūwatan ke sabab se mujh par imān lāwen, “Ab main us ke hone se pahle, tum ko jatāe detā hūn, tāki jab ho jāe, to tum imān lāo, ki main wuhī hūn,” Yah, 13: 19. Us ne na sirf apnā marnā, aur dāfnāyā jānā, aur jī ūṭhnā, āge, batāyā, balki yih bhī batāyā, ki yih bāten kis tarah se waqīf meṃ āengī: ki Yasū apne rasūl se pakarwāyā jāegā: ki us ke sāre rasūl ek ek rāt meṃ us se ṭhokar khāenge: wuh kahte to the, kī “Ham bargiz tujhe nahīn chhoreṅge,” par taubhī bhāg jāenge: khāss kar Patras, jo ziyādatar apnī wafa-dārī kā dāwā kartā thā, usī rāt ko apne Khudāwand kā inkār karegā: ki sardār kāhin us ke khilāf ūṭhenge, aur use Romion ke hāth supurd karenge. Us ne yih farmāyā, ki kaī rasūl jo pahle māhigīr the, ādmion ke pakarnewāle ban jāenge: ki un ko ūpar se qudrat dī jāegī, ki gair zubānen bolen aur muajize dīkhāen; aur ki wuh dūr deshon meṃ jākar ajnabī qaumon ko najāt kī khushkhabarī sunāwenge. Us ne is bāt kī pesh-khabarī dī, ki us ke shāgirdon par barī barī musibatēn āengī, aur ki banī Yahūd ke badle meṃ gair qaumwālon ko dīnī bulāhat dī jāegī. Us ne batāyā, ki kis tarah se Patrus shahīd hogā, aur ki Yuhannā kī zindagī bahut darāz hogī, aur ki Kalīsiyā chaṭān kī mānind mazbūt kharī rahegī, aur kī dozakh ke darwāze us par bargiz gālīb na āenge. Ab in meṃ kaī bāten thīn, jin kā pūrā honā insān kī aql zarūr mushkil samajhtī; magar alim log jānte hain, ki in sab mājaron kā kyā hāl huā. Wuh jo āp Haqq hai, haqq kī bāten boltā thā.

2. Lekin ek bāt kī nisbat Masīh ne peshingoiān

din, jin ká zikr tīnon Synoptik Anájil karti hai, aur jin ká lafzī taur se pūná honá bahut mashhūr huá, yane jab us ne mulk í Yahúdíyá ká Romíyon se maglúb honá, aur shahr aur Haikal ká ulat diya jáná batáyá. Pahle yih bát bahut sáf roshan kí gayí, kí Yisú ne Titus ke áne se bahut baras áge yih báten kahín ‘Alim log kahte hai, kí shahr kí bubádí ke chálís baras peshtar Yisú ne yih peshkhabuí dí, aur das baras píchhe,, yane Romí fauj ke áne ke tís baras peshtar Matí ne is bát ko apní Injíl men dañj kiyá. Phir in báton ká bayán Marqus aur Lúqá kí tasnífon men páyá játa hai, aur yih bhí tasnífon Titus ke áne se pahle banáyí gayín. Buzurgon ne gawáhí dí hai, kí yih do kitáben Patrus aur Paulus se pasand kí gayín, lekin mashhūr hai, kí Patrus aur Paulus donon Níto Qaisar kí saltanat men shahíd hue. Pas in musíbaton kí nabúwatan bahut din áge se bataí gayí aur likhí gayí thín Ek hí Injíl yane Yuhanná kí, is áfat ke bad tasmíf huí, pas us ne in peshkhabríon ká zikr karná fuzúl samjhá.

3. Phir Yisú ne jo us waqt bayán kiyá, so aqlí bayan na thá. Us waqt mulk bilkull Romíon ke mátaht thá, aur wahán Romíon ká zor bahut thá, to kaun soch saktá hai, kí aise hál men Yahdí aísí barí bagáwat karenge, kí zarúr ho, kí tamám kí hukúmat nest o nábúd kar dí jae. Phir ek aur bát se yih aur bhí ajib nazar áta hai kyúñki is sattu baras peshtar, jab mulk í Kanan Romíon kí amaldárí men á chuká thá, tab Herodis Buzurg Rom hí men Yahúdíon ká bádsháh muqarrar ho chuká thá. Tab se mulk ke hákim Romíon kí ijázat se hukúmat karte the, aur qadím dastúron ke bamújib apne mazhab kí rasúm ko chaláte the. Romíon aur Yahúdíon men dostí to nahín thí taubhí Romí log ajnabí qaumon par ráj karne men hoshyár aur tajribakár the, aur jánte the, kí auron kí díní báton men dañhl dená bahut hí khatarnák bát hai. To un men aur Yahúdíon men aísá jhagrá kis tarah se paidá ho saktá thá, jis se Haikal barbád kí jae ? Phir yih bát thí, kí Farz karo, kí koí dushman

bhí ákar shahr ko apne qabze kar letá, to kaun soch saktá thá ki wuh Haikal ko barbád karegá? Wuh zurúr maqdúr bhar aisí khúbsúrat imárat kí muháfizat karegá. Pas jab Yisú ne farmáyá, ki wuh bilkull mismár kí jáegi, to záhir hai ki wuh aqlí nahín, balki nabúwatí paigám detá hai.

4. Phir Masíh ne na sirf in barí áfaton ke áne kí peshingoí kí, magar apne shágirdon ko in báton kí nazdíki ke kitne nishánát batáye, táki wuh áge se hoshyár hokar bhág jáen, aur apni ján o mál ko bacháen. (a) Us ne kahá "Khabardár, koí tumhen gumráh na kar de, kyúnki bahutere mere nám se áenge, aur kahenge, ki Main Masíh hún, aur bahut logon ko gumráh karenge," Matí. 24 : 4, 5. Us ne yih bhí kahá, ki yih nishán jald dikháyá jáegá. "Waqt nazdík á pahunchá hai," Lúq. 21 : 8. Aur yún purá bhí huá. Jab rasúl idhar udhar manadí karne lage, tab unhon ne Shamáún jádúgar náme ek shakhs ko páyá, jo Sámariyá ke logon ko hanán kar rakhta, aur yih kahtá thá, ki Main koí bará shakhs hún, aur chhoṭe se bare tak sab us kí taraf mutawajjih hote, aur kahte the, ki "Yih shakhs Khudá kí wuh qudrat hai (Masíh) jise Barí kahte hain," Aam, 8 : 9, 10. Jáná játá hai, ki us waqt ke Yahúdí log ek Ánewále kí barí intizári karte the, aur jis hál ki wuh ás pás ke mulkon men bahut jáyá karte the, yih intizári dúr tak phailái gayí thí. Phir Yusífas, jo Masíh ke zamáne ká muarrikh, balki bad ko Titus ká dost thá, farmátá hai, ki un dinon men bahut jhúṭhe Masíh uṭhe, aur bahut log un kí dagábázi se gumráh kiye gaye. Maslan us ne ek Misrí ká zikr kiyá, jo apne taín nabí batátá thá, aur 30,000 ádmion kí bhír faráham karke, un se kahá, "Ao mere sáth, Koh i Zaitún par chalo aur dekho, kí mere hukm se Yarúsalam kí shahrpanáh gir jáegi. Us ne Thiyádas náme ek aur jhúṭhe Masíh ká zikr kiyá, jis ne bahuteron ko yih kahke wargaláyá, ki "Apná mál o asbáb leke mere sáth Yardan pár chalo, aur dekho, ki mere hukm se is ká pání idhar udhar taqsím kiyá jáegá." Injíl men bhí is shakhs ká zikr hai, ki "us ne uṭhke kahá, ki main kuchh hún, aur

takhmīnan char sau maid us se mil gaye, wuh mara gayá, aur sib jitne us ke tábi the pareshán o tabáh hue,” Lam. 5 : 36. Sentomus se bbí ek gawáhi miltí, jo in donon ke sath mil jatí hai. Us ká qul yih hai, kí ‘Tamám Púrab men barson se ek intizári phail gayí thí, kí un aiyám men koí Yahúdiyá se niklega, jis kí álamgír saltanat hogí.” So dagábazon ne is ummed se apná matlab nikálá, aur sachche Masíh ne batáyá, kí aisa hí hogá. Phir yád rahe, kí yih Gamhél rabbí, jis ne Thiyádas ká zikr kiyá, khub Masíh ke zamáne ke hál se wáqif thá, kyúñkí wuh Paulus ká ustád tha, aur Titus ke áne ke 18 bars pahle mar gayá. Auron ne bhí aise dhokhebazon ka zikr kiyá Maslan Anger buzurg ne ek Dosithyus náme Samarí ká bayán kiyá hai, jo yih síkhátá phirta thá, kí “Main wuh Masíh nabí hún jis kí peshkhabarí Músa ne dí.” Aur Yusífas gawáh hai, kí us zamáne men itne farebí Masíh uthe, kí Felikas hakim ne bahuton ko giriftár karke qatl kiyá kyúñkí wuh Yahúdiyon ko hairán kar dete the.

Phir Yisú ne batáyá kí Khudá us zamáne ke logon par bharí bharí afaton bhejkar, apni narázi záhir karega pas in afaton ko dekhkar hoshyár ho jao. Us ne farmaya, “Tum laráiyán, aur laráiyon ke afwáh sunoge: khabardar. ghabra na jáná kyúñkí in baton ká wáqí‘ honá zarúr hai, lekin, us waqt khatímá na hogá,” Mat. 24. 6. Is kalám men do baton ke isháre hain, aur malúm hai, kí donon purí kí gayin, aur usí zamáne men ajíb taur se purí kí gayin. Auwal, tumháre kánon tak laráiyon kí afwáh pahunchegí, jab haqíqat men jang na ho. Aisá to huá. Caligula ne, jo niháyat kam-aql Qaisar thá, cháhá, kí Haikal men Yahowáh kí nahín, magar merí hí parastish kí jae. pas us ne sardár ko hukm diya, kí merí múrat ko Haikal ke andar rakho. Is hukm kí khabar kisi tarah se Yahúdiyon ke kán tak pahunchí, aur wuh niháyat khatá hue, aur fúran barí bagáwatan barpá kí gayin yahan tak kí bahut log kheton ko jotne bone se báz áye. Lekin us waqt jang ná huá, kyúñkí itne men

Qaisar mar gayá, aur jo us kí jagah men takht nishín huá, aisá ahmaq na thá.

6. Dúsrí bát jise Yisú ne farmáí yih 'thí, kí laríyán hongí Is ká matlab yih huá hogá, kí ás pás ke mulkon men aisá zamána áegá, jis men jhagre, aur gadur, kháná jangían phut niklengí Ab yád rahe, kí wuh waqt jis men Yisú mujassam huá, jahán tak hamen khabar hai, sulh o chain ká waqt thá. Aur is chain ká ek bhárí subút miltá hai. Romion ká yih dastúr thá, kí laráí ke auqát men Jánus deote ke mandir ke darwáze ko khule rakhte the, magar muarrikh kahte hain, kí jis waqt Yisú paidá huá, Jánus ke darwáze band the. Magar afsos, der tak band na rahe' Aur Yisú ká kahná bhí thá, kí yih sulh ke din na rahenge, fasádon aur laráiyán barpá hongí. Tácitus apní tawáúkh men un logon ká bayán likhtá hai jo us waqt Romí ráj men rahte the, aur ham us tasníf men bahut fasádon ká zikr páte hain, jo Títus ke áne ke pahle huín. "Jarmíní men hangame:" "Afriká men dangá" "Thres men gadar" "Gál men bagáwat:"

Párthiyá ke logon ká bandish bándhná," "Inglístán men laráí" "Armeniá men jang" 'wg: yih wuh bayá-nát hain, junhen Tácitus apní kitáb men darj kartá hai to yih, igarchi butparast thá, Masíh ke kalám kí sachcháí kí shahádat detá hai. Yusúfas bhí, in qaumí hurakaton ka zikr kartá hai. 'Us waqt tamám Súriyá kí niháyat buí hálát ho rahí thí Har ek shahr do lashkaron men taqsim kiyá gayá, yane Yahúdí aur Suriyáaní so din khúnrezi karne men, un rát kámpne men kat játí thí. Bahut shahron men láshen, jo defnáví na gayín, idhu udhar púí rahín Kahín buddhon kí láshen, aur un pás bachchon kí bhí aur uraton kí láshen bhí dikháí detí thín Haqíqat men wuh tasáad ká zamána thá, Scythopolis shahr men 13,000 maqtúl hue. Shahr í Damishq men 10,000 shakhs máre gaye, Qai ariyá shahr men, ek ghante ke bích men 20,000 tih í teg kiye gaye Iskandariyá men lishen dher kí dher kí gayín, kyúñki 50,000 ádmí maqtúl hue. Beshakk us ko fasádon ká zamána kahná thík thá, aur yih na

socho, ki yih jang do ek jagáhen men hí hotá thá. Titus ke áne se pahle, yane San Iswí 70 ke áne se pahle, tamám Romí amaldárí men barí harakaten huín. Do baras ke arse men chár Qaisar hue, aur in men se do maqtúl hue. Sintonius kahtá hai, ki Níro ne apne gale men kharjar mári. Galbá Qaisar kai sawáron se ragedá gayá, aur ek sawár ne us ká sir uráke apní unglí us ke munh men dál dí aur yún us ke sir ko uthá le gayá. Otho ne apní chhátí men talwár mári, aur Vitellius Qaisar áhiste áhiste khaufnák maut se mára gayá? Chunáncí Suetonius ke kahne ke mutábiq sára ráj tukrá tukrá ho jáne par thá, taubhí yih musannif mutlaq nahín jánte the, ki ham unhín báton kí gawáhí dete hain, jin kí peshkhabarí Masíh se tís chálís baras peshtar kí gayí thí, jab us ne farmáyá thá, ki Yarúsalam ke barbád hone se pahle qaum qaum par, bádsháhat bádsháhat par, charh áwegí," Lúq. 21: 10. Na sirf mulk ke log gairon se larhe, magar ápas men jhagrá karte the. Báz Galilé, jo Samrún men hoke Yarúsalam men Id mánne ko chale játe the, Sámariyon se máre lúte gaye, pas Yahúdiyon ne intiqám lene ke wáste un par hamlá kiyá. Phir Asqalún men 2,500 Yahúdí máre gaye. Yún qaum qaum par charhái kartí thí.

7. Phir Yisú ne yih nishán batáyá thá, ki "Jagah jagah kál parenge, aur bhaunchál áenge," Donon un dinon men wáqí hue. Tácitus farmátá hai, ki Níro Qaisar ke dinon men bará bhaunchál huá, jis se káí shahr, maslan Laudiqiyá o Kullassí, barbád kiye gaye. Aur Yusífas ne ek bará bhaunchál ká zikr kiyá, jis se Yarúsalam ká bahut nuqsán kiyá gayá. Eusebius ne kahá, ki Klaudiyus kí saltanat men aisá akál pará, jis se barí tangí huí. Balki Yarúsalam hí men bahut báshinde bhúkh se mar gaye. Do tén Romí muarrikhon ne aisí áfaton ká zikr kiyá. Balki Aamál kí kitáb men ek akál ke áne ká zikr huá, yane wuh, jis ká bayán chand ambiyon ne jin men Agabus námi thá, Antákiyá men jáke kiyá, Aam. 11: 28. Yih wuhí akál huá hogá, jis ká ishára Eusebius ne kiyá hai.

8. Yisú ne us din ke áne ke बारे में यह भी

kahá, ki Ásmán par barí barí dahshatnák báten aur nishánián záhir hongí, Lúq. 21 : 11 ; jis ke mane yih hongé, ki aisi báten dikhái dengí, jinhen log apní pareshání men bahut khaufnák samjhenge ; kyúnkí khauf ke máre máre ádmí chhotí báton se bhí bhári matlab nikálenge. Chunánci jab Tácitus ne Yarúsalam ká Titus kí fauj se ghére jáne ká ahwál likhá, to batáyá, ki aise bahut se khaufnák nishánát shahrwálon ke dilon ko ghabráte the. Us ne farmáyá, ki faujen dikhái detí thín, jo ásmán men ápas men lar rahí thín ; jang ke hathýar chamak rahe the ; bádalon men ek barí ág jal uthí, jis se Haikal raushan ho gayí ; Haikal ke pháñak ap se ap khul gaye. Sháyad koí kahe, ki Tácitus wahán se dúr thá aur sirf suní sunái báten likhtá hai. Jawáb yih hai, ki dúsrá gawáh miltá hai, jis ne aur bhí mufassil taur se in májaron ká bayán likhá hai. Yúsifas Yarúsalam ke andar us waqt to nahín thá, magar mulk men maujúd thá, aur hál se khúb wáqif hoke, aur apne desh-bháiyon se bahut hamdard hoke, likhtá thá. Us kí ek kitáb men in ajáibát ká khaufnák bayán miltá hai, ki talwár-súrat ek dumdár sitará ásmán men Yarúsalam ke úpar der tak latká rahá. Phir jab Be-khamírí Rotí ki Id mánne ke wáste bará melá faráham huá, tab rát kí nauwín gharí men Haikal par do-pahar kí sí roshní chamkí ; aur yih májará ádh ghante tak dikhái detá rahá. Phir ek rát ko chhathí gharí ke waqt Haikal ká púrabi darwázá, jo pítal ká baná, aur itná bhári thá, ki bís ádmí use band karte the, jab band thá, ap se ap khul gayá, aur tab ba-mushkil-tamám band kiyá gayá. Phir shám ke waqt log, dúr dúr jagáhon men, bádalon par aise májare dekhte the, kí barí faujen ápas men lartí thín, aur shahron ká mubásará kartí thín. Phir Pante-kust kí Id ko ek dahshatnák májará yih huá, ki jab ki jab káhin log shám ko dastúr ke bamújib shám kí qurbání guzráne ke wáste Haikal men játe the, tab aisi áwáz, jaisí barí bhir kí, yih kahtí huí, sunne men áyí, ki “ Útho, ham yahán se chale jáen ” ; aur us ke sáth aisi barakat, jaisí ki jab log rawáná hote hain, sunái

detí thí. Phir Yusífas farmátá hai, ki ek aur bát Yahúdíon ko bahut hairán kartí thí, ki Títus ke áne ke kai baras peshtar jab mulk men sulh salamatí ká hál thá. Íd i Khayyám ke waqt men ek dihátí ádmí Yarúsalam kí galí kúchon men phirne aur yún chilláne lagá, ki “Púrab se ek áwáz, Pachhim se ek áwáz, cháron hawáon se Yarúsalam ke khiláf, aur haikal ke khiláf, dulhe ke khiláf, aur dulhin ke khiláf, sáre logon ko khiláf hai, Yarúsalam par afsos, afsos!” Bahut logon ne use dántá aur Hákimon ne us ko bahut mára píťá, taubhí wuh chilláne se báz nahín átá thá. Romí fauj áyí, wuh taubhí chup na huá, jab tak ki wuh ek phenke hue patthar se dabke na mará. Tab marte hue, un se pukár kai kahá. “Aur mujh par bhí afsos.”

9. Phir Yisú ne is bát kí peshkhabrí dí, ki Yarúsalam ke ulat diye jáne se peshtar Kalísiyá dúr dúr jagahon men pahúnchegá, aur bahut log us men sharik ho jáenge, taubhí bahut log us kí mukhálifat men uthenge, aur khashkar bahut Hákim aur buzurg use dúr kar ná cháhenge. “In sab báton, (yani Yarúsalam kí barbádí) se pahle wuh mere nám ke sabab tumhen pakrenge, aur satáenge, aur ibádat-khánon kí adálat ke hawáale karenge, aur qaidkhánon men dáleenge, aur bádd-sháhon aur hákímon ke sámhne házir karenge, aur yih tumháre gawáhí dene ká mauqa hogá. Pas apne dil men thán rakho, ki ham pahile se fikr na karenge, ki kyá jawáb den, kyúunki main tumhen aisí zubán aur hikmat dúngá, ki tumhárá koí mukhálif sámhná karne, yá khiláf kahne ká, maqdúr na rakhegá,” Lúq. 21: 12-15. Jo rasúli zamáne kí tawárikh se wáqif hain, jánte hain, ki yih báton kaisí lafzí taur se púrf kí gayín. Jinhon ne Masíh ko mára, unhon ne us ke shágirdon kí bhí barí mukhálifat kí. Un men se bahut qatl kiye gaye, aur ziyáda qaidkhánon men dále gaye. Marqus ne likhá thá ki Log tumhen adálaton ke hawáale karenge, 13: 9, aur Lúqá men hai, ki “In sab báton se pahle wuh mere nám ke sabab tum par háth dáleenge aur satáenge.” 21: 12. Is kalám men ham un ízá-rasánion ká ishára dekhte hain, jo Títus ke áne se peshtar jagah ba-jagah kí gayí thín.

Un men se bázon ká zikr A'mál kí kitáb men hai, aur auron ká bayán Romí muwarrikhon kí tasnífat men aur bhí safáí ke sáth páyá játá hai. Maslan Agrippá ká yih zikr hai kí, "Herodís bádsháh ne Kalísiyá men se bázon par háth dálá, kí unhen satáwe, aur Yuhanná ke bhái Yaqúb ko talwár se már dálá, aur jab dekhá ki yih Yahúdíon ko pasand áyá, to aur bhí ziadatí kí, kí Patras ko bhí pakar liyá." Aam. 12. 1-3. Rom shahr ke pás ek bahut hi umda gujá, us jagah par baná hai, jahán Paulús, Níro Qaisar ke hukm se qatl kiyá gayá. Romíon ke kahne se malúm hotá hai kí Níro niháyat badzát berahm bádsháh thá. Suetonius kahtá hai kí jab Rom shahr men barí ág lagi, jo sáat rát aur chha din tak jaltí rahí, aur ádhe shahr ko khá gayí, tab Níro ne use dekh ke kahá, kí "Aisi ág ke dekhne men kyáhi dilchaspí hai!" Tacitus muarrikh us par aur bhí bura ilzám lagátá hai, "Shahr men yih atwáh uṛ gayá kí Níro ne áp hí is ág ko lagáyá. Is shakk ko mitáne ke liye us ne jhúth-múth is ká ilzám un ashkhs par laga diyá, jo Masíhí kahláte the, aur jin se log un ke bahut badkámón ke sabab se adáwat karte the, so badsháh ne unhen mujrim thahráke haulnák taríh se sizá dí. Is fiqce ká bání Khristus náme koí mujrim thá, jo Tiberins Qaisar ke dinon men Yahúdíya ke sardar Pantíyus Pilátus ke hukm se maqtúl huá. Magar us kí maut se wuh nuqsán karnewálá fiqqa band na huá. Thore dinon tak khamoshí rahí, tab wuh phir zor se phút niklá, na sirf mulk í Yahúdíyá men jahán is bigár ká shurú huá, balkí yih bidát ham men bhí pahunchí. Kyúñki yih shahr ek nápak táláb kí tarah hai, jis men sári haulnák kharabíyan bahtí jatí hain, balkí log unke áne se khush bhí hote hain. So bádsháh ne pahle un ko pakar liya jo iqrar karte the kí ham Masíhí hain; tab in ko batane se bahut aur log giriftár kiye gaye, aur mujrim thahraye gaye, is bát ká nahín, kí un se shahr phúnk diyá gayá, magar is sabab se kí wuh insán ke mukhálíf the, aur yih log na sirf qatl kiye gaye; magar un ká maqtúl honá ek bará tamásha kiyá gayá. Bazon par janglí jánwaron kí khálen orháí gayín, tab kutte un par hamlá karne ke

haye chhore gaye; bazon ke háth pánw men kilen thonk kar unko maslúb karte the, aur jab rát átí thí, tab bahuton par tel dálá játá thá. aur tub un ke kapron men ág lagái játí thí táki battí ke taur par jalkar roshní dēwe.” Yih aise shakhs ká bayán hai, jo Masíhí nahín, balki Romi, aur is firqé ká dushman thá, aur pahlí Íswí sadí men paidá húa. Pas yih musíbat utháná Yarúsalam kí barbádí se peshtar thá.

10. Yisú ne ek aur nishán batáyá, ki jis se áfat kí nazdíki pahchání jae, yáne “Jab tum Yarúsalam ko faujon se ghirá dekho, to ján lo ki us ká ‘ujár honá nazdík hai. Tab wuh jo Yahúdíyá men hon, paháron par bhág jáen, aur jo shahr men hon báhar nikal jáen, aur wuh jo dihát men hon bhítar na áwen.” Lúq. 21: 20-21. Yane usne ek tadbír batái, jis par amal karne se us ke shágird log bhágkar is áfat men sharík na hon. Balki Yisú ká kalám ajíb tarah se púra bhí húa, aur kahte hain ki us se jo Masíhí Yarúsalam men the, sab bach gaye. Wuh intízám bhí ki jis se un ko bhágne ká mauqá milá gaur ke láuq hai.

11. Shahr kí barbádí ke chár baras peshtar yane San Íswí 66 men, Yahúdí Romion se sakht bagáwat karne lage. Us ke mitáne ke wáste Cestius Gállus ne fauj leke Yarúsalam kí taráf charháí kí. Yusífas kahtá hai ki nazdík thá ki shahr us ke qabze men á játá, tab wuh besabab fauj leke chalá gayá. Ham sochte hain ki cháhe us ke dil men sabab húa ho, yá na húa, Khudá kí parwardigári men ek sabab thá, kyúñki jab shahr ke pháñak kuchh din tak khule rahe, tab wuh Masíhí log jo apne ustád kí nasíhat ko yád karte the, so nikal bháge aur Yardan pár ke Pírfá mulk ke Palle shahr men panáh leke bach gaye. Phir yád rahe ki, us zamáne men Romion men barí harkaten hún. Jab Gállus se Yahúdí log na dabe, tab Qaisar ne Vespásian ko Yarúsalam ko maglúb karne ko bhej diya. Vespásian á gayá, aur mulk ká hákim mnqarrar húa, aur bágion ke dabáne ke wáste bare lashkar ko jama karne lagá. Is men der lagí. Akhí-i-kár aksar Yahúdí bastián Vespásian ke jabze men áín, aur Yahúdíon ká bará zor, jo rah gayá,

Yarúsalam men faráham húa, aur Romí fauj ne us ká muhásirá kiyá. Itne men Rom men bhárí tabdíllán hone lagín, jin kí khabar pákar Vespásian bahut pareshán ho gayá. Niro mar gayá, aur Galbá us kí jagah men Qaisar banáyá gayá. Wuh bhí jald mar gayá. Tab Otho aur Vitellius náme do sardár takht-nishín ho jáne ke wáste faujen jama karke ápas men larne lage, aur tamám mulk men garbarí par gayí. Is jhagre men pahle Otho, zabardast niklá; magar thore din bad us kí fauj ko barí shikast dí gayí, aur Otho ne ná-ummed hokar apne taín qatl kiyá. Vitellius ne takht ko chhín liyá. Lekin us waqt Romíon kí barí fauj wuh thí. jo Kanán men thí. Pas us ne in jhagron kí khabar sunkar apne sardár Vispásian ko Qaisar baná diyá. So wuh lashkar ko Titus ke háth men chhorkar, ap Rom men ráj karne ko chalá gayá. Tab Títus fauj ko leke us kám ko jo der se roká rahá thá, khatam karne ke wáste áyá. Tab wuh hál shahr men húa, jis ká ishára Yisú ne kiyá thá, ki “Wuh din tujh par áenge ki tere dushman tere gird morchá bándhkar tujhe gher lenge, aur har taraf se tang karenge,” Lúq. 19: 43, Yih morchá ek khashs bát thí, jis ke sabab se Yahúdíon par haulnák khúnrezí áí. Us ke bándhne ká báís yih thá, ki jab Titus pahle áyá tab Romíon ne bare zor se shahr par hamlá kiyá, lekin us par qábiz na hue. Tab Titus ne sochá ki ab Íd ke sabab se báhar ke lákhon Yahúdí shahr men haín. Agar main báhar se aisá muhásira karún, ki kisi ká bhágná ná-mumkin ho, aur báhar se khurák ká dákhil honá ná-mumkin ho to jald qabze men áenge. Us ke sipáhi is bandobast se niháyat khush hue, aur aisí sargarmí se kám men háth lagáyá ki mahínon ká kám tén din men kiyá gayá, aur sab áná jáná band kiyá gayá, aur Yahúdí, shahr ke andar, bhúkhon marne lage. So sirf wuhí log jo Masíh ke hukm ke farmánbardár hue, bhágne ká mauqa páte the.

12. Jab Yisú ne chális baras áge shahr ke mismár hone kí khabar dí, tab us ne haikal ke barbad kiye jáne ká zikr kiyá. Yih peshingoí bhí gaur ke láiq hai. Yahúdí log Haikal kí khúbsúratí aur árastagi par bahut

phúlthe the. Sochte the ki usí jh'álí má'í' z'á'ú' der tak buní thegí. Shahipnah bhí bahut hí m'z'bút baní thí. Us kí tin díwaren hū, aur yih bahu banjon se aur bhí pukhta kí gayi thū. K'chín kahū in díwaron men bare bare patthar. jo 70 fut lūmbe the agaye gaye the. Kyá aísí shahiparah dushman ke hamlon par na hansegí? Haikal kí r'unaq dūr t'k mashhūr thí Herodis ne use bahut masti kiyá thá, us kí t'arif bahut gayi j'atí thí. Us ke age bare bare sing-i-narín ke pílpae the, jo tís ch'áís fut lūmbe ki bahut moti ek hí patthar ke bane the. Haikal ke dírwaze sone se murhe hūe aur un ke sone ke qabze the. Kuchh taajjub nahín ki unke dekhnewale aísí imárat pu takhr karen. "Jab Yísú Haikal se bahar jata thá, us ke shagirdon men se ek ne us se kahá. Aí ustád dekh yih kitne bare patthar aur kitní barí imáraton hūn." Yísú ne jawab men us se kahá, ki Tú in barí imáraton par nigáh kutá hai y'ch'au patthar par patthar n' chhútegá jo g'navá n' j'egá." Mat 13: 1-2 Shahr ke logon me se koi n' j'anta thá, ki k'usa haulnak dín n'z'dík anwala hū, magu Yísú j'anta tha, aur díl men us ke sabab r'unj karta tha, kyunki wuh apne Yahúdí bhaiyon ko bahut hí pyár karta tha. Dústre dín 'j'ab n'z'dík ake us ne shahr ko dekha to us par royá. aur k'ha, kash ki tú apne isí dín men in baton ko jo terí salamati kí hain, j'anta pu ab wuh terí á'nkhon se chhipí hain, kyunki wuh dín tujh par áwenge, ki tere dushman. . . tujhe sab tar'if se t'ang karenge, aur tujh ko, aur tere larkon ko jo tujh men hū, khak men miláwenge.' Lúq 19: 41-44 Yísu is barbádí ke sabab bahut afsos karta tha, kyunki apne maulk aur apne bhaiyon ko bahut pyár karta tha, Bolá "Aí Yarúsalam, aí Yarúsalam" jo nabion ko már daltí, aur unhen jo tujh pás bheje gaye pathrao karti hai, main ne kitní bár ch'áhá. ki tere larkon ko, jis tarah murgí apne bachchon ko paron tale ikatthe kartí hai, juma karún, par tum ne na ch'áhá. Dekho, tumhárá ghar tumháre liye wíran chhorá j'atá hai." Mat 23: 37, 38.

13. Agar koi us halákat ká jo Títus ke áne se shahr par áí, umda bayán pahná ch'áhtá hai to Yusífás

kí tasníf ko dekhe, kyúñki wuh us waqt apne des men házir thá aur us kí musíbaton se khúb wáqif thá. (a) Us waqt Yahúdíon kí ek barí kamzorí ká háis yih thá, ki wuh ápas men bahut jhagrá karte the; kai fariq ápas men barí adáwat rakhte the. Jab ek ne koí tadbír nikálí, tab bahuton ne uskí mukhálifat kí. Dakaiton ke sardár apne guroh ke sáth, kholke shahr men phirá karte. aur baz log un se yahán tak khauf kháte the, ki sochte the, ki in kí banisbat Romíon ká áná bihtar hai. Tab Títus kí fauj á pahúñchí, aur báhar kí díwár ká muhásira karne lagí. Díwáron ko tor dálné ke liye Títus ke pás achchhá sámán thá. Ek bhárí kal thí. jis ko Niko yane Fath nám dete the, kyúñki jab yih kisi díwár ke pás khínch láte, aur us se thonkne lag játe the, tab díwár ke pattharon ko tukrá tukrá karke girá detí aur charháí karnewálon ke wáste ráh khol detí thí aur yún dushman ko fath bakhshtí thí. Phir aur bhí kalen thín jo falákhún kí tarah bare bare patthron ko phenktí thí, aur yih patthar achának shahr men girkar bahuton ko már dete the. Pahle yih patthar sufed the. pas log unhen áte dekhkar kisi qadr bach sakte the; magar Romíon ne yih hoshyarí kí ki un par rang charhá diyá, jis se ki wuh kam díkhái den. Pas bahut Yahúdí in pattharon se dabke mare. Yún tarafain kí faujen rát din barí tundí se lartí rahín, magar báhar kí díwár men bará surákh torá gayá, aur us ke zariye se Romí sipáhhí andar dákhil ho gaye. Tab bích-wálí díwár par isí taur se hamlá kiyá gayá, aur arse ke bád wuh bhí Romíon ke qabze men áí. Tab tísrí yáne andarwálí díwár par hamlá kiyá gayá. Magar is ká torná ziyáda mushkil thá. Kalon ke rakhne ke wáste jagah kam miltí thí. Phir Yahúdí log apne ke láchár jánkar barí jawánmardí se larte the. Jab ján bhí dená ho to kuchh parwáh nahín karte the. Jab mauqa páte tab chupke se Romí kalon men ág lagá dete, aur unhen phúnk dete the. Tab zamín ke nícche ráh banáke wuh tornewále burjon ke nícche khodke unhen girá dete the. Taubhí Títus himmat na hárá, wuh dhire dhire áge barhtá játá thá. Us kí ek tadbír yih thí ki jab kisi

Yahúdí ko k̄hurák d̄húndhne ke wáste, yá aur kisí sabab se, shahr se nikalte dekhtá, to use giriftár kar letá aur shahr kí díwár ke sámbhne use lakrí kí salíb par tangwáke mashúb kar detá thá. Kahte haiñ. ki itne mashúb hue, ki salíb banwáne ke liye lakrí muassir karná bahut mushkil ho gayá. aur ki ek hí din men becháre chár sau Yahúdí is k̄haufnák maut se máre gaye, aur ki shahrwále díwár ke úpar se nigáh karke un ke be-bayán dukh dard ko dekh sakte the. Kyá us waqt wuh Yahúdí ayní bát ko yád karte the. jab unhon ne Masíh ke marte waqt Pilátus ke áge iltimás karne kahá thá ki us ká khún ham par, aur hamáरी aulád par howe ? Un kí iltimás kaisí haulnák tarah se púrí kí gayí.

14. Tab jaisá úpar mazkúr huá, Titus ne shahr ke báhar morchá bándhá, aur us pás lakrí ke tukron se kathgherá banwáyá, aur us ke pichhe pahre bítháye. Tab ámad-o-raft band húi, aur shahr ke andar aisí tangí hone lagí jo bayán se báhar hai. Bahut gharánon ko mutlaq kháná na milá, aur wuh jald mar mite. Bahut gharon men láshen chhipí rahti thin. Bahut log kamzorí ke máre sarakon men gire, aur phir uth na sake. Jab kisí ke pás kuchh k̄hurák bhí thí, tab chupke se use kháná pará, na ho ki koí dákú use lút márkar le jáe. Garíb log chamrá aur ghás aur baz peron kí jar kháne lage, kyúñki bhúkh unhen niháyat tang kartí thí. Yusífas ek daulatmand Piriwálí aurat ká zikr kartá hai, jo apní god ke larke samet Yarúsalam men ittifáq se rah gayí thí. Bhúkh se adh-págal hokar us ne apne bachche ko márkar, ág se bhún diyá, aur us ká ádhá gosht us roz kháyá, aur dúsrá ádhá ghar men chhipá rakhá. Us rát ko dákú log phir ghar men ghuse, aur use dántne lage ki “Fauran jo kuchh ghar men hai dikhá ; nahín to abhí tere gale kátenge.” Us ne bhune hue bachche ko sámbhne rakhkar un se kahá, ki “Sáhibo, khá líjiye : umda kháná hai !” Dákú barí nafrat se ghar se nikal bháge. Lekin Músá se saikron baras áge kahá thá, ki agar Isráel náfarmání kare to us par aisí sakht sazá bhejí jáegí, ki “Tú apne beton aur apní betion ká gosht, jinhen K̄hudáwand tere K̄hudá ne tujhe bakhshá

thá, us muhásara ke waqt, aur us tangí mein, jo tere bairion ke sabab se tujh par hogí, kháegá," Ist. 28: 53. Pahle log mare huon kí láchon ko maqdúr bhar dafná dete the, lekin yih jald mushkil ho gayá: so rát ko shahr kí díwár ke úpar se báhar dál dete the. Tab Títus ne in beshumár láchon ko parí huí. aur sartí huí dekhá, tab wuh áh márke zor se chilláyá, ki "Apne deotáon kí qasam, main ne yih na kiyá!"

15. Is taklíf mein bahuton ne shahr se bhágne kí koshish kí, magar Romíon ne in bhágnewálon ko pakar liyá, aur qatl kiyá. Akhíir ko jab shahr mein dákhil hone kí ráh khol dí gayí, tab Títus ne bahut cháhá, ki khúbsúrat Haikal ko barbád ho jáne se bacháe, aur apne sardáron ko faráham karke un se saláh lí, ki yih kis tadbír se bache? Is kí nisbat sipáhiyon ko saht hukm diyá gayá, aur jab shahr ko phúnkte the, aur ág Haikal ke pás pahunch gayí. tab Títus ke hukm se wuh bujhái gaí. Lekin itne mein Romí sipáhi larte larte bahut be-rahm ho gaye, so ek ne apne bhái ke kándhe par charhke. Haikal kí ek khirkí tor dáli. aur ág ko andar phenk diyá, aur yún hote hote sári imárat mein ág lagái gayí, aur wuh zor se jalne lagí. Is kí roshní ko dekhkar, Títus ap wahán daurá gayá, aur ág bujháne ko pukará, lekin us waqt wahán gul shor ho gayá thá, ki log us kí pukár ko sun nahín sakte the. So pák ghar bhasam huá, jaisá Yisú áge se farmá chuká thá, ki "Dekho, tumhárá ghar tumháre liye wíran chhorá játá hai," Matí. 23: 38. Yusífas is bát ká gawáh hai, ki Títus Haikal ke jalá dene se náráz huá, lekin is bát mein láchár thá. Jab sára shahr us ke qabze mein áyá, tab Títus ne hukm diyá ki use bilkull ujár do. Sirf unhon ne tén burjon ko chhor diyá, táki bad ko dekhnewále jánen ki kaise mazbút shahr par Romí fauj qábiz huí.

16. Yisú ne kahá thá ki us waqt kí musíbat hawnák hogí, aur aisí huí. Milman sáhib ká yih qaul hai ki "Yarúsalam ke logon kí us waqt aisí shikastaháli huí, jaisí hargiz kisi दूसरी jagah mein nahín huí." Un musíbaton mein se Yisú ne ek ká yih ishará kiyá thá,

ki “Wuh asír hoke sab qaumon ke darmiyán pahúncháye jáenge.” Kahte hain ki us waqt 97,000 Yahúdí pakre gaye, aur bach gaye. Jab Títus Rom men laut gayá, to is fathmandí ke sabab se wahán bará tamásha kiyá gayá, aur ek umda sang-i-marmar ká mihrábdár pháṭak tamír kiyá gayá, jis men us kí fatúhát kí taswíren khínchí gayín, aur áj tak us ke galbá kí yádgárí kartí hain. Títus ke 300 baras bad Júltan Qaisar ne cháhá ki Haikal ko phir tamír kare, aur us kí díní rasúmát ko phir járí kare, aur bahut Yahúdí amíron ne us kí madad kí. Magar un kí koshishen lá-hásil huín. Is ke khiláf zamánon ke guzárne ke bad wuh jagah Musal-mánon ke qabze men áí, aur áj jahán pahle Haikal raunaq detí thí, ek Muhammadí masjid maujúd hai, aur aglab hal, ki yih hál us waqt tak rahegá, jab tak “gair qaumon ká zamáná” khatam na ho.

17. Sach hai ki jab Yísú in áfaton ke áne ke báre men pesh-khabarián detá thá, tab un ke sáth chand aur báton ká bhí bayán kartá thá, jin ká zikr Matí 24 aur Márq. 13, aur Lúq. 21 men milá hai, jin kí sharh álim log yún karte hain, ki yih báton hanoz púrí nahín huín, balki Masíh kí Dúsrí Ámad men púrí howengí. Mum-kin hai ki aisá ho, lekin sáf záhir hai ki in ánewálí báton ke sáth aur bhí bahutsí báton thín, jo us zamáne men lafzí taur par púrí huín. Yáne wuh májare, jin ke haqq men us ne ap hí formáyá, ki fulání bát ke nishánát dekhkar ján lo, ki “Wuh nazdík hai, balki darwáze par hai,” Matí 24: 33; aur dúsrí bát ke haqq men kahá, ki “Jo yahán khare hain, un men se baz aise hain, ki jab tak Ibn-i-Ádam ko us kí bádsháhat men áte hue na dekh lenge, maut ká mazá hargiz na chakhenge,” Matí. 16: 28. Ab zará in barson ke hisáb par sochiye. Yísú Qiyáfá sardár káhin ke mansúbe se maslúb huá, Matí. 26: 3. Ab Qiyáfá San Íswí 24 se leke San Íswí 36 tak sardár káhin thá; pas Yísú kí maut is áirse men huí. Phir Yarúsalam San Íswí 70 men ulat gayí. Pas Yuhanná rasúl ke siwá bahut aur shahrwálc Títus ke áne tak zinda rahe honge.

18. Phir wuh kháss gunáh kaunsá thá, jis ke báis

baní Yahúd par aisí haulnák sazá us waqt bhejí gaí? Paulus jo ap jwání ke dinon men Yarúsalam men parhne ke wáste áyá kartá thá, yún gawáhí detá hai, kí jinhon ne K̄hudáwand Yisú ko aur nabion ko bhí már dālā, táki un ke gunáhon ká paimáná humeshá bhartá rahe, lekin un par intihá ká gazab á gayá, 1 This. 2: 15-16. Aur agar koí us gunáh ko us kí sazá ke sáth muqábalá karegá, to bahut si taalluqát ko dekhegá. (a) Jab qaum Íd-i-Fasáh mánne ke liye Yarúsalam men faráham huí, tab Yisú salib par khínchá gayá, aur waisá hí jab bís tís lākḥ YahúdÍ Íd-i-Fasáh ke waqt Yarúsalam men jama hue, tab Títus ne shahr ká muhásirá kiyá. (b) Baní Yahúd ká kháss jurm yih thá kí jab wuhí Masíh jis kí intizarí báp dáde karte the, namúd huá, tab unhon ne use radd kiyá. Un kí sazá ká ek hissá yih thá kí bahut se farebí Masíh namúd hue, aur bahuton ke halák hone ke báis thahre. (c) Unhon ne Yisú ko bech dālā, aur us ke liye gulám ká dām diyá gayá. Títus ne hazáron Yahúdhon ko gulám hone ko bech dālā. (d) Buzurgon kí dua yih thí, “Us ká khún ham par, aur hamarí aulad par áwe,” Yih duá haulnák tarah se suní gaí. (e) Jab ek qaidí ko chhorná pará, tab log chilláte the, kí “Is ko nahín, lekin Bar-Abbá dákú ko,” aur bahut barson tak un kí sarzamín dákúon se satáí gaí. (f) Buzurgon ká qaul thá, kí “Yisú ko márná cháhiye, na ho kí Romí áke hamarí qaum ko le jáen.” Yisú márá gayá aur Romí áye, YahúdÍ qaum ko ulat diyá. (g) Unhon ne Yisú ko Yarúsalam kí díwár ke sánhne salib dí. Hazáron YahúdÍ Títus ke hukm se shahr kí díwáron ke sánhne maslúb hue. Sáí záhir hai jaisá gunáh waisí sazá thí. Lekin hargíz aisá na ho, kí ham apne qusúron ko bhúlkar Yahúdion ko qusúrwar thahráwen. Ham aise gunáhon se hoshyár howen, aisá na ho kí ham un kí halákat men shatík howen.

19. Is bayán men bahutsí bátēn qaum kí halákat ke báre men yád karne ke qábil hain. (1) Kí wuhí halákat us zamáne ke khatam hone se peshtar áegí, (2) Kí yih halákat tab áegí jab YahúdÍ log ek butparast qaum ke sáth larenge. (3) Kí shahr aur Haikal kí

aisí purí barbádí hogí ki log kahenge, ki ek patthar dúsre patthar par chhorá nahín gayá hai. (4) Ki hazáron Yahúdí tah i teg kiye jáenge, aur hazáron aur gulámí meñ bik jáenge. (5) Ki aisí musíbat, jo aur qaumon par nahín áyí thí, Yahúdion par áegí. (6) Yih musíbat aisí hogí jis meñ Yahowáh ká gazab nazar áegá. (7) In áfaton ke natáij bhí batáye gaye. Qum-i-Yahúd der tak dúr mulkon meñ titar bitar kí jáegí. (8) Yahúdí súraj andherá kiyá jáegá, aur Yahúdí sitáre ásmán se gir jáenge. (9) Lekin ákhirí dinon meñ un par phir rahm kiyá jáegá.

BĀB XVI.

MU'AJIZON KE BAYĀN MEN.

1. Ham jo is kitāb ke parhnewāle hain, is bāt ko mānte honge, ki yihī khilqat, jis men ham maujūd hain, kisī zamāne men Khudā se khalq huī. Us waqt se pahle wuh na thī, lekin Khudā ne Khāliq bannā chāhā, so us ne apnī marzī ke mutābiq in sab chizon ko paidā kiyā, aur sambhālā, aur unke chalne ke wāste ek intizām thahrāyā, jis ke muwāfiq din aur rāt, roshnī aur tārīkī, garmī, sardī aur barsāt āj tak huā karte hain. Ham is intizām ko Khilqat ke Qawānīn (*Laws of Nature*) nām dete hain. Yih bhī yād rahe, kī bahut wājib hai ki yih intizām aksar bāton men be-badal rahe, kyūnki is be-tabdīlī par hamāre sāre duniyāwī kām kāj mauqūf hain. Maslan ek ek din men chaubīs ghante hote hain, aur un men se ek hissā roshnī ke ghante, aur ek hissā tārīkī ke ghante hote hain, aur ham apne khāne ke waqton ko muqarar kar sakte, aur un ke liye bandobast kar sakte hain, aur ham parosī ko wāda de sakte hain ki kal āth baje sawere main fulānī jagah jāūngā. Agar din kā qānūn na hotā; agar us men kabhī chār ghante, kabhī das ghante, kabhī bīs ghante hote: agar din men kabhī do hisse hote, kabhī tīn, chār, pānch hote, to ham apne kām kāj kā bandobast kyūnkar kar sakte? Agar koī kisī bāt kā wāda kartā, to use kyūnkar pūrā kar saktā? Chupānchi Khudā ne barī mihrbānī se yūn thahrāyā, ki aksar karke is jahān kā intizām ok taur se chalegā. Us men itnā thikānā hogā, ki log apne kām kāj kā thikānā lagā sakenge, aur āge kā hisāb lagāke apne wādon ko pūrā kar sakenge. Taubhī aql kahtī hai, ki khilqat Khāliq ke iktiyār se chhūt nahīn gai hai. Agar kisī waqt aisī koī bhārī bāt bīch men āwe, jis ke sabab se Khudā in qawānīn ke mutābiq nahīn, balki kisī nayī tarah se kuchh karnā chāhe, to use pūrā iktiyār hai. Wuh apnī kārīgarī kā pāband nahīn, balki us kā mālīk hai. Hān aksar karke apne hāth ke banāye hue qawānīn ke mutābiq chalegā, na ho ki insān ke kām men

garbarí dále lekin agar kisi waqt baí zarurat ho, ki us ká karná aur tarah se ho, to kaun use rok gá? Aur jab karegá, tab log kahenge, Dekho, qawánin ke báhar Khudá ne kuchh kiya ku? Dekho muajiza huá! Hán kyún na ho, agar Málik us kí hájat dekhe?

2. Sach hai, ki khilqat ke intizám mein aksar tabdílí nazar nahin atí. Mumkin thá, ki Khudá agar us kí marzí hotí, to aur tarah se kar saktá, par uski marzí bahut karke, aisi na huí. Ibráhim ke waqt se áj tak din aur ráat, rabí o kharíf, ek taur se huá karte rahe; ek hí súraj hamáre káin ko madad detá rahá. ek ek mahine mein púranmási hotí rahi. Is íthikáne o páedári ko dekh kar, bahut log áj kal, Málik ko bhúlkar us ke intizám ko goyá Khudá banáke manne lagte hain. Nature (yane wuhí intizám) un ká deotá ho játá hai. Kahte hain ki Qawánin i Khilqat lázawal hain, un mein tabdílí nahin hone kí, par koi muajiza kabhí nahin huá, na hogá, na ho saktá hu. Kyá yih kahná sach hai? Hargiz nahin! Kyá kárigar apní kárigari mein yahán tok phans gayá hu. ki háth pánw hilá nahin saktá hai? Hargiz nahin! Ham log kisi káin ko barson tak ek taríqe se karte rahte hain, tab kisi roz kisi sabab se, aur taríqe se karte hain, Kyún? Murzí usí huí. Kyá Khudá láchár hai, ki itná na kar suke? Sochiye ki qawánin i mazkúr kyá shai hain? Wuh jándár nahin, wuh zí-aql o zí-rúh o zí-hayát nahin hai. Wuh us taríqe ká nám hai, jis ke mutábíq Khálíq khilqat ko chalátá hai. Un mein sirf itní tájat multí, jitní Khálíq bakhshítá hai, aur jab jí cháhe to use bilkul budil saktá hai. Baz log kahte hain, ki Jahán ká tajriba bahut pukhtá bát hai, aur us kí gawáhi bahut qawí hai, kí in qánúnon mein kakhí tabdílí nahin huí. Sab chizen hameshá se waisí hí ho rahin. Koi tabdílí kabhí nahin huí: par muajizon ká bayán jhúthá bayán hogá. Hamári samajh mein yih nádání ká kalám hai. Ham kyúnkar kah sakte hain, ki agle zamánon mein jab ham maujúd na the, ki kaise tajriba huá? Kaun jántá hai, ki tabdílí nahin huí? Aql kúhtí hai ki dunyá ab hai, aur ki qadím zamáne mein nahin thí. Kyá yih tabdílí nahin thí?

Phir insán ke tajríbe men tabdílíán waqí men áin. Is zamín men tabdílíán ho chukí haiñ. Samundar men kai jagáhen haiñ, jahán pání ke niche bastíon kí galiñ maa ghar o mandir kí díwáren díkhái detí haiñ, aur álim kahenge, kí dekh, yahán zamín baith gayí hogí, yá pání charh gayá hogá. Kísí tarah kí tabdílí kí gai hogí. Chand paháron men aísí jagáhen haiñ, jahán bahut aise jándaron kí haddíán síp wagaira multí haiñ, jo samundar ke rahnewálon kí chízen haiñ. Agar wuh pahárí jagáhen kísí zamáne men Samundar men garq huín, tab tabdílí sábit huí. Yá agar koí jándár, jis ká maqám ab samundar men hotá hai, pahle zamáne men paháron men maqám kartá thá, taubhí tabdílí sábit huí. Ek din main apní ánkho se bahut se mazdúron ko zamín men ek jagah khodte dekhtá thá. Jab daryáft kiyá tab málúm huá, kí yih Sarkár ke hukm se ek saikron baras ká khoyá huá shahr khod níkalte haiñ. Jab main un ke pás gayá, tab kyá dekhá, kí wuh kísí buzúrg ke achchhe ghar ke do chár kamre khod ke khol dete haiñ. Upar kí chhat jal gayí thí, lekin díwáron par khúbsúrat taswíren khínchí huí thín, jin par hazár baras se us roz tak kísí kí ánkhea na parí thín, magar ab sáf aur suthrí nazar áttí haiñ. Málúm huá kí is maqám par ek khauf-nák tabdílí wáqí huí. Qadím aiyám men yih jagah shahr ke ábád karne ke wáste bahut hí umdá mání gayí. Na sírf shahr wahán baná, magar bahut se amír log wahán base aur us kí shuhrat dúr tak phail gayí. Akhir í kár ek waqt áyá jis men ek nazdík ke pahár se nágahán ág níklí, aur us shahr par girí, aur us kí chhaton ko phúnk díyá, tab mittí aur ehhoṭe patthar gíre, aur gharon ko bhar díyá, balkí bís tís fuṭ aur bhí únche tak gíre, aur wuh jagah maidán ho gayí, aur saikron baras tak logon ko málúm na huá, kí us maidán ke niche kyá kyá tuhte chhipe haiñ? Ham nahín kahte, kí mazkúrá tabdílíán muṣṣe se huín, magar yih sábit karne cháhte haiñ, kí yih jo kahte haiñ, kí dunyá ká tajríbá hameshá shurú se eksán thahíá hai, so galat bayán karte haiñ. Kísí ko málúm nahín, kí kitní dafa nayí báten á chukín, jin ká tajríba insán ko áge na huá thá.

3. Ham mánte ham kī bahut karkc khilqat ke qawánín men ham yih sifāt dekhte hain, kī har ek chíz apní muqarrará hálāt men parí rahtí, yá apne muqarrará silsile men chalí jātí hai, jab tak kī báhar se koí dúsarí shai us par quwat na dikháe. Maslan patthar ká qánún yih hai, kī zamánon tak wuh apní jagah men pará rahegá, jab tak kī bahar se koí dúsarí shai us par quwat na dikháe. Maslan patthar ká qánún yih hai, kī zamánon tak wuh apní jagah men pará rahegá, jab tak kī báhar se koí zor áke use na utháwe, yá sarkáwe pání ká qánún yih hai kī jab tak koí zor báhar se áke use na roke, wuh niche kī taraf bahta chaltá rahtá hai. Taubhí har koí dekhtá kī bahut se patthar sarkáye játe, aur bahut pání utháyá játa hai. Aur wuh chíz jo bích men atí, aur in chizon ke qánúnon par zabardastí hartí hai so zindagí hai. Jahán zindagí ho, wahán us ke iráde bhí honge, aur jahán iráda ho, cháhe Khudá kī ho, yá insán ká, wahán be-ján chizen naye naye kám men istimál men láyi jātí hain. Ág jo khánewálí hai insán kī rotí pakátí hai, hawá jo tornewálí chíz hai, insán ke jaházon ko chalátí hai pání jo niche kī taraf girne cháhtá hai, bádál bankar bahut úpar charh játá hai. So tén báten sábit hain (a) Khilqat men tabdílíyáu hotí hain, sháyad bahut nahín, magar wuh kabhí kabhí wáqí hotí hain. Agar ham unhen qudrat-i-Iláhí ke natáij kahen, yá qawánín ke natáij kahen, taubhí záhir hai, kī qawánín ke ám natáij se bilkull alag hain, (b) Qawánín ke phal hon yá na hon, záhir hai kī koí qánún in tabdílíon ko paidá nahín kar saktá hai, kyúnci qánún beján aur bagair qudrat kī chíz hai, jo ap se kuchh nahín kar saktá hai. (c) Khudá khilqat ká banánewálá aur Sambhálnewálá, aur Chalanewálá hai; pas jo kuchh dunyá men kiyá játá hai, yá to Khudá ap kartá, yá karwátá, yá hone detá hai. Pas yih jo kahte hain kī muajizá ká honá ná-mumkin hai, nádání kī bát kahte hain. Agar Qádir Khudá ho to wuh apni marzí kyúncar púra na kar sakegá? Kaun use rokegá? Agar us ne banáyá, to kyá tor na sakegá? Kyá wuh jo uthátá hai, girá bhí nahín saktá hai? Kyá wuh jo áj kisi kám

ko ek taur se kartá hai, kal agar zarúrat ho, aur taur se nahín kar saktá? Khudá ko háth pánw ká bandhá huá láchár batáná, Khudá ká munkir honá hai.

4. Is bát ke haqq men ek aur aglí talím yih bhí hai, ki na sirf muajizon ká honá mumkin hai, balki aglab hai ki kabhí kíye jáenge; kyúнки do tarah se un kí kuchh zarúrat dekh partí hai. (1) Jab koí sáhib apne kisé kám ko chaláne ke wáste kisé kal ko banwátá hai, aur bad ko wuh kal tút jáe, tab sáhib us bigár ko durust karne ke liye ap háth dálegá, yá kal ko phir kárigar kí dukán par bhejega, yá kisé tarah se marammat karne kí koshish karega. Waisá hí Khudá ne is jahán ko kal ke taur par banáyá hai, aur wuh kal kuchh bigar gayí hai, kyúнки Khudá ne insán ko khud-mukhtári bakhshí aur insán ne táqat pákar gunáh kiyá. Ab aql síkhátí hai ki Khudá is bigár ko dúr karne ke wáste zarúr kuchh karega. Wuh marammat karne kí koshish kiye bagair apní kal ko radd na karega. Jo agar kare, aur wuh koshishen khilqat ke qawánín se báhar húín, to muajizá huá. Isí liye ki Yahowáh tartíb ká Khudá hai, ham gumán karte hain ki jab us kí banái huí dunyá kí tartíb men kuchh bigár á játá hai, tab wuh zarúr apná háth use thík karne ke wáste us men dálegá. To ajáib kám kyúń na hove? (2) Ek aur bát hai. Ham har kahín dekhte hain ki insán kí aql ná kámil hai. Sab báton ke haqq men soch ke, wuh muttafiq-ur-ráe nahín hain Koí kuchh kahtá, koí kuchh kahtá. Phir insán ke beshumár galat khiyálon se beshumár musibatén un par áyá kartí hain, aur bará khatrá paidá hotá, ki in bhúl. chúkon se, is jahán men bhí, aur us jahán men bhí, un kí barbadí ká báis ban jáe. To aise hál men mumkin hai kí Khudá, jo rahm ká bání hai, insán par mihrbání dikháe. Mumkin hai ki wuh un kí hidáyat ke wáste koí Ilhámí kalám bakhshéga. Lekin agar aisá kare to insán kis tarah se jáne ki Khudá, aur na ki insán ham se kalám kartá hai? Agar Khudá apní kitáb ham ko bakhshatá hai, to jis hál ki bahutsí kitáben dekhne men áti hain, ham kyúńkar jánen, ki kaunsí kitáb Khudá kí dí huí hai? Mumkin hai ki wuh apne

paigám par aisí muhr degá. jise ádmí apne paigámon par nahín de sakegá. Agar wuh iusán ko is bargashtagí kí hálat se bacháne ke liye anbiyá bhejega. to kisi aise nishán ke sáth bhejega, jis se sábit ho, ki yih mard-i-Khudá hain, aur ki Khudá un ke zariye se apná paigám bhejtá hai. Kalám-i-Muqaddas gawáh hai, ki hál aisáhi hai. Khudá ne insán kí hidáyat o madad ke wáste paigám bhej diya hai, aur us ke sáth do muhareñ, yane muajize aur peshingofáñ bhej di hain, aur jis hál ki yih donon insán kí qudrat se bahár hain, aur jis hál ki rást-o-pák Khudá kisi dagabáz ko, hamen dhokhá देने ke liye, aisí qudrat hargiz na bakhshhegá. to sábit huá ki yih Khudá ká kalám, yih Ilhámí kitáb hai. Chunáñchí jab ham use gaur se dekhte hain, to záhir hai ki us kí talímen o nasíhaten Ilhán í kitáb ke láiq hain. To agar Khudá ká paigám lánewálá ajáib kám kar dikhláe. to ham kahte hain, ki aisá kárná wájib thá.

5. Muajiza kis ko kahte hain? Aksar kám záhiran dunyá ke intizám ke mutábíq kiye játe hain. Lekin farz karo, ki hamáre áge aisá koi kám dikháya jáe, jo is intizám ke bahár kiyá gaya ho. to ham sochenge, ki is men Alqádir ká háth hai. Maslan, agar kisi shakhs ke kahne se koi janam ká andhá, ek dam bináí páwe: agar kisi ke kahne par ág ásmán se gire, aur ek bastí ko khá jáe: agar kisi ke háth barháne par kisi daryá men pár jáne ke liye súkhí ráh khul jáe, to ham kahenge ki muajiza huá. Aur agar malúm ho, ki yih kám kisi bhárá nasíhat ko pukhtagí देने ke wáste kiyá gaya hai, aur wuh nasíhat Khudá ke láiq. aur insán ke wáste musíd, malúm ho, to ham yaqin karenge, ki muajiza kiyá gaya hai. Sochne kí bát yih hai, ki aur kámon men us ke hone ká koi na koi sabab nazar áta hai, magar muajiza men sirf do sabab nazar áte hain. Khudá ká iráda, aur us kí qudrat. Iráda ne cháhá, aur qudrat ne kiyá. Koi wasila bích men na áya. Ibtida men Khudá ne ek iráda kiyá, ki núr ho; bas fauran núr huá. Rozmarra ke kám is taur se kiye nahín játe hain. Un men sabhon ká silsila huá kartá hai. Ek misál suno. Khudá hamen rotí khilátá, aur kaise khilátá hai? Mittí

taiyār kī gai, us meṃ bīj dālā gayā, mittī par dhūp paī, aur pānī barsā, anāj ugā, barhā, pakā, kātā gayā, pīsā gayā, rotī pakāī gai, tab khurāk ke kām meṃ aī. Ek din Yisū ne jangal meṃ hazāron bhūkhe ādmion ko khilānā chāhā, tab kaisā kiyā? Pānch rotīān leke us ne unheṃ yahan tak barhā diyā, ki pānch hazār ādmī khāke āsūda hue. Unheṃ ne rotī khāī, magar yahan na mittī, na bīj, na dhūp, na menh, na kātā, na pīsā, na pakā hai, sirf do chīzeṃ haiṃ, Ilhāī irāda, aur Ilhāī qudrat. Phir muajize meṃ ham yih bāt dekhte haiṃ, ki wuh har waqt dikhāyā nahīn jātā, magar sirf kabhī kabhī, jab us ke kiye jāne kā koī khāss matlab thā. Agar roz-marra kī bāt ho jāti, to nishān kām na āsaktā.

6. Baibal ke karāmāt meṃ ham yih bāt dekh sakte haiṃ, ki aksar wuh Yisū Masih kī āmad, aur us kī khidmat ke sāth ek khāss taalluq rakhte haiṃ. (a) Jis zamāne meṃ kī Masih aur us ke rasūl kalisiyā ko dunyā meṃ qāim karte, aur mulkon mulk phulāte the, to bahut ziyāda muajize zāhir kiye gaye, aur us waqt un kī khāss hājat thī, kyūnki in nayī talimon ke mukhālif bahut aur zaburdast the, aur taubhī agar log Ilāhī mazhab ko qabūl na karto the, to yih un kī halākat kā sabab thahartā thā. To us waqt nishānāt kusrat se diye gaye. (b) Lekin Khudā ne na sirf apne Bete ko jahan meṃ bhejā, magar ek barguzidā qaum ko paidā kiyā, aur taiyār kiyā, ki wuh jahan kī dīgar aqwām ke wāste dīnī bāton meṃ rahbar hove. Pas jin dinon meṃ banī Isrāel is pak khidmat ke wāste Misr meṃ taiyārī pāte, aur mulk i māūd meṃ basāye jāte the, to munāsib huā, ki Khudā bār bār apnī qudrat kā hāth un kī hidāyat o humāyat karne meṃ barhā dewe. Chuanāchī jab wuh banī Isrāel ko zaburdast hāth se Misr kī zamīn se nikāl lāyā, aur chālis buras tak unheṃ bayābān meṃ āzmātā thā, aur Kīnānī qaumon ke iwaz meṃ Kīnān meṃ basā detā thā, to us zamāne meṃ muajize kusrat se dikhāye gaye. (c) Tisrā zamāna, jis meṃ qudratī kām karne kī burī hājat hotī thī, wuh thā, jis meṃ banī Isrāel ās pās kī dū-parastī se farcētā hokar, us meṃ māil hone lage. Un dinon meṃ bhī Khudā Iliyāh o

1. Aisa o Yasaiyáh wg., ke háth se bahut se ajáib kám karwátá thá. In tén misálon se záhír hotá hai, ki Khudá barí hájat ke waqt men apní qudrat ko is tarah se dikháegá, aur ki jab koi haqíqí muajízá kiyá jae, to us ke kiye jane ká koi bhári matlab hogá. Chunanchi yih achchhi kasautí hai, jis par ham ajáib kámon ko kas sakte hain. Admí ká dil halká hai, aur wuh durust tartíb kí parwáh kam rakhtá hai, pas wuh bagair zarúrat ke, aur halkái se tamáshá dikháne na cháhegá. Lekin Khudá men kámil dánái hai, aur wuh sanjídagi se apná sára kám karegá.

7. Báz log kahte hain, ki kitábon men likhá to hai, ki Yisú aur us ke rasúlon se muajize záhír kiye gaye, magar ham ko is bát ká yaqín nahín ho saktá hai. Wuh bayán sirf thore se logon kí gawáhi par hamáre pás pahunchtá hai, aur ham use nahín mánte hain, kyúнки ham dekhte hain, ki áj kal muajize hue nahín karte hain. Pas un dinon men bhí hue nahín hongé. Agar koi muajize hamári ánkhone ke sámhne dikháya jae, tabhí ham mánege : Yih nádání ká kahná hai. Lákhon báten sachhí hain, jinhen ham ne kabhí ánkhone se nahín dekhá. Kyá tum kahoge, ki mere sir men magz nahín hai, mere badan ke ragon men khún nahín hai, Kyún ? Kyúнки main ne un ko nahín dekhá. Kyá koi kahéga, ki London shahr hai nahín, Níl daryá hai nahín, Lanká jazíra hai nahín, Kyún ? Kyúнки main ne apní ánkhen se un ko nahín dekhá. Aise uzr karnewále ko log kyá nám denge ? Hál yih hai ki aksar báten jinhen admí jántá hai, wuh auron kí gawáhi se jántá hai. Bahut thori sí báten us ke nij tajriba men áyi hain. Sab log jánte hain ki do char muatabar admion kí gawáhi par admí ká mál liyá játá hai, yá wuh barson tak qaid men dálá játá hai. To Kalám i Muqaddas kí karámát ke bayán ko ham kyún is tarah qabúl na karen ? Masíh ke muajizon par gaur karo, wuh achchhe the, aur logon ke fáide ke liye kiye gaye. Wuh bahut the, aur bahut aqsám ke the. Wuh shahr men, aur gápw men, aur diháat men kiye gaye. Wuh doston ke áge, aur dushmanon ke áge, kiye gaye.* Wuh dín ko

bhí aur rát ko bhí, kiye gaye. Us ke báz ajáib kám barí bhíron ke bích men kiye gaye. Wuh dushman bhí, jo dekhnewále the, yih inkár na karte the, ki muajiza koí to huá. Kahte the, ki hue to, magar Shaitán kí madad se: jis kalám se un kí sakht adáwat sábit hotí hai. Wuh shágird bhí, jin kí gawáhí par yih bayán máná játá hai, har tarah se muatabar ádmí sábit hote hain. Un men do tín, jaise Paulús o Lúqá o Yuhanná, álim the. Un men se bahutere parhe likhe the. Agarchi bahut satáye gaye, aur ázmáye gaye, wuh log apní shahádát par qáim rahe. Wuh buzúrgon aur hákimon aur bádsháhon ke áge buláye gaye, taubhí un kí gawáhí badaltí nahín thí. Jab dānte gaye, aur dhamkáye gaye, to chup nahín rahte the. Ján dene tak wuh kahte rahte the, ki Masíh ne yih kiyá hai. Is kahne men sírf un logon kí ek hí lálach hotá thá, ki Khudá ko ham pasand áwen. Agar ham Khudá ke piyáre tháhren, to bas. Hargiz yih nahín huá hai, ki aísí gawáhí jhúthí niklí hai. Agar koí aísí gawáhí ko radd kartá hai, to ján lo, ki sachcháí o dānái ke zor se nahín, magar kisí taassub ke zor se use radd kartá hai. Wuh sach kahte the, aur un kí sachcháí par Masíhí Kalísiyá qáim kí gai, aur áj tak tamám jahán men phailtí játí hai.

8. Phir báz log yih iatiráj karte hain, ki áj kal ke batáye hue muajizon ko ham nahín mán-te hain, to Baibal ke batáye hue muajizon ko kyúnkar mánen? Ham sochte hain, ki agar áj kal muajize nahín kiye játe hain, to un aiyám men na kiye gaye the. Yih bhí kahná thík nahín hai. Agar sábit ho ki Alqádir ne ek waqt koí qudratí kám kiyá, to kyá is se sábit hai, ki wuh har zamáne men aísá hí karegá? Log yád nahín karte hain, ki muajiza kyá chíz hai. Muajiza wuh kám hai, jo har waqt kiyá nahín játá, magar kabhi kabhí, jab Khudá zarúrat dekhe, ámm dastúr ke báhar kiyá játá hai. Pas agar wuh har zamáná hotá rahtá to muajiza na hotá. Phir Baibal kí karámát men aur un kámon men jo, kisí shakhs yá jagah kí shuhrat barháne ke wáste kiye játe hain, ásmán zamín ká farq hai. Jab

Khudá apne k̄háss mazhab ko dunyá meñ dākhil kar detá thá us waqt karámát dikháná lázim thá; magar ab dikháne kí kyá hájat hai? Aur jab hájat nahín, to Khudá ambiya aur rasúl áj kal nahín bhejtá hai. Ibtida meñ Khudá ne Adam ko gair mamúli taur se, yane má báp ke bagair, paidá kiyá, lekin is se sábit nahín hotá, ki wuh zamána ba-zamána ádmiyon ko gair-mamúli taur se paidá karegá. Áj kal aisi bát kí hájat nahín hai. Jab koí nayá elchí pahlí dafa hamáre bádsháh ke darbár meñ házir hotá hai, tab be-shakk apne nishánát aur sanadí kágazát ko leke átá hai, lekin bad ko yih kyá zarúr hai, ki wuh sál ba-sál in kágazát ko díkhátá phire? Jab kalisiyá pahle jahán meñ záhir huí, to lázim thá, ki nishánát leke áwe; lekin jab dunyá meñ bahut mashhúr ho gayí hai to aise nishánon kí kyá hájat rahí? Pas yih jo sochte haiñ, ki muajize kabhí nahín hue, kyúñki áj kal nahín hote haiñ, galat khayál karte haiñ, aur ham yih bhí nahín kahte, ki áj kal nahín hote; sirf itná kahte haiñ ki yih rozmarra kí báten nahín haiñ; agar rozmarra hote rahte to koí unheñ muajiza nahín kahtá. Lekin ham meñ se koí nahín jántá, ki hamáre zamáne meñ sab mulkon aur jazíron meñ kyá kyá báten wáqí huín, yá na huín. Bahutsí wáqíát huí hongí, jin kí khabar hamáre kánon tak nahín pahúñchí hai. Hamará khayál yih hai, ki agar kisi jagah meñ kisi roz Khudá muajiza karne kí zarúrat dekhtá, to áj kal bhí fauran kar detá. Kaun hai, jo us ke qádir háth ko rok sakegá?

9. Áj kal baz log ek ajíb qism ká kalám kahte haiñ, ki Baibal ko ham mánte haiñ. Hai to wuh Ilhámí kitáb, aur ham us kí talímon ko qabúl karte haiñ. Yih Khudá se haiñ, aur hamári rúhon ke wáste muñfid haiñ. Sirf muajizon ke bayánát ko us meñ se kát ke nikál dete haiñ. Yih kaisí ultí bát hai! Wuh muajizon ko aise samajhte haiñ, jaise kisi kurte par naqqásh ne apná kám kiyá ho; aur ham gainchí leke use kát ke dúr kar sakte haiñ, aur tab kurtá aur bhí achchhá hogá. Nahín, Masih ko aur us ke qudrati kámon ko, Baibal se radd karo, to kyá rahegá? Baibal

ek qudratí kitáb thahartí, kyúunki ek qádir Naját dihindá se bharpúr hai. Kyá ham us ko ímándár kah sakte hain, jo us qudrat ko náchíz jántá, aur use apne ímán men jagah nahín detá hai. Farz karo ki koí Angrez kahe ki main to George Panjam ko mántá hún, Main use apná pyará dost jántá hún, lekin main use bádsháh karke nahín mántá hún. Wuh bahut achchhá ádmí hai, magar bádsháh to nahín hai. Kyá bádsháh aisí dostí se khush hogá? Masíh qudratí shakhs thá, pas lázim thá, ki us se qudratí kám dikháe jáen. Jab us ne ek kalám ke kahne se ándhí ko rok liyá, yá korhí ko sáf kiyá, yá Jairas kí marí huí larkí ko zinda kiyá, to na cháhiye ki koí taajjub kare. Yih kám us ke láiq the. Yih nekíán us men aisí bharí huí thín, jaisá ganne men mithás bharí huí hai. Yisú ká dunyá men áná muajiza thá; pas agar mujassam hoke átá, aur agar muajiza us se dikháye na játe, to taajjub kí bát hotí. Gaur karo, us lásání zindagí par! Ap qádir thá, pas qudratí kám us se kiye gaye. Wuh nek thá, pas us ke sáre muajize nek the. Wuh tamásha dikháne ke liye nahín, apne nám barháne ke liye nahín, kisí dushman ke dabáne ke liye nahín, apní rotí kamáne ke liye nahín, magar insán ke fáide ke liye, bímáron ko shifá, aur musibatzaadon ko tasallí dene ke wáste karámát kartá thá. Khudá ká Rahím o Karím Betá hokar, zarúr thá, ki us kí zindagí aisí howe.

10. Koí na soche, ki Masíh ke, aur rasúlon ke muajize, aisí úparí lagái huí báten hain, ki cháhe ham unhen mánen, cháhe na mánen, kuchh bahut parwáh kí bát nahín hai. Un ká bayán Baibal ke bayán ke sáth aisá pakká taalluq rakhtá hai, kí us se judá nahín kiye já saktá hai. Bayán ke is hisse ko káṭ ke nikálná tamam bayán ko barbád kar dená hai. Maslan Yisú ke kám aur kalám aise mile hue hain, ki ek dúsre ke bagair samjhe nahín já sakte hain. Chár roz ká mará huá Lázar ká zinda karná, Yisú ká ek námi muajiza thá. Lekin sirf wuh shakhs, jo us par gaur kartá, us dars ko bakhúbí samajh saktá hai, jo Zindagí kí Rotí ke haqq men us waqt diyá gayá thá, aur wuh kháss

adawat ko bhí samajh saktá jo us waqt Yarusalam men Masih ke haqq barpa kí gayí thí. Agar Lázar sachmuch zinda nahín kiyá gayá, to sáre ahwál men garbar ájati hai. Yih samajh men nahín átá, ki shahr men hangámá kyúnkar paida huá. Phir is bát kí misál Paulús ke nau-murid kiye jáne men ham dekhte haiñ. Jí uthá huá Masih ká use jaláli súrat men Damishq kí ráh men dikhái dená, muajiza thá, lekin us ke sáre ahwál so aisá milá huá hai, ki is muajiza ká munkir, bilkull Paulús ke ahwál ko na samjhegá. Lekin jab ham mánte haiñ, ki aisí muláqát, aur aisí bátchít huí, aur ki un ká aisá natíja huá, tab us kí aglí zindagí, aur is naye dín ke phailáne men us kí sargarmí, samajh men á saktí hai. Pas koi yih nahín kah saktá hai ki main Anájil ko mántá hún, sirf karámát ko radd kartá hún.

11. Phir yád rahe, ki Matí, Marqús o Lúqá kí Injileñ usí mulk men tasníf kí gayíñ, jahán Yisú tentís baras tak rahtá thá. Ab farz karo, ki yih tén tasnífát jhúthí thín. Farz karo, ki koí Yisú Násri nahín thá, aur ki yih sab qisse kahánián haiñ. To fauran dil men bhári sawálát paidá hote haiñ. Masíhí Kalísíyá kahán se paidá huí? Hazáron shahíd Masih ke nám ko pyár karke kyún apní jánon ko khushí se dete the? Hazárhá Masíhí tamáshagáhon men darindon se kyún larte the? Aur log ág ke bích men Yisú kí naját ke git kyún gáte the? Aise bhári natíjon ká koí bhári sabab zarúr huá hogá. To kyá sabab thá? Agar Yisú ne kabhí bhír ko rotí na khilái; agar us ne kisí andhe ko ánkhen na dín; agar us ne kisí murde ko zindagí na dí, to usí mulk ke aur unhín dinon ke hazárhá log kis matlab se us ke shágird hue? Un men se saikron mannád dúr dúr shahron men jáke us kí khush-khabarí kyún dete the? Agar Yisú sachmuch un ke bích men rahá thá, aur us ne beshumár muajize kiye the, aur salíb par ján deke tísre din apne kahne ke mutábíq jí uthá thá, aur chálís din aur un ke bích men rah chuká thá; tab to be-shakk yih bhed khul játá hai. Lekin agar khiyál kiyá jáe, ki aisá qudratí shakhs koí nahín thá, aur aise kám kabhí kiye nahín gaye, to na sirf yih tinnon Anájil

jhúthí thaharatí haiṁ, balki aur bhí musannifon ke kitne bayánát, maslan Tacitus o Sentonius o Pliny o Yúsifus ke, samajh men nahín áte haiṁ.

12. Ek aur sochne kí bát yih hai, ki jab mulk ke bare, aur buzurg logon par koí jhúthá ilzám lagáyá játá hai to na sirf wuh, balki un ke dost rafíq aur un kí aulád, niháyat náráz ho játí, aur un ke námon kí safái karní cháhtí, aur ilzám lagánewálon par sazá karání cháhte haiṁ. Lekin tínon Anájíl men Yarúsalam ke sardár káhinon o buzúrgon par barí badnámní lagái gai. Aur jab yih kitáben shahr men parhí játí thín, tab un buzúrgon men se bahutere rah gaye hongé, aur agar Hanná aur Kiyáfa aur Gamaliel mar chuke the, taubhí un ke gharánon ke bahut log shahr men hanoz maujúd the. To lázim thá, ki un men se, koí khará hoke Injíl ke bayán ko jhutlátá. Cháhiye ki wuh is bát ko sábit kar dete ki “Injílí bayán mahz banáwatí hai; aisi báten hamáre bích men wáqí nahín huín; jaise ki ham sab shahrwále gawáh haiṁ. Baráks is ke sirf rasúlon ko dántá karte the, ki “Is nám men manádí mat karo, kyúñki is nám kí manádí se tamám mulk men barí garbarí á játí hai.” Lekin manádí hotí rahí. Koí qaid men dálá gayá, kisí ká sir uráyá gayá, koí pathráo kiyá gayá; lekin manádí hotí rahí. Aur bahut log, jo buzurgon ke dar ke máre chup rahte the, apne dil hí dil men jánte the, ki sachmuch aisi báten hamáre bích men huín. Yisú ke baz muajize shahr hí men, balki baz Haikal ke pás, kiye gaye the. So log un se khúb wáqif the, aur wuh qabr, jis se Laazar utháyá gayá thá, sirf shahr se kos bhar dúr thí, aur us roz bahut se shahrwále Yahúdí wahán maujúd the. To in báton kí haqíqat ká sábit karná kuchh mushkil nahín thá, to buzurg log kyúñ sábit nahín karte the, ki “Injíl ká bayán bilkull jhúthá hai. Ham ne kabhí Khudá ke Piyáre Bete ko qatl nahín kiyá.” Us zamáne men gawáhon kí kuchh kamí nahín thí. Jab Paulús Kurintí Masíhion ko khatt likhtá thá, tab kahtá thá ki 500 shágird Yisú kí Galílí khidmat se wáqif the, aur yih bhí kahtá thá, ki “In men se ádhe ádmí ab tak jíte

honge." Pas un dinon men kuehh zarúr na thá. kí koi bhúl se is mazhab ko qabúl kare. Us kí sachái yá jhúthái ká daryást karná bahut ásán thá. Pas us kí sachái sábit huí, kyúнки hazáron un dekhne sunnewálon men se Yisú ke shágird hue. Beshakk Yahúdí buzurg adáwat ke máre in karámát ká iqrár nahín karte the. Kahte the ki, ajáib kám to kiye gaye, magar Shaitán kí madad se kiye gaye. Ek muajiza ke bayán karne men barí pareshaní men par gaye. Yisú ko unhon ne qatl kiyá, aur us kí qabr ke úpar pahrá bitháyá, taubhí wuh tísre din jí uthá, aur un pás khabar pahúnchí ki qabr khálee hai; tab buzurgon ne ek mansúba bándhá, jo záhíran bátíl thá. Unhon ne sipáhíon ko bahut rupaye diye, aur bole, "Yih kah dená, kí rát ko jab ham sote the, to us ke shágird áke churá le gaye," Mat. 28: 12-13. Yih ajib Kalám thá! Yih wahán házir nahín the, to kyúnkar jánen kí wahán kyá kiyá gayá. (b) Un ká bahut rupayá dená is gawáhee ko jhúthí sábit kartá hai. (c) Jo log is kalám ko sunto the, so use qabúl nahín kar sakte the, kyúнки jánte the, kí jab ádmí pará sotá hai, to wuh nahín jántá, kí mere sámhne kyá ho rahá hai. (d) Yih sipáhee muatabar gawáh na thaharte, wuh bare mujrim the, balki Romí qánún thá, kí har ek sipáhee jo pahrá deke so jáe, so wájib-ul-qatl hai. So buzurgon ká rupayá uráná befáida huá hogá. Is se hamáre dilon men yih khiyál paidá hotá hai kí Yisú ke aur rasúlon ke muajize, na sirf haqíqí the, balki un atráf men aise mashhúr the kí un ká inkár karná befáida thá.

BAB XVII.

MASÍHĪ MAZHAB KE PHAL

1. Jab kisi mazhab kī sacháí jānchí játí hai, balki jab kisi qism kī bát kī bhaláí aur buráí daryáft kī játí hai, tab log ek kasautí ko bahut istílamál men láte hain, yāne puchhte hain, kyá wuh bát mufid niklí? Kyá wuh mazhab apne mánnewálon ke wáste barakat ká báis thahrá hai, kī nahín? Aur aql kahtí hai, kī aisá jānchná thík hai. Agar sabab mufid thá, to cháhiye kī us ke natáíj bhí mufid hon. Agar asl achchhí thí, to cháhiye kī nasl bhí achchhí ho. Masíh ne bhí síkháyá, kī aisá samajhná lázim hai. “Un ke phalon se tum unhen pahchán loge. Kyá jháriyon se angúr, yá úntkátáron se anjír, torte hain? Isí tarah har ek achchhá darakht achchhá phal látá hai, aur burá darakht burá phal látá hai. Pas un ke phalon se tum unhen pahchán loge, Mat. 7: 16-20. Hindú log masíh bhí kahte hain kī “Rope per babúl ká, ám kahán se howen?” Chunánchí jab kisi mazhab ke kisi mulk men phail jáne se, us mulk ko bahut fáida pahúnchá: jab us mulk ko ziyáda árám o taraqqí mile: jab uske báshinde ziyáda rást o pák banen, aur un ká chál chalan ziyáda durust o pasandida bane, to log zarúr us mazhab kī taríf karenge. Kahte hain kī kisi shakhs ne ek álim se púchhá, kī Sáhíb jí batáíye kī Muham-madí dín kaisá dín hai? Álim ne jawáb diyá, kī Arabistán men jáke sair kíjiye, to malúm hogá” Phir púchhá gayá, kī “Baudh mazhab kaisá mazhab hai?” Álim ne jawáb diyá, kī “Tibbat mulk men safar karke dekh líjiye.” Jawáb bahut lázim thá, aur taubhí sach hai kī jab ham is kasautí ko kám men láte hain, to ham bhúl chúk kar sakte hain, yāne chand kharábion ko sháyad mazhab ke phal batáwen, jo haqíqat men tabílat kī kharábíán hain. Afsos kī bát hai, kī har mazhab men aisi neklán síkhái játí, jin kī láparwáhí bahut kī játí hai. Maslan bahut se Hindú apne bailon, gadhon, tattuon ke sáth bahut berahmí se sulúk karte hain.

Lekin ham na samjhen ki yih Hindú mazhab ká phal hai, kyúñki sab jánte hain, ki is mulk men jīva-dayá kí talīm bahut dí jātí hai: magar afsos, bahut logon ká mizáj be-rahm hai. Phir Yahúdí logon par yih ilzám lagáyá jātá hai, ki ziyáda lálchí hain. Magar yih un ke mazhab ká phal nahín hai. Yih kisí qadr ek qaumí o tabáí kamí samjhí jātí hai, jise un ká mazhab maná kartá, lekin bilkul dūr nahín kar saktá thá.

2. Phir is bát men bárbár galat khiyál is liye kiyá jātá hai, kyúñki báhut si nek chál dīndarí ke zor se nahín, magar aur sababon se kí jātí hai. Bahut se chor aur zinákár dar aur sharm ke máre achchhí chál chalte aur bahut se lálchí aur zálím má báp se aur ustádon se nek nasíhat páte hain: riyákár neknámí ke lálach se sídhá chaltá hai, bahut be-dín log dīndar parosion ke sabab dīndarí ká bhesh bharte hain: bahut log bachpan kí hidáyat ke sabab nek chál chalte hain. Aísí báton se ham kabhí dhokhá kháenge, aur taubhí sach hai kí *achchhe mazhab ke achchhe phal, aur jhúthe mazhab ke jhúthe phal honge*. Is bát men ek aur dhokhá kháne ká báis yih hai, ki do qism kí khush-hálí, yāne rúhání aur jismání hotí hain, aur wuh jo kam-mufíd hai, wuh hai, jis par insán ziyáda dílagátá hai. Pas mumkin hai, ki wuh us dín ko pasand kare, jis se náfsání taraqqí barhe, agarchi us ke báis rúhání barbádí ho jáe. Aise hál men nádán log nek ko bad, aur bad ko nek, zarúr samjhenge. Maslan socho, ki Yisú ke zamáne men Romí Qaisar kí saltanat ká kaisá hál thá. Jismání taur se wuh bahut hí achchhá malúm detá thá. Ílm bahut barh gayá thá, Rom shahr men daulat bahut barh gayí thí, bahut se amír o buzurg barí barí imáraton men rahte, aur bahut naukar chákár rakhte, aur barí shaukat dikháthe the. Romí raj dūr mulkon par qáim kiyá gayá thá; Romí faujen bahut se dushmanon par gálib áí thin. Sháyad in báton ko dekhkar koi samjhégá, ki un logon ká mazhab umda hogá; lekin afsos, sírf ádhá qissá kahá gayá. Agar us saltanat ká rúhání hál púchhá jáe, to us men har qism kí burái nazar áتی hai. Ek taur so Yunání qaum kí bhí barí

taraqqí ho gai thí. Ilm o talím ká zor un men bahut thá. Bahut báton men wuh aur logon ke ustád samjhe játe the. Admiyat o tarbiyat o sháistagí men Yunání log bahut námi ho gaye the, taubhí yih mazhabí taraqqi nahín thí, kyúñki un men díní khúbíán bahut kam thín. Us zamáne men ek bahut hí álim o dáná shakhs thá, jo Romí o Yunání donon qaumon se bakhúbí wáqif thá. Us ne apní ek tasníf men in donon qaumon kí díní hálát barí safái se yún batái, ki niháyat bígrí huí thí. Kahtá hai ki un dinon ke mánnewále barí kharáb chál chalte the. Wuh sárí nárastí o nápákí se bharpúr hokar har qism kí sharárat ko shauq se kiyá karte the, aur un kí yih burái khásskar bedíní kí bát thí, ki agarchi unhon ne Khudá ko ján to liyá, magar us kí Khudái ke láiq us kí barái aur shukrguzári na kí, balkí bátíl khiyálát men par gaye, aur un ke besamajh dilon par andherá chhá gayá. Wuh apne ap ko dáná jatákar be-waqúf ban gaye, aur gair-fání Khudá ke jalál ko fání insán, aur parindon aur chaupáyon aur kíre makoron kí súrát men, badal dálá. “Phir jab unhon ne Khudá ko chhor diyá to us ne unhen chhor diyá, aur us chhone ká natíjá yih huá, ki un kí chál aisi gandí ban gayí, ki us ká bayán karne men sharm lagti hai, yahán tak ki Khudá ká gazab un ádmiyon kí tamám be-díní aur nárastí par ásmán se záhir hotá hai, jo haqq ko nárastí se dabáe rakhte haiñ.” Yih niháyat haulnák akhláqí taswír hai, khásskar jab ham yád karte haiñ, ki yih wuh qaumen haiñ, jin kí sháistagí kí taríf dunyá men gáyí játi thí. Agar yih aise the, to sochiye ki wahshí qaumon ká kyá hál huá hogá? Us álim ne farmáyá, ki jab unhon ne Khudá ko radd kiyá, tab us ne apná fazl un par na bhejá; so koí na rahá, jo un kí hidáyat o rabnumái kare, tab kyá huá? “Wuh har tarah kí nárastí, badí, lálach, bad-khwáhí se bhar gaye; aur hasad, khúnrezí jhagre makkárí, bugz se mamúr ho gaye; aur gíbat karnewále, badgo, Khudá kí nazar men nafratí, auron ko be-izzat karnewále, magrúr, shekhibáz, badíon ke bání, máñ báp ke ná-farmánbardár, be-waqúf, áhd-shikan, tabái

muhabbat se khálí, berahm ho gaye. Hálánki wuh Khudá ká yih hukm jánte haiñ, ki aise kám karnewále maut kí sazá ke láiq haiñ : phir bhí na faqat ap hí aise kám karte haiñ, balki aur karnewálon se khush bhí hote haiñ," Rom. 1: 18-32.

3. Jab ham daryáft karte haiñ, ki kyá Masíhí mazhab ke phal mufíd hue, yá na hue ' to zarúr hai ki ham do ek mulkon kí do hálaton kí nisbat púchhen, yane un ke agle dinon kí hálát kaisí thí, jab wuh log apne galat kھیálon par chalkar apne maíbúdon kí parastish karte the, aur tab us ke sáth bad kí hálát ká muqábala karen, jab dín i Masíhí ke qabúl karne se un ke díní kھیálát bahut badal gaye. Ab baz qaumon ke haqq men aisé muqábala karná mushkil hai, kyúñki un kí kam tasnífát hamáre pás pahunch gai haiñ, so ham un kí nisbat kam jánte haiñ ki un ká aglá hál kaisá thá, yá ab ká hál kaisá hai. Magar Rom aur Yúnán ke zamána bazumána kí tasnífát, hamáre háth áyí haiñ : pas un ke agle aur pichhle hál donon malúm ho sakte haiñ. Qaisaron ke dinon kí bahut sí kitáben dekhne men áti haiñ, aur saikron álim áj kal un atráf men phirá karte haiñ. Chín, Jápán Hindustán ke qadím hál ke haqq men ham kam jánte haiñ, kyúñki agarchí us waqt kitáben to thín, magar wuh ziyádatar sháiráná aur talímáná hotí thín, aur un men is bát ká kam zikr thá, ki log kis taur se basr karte the. Lekin Romí aur Yúnání kitáben ziyáda amlí thín, aur logon ke kھیálát o dastúrat ká ziyáda zikr kartí haiñ. So wuh is taur se muqábala karne ke wáste umda haiñ.

4. Auwal socho, ki qadím aiyám men, yane Injilí talím ke phailne se peshtar Rom aur Yúnán ká díní hál kaisá thá? Jarwálí bát yih thí, ki wuh apne haqíqí Kháliq o Málík o Madadgár o Parwardigár ko nahín pahchánte the, aur jab kisi qadr jáná bhí, to láiq taur so us ko sijda nahín karte the, balki us kí izzat aur maíbúdon ko de dí. Jo Málík ek hai, wuh use bahut karke mánte the, aur bahut log is ko, aur bahut us ko apná kháss o piyará maíbúd jánte the, yabán tak ki gairfání Khudá ke jalál ko fání insán kí súrat men

badal dālā. Insān kī sūrat men deotāon kī mūraten banāī gaīn, aur ʿawāmm se pūjī gaīn. Aur is kā phal yih huā ki Khudā insān ke dil ke takht se jo us kā haqq thā, khārij kiyā gayā, aur anparhe log in sūraton o mūraton ko dekhkar sochne lage, ki Khudā bilkull aisā hai jaisā insān, so us kā khauf jātā rahā, aur log jo kuchh un ke dil men ātā thā, so hī karne lage. Itne mabūd banāye gaye, ki ek ek pahār, aur ek ek daryā kā alag alag deotā mánā jātā thā. Athenī shahr ālimon kā shahr kahlātā thā, lekin itnī mūraten us kī sarakon par nasb kī gai thīn kī log yih masl kahte the, ki insān ke pāne se yahān deotā kā pānā āsān hai. Garīb log jab kisī anokhī chīz ko pāte, jise pahle nahīn dekhā thā, to use deotā karke mánne lagte, jaisā Hindustān ke baz atrāf men bhī dastūr thā. Kahte hai ki jab Dakkhan men bhārī larāfān hotī thīn, ek din koī sawār hār mānkar jang ke madān se jān leke bhāgā. Us ne koson tak apne ghore ko zor se daurāyā, ākhir i kār us kā ghora ek per ke niche girā aur mar gayā. Hāre thake sawār ne girkar aur bhī choṭ khāī, aur wuh bhī jān bahaqq huā. Subh ko jab gānwāle use lūṭne ko āye, tab us kī jeb men sirf ek chīz pāī, yane unda banī hui sharāb kī ek botal. Un gawāron ne kabhī aisī chīz na dekhī thī. Bolne lage, “Yih kyā hai? Yih ek hī akeli qīmatī pyāri chīz kyā hai, jis ko yih shakhs leke phirtā hai? Yih us kā deotā hogā.” So gānw men le jāke wuh sharāb kī botal ko nasb karke pūjne lage. Anparh Yúnānion kā yā yihī hāl thā. Romī logon kā yih dastūr thā, ki na sirf apne banāye mabūdion ko pūjte the, balkī jab kisī but-parast mulk par qābiz hote the, to un kī mūraton ko batorkar, un ke liye bhī Rom men mandir banwāte the, Yih kaisī nádānī thī: ki pahle unhen nikammī o nāqis o lāchār chīz sābit kar den, jo apne des ko kuchh madad na de saken, aur tab Romwālon se pujwāwen! Phir jab Romī bādshāhon ne dekhā, ki sāre aqsām kī chizon kī parastish kī jāti hai, tab āp chāhte the ki log hamen Khudā karke sijda karen. Shahr ke bāshinde is bāt se khush hue. Aisī parastish hone

lagi. Caius Qaisar ek Khudá thá: dúsrá Khudá Augustus Qaisar thá: tísíá Khudá Lucius Qaisar thá. Is par bhí qanaat nahín karte the. Augustus kí Lucia náme ek badzát beñí thí. Us ne Ariyupagus kí Majlis i Azím kí minnat kí ki “Mujhe bhí deví hone kí sanad dijiye.” Unhon ne is bát ko manzúr kiyá: chunáñchi arse tak is badmásh aurat kí parastish kí gai. Ek dafa jab Paulús ek bhái kí ráh dekhkar. Athení shahr men thahará aur us men phirá kartá thá. tab us ne ek qurbángáh páí, jis par likhá thá, ki *Na malám Khudá ke liye*. Yane kisi rupáyewále ne sochá hogá, ki hamáre yahán aksar mabúdon ke wáste koí na koí vedí, yá qurbángáh, yá mandir ban chuke hain, lekin koí bechára sháyad rah gayá hogá, jis kí yádgári kisi ne nahín kí; us hí kí yádgári ke liye main kuchh banáungá. Aur yih bát us shahr men wáqí huí, jis kí sháistagi kí taríf dúr mulkon men gáyí játi thí. Sach hai ki butparastí se insán kí aql mári játi hai.

5. Logon men ek masl kahí játi hai, ki “Jaisá deotá, taisá pujári.” Yih sach hai, balki yih bhí sach hai, ki “Jaisá pujári, waisá deotá.” Jis hál ki yih sab mabúd insán ke ijád kiye hue the wuh insán kí bahut sí kamzorián aur galatián aur kharábián rakhte the, tab jáhil log kahte the. ki hamáre deotáon ne aisá kiyá, to main bhí karúngá. Romi logon men yih bát dekhne men áí, ki butparastí kí barbadí khásskar buzurgon aur amíron aur bádsháhon se barháí játi thí, aur jab unhen apne pasand ke láiq koí badchál deotá apní qaum ke mabúdon men milá na kartá thá, to dúr mulk ke kisi deote par jo aur bhí bigárnewálá thá, dil lagáte the. Nero sochtá thá, ki ek deví, yane Deá Syrá ko chhorkar, sáre deví deotáon kí parastish karní lázim hai. Germanicus aur Agrippina Romí deotáon ko ná-pasand karke Misrí deotáon kí pújá karte the. Caracállá kí kháss deví Misrion kí Isis deví thí, aur Severus ká kháss deotá Misrion ká Seráphis thá. Jab Márcománní qaum ne Rom par chahái kí, aur un ká sámhná karná mushkil huá, Tab Márcus Aurelins ne bahut sí qaumon ke mabúdon aur unke Káhinon ko

Rom men taráham kiyá, táki unki aur qurbá-
 non se saltanat bacháí jae, Hellogábálus Súriyání
 mahúdon ko pasand karta thá magar báhut cháhtá
 tha ki Yahúdí o Samuú o Masíhí log mujhe apne apne
 mazhab ke kahin samjhen. Aísí parastish ká kyá phal
 hoga? Ek álm jis ne un ke bích men bahut safar kiyá
 thá farmayá ki ‘Un ke peshída kámon ká zikr bhí
 karná sharm kí bát hai.’ Seneca ne bhí farmáyá hai,
 ki “áj kal admiyon ka págulpan kaisa buh gayá. Wuh
 deotáon ke karon men aísí gandí gandí duáen sunáte
 hain jinhen agar insán sune, to sharm khaegá. Agar
 bandagí karte waqt koí admí pás pahúnche, to ábid
 chup ho játa hai. Yih kaisí sharm kí bát thi, ki jo duá
 insan ke sunne ke láiq ná thi, so deota -ko sunáte the’

6. Un mulkon men ek aur kharábí bahut ráuj thí,
 ki chhote bare niháyat berahm aur sangdil the. Auron
 ke dukhon ko dekhkar hamdard nahín hote the, balki
 bárbái khinkhwaí darindon ká sá mizáj dikháte the. Un
 ke us waqt kí baní hui buí tumáshagáhen ab bhí bahut
 shahon ke pás dekhne men áti hain aur un men aksar
 khúnrezí ke tumáshe dikháye játe the, aur kahín kahín
 bís yá tís hazar tamáshbínon ke waste jagah baní thi,
 ki log áram se baith kar bahut becharon ke zakhmi
 hone aur pháre jane ko dekhen. Kabhí auraten tukre
 tukre kí gayín. Kabhí qaidí log talwár lekar ápas men
 larte the. Kabhí kabhí sipáhí log bhágnewálon ká
 píchhá karke un par jál dálke qatl karte the. Kabhí
 bachche darindon ko khiláye gaye, aur hazáron dekhne-
 wále shábáshí dete the. Bahut log is bedardí kí
 badnámi Qaisaron par lagate hain, ki goyá Tiberius o
 Caligula o Niro ke síkháne se Romí log itne khúnkhwár
 ban gaye the. Magar sach jáno, jaisa bádsháh taisí
 raíyat. Bádsháh in khelon men lákhon rupaiye is
 wáste kharch karte the, kyúнки khún ká bahná har
 kisi chote bare ko bahut pasand thá. Balki bahut sí
 ashraf auraten kisi becharí kí maut par nigáh karke
 “wáh! wáh! kyá khúb!” chillátí thín. Bahut amír
 gulámon ko kharíd karke barí sakht-dilí se un se sulúk
 karte the. Báz un gulámon se, jo bháгна cháhte the,

barī zanjīren bāndhkar kām karwāte the. Baz darwān zanjiron se phātak kī lakṛī ke sāth jakṛe rahte the, is garaz se ki har waqt wahān hāzīr rahen. Baz log, jab koī gulām bīmār ho jātā, yā zaīf ho jākar kām na kar sakā, to use khārij kar dete, aur chāhe jīe chāhe mare, mālīk ko kuchh parwāh nahīn. Balkī bazon kā zikr hai, jin kī zamīn men bare bare tālāb the, jin men apnī khurāk ke wāste machhliān pālte the, so jab koī gulām buddhā hokar mihnāt ke qābil na rahā, tab use machhliyon ke khāne ke liye tālāb men phenk dete the. Ek yih kharāb dastūr phail gayā, aur sarkār bhī use rok nahīn saktī thī, ki jab koī kisī se adāwat rakhtā thā, to chupke se us kī khurāk men zahr dāl dete the, ki use mār dāle. Ek hākīm kā zikr hai, jis ne is sharārat ko apne sūbe se mitāna chāhā, aur use 3,000 aise khūnion ko sazā denā parā. Romion men yahān tak jān kī aisī lāparwāhī barh gayī ki bahut log khud-kushī kar lete the. Un ke bare bare ālimon men se bhī baz un kī tarīf karte the, jo thoṛī musibat uṭhāke apne taīn qatl karte the.

7. Ek aur qism kī berahmī un men phailī huī thī ki tabāī muhabbat se khālī the. Apne bachchon ko pyār karnā ek khūbī hai, jo jānwaron men bhī bahut pāī jātī hai. Bār bār aisā huā, ki gāe, kuttīya, billī, murgī apne bachchon ke wāste larkar apnī jān de detī hai, lekin yih sang-dil Romī aur Yūnānion ko jab ghar men naupaid bachche kā pālnā kuchh mushkil malūm hotā, tab use jangal men dāl āte, balki parosī un kī badnāmī bhī nahīn karte the. Pas sochiye ki in mausūmon men se, sālānā, kitne lākh bachche darindon se phāre jāte the ! Solon ne, jise Yūnānī apne aqlmandon men aqlmand batāte the, shariāt men yih qānūn darj kiyā, ki jab mān bāp bihtar samjhen, to apne beton, betion ko qatl karen. Failsūf dalīlen lāte the, ki sābit karen ki hān, yih bāt wājib hai. Aristū ne kahā, ki koī hākīm is ādat ko mana na kare. Aflātīm kī bhī yih rāe thī. Thebes ke log, jab apne qānūn men is bāt ko mana karte the, tab aur Yūnānī ne un kī barī malāmat kī. Jab Attalus nāme Pergamus ke bādshāh

ne apne beton ko jangal men phenkwá diyá, táki qaum kí takht-nishíni us ke bhái ke bete ko pahúnche, tab Plutarch ne is kám kí barí taríf kí. Romí shariát ke bamújib báp ko beton kí ján par púrā ikhtiyar thá, na sirf kí bachchon ko qatl kare, balki agar jí cháhe, to apne bete ko gulámí men bech dal saktá thá, yá kánon men khodne ko bhej saktá thá. Agarchí wuh áp apní betí ká byáh kisi ádmí ke sáth bándh bhí chuká ho, tab bhí wuh use hukm de saktá thá, kí us khasam ko chhor do, goyá larkebále báp ke púre gulám the.

8. Agar aur báton men Romí aur Yunání logon ká akhlaqí hál puchhá jae, to ajíb bát yih hogi, kí na sirf un ke anparhe, ná-sháista diháti logon men bure bure dasturát rái the, aur log aise karnewálon kí kam malámat karte the, balki amíron aur daulatmandon aur failsúfon men badchalaní aur ghinaune kám nazar áte hain. Ek Romí musannif farmátá hai, kí “Beshaqq hamáre failsúf aisi sharáraton karke apne badanon ko kharáb karte hain, lekin in burí ádaton se un kí aql barbád kí jati hai. Dúsré muwarrikh ne Romí jawan amíron kí yih taríf kí, kí un kí kháss sifaton fuzúl kharchí, lalach aur ghmand hain. Jo kuchh háth lagá, us kí qadr na karke, auron ko thagte, lútte the. Wuh sári dostí o dardmandí o parhezgarí o sharmsári ko pánw ke niche raunda karte the, aur na ásmání na zamíni báton men kuchh farq jante the. Un mulkon ke musannif aise ilzám apne bare bare ustádon par lagáte hain, na Senece na Xenophon, na Aflátún, na Aristú, un kí badnámí se bacha hai. Ab yih sochne kí bát hai kí agar wuh buzurg log, jin kí tazím kí jati thi aisi harámkáriyan karte the, to amm logon ká kya kál huá hogá? Agar ustád aise the to shágird kaise hue honge? Agar sháista Rom aur Yúnán yúnhi the, to Yúrop aur Afriká kí bahutsí ná-sháista qaumon kí kyá hálát huí hogi?

9. Sháyad sáre parhnewále mán lenge, kí sab sháista qaumon men un dinon ke muqábale men barí tabdílíyan wáqt huí hain, aur zahir hai kí yih taraqq

sháistagi ke barhne se nahín, na ilm ke barhne se hai, magar is sabab se hai, ki Injil ka núr qaúmon ko roshan kartá hai. Kyúñki jab ham mulkon ko jáñchte hain, to thík unhín mulkon men taraqqi huí hai, jin men yih núr der se aur zor ke sáth, chamak rahá hai. Is bare fáide ká bání mahz Injil sábit hotí hai. Sach hai kí Injil kí kámil tasír kisí Masíhí mulk men bhí ab tak nazar nahín áyí hai. Is se bara fáida to hua hai, magar ab tak bahut báqí hai, us ke sabab ham afsos karte hain. Taubhí us fáide ke liye, jo hamárá áñkhon ke áge guzar gayá hai, ham Khudá ká shukr bajá láte hain. Ásmání Yarúsalam hanoz zamín par nahín utar áyá hai, lekin us kí kuchh kuchh kiranen áge gir chukí hain, aur bahut buráion ko bhagá chukín hain. Bahut kám jo us waqt ádmíyon ke áge kiye játe the, ab sabhon kí nazaron se chhipáne cháhte hain. Bahut se kám jin kí taríf failsúf karte the ab shariát bilkul mana kartí hai. Bahutsí bad-ádaten jo pahle kuchh bahutsí badnámi ke báis na thin, lánaton ke báis hain. Aur kyún / Kyúñki ádmíon kí zamír sudhar gai hai. Chor aur harámkár aur zálím kí hiquárat kí játi hai. Jahán kahín ab tak gulám rakhe játe hain, wahán koshish kí játi hai, ki unhen ázád karen. Agar koí apne ko qatl kare, to us kí hiquárat kí játi hai. Wuh tamáshagáhen jahán darinde ádmíyon se larhte the, ab wíran o sunsán pare rahke, barí akhláqí tabdílí kí sháhadat detí hain. Sochiye ki agar kisí Masíhí mulk se yih khabar miltí, ki wahán ke má báp apne naupaid bachchon ko qatl kiyá karte hain, to kaisá bará hullar paidá ho jáegá. Nahín. Rástbází ká súraj uth gayá, aur uski kiranon men shifá hai.

10. Agarchi Masíhí qaumon kí dindári bahut ná-kámil hai, taubhí un men pahle kí banisbat barí mubárákbádí nazar áti hai. Kahín kahín aisi hamdardí o mihrbání miltí, jo puráne Rom men nahín miltí thí. Sukrát un aiyám men bahut neknám ádmí samjhá játa thá: sháyad Yúnán men kisí dúsre ko us ke barábar páná mushkil thá, lekin áj kal us kí bhí izzat na rahí, kyúñki bahuton kí chál us kí chál se

kahin achchhi hoti hai, aur kyun hoti hai? Kyunki Masih un ka ustad tha. Masih ne Istibagi ke haqq mein aisi bat farmai, ki "Jo auraton se paida hue hain, un mein Yuhanna bapisma denewale se koi bara nahin hai, lekin jo asman ki badshahat mein chhoti hai, wuh us se bara hai," Mat, 11: 11. Aur sabab hai, kyunki Masih jahan mein aya hai, Bigar ka ek bara sabab yane deoparasti bahut si qaumon mein se uth gayi hai. Han, un mein bap dadon ke banaye hue mandir tute phute idhar udhar dikhai dete hain, magar koi un ki marammat nahin karti, na unmein kuchh charhata hai. Apne deson se Juno aur Diana, Jupiter aur Mercury bhag gaye hain, aur kabhi laut na aenge. Us bari bargashtagi mein jo jahan par hanoz anewali hai, un ke waste kuchh ummed nahin rahi. Us waqt ki shararat ne nai surat pakar li hai. Jab yeh sare ke sare, us dur jagah mein ja milenge, to dunya ka kaisa bara faida hoga! Jab Brahma, Vishnu, Mahesh, Baal aur Nibu aur Malak ke sath ja milenge, tab dunya apni azadi se kaisi shadmán hogi! Tab Malik Yahwah ka nur jahan par chamkega!

11. Agar koi janna chahiye, ki mazhab i Masih ke phailne se dunya ki qaumon ko kaisa faida pahuncha hai, to un aiyam ki auraton ka hal, aaj kal ki auraton ke hal ke sath muqabila kare. Han wahshi qaumon mein yeh taraqqi to dekhne mein na aegi, lekin shaista qaumon mein bara farq a gaya hai. Sach hai ki kahin kahin kisi khas khidmat ke sabab se kisi aurat ki bari nek nami ki jati thi. Magar is sarfarsi se un ki aksar bahinon ko kuchh bhi faida nahin pahunchta tha. Ramayan mein Hindui log Sita ki bari tarf gate hain: aur baz baton mein hai to dilpasand gissa, lekin miyan bibi mein wahi apas ka bharosa na tha, jaise ki lazim tha, aur jab ek shubha dil mein paida hua, tab Ram ne apni bibi ko ghar se nikal diya. Qadim aiyam mein ghar mein aurat ki jagah be-izzat ki jagah thi. Wuh bahut karke aisi samjhi jati thi, jaisi ghar ki gae, ya tattu, yane us se ghar mein kuchh aram milta tha, aur bas. Sab log jante hain, ki is bat mein kaisi

taraqqí á gayí hai. Aur sabab kyá? Kaúnki Injíl kí hidáyat ke sabab se sab máon aur bahon ko láiq i'zzat dí játí hai, aur máo báp jaise beṭon ko, waise beṭon ko umda taur se parhána sikháte hai.

12. Hákimon kí hukúmat men bhí bahut mulkon men barí taraqqí huí hai. Qadím aiyám men hákim aksar bare zálum the Jo dil men átá, so hí karte the. Hákim ap shariát banáte, aur jab marzí hotí, use ṭoṭe the. Sháyad amír log kabhí un ká sámhná karte the, magar kis garíb ko jurat thí kí hákim ke khiláf kuchh bole? Áj kal shariáton ke banáne men raiyat se bhí madad lí játí hai. Aur yih suwál bahut kíyá játá hai, kí kis qism ke qánún se fáida i ámm ziyáda hogá? Bahut hákimon ko jab wuh kuchh zabardastí, yá ziyádatí karte hai to aur hákim sharmá denge. Kyúnki log apní nek-námí ká ziyáda khiyál karte hai. Phn dardmandí dunyá men bahut barh gayí hai. Agle zamánon men, jab hazáron log tamáshagáh kí chaukiyon par áram se baithkar dekhá karte the, kí bechare maid, aurat, bachche sheron ko khiláye játe the, to wuh marizon aur bewáon aur lá-wárison kí madad kab karenge? Aise log itná tars kab kháenge, kí lácháron ke wáste tadbír karen? Jab insán ká dukh-dard uthána khel kí bát thí, to kaun kisí kí musíbat par ápsú giráegá? Hál aisé thá, jaisá kisí ne kahá hai, kí Hinduon ke ráj ke zamáne men, bímár gáon ke liye gaushále milte to the, magar Hindustán bhar men bímár aur zakhmí mard auraton ke liye, na dawáí-kháne, na háspítal na bewá-kháne páye játe the. Rom aur Yúnán men bhí aisé ultí samajh thí. Na Rom na Ifisus, na Athení na Karintus men shifákháne, na yatímkháne milte the, na aise madrase, jin men garíbon ke bálbachche muft parháye jáen. Aise logon men jo bár bár apne bachchon ko jangal men phenk dete the, auron ke bachchon ká fikr kyúnkar hogá?

13. Lekin jab Injíl bahut qaumon men phail gayí, tab se dardmandí bhí bahut phail gayí. Sab Masíhí qaumon men garíbon aur gamzadon par bará fikr kíyá

játá hai. Jahán tak ki un par bhí rahm karenge, jo sharáb píne, aur fuzúl-kharch karne se apne mál uráte, aur apní nádání aur badchalní se bimár ho játe hain. Yih mazhab sáf sikhátá hai, ki rahím o dardmand honá Khudá ko bahut hí pasandída hai aur cháhiye ki Masíh ká har ek shágird, na sirf apná, balki sabhon ká fikr kare. Aur yih hidáyat bhí dí gaí, ki us qism ke logon par, jo ki kisé tarah se hájatmand hain, kháss mihrbání dikhána wájib hai; maslan ajnabí aur qaidí, aur zaíf, aur andhe lúle, langre, jo apne wáste rotí kamá nahín sakte hain, aur bewá aur yatím aur janam ke dukhion par rahmat karná zarúr hai. Bahut kalí-iyáon men shurú se yih dastúr huá ki bár bár aise lácháron ke wáste bandagí ke waqt chanda liyá játá, aur bahut se máldár Masíhí jab apne wasíyat-námá likh dete the, to aise musíbatzadon ko apní jáedád se bahut kuchh dete the. Tertullian buzurg ne farmáyá, ki yih bare afsos kí bát hai, ki koí Masíhi larkí kisé butparast mard ke sáth byáhi jáe, kyúнки jab jorú musíbat zadon par rahmat kartí huí dikháí de, tab shauhar bahut náráz hogá. Jab bíwí qaidion ko rotí bhejtí, aur marízon kí bímárdarí karne lagtí, aur yatímon kí parwarish ke wáste chanda detí, to kh.sām zarúr us se jhagrá karegá. Is gawáhi se jáná játá hai, ki dardmandí shurú se Masíh ke pairaon men barh gayí thi.

14. Jab un zamánon men kisé shahr par koí kháss musíbat girtí thí, maslan jab táún yá haizá kahín logon ko kháss zor se máre, tab to wuh barí akhláqí tabdílí nazar áttí thí, jo Injíl ke phailne se paida ho játtí thí. Máre huon ke madadgar bahut hí thore milte the, kyúнки log sochte the, ki jo koí un ke ghar jáegá, apní ján ko kho dálegá. Ham dústre ke liye kyúń apne ko halák karen? So jitne rupayewále the aksar un máre hue shahron ko chhor ke bhág játe the. Aise bhí the jo apne bacháne ke fikr men apne gharwále bímáron ko pání na piláke bhág játe the, aur bár bár aisé hotá thá, ki koí ghar men na rahá. jo murde kí lách ko nikálkar use dafná de, aur is kám ke karne ke wáste

taraqqí á gáí hai. Aur sabab kyá? Kaúnki Injíl kí hidáyat ke sabab se sab máon aur bahon ko láiq i'zzat dí játí hai, aur mán báp jaise beon ko, waise beon ko umda taur se parhána sikháte hai.

12. Hákimon kí hukúmat men bhí bahut mulkon men barí taraqqí huí hai. Qadím aiyám men hákim aksar bare zálím the. Jo dil men átá, so hí karte the. Hákim ap shariát banáte, aur jab marzí hotí, use tote the. Sháyad amír log kabhí un ká sámhná karte the, magar kis garíb ko jurat thí ki hákim ke khiláf kuchh bole? Áj kal shariáton ke banáne men raiyat se bhí madad lí játí hai. Aur yih suwál bahut kiyá játá hai, ki kis qism ke qánún se fáida i ámm ziyáda hogá? Bahut hákimon ko jab wuh kuchh zabardastí, yá ziyádatí karte hai to aur hákim sharmá denge kyúinki log apní nek-námí ká ziyáda khiyál karte hai. Phir dardmandí dunyá men bahut barh gayí hai. Agle zamánon men, jab hazáron log tamáshagáh kí chaukion par árám se baithkar dekhá karte the, ki becháre mard, aurat, bachche sheron ko khiláye játe the, to wuh marízon aur bewáon aur lá-wárison kí madad kab karenge? Aise log itná tars kab kháenge, ki lácháron ke wáste tadbír karen? Jab insán ká dukh-dard uthána khel kí bát thí, to kaun kisé kí musibat par ánsú giráega? Hál aisá thá, jaisá kisé ne kahá hai, ki Hinduon ke ráj ke zamáne men, bímár gáen ke liye gaushále milte to the, magar Hindustán bhar men bímár aur zakhmí mard auraton ke liye, na dawái-kháne, na háspítal na bewá-kháne páye játe the. Rom aur Yúnán men bhí aisí ultí samajh thí. Na Rom na Ifisus, na Athení na Karintus men shifákháne, na yatímkháne milte the, na aise madrase, jin men garíbon ke bálbachche muft parháye jáen. Aise logon men jo bár bár apne bachchon ko jangal men phenk dete the, auron ke bachchon ká fikr kyúnkar hogá?

13. Lekin jab Injíl bahut qaumon men phail gáí, tab se dardmandí bhí bahut phail gayí. Sab Masíhí qaumon men garíbon aur gamzadon par bará fikr kiyá

játá hai. Jahán tak ki un par bhí rahm karenge, jo sharáb píne, aur fuzúl-kharch karne se apne mál uráte, aur apní nádání aur badchalní se bimár ho játe hain. Yih mazhab sáf sikhátá hai, ki rahím o dardmand honá Khudá ko bahut hí pasandída hai aur cháhiye ki Masíh ká har ek shágird, na sirf apná, balki sabhon ká fikr kare. Aur yih hidáyat bhí dí gai, ki us qism ke logon par, jo ki kisé tarah se hájatmand hain, kháss mihrbání dikhána wájib hai; maslan ajnabí aur qaidí, aur zaíf, aur andhe lúle, langre, jo apne wáste rotí kamá nahín sakte hain, aur bewá aur yatím aur janam ke dukhion par rahmat karná zarúr hai. Bahut kalásiyáon men shurú se yih dastúr huá ki bár bár aise lácháron ke wáste bandagí ke waqt chanda liyá játá, aur bahut se máldár Masíhí jab apne wasíyat-námá likh dete the, to aise musíbatzadon ko apní jáedád se bahut kuchh dete the. Tertullian buzurg ne farmáyá, ki yih baro afsos kí bát hai, ki koí Masíhi laríkí kisé butparast mard ke sáth byáhi jáe, kyúnki jab jorú musíbat zadon par rahmat kartí huí dikháí de, tab shauhar bahut naráz hogá, Jab bíwí qaidion ko rotí bhejtí, aur marízon kí bímárdarí karne lagtí, aur yatímon kí parwarish ke wáste chanda detí, to khasám zarúr us se jhagrá karegá. Is gawáhi se jáná játá hai, ki dardmandí shurú se Masíh ke pairaon men barh gayí thi.

14. Jab un zamánon men kisé shahr par koí kháss musíbat girtí thí, maslan jab táún yá haizá kahín logon ko kháss zor se máre, tab to wuh barí akhláqí tabdíllí nazar áttí thí, jo Injíl ke phailne se paida ho játtí thí. Máre huon ke madadgár bahut hí thore milte the, kyúnki log sochte the, ki jo koí un ke ghar jáegá, apní ján ko kho dálegá. Ham dúsré ke liye kyún apne ko halák karen? So jitne rupayewále the aksar un máre hue shahron ko chhor ke bhág játe the. Aise bhí the jo apne bacháne ke fikr men apne gharwále bímáron ko pání na piláke bhág játe the, aur bár bár aisá hotá thá, ki koí ghar men na rahá, jo murde kí lách ko nikálkar use dafná de, aur is kám ke karne ke wáste

shahr ke safái karnewále sarkár ke hukm se ghar ghar phirá karte the. Dyonisius náme ne jo qadím aiyám men Misrí Sikandariya kí kalísiyá ká bishop thá, is bare farq ká bayán yún kiyá, ki jab barí wabá shahr par girí, aur bahut becháre marte játe the, tab Misrí log marizon ke pás nahín jáyá karte the. Bahut darte the, ki bímári ham men bhí lag jáegí. Jahán kisí ghar-wále men bhí bímár ho jáne ká zara sá nishán dekhte, bas use alag kar dete the, aur us ke pás jáne se inkár karte the. Cháhe un ká pyára mare, yá jíwe; un ko apní ján ká fikr thá. Aur bhed is ká yih thá, ki but-paraston ká koí pakká ímán nahín thá. Un ko pakká bharosá nahín thá, ki maut ke bað hamára kyá hál hogá, so unhen apní ján bacháne ká bará andeshá thá. Pas azízon kí barí lá-parwáhi kí játi thí. Báz maríz adhmue sarakon par dále játe the. Bazon kí láshen gharon men akeli parí rah játi thín. Barí berahmí dikhái játi thí. Lekin ham Masíhion men dúsrá dastúr hai. Log khauf ko tark karke marizon ke pás játe, aur un kí khatírdári karte the, kyúnki yún sochte the, ki cháhe jien, cháhe maren, ham apne pyáre Kḥudáwand ke pás hongé. Un ká gumán yih thá, kí Masíh ne yihí kḥidmat hamen sonpi, aur jab ham use bajá láte to use kḥush karte hain, aur farz karo, ki is kḥidmat ke karne men bímári ham men lag jáe, farz karo, ki ham us se mar bhí jáen, taubhí barakat hai, kyúnki jo log Masíh ke naqsh i qadam par chalte, yane apní jánen auron kí bhalái ke wáste dete hain, zarúr us ke pyáre hongé. Jab hamáre pádri aur dikan, aur buzurg log marnewálon ko pání piláte, aur dilásá dete, aur god men lete, aur jab mar chukte, tab adab aur izzat ke sáth unhen dafná dete hain, tab ham sochte hain ki Oho, yíh shahid kí sí kḥidmat hai!”

15. Neandar sáhib ne ek marí ká zikr kiyá hai, jo Gálus kí saltanat men Áfriká ke kitne shahron ko barbád kar detí thí. Jab yih bhári áfat girí, tab deo-parast logon kí chál bahut burí thí, kyúnki khauf ke máre wuh bilkull hairán o pareshán ho gaye, the. Wuh aise be-himmat ho gaye, ki bahut karke ghar-

wále marízon ko chhor dete the. Sarakon men idhar udhar láshen bahut parí huí rahtí thín, aur agar koi kisi ko dafná detá thá, to bahut rupayon kí lálach se kartá thá; yane lálach akeli bát thí, jo andeshe par gálib áti thí. So badmaásh log bháiyon kí musíbat ko achchhá mauqa jánte the, kí unhen lúten. Wuh náhaqq Masíhion par is áfat ká ilzám lagáte the, kí inhon ne deotáon ko tark kar diyá; pas deote khafa hue, aur is wabá se shahr ko nest o nábúð kar dete hain. Masíhion ká dastúr is ke khiláf thá. Wuh apne marízon ke sáth barí dardmandí dikhákar, auron ko achchhá namúná dikháte the. Wuh na sirf apne azízon aur doston ke bistaron pás játe the, balki Masíhí bháiyon kí madad karte, aur un ke mare huon ko adab se dafná dete the. Lekin Cyprian buzurg, jo un ká bishop thá, is se qanáat nahín kartá thá. Us ká gumán yih thá, kí yih wabá hamáre ímán kí saohcháí ke jánchne ke liye bhejí gayí hai. Ab dekhá jáegá, kí is khaufnákh hálát men kyá ham ápas men aisi ulfat dikháenge, jaisá kí rahím Khudáwand ke pairaon ko wájib hai? Kyá ham apná khiyál yá auron ká khiyál karenge? Kyá parosí parosí ke wáste fikrmand hogá? Kyá aqá láiq taur se naukár kí madad karegá? Kyá hájat ke mutábíq hamáre ulfat barhegi? Chunánchi Cyprian ne Masíhion kí barí jamáat faráham karke, un se kahá kí “Azízo, yád karo, kí yih bháre kasautí hai jo hamáre mazhab kí haqíqat ko ázmáegi. Agar ham sirf apne ham-mazhabwálon kí bhalái karenge, to yih káfi nahín hai. Masíh ne kyá farmáyá? “Agar tum faqat apne bháiyon hí kí bhalái karo to kyá ziyáda káarte ho? kyá gair qaumon ke log bhí aisé nahín karte?” Mat. 5: 47. Agar tum us Báp ke beté ho, jo nekon aur badon donon par apná menh barsátá hai, jo apní jismání aur rúhání barkaten kasrat se na sirf ímándáron, balki be-ímánon par bhí phailátá hai, to zarúr hai, kí ham bhí fáida i ámm par dil lagáen, aur un kí madad karen, jo hamáre hiqárat karte, aur hamen satáyá karte hain.” Bishop sáhib kí nasíhat jamáat ko achchhí lagí. Chunánchi unhon ne umda bandobast

kiyá : jo máldár the, rupaye dete the, aur garíb log apní mihnát dete the, jald sárfí saraken láshon se sáf kí gaín, aur marízon ko madad dí gayí aur wabá dūr ho gaí.

16. Hān, beshakk dunyá men niháyat barí aḳhláqí tabdílí wáqí huí hai, aur kyún huí? Us ká ek kháss sabab yih nazar átá hai, kí dunyá men wuhí qaumen jo ziyadatar dánishmand aur taraqqí pizír hain, Masíh ke ahwál se wáqif hain, aur kisi qadr us kí ḳhúbíon ko pasand kartí, aur kisi qadr us ke nek namúne ko pakarná cháhí hain, aur jahán tak un qaumen ne aisá kiyá hai, tahán tak aisí aḳhláqí tabdílí nazar áti hain. Aur jo jo qaumen Injíl se wáqif nahín hain, yá wáqif hokar us kí pairawí karná nahín cháhí hain kuchh usí hálát men rahtí hain, jis men Romí aur Yúnání qaumen parí thín. Aj tak kisi gair mazhab men aisí qúwwat nahín páí gayí hai, na aisí rúhání taraqqí dehhne men áyí, Jo mazhab insán se íjád kiyá játá hai, so insán kí kamzoríáṅ dikháegá, lekin jo mazhab Ḳhudá ne nabíon aur rasúlon ke zariye se baḳhshá hai. insán ke jismání o ḳhákí ḳhiyálát par gálib á saktá hai. Sach hai ki us kí tásír zamín men hanoz kámil nahín huí. Bahut kuchh báqí hai. Lekin jahán tak qaumen us ke fawáid men sharík huín. tahán tak taraqqí pá gaí hain. Log auron ká fikr karte hain; garíb log sambhále játe hain, bewá aur yatímon kí ḳhabar lí játí hai. Korhí-ḳháne aur andhe-ḳháne, págal-ḳháne aur yatím-ḳháne banáye játe hain. Kisi ne kahá hai, ki tamám Romí saltanat men sháyad ek bhí aisí jagah nahín miltí thí, magar ek hí akele London shahr men aisí tén sau jagahon milengí. Yih Masíhiyat ká phal hai! Sach hai ki bahut ádmí, jo áp Masíh ke shágird nahín hain, taubhí in fawáid men sharík hain. Wuh Masíhí mazhab ke aḳhláqí qánúnon se wáqif hain, aur in namúnon ko pasand karte hain, magar sirf itní bát hai, ki Ḳhudáwand kí mez par se tukre, jo girte hain, so ḳháke fáida utháte hain. Jo mez par baithnewále hain, to kitná ziyáda fáida utháenge!

17. Bahut álimon ne jo áp Masíh ke shágird

nahin the, taubhi un phalon ko dekhkar, jo us ke mazhab ke dunya mein phailne se paida hue, use pasand kiyā, aur un ki barī tarīf kī hai. Ek nāmī mukhālīf ne farmāyā, ki “Agar sab ādmī haqīqī o kāmīl Masīhī hote, to dunyā kī kyāhī mubārakbādī hotī! Jab har koī har waqt yih sochtā hai ki mujhe ab kyā karnā farz hai? Har hākīm munsif mizāj aur dardmand hotā to na Khudāparastī na behūdagī aise rāj mein miltī.” Dūsre mashhūr mukhālīf ne aisi shahādāt dī ki “Jahān bhar ke mazhabon mein Masīhī mazhab wuh hai, jis se insān kī bhalāī aur rāstbāzī ziyādā paidā kī jātī hai, kyūnki us kā qānūn yih hai. ki sab kuchh nek o rāst aql ke bamūjib kiyā jāe. Pas farz karo, ki wuh Ilāhī nahīn, magar mahz zamīnī mazhab ho, taubhi wuh sabhon mein umda aur musīd hai. Yih sab se musīd tadbīr hai, jis ko insān kī aql ne jahān kī taraqqī ke wāste ijād kiyā hai.” Chāhiye ki sāhib sochtā, ki in nek sifāt se sābit hotā hai, ki Masīhī mazhab insān kī aql se hargiz ijād nahīn huā, magar Khudā kī bakhshish hai.

18. Par shāyad koī kahegā, ki beshakk dunyā ko Injīl ke phailne se bahutere fawāid mil gaye hain, magar dekho, ki inke sāth kitnī kharābīān us se hūn; Dekho ki Masīhī Masīhī ko kaisā dabātā aur satātā hai! Dekho, ki Masīhī qaumen kis tarah āpas mein bhārī bhārī larāīān kartī hain! Kyā koī inko nek phal kahegā? Nek phal to nahīn hain. Aur wājib nahīn, ki koī in burāion ko Masīhī mazhab ke bure phal samjhe. Nahīn yih insān kī sangdilī aur khndgarazī se hūn. Masīh ke mujassam hone se saikron baras āge yih kharābīān hūn, balki ziyāda hūn. Shurū se bhāī bhāī par zulm o zabardastī kartā thā, aur qaum qaum ke sāth jang o jadal kartī thī. Larāīān Masīhī mazhab ke phal nahīn, magar us mazhab kī ek garaz yih hai, ki sārī larāion ko dunyā se mitā dewe. Hanoz wuh mubārak dīn nahīn āyā hai, magar ham is kī intizārī karte hain, jab Masīh kā sā mizāj sabhon par gālib āegā. Tab us ke wādā ke mutābiq, “log apnī talwāron ko torke phālen, aur apne bhālon ko hānsue

baná dālenge ; aur qaum qaum par talwār na chalāegī aur wuh phir kabhī jang na sikhenge," Yas 2 : 4. Aur Injīl us mubārak anawāle din ke liye taiyārī kartī hai, kyūnkī sarī dushmanī o kīnā o adāwat ko mana kartī, aur sikhātī hai, kī zulm kā sahnā larnē se bihtar hai. Lurāiān insān ke dil kī sharārat se paidā hotī hai, aur Injīl us shararat kā khas mitānewālī hai, aur taubhī koī kahegā, kī Injīl bahut sī larāiōn ko paidā kartī hai ! Ham ne bahut se ādmīōn ko dekhā hai, jinhe ne us roz quinine kī dāwāī khāī, aur un ke badan bukhār se jal rahe the. Shayad koī nādan kahegā, kī quinine buī chīz hai. Dekho us ke khāne se in shakhsōn ko kitnā tap charh gayā hai. Lekin dāktar un se kahegā, kī nahīn, bhāī, bukhār pahle charh chukā thā. Quinine tap ko paidā nahīn kartī, balkī ummed hai, kī kal parson tak is tap ko changā karegī.

19. Magu Injīl kī sachāī kī wahī dalīl jo insān ke dil ko ziyādā qāīl kartī hai, wuhī ajīb tabdīlī hai, jo bār bār hamapne dil meṃ, yā parosī ke dil meṃ dekhte hai. Jab ham dekhte hai, kī Musīh ke faiz pāne se koī bedīn dīndār ban jātā hai koī zālīm muhabbat o dardmandī sīkhtā hai : koī dunyādār ruhānī bāton par dil lagāne lagtā hai, to iqrār karnā partā hai, kī yih sachchāī ke zor se hai. Is tabdīlī meṃ Khudā kī unglī nazar ātī hai. Bār bār dekhne meṃ āyā hai, kī Baibāl ke parhne se, yā girje meṃ hāzīr hone se, koī sharābī parhezgār ban gayā hai koī badkār nek chāl chalne lagtā hai. koī ghamandī halīmī sīkhtā hai : koī jhūṭhā jhūṭh ko tark kartā, aur zālīm zulm se bāz ātā hai. To kahiye, kī aīsī dilī tabdīlī aur mazhabōn se kyūn nahīn kī jātī ? Sabab is kā yih hai, kī Injīl meṃ Khudā kī qudrat hai. Bāp ne apne Bete ko jahān meṃ is wāste bhejā hai, tākī dunyā ko aīsī barakaten milē. Is sabab se is mazhab se aise qudratī kām kiye jāte, jo kisī dūsre se nahīn huā karte hai. Us ko jo apnī zamīr se nihāyat taklīf uthātā thā, bahut dilāsā diyā jātā hai. Afātzade kā dil sambhālā jātā, hai, renawālōn ko tasallī miltī hai ; kamzorōn ko zor diyā jātā hai. Tūṭe dilōn ko Injīl balsām i Jilfā hai.

Wuh qaidkhāne ki tārīkī ko roshan kartī, aur qaidī kī zanjīron ko khol saktī hai. Wuh bahut ānsūn ko ponch dāltī, aur be-ummed ko himmat dilātī hai. Kyā ham Paulus ke sāth dil se na kahenge ki “Main Injīl se sharmātā nahīn; is liye ki wuh har ek imān lānewāle ke wāste, pihle Yahūdī phir Yunānī ke wāste, najāt ke liye Khudā kī qudrat hai.” Rom. 1-16.

Wuh qaidkhāne kī tārīkī ko roshan kartī, aur qaidī kī zanjīron ko khol saktī hai. Wuh bahut ānsūn ko ponch dāltī, aur be-ummed ko himmat dilātī hai. Kyā ham Paulus ke sāth dil se na kahenge, ki “Main Injīl se sharmātā nahīn; is liye kī wuh har ek imān lānewāle ke wāste, pahle Yahūdī phir Yunānī ke wāste, najāt ke liye Khudā kī qudrat hai.” Rom. 1: 16.

Wuh qaidkhāne kī tārīkī ko roshan kartī, aur qaidī kī zanjīron ko khol saktī hai. Wuh bahut āpsūyon ko ponch dāltī, aur be-ummed ko himmat dilātī hai. Kyā ham Paulus ke sāth dil se na kahenge, ki “Main Injīl se sharmātā nahīn; is liye ki wuh har ek imān lānewāle ke wāste, phir Yahuūī phir Yumānī ke wāste, najāt ke liye Khudā kī qudrat hai.” Rom. 1: 16.

BAB XVIII

HINDUSTÁN PAR BAIBAL KI TÁSÍR.

1. Protestant Masihi har qaum mein apni dini kam Baibal ke zariye karna chahte hain. aur turba se sabit hua, ki Kalam-i Ilahi Rukh ki tulwar hai. Shayaad 1,600 baras se ziyada hue jab se pahle Masihi ka nam Hindustan mein a gaya. Magar woh pahli Suriani Kalisiya ne jo Travankor ki taraf mein qaum ki gayi, is bhari kam mein, yane awam ko Baibal ke dene mein ghat ki. Suf hamare zamane mein, jab Church of England ke padri barson se un ke bich mein mehnat karte rahe, tab woh Baibal ko apni desi boli mein tarjuma karne, aur chhapwane lage balki khabar nahin, ki ab tak un ki zaban mein puri Baibal mil sakti hai ki nahin. Dakhin taraf mein Roman Katholik Kalisiya bhi 500 barason se kalisiya ke qaim karne mein bari diler aur sabr aur sargarmi ke sath mehnat kar rahi hai. Magar ab tak un d khini bolon mein, jo panch karor admiyon ki zabanon hain, unhon ne Baibal ka ek bhi tarjuma w hain ke logon mein nahin phailaya. Balki un ka guman yeh hai, ki agar Kalam-i-Ilahi sirf ustadon aur munnadon mein rahe, to bihtar hoga. Lekin Protestant Masihi is guman ke bilkul khilaf hain, aur sochte hain, ki Hindustan ka tarjiba, balki dunya ka tarjiba is ke khilaf hai.

2. San Iswi 1706 mein Protestant Mishanari log Hindustan mein kam karne lage. Aur shuru hi se unhon ne samajha, ki Baibal ka tarjuma nazdik ki zubanon mein jald karna, aur phaila dena, hamara nihayat zaruri kam hai. Chunanchi Tamil Baibal, jo jald un ki koshison se qalambaud hai, na sirf pahla tarjuma tha, jo Hind ki zubanon mein kiyi gayi, balki us waqt se goya panon ka sota phut nikla, aur purab ki bahut aqam ko apni apni boli mein zindagi ka pani milne laga. Ham un pahle bhaiyon ki bari sargarmi aur diler ki taraf karen, kyunki unhon ne iman se ek nihayat bhari khidmat uthai. Asiya ke bhar ke bhar

logon par Khudá kī marzī zāhir karnā nihāyat hī mushkil thā; kyūnki sunne men átā hai kī sirf Hindustān hī men 147 alag boliān hain, jin men se 40 aisī hain jin kā ziyāda riwāj hai, Magar kalisiyā ne Khudá kī madad par takīyā karke aisī dil-joshī se is kām ko uthāyā hai kī jaisā aur mulkon men hai, waisāhī Hindustān ke bāshinde ab Khudá ke kalām ko yā us ke chand hisson ko, 80 zubānon men parh sakte hain, aur yih wahī zubānen hain, jin kā ziyāda riwāj hai, kyūnki khāsskar inhīn par pahle mihnat kī gai thī. Agar ham Jazīre i Lankā ke tīn tarjuma, aur mulkī i Burmā ke pānch tarjumon ko, un men jor den, to zāhir hai, kī Kalisiyā ne apne Khudāwand ke jalāl ke wāste hahut bhārī kām kiyā hai, Kisī ne hisāb kiyā hai kī Hindustān ke bāshinde 31 karor hain, aur kī har 100 men se. Baibal yā us kā koī hissa, 95 ke wāste tarjuma kiyā gayā hai. Qarīb sab apnī apnī bolī men najāt kī khabar sun sakte, aur samajh sakte hain. To sochiye kī Kalisiyā ko Hind men pukhtagī o qiyām dene ke wāste yih kaisā zor kā wasīlā hai! Aur na sirf wasīla maujūd hai, magar Khudá ke bande barī dil-joshī ke sāth use kām men bhī lāte hain. Kahte hain kī. 175 lākh jilden Baibal aur us ke hisson kī, kutub-khānon aur chhāpa-khānon se nikal chukī hain, balki yih kām ab taraqqī par hai. Aglab hai kī pār sāl 10 lākh aisī chhotī barī jilden parhnewālon ke hāthon men Hindustān hī men pahunch gayīn.

3. Aur is bhārī taraqqī men ham mahz mishaneri logon kī tarf na karen. Agar Baibal Society aur us ke Vilāyatī madadgār barī sakhawāt aur sabr aur quwat ke sāth is kām ko na sambhālā karte, to yih zamānon tak kiyā na jātā. Lekin Masīh ke lākhon bandon ko barā shauq thā, kī Khudá kā chhapā huā kalām har mulk men, aur har ek ahl i kitāb ko pahunchē, aur isī zamāne men pahunchē, kyūnki din badin lākhon tarīkī ke chalnewāle is jahān se kūch kar jātē hain, Kāsh kī Haqīqī Nūr jald un pās pahunchē. Phir in men se ek ek tarjuma kī nisbat sochiye kī chand ashkhās us kām men hāth lagāne se pahle kitne barason tak

hare sabr aur sargarmí ke sáth taiyári ke kám kar gaye hain, ki Baibal ká paigám bahut sáf aur sáda aur thík taur par logon ko diyá jáe. Phir jab Baibal chhap chukí hai, taubhí zamána bazamána us kí nazar i sání karní. aur uske maháwaron ke ásán karne men, kitní koshish hotí rahtí hai! Yane bahut cháhte hain ki jo paigám Khudá ne diyá, ham thík aisá hí jaisá us ne farmáyá hai, insán ke háth men pahunchá den.

4. Jab ham sochte hain, ki Baibal ne Hindustán ke wáste kyá kuchh kiyá hai, to cháhiye, ki ham hameshá Carey sáhib, aur us ke musáhibon ko, yád karen. Us ká ajíb shauq yih thá, ki Baibal ke tarjúme Púrab kí sári qaumon ke háthon men diye jáen. Beshakk insán kí nazar men us waqt yih ek námumkin bát dekh partí thí. Tarjumán kahán se áwenge? Likhne ká kharch kahán se áegá? Aur agar kitáben likhí bhí játín, to un ke chhápne ke liye rupaye kahán se áenge? Aur yih Serámpore wále kaun the, jo aise álamgír mansúba bándhte hain? Thore se garíb ádmí, jin ká sardár ek garíb se garíb shakhs thá, jo 28 baras kí umr tak kam-ilm shakhs rahá; jisne San Iswí 1793 men is kám men háth lagáyá, aur taubhí us ke 22 baras bad wuh apne dost ko yún likh saktá thá, ki “Pahle kí banisbat áj kal mihnát niháyat sakht hai, kyúunki ham log 27 zubánon men Baibal ke tarjúma karne ká kám kar rahe hain, aur in men se do tín ko chhorke, yih sab kitáben chhap rahí hain.” Usne aur us ke chand sáthíon ne 40 zubánon men Baibal ke chand hisson ko taiyár kiyá, aur karwáyá. Ham yih nahín kahte hain, ki yih tarjúme achchhe the. Achchhí kitáben, jo zamánon tak zindá rahengí, is tarah se guchchhon men nahín bantí hain. Phir un logon ko in zubánon kí, do ek ke siwáe, bahut kam wáqifiyat thí; aur wuh alag alag zubánon ke pandit, jo un se jamá kiye gaye, is kám men bahut máhir bhí nahín the. Pas un kí kitábon men bahut sí kam samajhí kí galatíán huín. Lekin kám shurú to huá, aur bad is ke us ko sudhárná aur bhí ásán huá. Balki wuh log apní chhapí kitábon ko chhhorke na the, balki un ke aur bhí durust banáne ke

wáste bandobast karte the. Masalan unhon ne apne pahle chhape hue Bangálí tarjume ko chár dafa ziyáda árastagí (revision) ke sáth chhapwáyá. Chunánchí un Serámpore wálon men aisá kám kiyá gayá, ki jis se mumkin ho gayá, ki qaríb dunyá ke ádhé báshinde agar parh sakte to Baibal ke chand hisson ko apní bolí men parhen. Cháhiye ki Kalísiyá hameshá tak aise bahá-duron kí yádgári karte rahe.

5 Ab sochiye, ki yih jilden, jo itní koshish se taiyár kí gayin, kis tarah se tamám Hiudustán men istiamál men láyi gayin. Is kám men bhí Kalísiyá ne barí sargarmí dikái. Protestant logon ne har mulk men apní Baibal ko barí tázím ke sáth aqwám ke áge pesh kiyá hai, yahán tak ki Dakkhan ke baz atráf men Masíhí log “Baibal ke log” kahláte hain, kyúnci har ek sawál ká jawáb us se lená cháhte, aur har ek mushkil men us se hidáyat páná cháhte hain. To sochiye ki is se Kalísiyá ko kaisí pukhtagí, aur ímándáron ke ímán ko kaisí taraqqí milegí! Agar púchhá jae, ki logon ke dilon par un ke khiyálát o dasturát par Baibal kí kyá tásír huí? to ulama is bát ke bahut se nishánát, bahut sí jagahon men, aur bahut aqsám ke logon men, bayán kar sakte hain. Afsos se kahná partá hai ki aksar Masíhí ustád o mannád Baibal ke bechne men barí sustí o gaflat karte hain. Kalám kí manádí karne men mihnati aur phurtíle hain, magar kisi sabab se bechne ke bare zarúri kám se háth utháte hain. Taubhí iu men se, jo is khidmat men shauq dikhláte hain, bahut sí gawáhián miltí hain ki Hinduon men Baibal nek-nám hai, aur bahut log use dekhna cháhte hain. Hén is mulk men parhnewále kam hain, magar bahut se Hindú is khiyál se Baibal ká koí hissá mol le lete hain ki main ise kisi parosí se parhwáungá: main sunne cháhtá hún, ki Masíhí log kahán se apná zor páte hain? Ek tálib-ul-ilm ká zikr hai, jis ko 80 míl rel ke safar karne kí hájat huí. Us roz musáfir kasrat se the, aur us ne un men Támíl Injilon kí 1,000 jilden bechín. Bár bár yih bát sunne men áti hai ki koí shakhs, jo kisi dúr ke gárw men rahtá hai, jahán

koí Masíhí mannád nahín pahunchtá Bībál kí ek jild yá hisse ko izzat o tazím se rakhtá, aur parhtá hai, aur yún us kí zindagí badal játí hai. Kahte hain ki bahut baras hue, koí faqír, jo Ludhiáne se 20 kos dúr ke kisí gáñw men rahtá thá, us ne Carey sáhib kí baní huí jildon men se ek ko páyá, aur us ke parhne se, us ne rúhání barakat páí, aur in nayí bátón ko apne parosion men sunáne lagá, aur un men se ek jamaat ban gayí, jo apní samajh ke mutábíq Khudá kí parastish kartí thí, yahán tak ki ás pás ke baz Hindú unhen satáte the.

Bahut barason kí bát hai ki ek Musalmán faqír apní naját ke haqq men andeshe men par gaya. Roshní páne kí talásh men wuh bahut jagahon men mará phirtá rahá. Kahrú ek Injíl us ke háth áí : wuh shañq se use parhtá thá, is ummed se ki main us men aísí dalíl páún, jis se use jhúthí kitáb sábit karún. Lekin baraks is ke wuh parhte parhte qáíl ho gayá, ki yihí Yisú wuhí Naját-dihinda hai, jis kí talásh karne men merí rúh be-chain rahí thí. Chunáñchi auron se bátchít karte hí wuh apní shádmání záhir karne lagá. Ek din wuh ek Hindú yogí se báten kartá thá, aur malúm huá, ki yeh bhí tárfkí men chalnevalá hai, jo núr ko dhúndhtá hai. Us ne us se kahá, ki “Bhái Chet Rám main ne wuhí kitáb páyí, jise barason se se dhúndh rahá, aur use pákar main ne naját kí haqqí rah páyí. Ise líjiye aur parh líjiye, aur ap ko bhí Khudá ká itmínán mil jáegá, jis kí talásh men ap máre phirte hain.” Chet Rám ne kitáb leke khushí se parhí, aur dil men khátir-jamáí páyí. Wuh bhí is núr ko phailáná cháhtá thá. Us ke shágirdon kí ek jild majlis faráham ho gai, jo un atráf men Chet Rámí nám se mashhúr huí. Sháyad ham un ko Masíhí na kahén, kyúñki diní bátón men un ko bahut hí kam hidáyat dí gai thí, magar un men barí bát yihí thí, ki Injíl kí barí tazím karte the, yahán tak ki wuh bhí, jo parhná na jántá thá, ek Injíl ko apne kapron men líptí huí tilism ke taur par liye phirtá thá. Ummed hai ki un ke dilon men bhí Masíh kí kuchh muhabbat chhipí huí hai.

6. Lekin ulamā guman karte hain ki Baibal Hindu-tan mein apni khass qudrat aur tarah se zahir karti hai. Kyunki aaj kal mulk ke alim o fazon aur hadon mein aise qism ki tabdiliyan nazar ati hain, jo Baibil ke parhne ke nataniy malum hote hain. Bahut log jo Baibil ki tarif na karenge, taubhi bahut baton mein us ki hidayat se chalte hain, aur bahut se aur log us ki bari tarif karenge aur taubhi us ki talimon ke khilaf chalte hain. Aur yeh tasir jo Baibil mulk ki Hind par karti hai, aaj kal taraqqi par hai. Aaj kal 38 Masih Kalyan idhar udhar is mein paye jate hain, jin mein 6,000 se ziyada tulaba parh rahe hain, aur in jawanon mein bahut ziyada wuh hain, jo Masih nahin hain, taubhi in sab logon ko ham o besh Baibil parhai jati hai, aur Nur i Ilahi kisi qadar un ke dilon par chamakti hai. Kya ho sakti hai, ki yeh parhna be-tasir ho? Kisi ne hisab kiya hai, ki Hindustan mein 14,000 chhote chhote Masih madrase hain, aur ki in mein kam se kam 4,50,000 laike aur laikiyan, Masih ki khabar sunte, aur us ki sitaishen gayi karte hain. Kya yeh talim la-hasil hogi? Masih auraton ki bari fauj, Baibil Woman, aur Ustani banke Hindu, Musalmanon ke ghaton mein Baibil leke jaya karti hain, aur beshumaron ke sath dosti paida karti hain. Agar yeh sab mahz insani koshishen hoti, to un se mulk par zarur tasir hoti, jab yeh Baibil leke jate hain, jis mein Uhai zor hai to kitni ziyada tasir hogi?

7. Phir Baibil hi mein kai ek khasiyaton payi jati hain jin se bahut Hindu log use pasand karenge; ek khasiyat yeh hai ki wuh chhoti si kitab hai. Koi agar ji chahe shuru se akhir tak parh sakti. Balki aaj kal ek Anjuman hai, jis ke shuraka kahte hain, ki ham puri Baibil ko sirf ba sirf ek dafa parhai karenge. Aur yeh mumkin bhi hai. Lekin Hinduon ke Shastron ka aur hal hai. Farz karo, ki ham manen ki dini kitabon wuh wasila hai, ki jis se Khuda apni marzi zahir karti hai, to kaun us marzi ko apne waste daryast kar sakti hai? Kaun sari zaruri kitabon ko parh sakega? aur agar parh bhi sakti, to un mukhtalif talimon ko

yad kar sakega? kyúnkí sab log jánte hain kí yih sab kitáben ek hí áwáz se nahín boltí hain. Magar sirf un ká parhná kaisa bojh hai! Kaun chur Ved aur chha Shashtra, aur atharh Puran, aur in ke siwa sare Tantra, aur Upanishad, aur Darshan, aur Manu wg. kí Shariát kabhí purh sakegí? Agar wuh sirf Ramáyan aur Mahabhárat par kifayat kare, to kitne din lagenge? Aur yad rahe, kí Hindú logon kí samajh mein yih sari kitáben díní zindagí kí rahnumái ke waste zarúrí hain. Koí kisí kí huqrat na kare. Lekin yih mashhúr bat hai, kí áj kal ke alim Hindú apne shastron mein muttatafíq ur ráe nahín hain, balki bahut aise hain, jo kisí ek Darshan ko, yá Bhagwat Gítá ko thamkar, aur sabhon ko chhor dete hain; hain un ko ilhámí batáwenge, lekin apni rahnumái ke waste unhen kám mein na laenge. Is hál mein yih barí shukrguzárf kí bát hai kí ham Hindúon ke hathon mein ek chhotí si ' tab ko rakh sakte hain, aur un se kah sakte hain, k Bhái, hamare Asmání Bap ne is jld ke andar wahí baton dahi hain, jo hamarí naját se ziyada ilaqa rakhtí hain. Hamarí díní hidáyat ke liye yihí talím kafi hain, balki is ke chhote se hisse mein, yane Lúqa yá Yuhanná kí Injíl mein, use admí tén chár ghante mein parh saktá hai, ráh i najat kí itní khabar hasil ho saktí hai, jis se admí Khudá ká banda hona, mumkin hai. Pas kalám i Ilahí ka mukhtasar hona, aur us ka garíb logon ke gharon mein aná, ek bát hai, jo bahut Hindúon ko khench letí hai.

8. Phir Baibal kí yih khássiyyat bahut Hinduon ko pasandída hai, kí wuh shuru se leke ákhir tak is talím par zor detí hai, kí ek hí akelá zinda aur sachcha Khuda hai. Yih bat mashhúr hai, kí bahutere gharon mein sirf auraten deotaon kí púja karti hain, kyúnkí ward qaumi teptís karor deotaon ko nahín man sakte hain. Bah toñ ka gumán hai, kí deo-parasti aur kháss karke butparastí, qaum kí kamzorí ká báis hai. Sháyad Yahowáh ko qabúl karne ke wáste taiyár to nahín hain lekin mandiron mein na jáenge. Brahmínon ne zamánon es koshish kí hai, kí hamá-ost kí talím ke zariye se in

ná-ummed Hinduon ko tasallí den, táki agle din se na phiren. Lekin Vedánt aisé mazhab hai jis ko sirf pandit log samajh sakte hain, aur pandit bhí agar apní aql kám men láwe, us men barí kamzorí dekhegá. Amm Hindú log, jo qudím auqát se díní báton ke haqq men sochnewále hue hain, aise mazhab se kyúnkar qanáat karen, jis men nek aur bad men tamíz nahín ho saktí hai, jis men kárigar aur kárigarí men tamíz nahín kí játi, jis men koí madadgár nahín hai, jis se ham faryád karen? Yih pandit máne to máne, insán ká dil aisi báton men khátir-jamáí na páegá. Lekin Baibal hamáre Ásmáni Báp ko pesh kartí hai, aise ulfatí Báp ko jo dekhtá, suntá, aur madad ká háth barhátá hai; jo hamári bhalái cháhtá; jo kamzoron ko uthátá, aur bhatke huon ko phirátá; aise Báp ko, jis kí duháí ham de sakte hain. Yih zarúr wahí Khudá hai, jis kí hájat Hindustán rakhtí hai, kyúnki Baibal ká Khudá shakhsí Khudá hai : sunnewálá; pyár karnewálá; madad pahúnchánnewála Khudá hai.

9. Phir Baibal kí ek khássíyat yih hai, ki wuh zamír ko bakhshnewáli kitáb hai. Wuh aisi kitáb hai, jis men nek akhláqí kí báton par bará zor diyá játá hai. Wuh har kahín sikhátí hai ki Khudá pák o rást o quddús hai, aur agar ham us ká dídar páná cháhte hain, to in khqbíon kí pairawí karní zarúr hai. Is sabab se wuh Hindustán ke wáste barí niámat hogí, kyúnki yahán qadím se aisi talímen ráij huín, jo Nek Akhláqí ko kamzor kar detín, aur zamír ke faisalon men garbar dálá kartí hain. Jab koí pandit sikhátá hai ki Parmeshwar nirgun hai, ki us men na rástí páyí játi hai, na ná-rástí : jab koí sikhátá ki Khudá kí nisbat kuchh bhí daryáft karná ná-mumkin bát hai; jab koí sikhátá ki Khudá ke síwáe kuchh hai nahín—*Eko Brahma dwitiya násti*—sab kámon ká karnewálá wuhí hai—tab nek akhláqí kí jar par barí choṭ lagáyí játi hai. Aison ko Baibal kí sáf sáf nasíbaten dená, ki Khudá gunáh se nafrat rakhtá hai, aur gunahgár ká hisáb zarúr hogá, aur ki bagair pákízagí ke, ham Us ká munh na dekh sakege, zarúr fáidamand hongí. Ham

mánte hain ki Hindú log un kí kitábon aur ustádon se bihtar hain, aur ki bahut se nek kám dastúr ke máre, aur zamír ke uskáne se, kiye to játe hain, lekin jab bidatí talímen nek o bad kí tamíz men garbar kar dáltín, tab kisi ká ráh i rást par chalná bahut mushkil ho játá, aur becháre gáfil log bahut thokar kháenge. Pas ham duá karte hain ki Hindustán men wuh kalám jald har jagah pahunche, jis ká dakhil núr bakhshatá hai. Áj kal baz Hindú álim log is khúbí se farefta hain, aur koshish karte hain, ki Baibal kí nek akhláqí ko Hindú mazhab men paiwastá kar dewen, aur is khiyál se *Social Reform* ke anjuman bahut paidá kiye játe hain. Lekin ek dáná Ustád ne hamen farmáyá hai, ki kore kapre ká paiwand purání poshák men lagáná thík nahín hai.

10. Sach hai, ki áj tak koi qaum, jo Masíhí kahlátí hai purí taur se Injíl kí shariát ke mutábíq nahín chalti hai. Lekin yih kitáb kí nahín, magar un kí kamzorí hai. Baibal ek sídhí sádí kitáb hai, jiská qabúl karná ásan hai, aur jis ke mutábíq chalná mufid hai. Hinduon ke shástron men bahut kam sádagí hai. Goyá un ke musannif bádalon ke úpar charhná cháhte hain. Wuh zamín par chalná chhor ke hawá men urna cháhte hain. Agar koi kahe ki Bhái, zamín ká hál aur hai, to jawáb dete hain, ki “kuchh parwáh nahín.” Agar koi kahe, yih jahán ke tajriba ke khiláf hai, to jawáb dete hain ki tajriba men kyá thikáná? Agar koi kahe kí dil áp hí gawáhi detá ki main zinda hún, to jawáb dete hain, ki “Nahín: sab kuchh jo tú dekhtá, máyá hai.” Jab Shástra men deotáon ká ahwál mazkúr hain, to un men aisi kaháníen dete jo burí lagti hain, aur jab koi kuchh kahe, to jawáb yih dete hain, ki “Sámarthí ko kuchh dosh nahín,” “Qudratwále par kaun áib lagá saktá hai?” Ek deotá hai, jis kí parastish Hindustán men bahut ziyáda kí játí hai. Wuh shástra, jis men us ká bayán likhá huá hai, áj kal bahut parhá játá hai. Magar us ke parhnewálon ko yih hidáyat deni partí hai, ki “Krishanjí ke ahwál ko gaur se parho, magar

us ke naqsh i qadam par na chalo."

Ek aur bát hai, jis mein Baibal qaum i Hind ke wáste pyárf kitáb hogí, yih hai ki wuh bamen yih sikhátí, ki kámil insání zíndagí kaisi hogí? Agar main púchhún ki main kis tarah se jíún, táki merí har tarah se bihtarí ho, yane bilkull rást o pák o kámyáb o muflid howe? to Baibal na sirf ráh batátí, balki ek shakhs kí taswír khínchtí hai, jis ne tentís baras tak is dunyá mein aisi kámil zindagí guzarí. Wuh auron ká zikr bhí kartí hai jo is pák namúne par maqdúr bhar chalkar apní zindagí mein barí barakat páte the. Magar Hindú kahenge, ki hamáre Shástar bhí parhnewále ke áge achchhe namúne rakh dete hain, jin ke mutábíq chalkar un kí zindagí durust kí jáegí. Ek tarah se yih bát sach hai. Magar farq yih hai, ki yih nek namúne kisi ek khúbí ke namúne hain, aur yih nahín, ki koi be-aib aur kámil shakhs ho jo har hál mein, aur har bát mein pairawí karne ke láiq ho. Beshakk Rámáyan aur Mahábhárat ke baháduroñ mein aise ashkhás ká zikr hai, jo kisi ek ek sifat mein 'umda aur námi, aur taríf karne ke láiq the. Ráma apne Báp ká bahut táb'dár betá thá. Sítá achchhí tarah se shauhar kí taraf apná faráiz ko bajá láti thí, wg. Magar in sári kitábon mein se ek shakhs kí yád nahín áti, jis kí sári sifát aisi sídhí aur durust hon, ki wuh sab báton mein insán ke namúna banne ke láiq ho. Zarúr hai, ki ham ek kí bahádurí, aur dúse kí díndarí, aur tisre kí farotaní, aur chauthé kí sachcháí ko apne áge rakhen, aur yún bahuton ko naql karen, Magar Masíh kí taswír mein sári nek sifaten hain. Yih namúna har qaum o zát ke wáste durust hai.

11. Baibal mein ek khássiyaat hai, jis ká samajhná aur mánná, aur yád karná, Pachchhimwáli qaumon ke wáste mushkil hai. Hai to jahán ke wáste Kalám. Us kí nasíhaton se har qaum hidáyat pá saktí hai. Sare baní Adam is ráh mein ásmán kí taraf chal sakte hain, magar yád rahe, ki ek súrat se Púrabi kitáb hai. Masíh Yahúdiya mein mujassam huá. Kalisiyá kí bunyád baní Yahúd ke bích mein pahle dálí gayí.

Baibal púrabí qaum se niklí. Wuhí Ambiyá aur rasúl jin ke háthoñ ke zariye se wuh likhwái gayí bandi Yahúd the. To lázim hai ki agarchi Pachchhimí qaumon ne is tasníf ko bahut pasand kiyá, aur is se bahut musfíd hidáyaten páyín, to Púrabí qaumen aur bhí use pasand karen. aur in se qímatí hidáyaten hásil karen. Is men kyá mushkil hai? Baibal men bahut kuchh hai, jis kí súrat o taríqa mahz Púrabí hai. tashbíhen, jo dí játí hain, dastúr jo mazkúr hote, nasíhaten jo dí játín, aisí hain jin ko Púrabí ádmí ziyáda ásání se samajh saktá, aur qabúl kar saktá hai. Hai to jahán kí Baibal. magar Púrabí qaumon ko us kí ziyáda nazdíkí hai. Masalan us sahne aur zulm kí bardásht karnewáli nasíbat ko socho, jo kí Pahárí Waz men hai, Mat. 5: 38-40; is ká qabúl karná Pachchhim wálon ke liye kyá hí mushkil hai! Aql kahtí hai, “Hán bihtar to hai,” magar kab karegá? Magar bahut se Púrabí logon ne jáná, ki ham ra sirf karne se balki sahne se Khudá ke jalál ko záhir kar sakte hain. Kaun Pachchhimwálá Ilfýáh aur Yuhanna Istíbagí kí zindagí ko samajh saktá hai, jaisá Púrabí log samajh sakte hain. Pas hamárá ummed hai ki wuh din áogá, jis men Baibal kí fatúhát Púrabí qaumon men aur bhí barí aur námí hongí, aur ki wuh us se aur bhí fáida uṭháne men dígar viláyaton se sabqat le jáengí. Wájib thá ki aisá ho. Rasúlon ke khatút par gaur kíjiye. Wuh jamáaten, jin ke pás wuh nasíhaten bhejte hain, Púrab wáli jamáaten, hain. Na un ká zor na un kí kamzorián wuh hain, jo Viláyatí jamaaton men hain, Un ke qusúr aur qism ke hain; un kí khúbíán aur qism kí hain. To Hindustán ko Baibal dene men yih targíb-bakhsh khiyál hai, ki yih tasníf Hindustán ke láiq hai. Yih tasníf Hindustán ke liye taiyár kí gayí hai. Yih tasníf Hindustán ko barí barakat ká báis hogá. Pas jab ham kisi gánw yá bázár men Injíl kí bashárat dete hain, to ham barí ummed ke sáth is Baibal ko logon ke áge uṭhá sakte, aur us kí taríf kar sakte hain, ki Qaumon ká Bharosá yahí hai. Ásmání Báp kí ulfat ká nishán yih hai. Yih wuh paigám hai, jis se wuh

hamen ásmání ráh men rahnumái bakhshtá hai, Trávan'kor ke Maharájá i marbúm ne agarchi ap Masíhí na the, Baibal kí taríf men ek bát kahí, jo bahut gaur ke láiq hai. Us ne kahá ki "Yih Angrez log apní dānái aur ilm, aur hoshiyáí aur qudrat, kahān se hāsíl karte haiñ? Un kí Baibal yih sab kuchh un ko baksh detí hai, aur ab dekho, is ko hamāre pás le áte, aur use hamáí zubān men tarjuma karte haiñ, aur ham se minnat karte haiñ, kí I-e leke parho; ise jáñchá karo, aur ján lo kí mufid hai, kí nahíñ. Main ek bát ke haqq men qáíl hūñ, kí cháhe ham log jo kuchh karen, cháhe ham us kí mukhálifat men jo kuchh kahen; yih Masíhí Baibal kisi na kisi waqt men mulk i Hind ko nau-paid kar degí." Kásh kí Maharájá sáhib kí intizáí jald purí ho jae !

HISSÁ DÚSRÁ.

BÁB I,

IMMÁNUEL KÍ KHÚBIÁN.

1. Baibal men káf ek buzurgon ká zikr hai, jin ká ahwál dindáron ko bahut hí dilchasp malúm hotá hai. Uhen parhkar dil khud ba khud pukár uthá hai, ki kásh ki mujh men bhí aisí dilerí hotí! Kásh ki merá imán itná mazbút hotá! Kásh ki Khudá kí suhbat men meri aisí khushí hotí! Zamána ba zamána kitne qází aur álim, bádsháh aur sardár, nabí aur rasúl aise hue, jin kí sifaton se ham musíd sabaqon ko síkhte, aur nek zindagí basar karne men targíb páte hain. Lekin jab Yísú Násarí namúd huá, to záhír huá ki in shakhson men se ek bhí nahín hai, jo us ke barábar howe. Wuh sitáre the, jin ke núr se bahut se andhere zamánon men roshní hotí rahí, magar Yísú aur hí kuchh hai. "Wuh Áftáb-i-Sadáqat hai, wuh Jahán ká núr hai. Us kí roshní lásání hai. Músá halím thá, Yashú' diler thá, Azrá farmánbardár thá, Dániel mard í duá thá. Dáud Khudá kí sitáish karne men ustád thá, Paulús talím dene men máhir thá; magar un men se ek bhí wuh bojh na uthá saká, jise Yísú ne utháya. sirf Us hí kí yih taríf ho saktí hai ki jitní báten sharáfat kí hain, aur jitní báten wájib hain, aur jitní báten pák hain, aur jitní báten pasandída hain, aur jitní báten dilkash hain, Mariyam ke Bete men páye játi hain, Na sirf yih, balki un buzurgon men bahut sí khúbián us ilm ke báis pái gai jo wuh peshingoson ke zarié Masíh kí nisbat rakhte the. Ibráhim akelá hí aisá imándár shakhs na huá hogá. jis ká hál yih thá ki Yísú ke din dekhne kí ummed par bahut khush thá; chunánchi us ne dekhá, aur khush huá," Yúh. 8: 56. Yih pák intizárí, jis ká shurú Ádam ke dinon se huá, zamána ba-zamána wafádár dilon ko tasallí detí rahtí thí. Jaisá ki chánd rát kí táríki ko dúr kar saktá, kyúнки súraj se roshní pákar chamaktá hai, waisá hí

wuh bhí, ánewále Aftáb i Sadáqat se núr pákar jahán ke andhere men roshní dete the. Jaisá Aiyúb ne farmáyá ki “Main jántá hún, ki merá rihái denewálá zindá hai aur wuh jo ákhíri hai, zamín par uth khará hogá.” Aiyúb 19: 25.

2. Agar ham Yísú ki ulúhiyat par líház na karen, aur sirf us kí sawánihi-umarí par aise nazar karen, jaisá auron par karte hain, taubhi sáf záhir hai, ki yih shakhs lásání hai. Us ke áne se pahle chálís saddián guzrín, magar un sab men ek shakhs bhí us ke barábar páyá nahín gayá. Us ke zamáne se unnís aur saddián guzar gáin, magar in men bhí wuh akelá hí nazar áta hai. Áj kal bahut qaumen apní wáqifiyat aur sháistagi aur har qism kí taraqqí hásil karne par, bahut phúlte hain, magar in sab men se ek bhí nazar nahín áyá, jis men wuh kámil páyá gayá, jo Yísú Násrí men dikhái detá thá, aur na aisá koí us waqt tak, jab tak milegá, jab ki us ke pánw us ke wáda ke mutábíq Saihún par khare hongé, Baní Adam men kámilíyat ká honá mumkin to hai, kyúнки wuh Masíh men záhir huí, magar koí dúsrá us darje tak hargiz nahín pahúrchá hai. Agar wuh sirf ádmí hí hotá, taubhi bahut taríf ke láiq hotá, aur jo hamári us ke haqq men farmátá hai, ki wuh pák aur be-riyá aur bedág aur gunahgáron se judá thá,” beshaqq hai, Ibr. 7: 26.

3. Lekin agar ham Masíh ke kamál ko samajhne cháhte hain, to zarúr hai, ki ham Baibal kí tamám gawáhi ko, jo us ke haqq men detí hai, qabúl karen, aur dústre ko radd karen. Jab ambiyá ánewále Masíh ká bayán karte the, tab bahut se Yahúdí jo kuchh us kí fatáhát kí khabar páte the, khushtí se sunte the, magar jab us kí musíbaton ká ishára kiyá játá thá, tab kahte the ki yih nahín. Yih kisí dústre ká zikr hai. Us kí nisbat Baibal jo kuchh farmátí hai, sab qabúl karná hai. Na sirf us kí ajíb insániyat, balki us kí ulúhiyat bhí. Na sirf us kí dánish se bhari huí nasíhaten, balki us ke kamál qudrat ke kámon ko bhí. Na sirf Yísú Násrí hoke balki wuhí Immánuel jánke Navishton men us kí taswír barí safái ke sáth khíuchi

hui hai. Yih ek shakhs hai, lekin aisá shakhs nahín jaisá ki Ibráhm yá Músá, yá Dáúd, yá Daniel, yá Yuhanná, Pat-as, haiñ, magar aisá shakhs jis kí jútíyon ká tasmá wuh kholne ke láiq na the. "Aise log to haiñ, jo Baitlaham ke bachche ko aur Násarát ke jawán ko aur Kalvarí ke dukh uthánewále ko to qabúl kar sakte haiñ, magar Naját-dahinde ko jo har ek ko, jo us par takyá karta hai, qabúl karne ko taiyár hai, nahín cháhte haiñ. Wuh use Yísú kahenge, magar Yasaiyáh ke sáth use "Ajíb, Mushír, Khudá i Qádir, Abadiyat ká Báp, Salámatí ká Sháhzádá," na kahenge, Yas. 9: 6. Magar Baibal use donon tarah se sáf záhir kartí hai. Beshakk wuh ársé tak insáni shakl men apne bháiyon ke darmiyán rahá, magar yih bhi sach hai, ki ulúhiyat kí sári mamúrí usí men mujassam hokar sukúnat kartí hai," Kul. 2: 9. Jo koi Masíh kí insániyat ke ahwál ko qabúl kartá hai, magar us ke Khudá ke Beṭe hone ká munkir hai; aur wuh bhí jo us kí ulúhiyat ká qáil hoke us ke mujassam hone ke bayán ká inkár kartá hai, donon Baibal ke bayán ko tark karke, us gawáhi ká, jo ásmáni Báp apne Beṭe ke haqq men detá hai, inkár karte haiñ.

4. Gaur ká maqám hai, ki Masíh kí insaniyat ká aur us kí ulúhiyat ká bayán donon Nawishton men ek hí taur se, balki kabhí kabhí ek hí sáth, kiyá gayá hai, kyúñki donon ke manne se wuh hamári rúhon ká darmiyáni thahartá hai, aur Khudá kí marzi yih hai, ki ham is bát men dhokhá na kháen. Ham kis tarah jánte haiñ, ki Yísú Násarí men haqíqí insániyat thí? Is taur se jawáb yih hai, jaise kisi ádmí men insániyat pahchánte haiñ. Jab wuh ádmí kahlátá hai, ádmí kí shakl rakhtá, ádmí kí sífaten, aur khássiýaten rakhtá, aur ádmí ká kám kartá hai. Jab ham logon kí mánind chaltá phirtá, kheltá, sotá jágtá, khátá pítá, sochtá samajhtá hai: jab wuh insáni taur par paidá hotá, aur barhtá aur dukh sukh uthátá, aur ján detá hai, to us kí insániyat ká, inkár kaun karegá? Phir ham kis tarah se ján sakte haiñ, ki Yísú Násarí men ulúhiyat bhí maujúd thí? Yih bhí is taur se jáná játá hai. Jab

us ko Iláhi nám diye játe hain, Iláhi laqab us par lagáye játe, Iláhi sífateñ us meñ batáí játi hain, jab insán aur firishtağán us ko síjdá karte, aur zamín meñ aur ásmán meñ us kí sitáish gáte hain, tab mánná partá ha, ki yih insán se barhkar hai, yih Kkudá hai. Jab mujassam huá, tab wuh muajizáná taur se paidá huá. Us kí ámad kí khushí firishton se zamín par gáyí gayí, aur dúr mulk ke álim log, us ke sitáre se ishárá pákar us bachche ko nazreñ charháne áye. Jab wuh jahán meñ rahtá thá, tab us ke sáre kám aur us ká kalám is ulúhiyat ke dawa ke sáth mutábíqat rakhtá thá. Ásmán kí hawá aur samundar kí lahar us ke mátaht záhir huín. Bimáráñ aur kamzoríñ us ke hukm ko mántí thín. Bad-rúhon ke satáye hue, us ke kalme se síhhat páte the. Har tarah se balki murdon ko zindá karne tak us kí Iláhi qudrat aur hukúmat sábit hotí thí. Tín dafa záhirí áwáz ásmán se sunáí dí. aur us meñ Báp kí razámandí ki yih gawáhi thí ki “Yih merá Pyará Betá hai, jis meñ main khush huñ.” Us ke jání dushman is liye use qatl karná cháhte the, ki wuh apne ko Kkudá ká Betá batátá hai. Jab wuh maslúb huá, tab hamáre gunáhon ká bojh utháke maslúb huá, aur us ne áge se batáyá, ki main marúngá aur tísre din jí uthúngá. Is ke mutábíq wuh mará, aur jí uthá, aur bad kuchh áse ke, shágirdon ke dekhte hí, ásmán par utháyá gayá. Lá-kalám yih wuh Kkudá i mujassam hai, “jo jism meñ záhir huá, aur firishton ko dikháí diyá, aur gair qaumon meñ us kí manádí huí aur dunyá meñ us par ímán láe, aur jalál meñ úpar utháyá gayá,” 1 Tim. 3: 16. Us ká bolná, chalná, karná, íkhtiyár dikháná, aur hukúmat karná, Kkudá ká sá hai, pas wuh Kkudá hai. Yuhanná kí gawáhi barhaqq hai, ki “Kalám mujassam huá, aur fazl aur sachcháí se mamúr hokar hamáre darmiyán rahá, aur ham ne us ká aisá jalál dekhá, jaisá Báp ke íklaute ká jalál.” Yuh. 1: 14.

5. Injíl meñ Masíh kí paidáish ká aisá dilchasp bayán likhá huá hai. jo har ek parhnewále ke dil ko farefta kartá hai. Us meñ bahut sí umdá báteñ hain,

jin se sábit hotá, ki yih baní-ádam se buzurgtar hai. Us ká kunwári se paidá honá, firishte ká us kí má ko khabar dená, us ká garíbí men paidá honá, us ká charní men rakhá jáná, gadariya logon ká firishton ká gít sunná. aur uu ká bacche ko sijda karná, majúsion ká púrab se áná, aur bachche ko dekh kar us ke áge girkar sijda karná, aur apne díbbe kholkar soná aur lubán aur murr us ko nazr karná, aur Shamaún aur Hannáh ká us kí taríf men gít gáná. aur khándán ka mulk i Misr men bhág jáná, aur arse ke bad Násarat men lautke rahná, yih kyá hí tasallí-bakhsh bayán hai? Goyá ham se bhí kahá játá, jaisá friste ne chaupánon se kahá, "Daro nahín, kyunki dekho, main tumhe bari khushí ki bashárat detá hún, jo sári ummat ke wáste hogí, ki áj Daud ke shahr men tumháre liye ek Munjí paidá huá, yane Masíh Khudáwand." Lúq. 2:10-11.

6. Masíh ke jawání ke din, Násarat men katé. magar jab wuh tís baras kí umr ká huá, tab sochne lagá, ki ab munásib hai, ki main us kháss barí khidmat ko utháún, jis ke púra karne ke wáste Báp ne mujhe bhejá hai, kyunki Yahúdiyon men dastúr thá. ki káhin log tís baras ke hokar apne díní kám ko utháte the. Chunánchi wuh Násarat se rawáná hoke Yuhanná Istibági ke pás, jo in dinon men Bayábán i Yahúdáh men barí bhíron ko manadí kartá thá, chalá gayá, aur us ke háth se baptismá páná cháhá. Pahle Istibági ne use baptismá dená zarúri na jáná. Bolá, Main ap tujh se baptismá lene ká muhtáj hún, aur tú mere pás áyá hai? Yisú ne jawáb men us se kahá ki "Ab to hone hí de : kyunki hamen isí tarah, sári rástbázi púri karní munásib hai. Is par us ne hone diyá." Mat. 3: 14-15. Ab dekhiye, ki Masíh kis taur se apní bhári khidmat ke wáste taiyár kiyá játá hai. Ibn i Dáud hoke wuh agarchi garíbí men rahtá thá, taubhi izzatdár khándán se hai. Ek dindár Yahúdí ghar men wuh palá gayá thá, pas bachpan se Shariát aur Nawishton men parháyá huá thá, Istibági ne jo us ká wuhí peshrau thá, jis ká zikr nabion ne kiyá thá, us ke haqq

men logon ke áge yih gawáhí dí, ki “dekho, yih Khudá ká Barra hai, jo dunyá ká gunáh uthá le játá hai,” Yuh. 1: 29. Balki Istibáqí kí gawáhí se barí gawáhí use millí, kyúñki us waqt, jab wuh apne kám ko shurú kartá thá, “jab sab logon ne baptisma liyá, aur Yisú bhí baptisma pákar duá máng rahá thá, to aisá huá kí ásmán khul gayá, aur Rúh ul Quds jismání súrát men kabútar kí mánind us par utrá, aur ásmán se áwáz áí ki tú merá pyará Betá hai, tujh se main khush hún,” Lúq. 3: 21-22.

7. Jab yún kám ke wáste taiyár kiyá gayá, aur Rúh ul Quds se masah kiyá gayá, to ek sírf bát báqí rahí. Masíh ne insán ká Sardár Káhin banná cháhá, pas us ká ázmáyá jáná munásib thá, “kyúki hamará aisá sardár káhin nahín, jo hamáří kamzoriyon men hamará hamdard na ho sake, balki sárí báton men hamáří tarah ázmáyá gayá, táham begunáh rahá,” Ibr. 4: 15. Chunánchi Shaitán ne chális din tak bayábán men use ázmáyá, kyúñki wuh jántá thá, ki Yih mere khaufnák ráj ke torne ke liye, aur insánon ko, jo merí zanjíron se jakre hue hain, chhuráne ke liye áyá hai. Wahán doston kí suhbat se aláhida Masíh ne bhúkhá pyásá us ká sámhná kiyá, aur Kalám kí talwár ko háth men leke use jít liyá. Us ke bad bhí Shaitán ne kabhí kabhí us ká muqábilá kiyá hogá, kyúñki likhá hai ki Jab Iblis tamám ázmáishen kar chuká, to kuchh ársé ke liye us se judá huá,” Lúq. 4: 13. Magar is waqt se wuh maglúb dushman thá, aur Masíh bhí akelá na rahá, kyúñki “firishte ákar us kí khdmat karne lage,” Mat. 4: 11.

8. Tab Masíh ne us muhabbat ke kám ko utháyá, jis ke karne ke wáste wuh ásmán se áyá thá, yane logon ko gumráhí se phiráná, aur unhen Khudá ke pás lautá dená. Is ke liye yih zarúr thá ki wuh pahle logon ko díní nasihatén de, so likhá hai ki “Phir Yisú Rúh kí quwwat se bhará huá Galíl ko lautá, aur sáre girdnawáh men us kí shuhrat phail gáí. Aur wuh un ke ibádatkhánon men talím detá rahá, aur sab us kí baráí karte rahe,” Lúq. 4: 14. Us ká waz karná barí

ruhání quwwat aur ikhtiyár ke sath thá. Log sunkar kahte the, ki “Insán ne kabhí aisá kalám nahín kiya.” Yuh. 7: 46. Na sirf yih, balki kalám ke sáth bare muajizát dikhákar sábit kartá thá. ki main Khudá kí taraf se áyá hún. Jab ek jagah men log us kí minnat karte the ki Hamen chhorkar na jáiye, tab us ne jawáb diyá, “Mujhe aur shahron men bhí Khudá kí bádsháhat kí khushkhabarí sunáni zarúr hai, kyúunki main isí liye bhejá gayá hún,” Lúq. 4: 43. Us kí manáadí fazl aur sachcháí se yahán tak bhari hui thi, ki log taajjub karte the, balki kabhí kabhí barí barí bhír use dekhne aur us kí sunne ke liye ikatthí ho játi thin, aur shahr se shahr tak, aur gáuw se bayábán tak, us ke pichhe ho leti thin. Har jagah us kí manáadí ká bhári mazmún “Injíl kí bádsháhat kí ámad” thá. aur us ke áne ke wáste taiyár hone kí zarúrat ko bhí batátá thá, ki waqt purá ho gayá hai, aur Khudá kí bádsháhat nazdik á gayi hai, tauba karo, aur khush-khabarí ko máno,” Marq. 1: 15. Yisú ne bahut cháhá, ki Násarát ke log yahán us ne parwarish pái thi, is khush-khabarí ko sunen aur manen. Pas mauqa páke sabt ke din apne dastúr ke mutábiq un ke ibádat-kháne men gayá. aur parhne ko khará huá. Jab kitáb us ke háth men di gayi, tab us ne Yasaiyáh ká wuhí kalám nikálá, aur parhá, ki “Khudáwand ká Rúh mujh par hai, is liye ki us ne mujhe garíbon ko khush-khabarí देने ke liye masah kiya. Us ne mujhe bhejá hai, ki qaidion ko rihái, aur andhon ko bínái páne kí khabar sunáun, kneble hue ko ázád karún. aur Khudáwand ke sál i maqbúl kí manáadí karún. Phir wuh kitáb band karke aur khádim ko wápis dekar baith gayá, aur kabá ki “Áj yih nawishta tumháre sámbhne purá huá hai,” Lúq. 4: 18-21. Páhle wuh us ke pur-fazl kalám se khush hue, magar us ne aisí sargarmí aur josh se un kí khud-garazí aur aur khud-parastí ko dántá, ki unhon ne gusse se bharke use shahr se nikál diyá. Tab tén baras tak Us ne is taur se manáadí kí, jaisí kabhí kisi दूसरे zamáne men nahín hui thi. Kabhí Yarúsalam kí barí idon men házir hoke, kabhí Tibíriyás kí Jhíl ke pás

bhír kī bhír jana karke, kabhī Galíl o Yahúdiyá o Yarden pár ke atráf men daurá kare, kabhī bázaron men, kabhī khilwat men. waqt aur be-waqt, wuh is taur se nasíhaten detá rahá, aur aglab hai ki un tñ sál ke arse men lákhon ádmíyon ne us ke munh se ráh i naját kī khush-khabarí suní. Injilon se záhir hai ki us kī nasíhaten nibáyat pur-matlab, aur ikhtiyár ke sáth thín, aur wuh aisi dilchasp tamsílon se sikhátá thá jaisá koí dúsrá hargiz na de saká, yahán tak ki sári qaum hiláí gayí, aur sabhon ke dílon par ajíb tásir kī gayí. “Jo log andhere men baithé the, unhon ne barí raushní dekhí, aur jo maut ke mulk aur sáye men baithé the, un par raushní chamkí,” Mat. 4: 16.

9. Agar ham us Pahári waz par jis ká zikr Matí ne kiyá, aur un ajíb tamsílon par, jo Lúqá wg. ne bayán kín, gaur karenge to Masíh kī manádí men ziyádatar tñ khássiyaaten dekhenge. (a) Ki wuh kaisí sargarmí aur khud-inkári se apne Báp kī khidmat ko bajá látá hai. Us din se jab wuh kangál logon ko Injíl kī khush-khabarí dene ke liye masah kiyá gayá, yane us din se jab Rúh ul Quds dúsrí taur se use bakshshá gayá, us din tak jab us ne salíb par marte dam pukará, ki “Púra huá,” us kī zindagí khidmat kī zindagí thí. Barí koshishon, barí dil-joshí aur barí muhabbat ke sáth wuh logon ko samjhátá thá, aur un se minnat kartá thá, ki tauba karo, aur Khudá kī taraf phiro, táki áne-wálí Bádsháhat kī raiyat bano. Wuh apní tandihí ká zikr ap hí kartá hai. “Merá kháná yih hai, ki apne Bhejnewále kī marzí ke muwáfíq amal karún aur us ká kám púra karún,” Yuh. 4: 34. Aur us men apne dilí josh kī zarúrat bhí batáyí, yane ki din thore rahe haiñ, “Jis ne mujhe bhejá hai, hamen us ke kám din hí din men karne zarúr haiñ: wuh rát ánewálí hai, jis men koí shakhs kám nahín kar saktá,” Yuh. 9: 4. Wuh din ko to bhír ko sikhátá thá, aur tab rát ke waqt pahár o maidán kī khilwat dhúndhkar, Báp ke sáth jo ásmán par hai, suhbat kartá thá. Us kī mihnaten ajíb thín, Jab wuh gánw gánw phirtá thá, tab barí bhír kī bhír us ke píchhe ho letí thí, kyúuki log us ká kalám

sunná cháhte, aur us ke ajáib kámon ko dekhna cháhte the. Kabhí kabhí us ke, aur us ke shágirdon ke liye áram páne, balki roṭí kháne kí fursat mushkil se miltí thí. Ek din ká zikr hai, jab itne log us ke pás jama ho gaye, ki wuh roṭí bhí na khá sake. “Jab us ke azízon ne yih suná, to use pakurne ko nikle, kyúñki kahte the, ki wuh be-khud hai.” Márq 3: 21. Aur log apne jismání kám káj ko bhári aur zarúrí báten jánte the, magar Yisú ne sochá ki nuját ká páná, yih sab báton men afzal aur zarúrí hai. “Agar ádmí sári dunyá hásil kare, aur apní ján ká nuqsán utháe, to use kyá fáida hogá,” Mat 16: 6. Chunáñchí us ne kisé ko hukm diyá, ki “Tú mere píchhe chal, aur murdon ko apne murde dafn karne de,” Mat. 8: 22. Rát din khidmat ká boj us ke dil par bhárá thá. “Mujhe ek baptisma lená hai, aur jab tók wuh na ho le, main kyáhi tang rahúngá, Lúq. 12: 50, Aur log apná fáida yá áram dhúndhte hain, magar wuh khud garazí se khálí thá. “Ibn i Adam is liye nahín áyá, ki khidmat le, balki khidmat kare, aur apní ján bahuteron ke badle fidye men de,” Mat. 20: 28. Wuh aisá kah saktá thá, jaisá koi dúsrá nahín kah saktá thá, ki “Tere ghar kí gairat ne mujh ko khá liyá,” Zab. 9: 9. Aur apne kám ke khatm hone par wuh yih kah saktá thá, ki “Ai Báp, jo kám tú ne mujhe karne ko diyá thá, us ko tamám karke main ne zamín par terá jalál záhir kiya,” Yuh. 17: 4.

10. (b) Masih ke kám o kalám men ek khássiyyat yih bhí nazar áti thí, ki wuh baní Adam kí buri hálat par bahut hí rahm kartá thá. Wuh bará watandost thá, aur us kí barí khwáhish yih thí, ki merí qaum men dindárá gálib áwe. “Use un par taras áyá, kyúñki wuh un bheron kí mánind the, jin ká chaupán na ho,” Márq 6: 34. Yisú ap hí achchhá charwáhá thá, wuh Isráel ke ghar kí khoí huí bheron ke lánce ke liye bhejá gayá thá. Wuh gumráh kiye huon ko dhúndhne aur bacháne áyá hai. Us kí zindagí ká bhárá maqsad yih thá, ki nekí kartá phire, aur auron kí bhalái dhúndhe.” Yaqínan us ne hamárá mushaqqaton uthá lín, aur

hamáre qaumon ká bojh apne úpar charháyá." Hamáre sáre dukhon men wuh dukhí huá. Wuh jo ap Khudá-wandon ká Khudáwand thá, Us ne garíbon men garibí ikhtiyár kí, aur apná kháss kám yih samjhá, ki musíbat-zadon kí madad karún. Hán. "Lomriyon ke bhat hote hai, aur hawá ke parandon ke ghonsle. magar Ibn 1 Adam ke liye sir dharne kí bhí jagah nahín," Mat. 8: 20. Wuh jo dunyá ke khazánon ká malík hai, adná logon kí taraf mutawajjih huá. "Us ne agarchi Khudá kí súrat par thá, Khudá ke barábar hone ko qabze mení rakhne kí chíz na samjhi, balki apne ap ko khálf kar diyá, aur khádim kí súrat ikhtiyár kí, aur insánon ke mushábih ho gayá, aur insání shakl men záhir hokar apne ap ko past kar diyá, aur yahán tak farmánbardár rahá, ki maut, balki salíbí maut, gawará kí," Fil. 2: 6-7. Masíh kí barí ulfat kí sab rasúl gawáhi dete hai. "Masíh kí muhabbat ham ko majbúr kar detí hai," 2 Kur. 5: 14. Is ulfat se wuh logon men Injíl kí bashárat detá, andhen ko binái bakhshtá, kúle langron ko chalne phirne kí táqat detá, korhion ko pák sáf kartá, bhúton ko nikál detá, murdon ko zindagi bakhshtá thá, balki salíb hí par dákú ko ímán diyá, aur apne qátilon kí muáfí ke liye duá kí. Wuh har tarah se is bát ko áshkára kartá thá, ki Khudá muhabbat hai. Wuh apne Báp kí suhbat men khush rahtá thá, lekin us ke sáth wuh insán ke sáre dukh dardon ke sáth ajib taur se hamdardí rakhtá thá. Insán kí musíbaton us ke dil par bhárí choṭ lagátí thín. "Wuh hamáre kamzorion men hamára hamdard ho saká." Ham ko bhái jánkar, wuh hamáre mátamon men sharík huá. Wuh garíb muhtájon ko khálf háth lautá na detá thá. Jab bhárí kám men bhí mashgúl rahtá thá, taubhí musíbatzadon kí duháí ko sun saktá thá. Lázar kí qabr par wuh us kí díl-shikashta bahinon ke sáth mátam kartá hai aur salíb par us ne apní rotí huí mán kí fikr kí, Yarúsalam shahr kí ánewálí halákat ko dekhkar, wuh us par bahut hí ranj karke kahtá thá, ki "Ai Yarúsalam, ai Yarúsalam, tú jo nabion ko qatl kartí hai, aur jo tere pás bheje gaye, unhen sangsár

kartí hai! Kitní hí bár main ne cháhá kí jis tarah murgí apne bachchon ko paron tale jama kar letí hai, usí tarah main bhí tere larkon ko jama kar lún, magar tum ne na cháhá,” Mat. 23. 37. Yih kyá hí rahmat i lásání hai!

11. (c) Tisrí barí khássiyaat jo gaur ke láiq hai wuh Masíh kí khidmat men nazar áti hai, wuh us kí dilerí hai, kí jis se wuh apne sáre kám ko khatm kar letá hai. Wuh kisé rok se nahín ruktá, kisé mushkil se nahín ghabráta, kisé dushman se nahín dartá thá. Jántá to thá, kí yih ráh, jis men main chaltá hún maut kí ráh hai, taubhí us se nahín hatá. Jo kám use sipurd kiyá gayá thá, us ne use púra kiyá. Kuchh báqí na rahá. Jo kuchh karná thá so hí kiyá. Us kí jismániyaat ke liye us dukh ká piyála piná mushkil bat thí. Jaisá kí ham logon ko zindagí pyárá hai, use bhí thí. Taubhí bág-i-Gatsaman men bhí wuh kah saktá thá, kí “Ái Báp, jaisá maiū cháhtá hún, so nahín, magar jaisá tú cháhtá hai.” Us kí sábit-qadamí ajíb nazar áti hai. Dost aur dushman milkar use is bhári khidmat kí ráh se phiráne kí koshish karte the, us ke chune hue shágird us kí bahut báton ko samajhte na the. Us ke ghar ke log use buzurgon ke gazab se bachána cháhte the. Bahut báte use muqarrar ráh se phiráne cháhtí thín, magar wuh phirtá na thá. Wuh jántá thá, kí agar main is kám ko púra na karún to becháre baní Ádam ke wáste naját ká darwáza na khulegá. So wuh sídhá áge barhtá rahá. Ek dafa Farísí log us kí minnat karte the, kí Galíl ko chhorke bhág já, kyúнки badzáat Herodís tujhe qatl kiyá cháhtá hai. To Yisú ne jawáb diyá, kí “Jákar us lomrí se kah do, kí dekh, main áj aur kal bad-rúhon ko nikáltá, aur shifa-bakhshne ká kám anjám detá rahúngá, aur tisre din kamál ko pahunchúngá. Magar mujhe áj aur kal aur parson apní ráh chalni zarúr hai, kyúнки mumkin nahín kí, nabí Yarúsalam ke báhar halák ho,” Lúq. 13: 32-33. Jis kalám se jáná jává hai, kí usí waqt Yisú ko malúm thá, kí merá ján dená arse ke bad hogá, aur jab hogá, tab Galíl men nahín, magar

Yarúsalam men hogá. Phir jab wuh tísrá dín, us kí ráh wuh dekhtá thá, á pahúnchá, aur jab wuh Rúmí hákím ke pás házir kiyá gayá aur chupcháp aur qáim-mijáz hoke us ke áge khará huá, aur Pilatus ne use darána chahá, aur bolá, kí Tú mujh se boltá nahín? Kyá tú nahín jántá, kí mujhe tere chhor dene ká bhí ikhtiyár hai, aur salib dene ká bhí ikhtiyár hai? Yísú ne use jawáb diyá, agar tujhe úpar se diyá na játá, te terá mujh par kuchh ikhtiyar na hotá, is sabab se jisne mujhe tere hawále kiya, us ka gunáh ziyáda hai," Yuh. 19·9-11. Us ká marná zarúr thá, nahín to ham apní halákat se nahín bach sakte so wuh ákhir tak sábit qadam rahá. To in kámon aur khássiyaaton se wuh púrí taríh se hamára Nijat-Dahanda sabit hotá hai.

BKB II

MASIH KA LA SÁNI HOVÁ.

1. Yísú' Masih men kamil insanivat nazari atí thi. Tentís baras tik wuh ádmíyon men iahkar bilkull ádmí sa uthtá baitha, chalta phirtá, sota jagta sochta aur boltá thá. Suf ek bat ka farq tha, us men kisi qism kí badí payi na gai. Lekin yih ek farq birí aláhidagi sabit karta hai. Jab saí qaumen gunah ke daldal men girí huí hain to yih ek shakhs us daldal se k, únkar bachá. Haqíqat yih hai, kí yih ek shakhs hai, jo akelá khará hota hai. Us ka koi satthi nahín miltá hai. Us ka ahwal ajíb hai, us men bahut si nazar atí hain, jo kisi aur insán ke ahwal men pái nahín játín aur ádmí apne mulk, aur apne zamáne, aur apní jismaní haat se, bahut ilaqa rakhte hain, magar Yísú' sab mulkon aur zamanon ka shakhs nazari ata hai. Jab Ghul men phirta tha, to dekhnewale shayad sochte the, kí yih koi amín nahín, koi alim o fázil ustad nahín hai. Yih ek gurb dihati ádmí hai, ek Násarát ka barhaí, jo tanghalí men palá gaya hai. Magar suno, kí us ke munh se kaisa bará bol nikaltá hai kí "Ásman aur zamín tal jáenge, lekin meri báten na talengí." Han chhote admí baí báten kabhí bolte hain, magar gaur ka maqám hai kí is shakhs ka dawa hamári ánkho ke sámné púra hotá chalá játá hai. Bachehe in báton ko man ke ghutnon pás síkhte hain. Bahádur un se bahadurí hásil karte hain. Musibat-zade unhen sunke apne ausú ponchhte hain. Marte huon ko in báton se tasalli miltí hai. Ummed ke sath balki galba ke sáth yih báten qabron ke úpar sunái játí hain. Bahut mukhalifon ne cháhá, kí Yísú' ko is sarfarází se girá den, aur use aur ádmíyon ko mánind sábit kar den. Magar is ko koi na kar saká. "Khudá ne use bahut sarbulund kípá, aur use wuh námi bakhsá, jo sab námon se alá hai." Aur us alá nám ko koi us se chhín na le saká. Bare bare bádsháh, aur ustád aur faísul mai gaye, aur dhíre dhíre un kí yád-

gáří nót goí, yahán tak ki bahut thore log ján sakte hain kí unhon ne kyá kiyá. yá kyá kahá ; magar is shakhs kí yádgáří sál basal ziyáda námi hotí játí hai. Jab wuh ásmán par charh gayá, tab us ke shágird koí sau ke the, ab lákhon karón honge, aur har sál un ká shumár bāhtá jātá hai.

2. Ham kahte hain, kí dunyá kí sáří kitábon men aisi rást o musid o khud-inkár sáda zindagí kí taswír kabhí khaiuchí nahín gáí, jaisí kí cháron anájíl men Yísú kí taswír hai. Yih kaisá ádmí hai, jis men niháyat zor o qudrat hai, taubhí tís bars kí umr tak bahut hí halím o be-jumbish zindagí guzran kartá hai. Us naim khush-atwár khamosh jawání par gaur karo. Aur phir jab wuh khidmat par háth lagátá hai, tab gul shor o takrár o fasád ke sáth nahín, magar sháístagí aur bháří aglí dalílen lákar, aur tashbíhen dekar kalám kartá hai. Us kí tabíat ka thík bayán yih hai, ‘ Wuh halím thá, aur dil ká firotan.’ Aur agar us kí bolchál ká zikr púchho to yih hai, ‘ Wuh neki kartá phirtá thá,’ Us men aisi qudrat thí, jo kabhí kam nahín ho játí thí, us ke sahr ká ákhir kabhí na huá. Us kí shafaqat o k̄hair-khwábí be-hadd thí. Miharbání aur neki ká k̄hiyál us ke sáre kámon men nazar átá hai. Bachche kí mánind us ká mizáj bholá tha; taubhí wuh bahádur sá thá, jawán-mard, aur pahár sá qáim thá. Dukhon ke sáth wuh dukhí, aur ranjidon ke sáth ranjída hotá thá. Wuh sakhtí o Farísí aur káhin ko dāntá kartá, aur Lāzar kí qbr par rota thá. Wuh riyákáron kí barí malámat kartá thá, aur bare bojh ke dabe huon ko bulátá thá. k̄hiyál men aur kalám men wuh niháyat rást o pák thá, aur taubhí mahsúl lenewálon aur gunahgáron ke sáth kháná khátá thá, aur ních aur níkamme log us ke pás áne se durte na the. Korhí ko chhúkar wuh nápák na thahartá thá, aur gunahgár kí k̄hutáon ko muáf karke wuh badí ko barhátá na thá. Baibal men aise bahut ashk̄hás ká zikr hai, jin men Rúh ul Quds kí madad se barí nekiáun páí gáín, taubhí sáf iqrár karná partá hai, kí un men se ek bhí Yísú ke barábar nahín thá, balki wuh un kí alag alag k̄húbíon ko apne men

batátá hai. Músa halím tha magar Yisú kí halímí barí thí, kyúñkí us ne be-sabri nahín kí. Dáud láñq bádsháh thá, magar Yisú' kí sháhána liyáqat us se barí thí. Iliyáh men díli mazbúti thí, magar ek dafa be-dil ho gayá. Yisú sada sábit qadam rahá. Us kí dánái Sulaimán kí díndarí se barí thí, kyúñkí kabhi wargaláyá na gayá. Us kí bardasht, Aiyúb kí bardásht se barhkar thí, kyúñkí wuh kabhi nahín kurkuráyá. Paulús bahut hí mihnati aur phurtíla, aur Khuda kí khidmat karne men sargam thá, magar in báton men Yisu Nasrí se sabqat le gayá. Dekho, kí wuh kaisí dílerí se apní maut ke milne ko játá hai. Akhíri dafa jab Yarúsalam kí taraf apne rsúlon ke sáth chalá játá tha, to jántá thá, aur apne sáthíon se kah bhí saktá thá, kí main ján dene ko játá hún. To kyá zarúr thá, kí wuh wahán jae, yá rahe? Kyá zarúr thá, kí rát ko bag 1 Gatsamane men jae? Kyá zarúr tha, kí apne ko piyádon ke háth men de dewe? Phir jab us ká muqaddama barí be-insáfi aur be-ta'atí ke sáth kíya játá thá, aur jab ná-haqq us kí be-adabí aur be-izzatí kí játí thí, to kaisí áli-muzájí o taskín o sabr ke sáth mukhálifon ke bích men khará rahtá hai? Apní khauf-nák hálát ko bhúlkai kaisí dardmandí se pukártá hai. kí "Ai Yarúsalam kí betí, mere liye na roo, apne liye roo: balkí Romí o Yadúdí qátílon ke liye Duá karta hai, kí 'Ai Báp, is gunáh ko un ke zimme na laga, kyúñkí wuh nahín jánte kí kyá karte hain!" Wuh táib dáku ko apne dukhon ke bích muaf kartá, aur apní man kí parwarish ke liye handobast kartá hai. In sab ke píchhe, wuh apní taklíf ko yád karke pukártá hai, kí "Main pyásá hún."

3. Sab se bará farq jo Yisú' ke jsmání ahwál men aur dígar ádmíon ke ahwál men nazar áti hai, so us kí be-gunáhí hai. Bare bare ímándáron men koí na koí aib páyá gayá, par wuh bilkul be-qusúr batáyá játá hai. Zindagí bhar wuh Khudá ká Quddús nazar áta hai. Anájil men us ká yún bayán hai, kí ap masúmiyat ká dawa kartá thá. "Hain main hún." "Tum men kaun mujh par gunáh sábit kartá hai?" Aur na sirf daw

kartá thá, balki us ká sárá kám o kalám is bát men us kí shahádat detá hai. Gaur ká maqam hai, ki us ke dost aur us ke dushman, is gawáhi men eksi bát kahte hain. Patras, jo barson tak us ká rafiq thá, use be-ajib aur be-jurm batátá hai. "Us ne gunáh na kiyá, aur na us ke munh se koí makr kí bát niklí," Pilátus aur Herodís ke áge us ká muqaddama kiyá gayá, aur donon ne use be-jurm páyá. Jab wuh maqtúl bhí huá, tab hákim ne us ká vih qusúr-námá likhá, "Yih Yahúdiyon ká Bádsháh hai." Bechárá Iskaryúti bhí use be-gunáh samajhkar bolá, 'Main ne gunáh kiyá, ki be-qusúr ko qatl ke liye pakarwáyá." Is shahadat men Anájil aur Rasúli khatút milte hain, ki Yísú "Pák aur be-riyá aur be-dág thá, ki wuh gunahgáron se juda aur ásmánon se buland kiyá gayá thá." Aur sochiye ki wuh niháyat hí sachchá, aur har qism kí dagá se nafrat karnewálá thá, taubhí us men tauba ká zará sá nishán bhí dikhái nahín detá hai, agarchi ham men tauba ek zarúri bát jántá thá, taubhí apne liye wuh tauba kí zarúrat mah-sús na kartá thá. Dua to wuh bahut hí kartá thá, magar apne kisi qusúr kí muáfí ke liye us ne kabhí duá na kí. Yih kaisá ajíb shakhs hai! Agar yih haqíqí shakhs na hotá: agar yih kisi Yahúdí ká naqlí bayán hotá, to yih bát samajh se báhar hotí, kyúнки Yahúdí sáre insánon ko gunahgár jánte the. Donon Ahdnámon ke musannif is bát men muttafiq-ur-ráe the, Purána Ahdnámá yún farmátá hai, ki "Koí insán zamín par aisá sáddiq nahín ki neki kare, aur khatá na kare," Nayá Ahdnámá bhí farmátá hai, ki "Sab ne gunáh kiyá, aur Khudá ke jalál se mahrúm hain." "Koí rást-báz nahín hai: ek bhí nahín." Pas jab Yísú kí be-ajib taswír khainchte hain, to záhir hai, ki yih unhín ke khyálat se nahín baní: yih taswír báhar se áí. Agar Yísú haqíqat men aisá na thá, to aisí taswír ke khinchne ke wáste un ko sámán kahán se milá? Be-gunáhi ká naqsha yá namúna kahán se á gayá. Injil ke musannif Yísú ko har hálát o haisiyat men bayán karte hain, jawání o siyánpan men, báhar o bhítar, shahr men o dihát men, bhír ke bích o bayábán men, talim dete

hue, aur karámát karte hue us ká zikr kiyá játá hai; magar koí qusúr nazar nahín áttá hai. Sab a'lmí gunáh karte hain, yih ádmí kyún nahín kartá hai? Ádmí ázmáish men dále játe, thokar-ñ kháte, wargaláye játe, udás nirás ho játe, bahut sababon se khatá karte hain, to yih sídhá rástí kí ráh men kyún áge b'ráhtá játá hai? Bhíñ us ke pás Hoshanna chilláttí hai, aur wuh kuchh phúlta nahín. Buzurg aur káhin us ki ján ke khiláf bandish bándhte hain, par wuh maná'í karne se báz nahín áttá hai. Yih ek lásání shakhs hai !

4. Ham Yísú kí asálat ko aur tarah se dekh sakte hain. Dunyá men bare bare faísúf hue, jinhon ne bare bare ilm kí baten o rasúmát kí ijád kí hai. Bare bare ustád bhí hue, jinhon ne shágirdon kí barí garohen apne pás faráham kíñ. Bare tapaswi hue hain, jinhon ne dunyá kí sárí khushion ko náchiz jáná. lekin Masíh in men se ek kí bhí mánind ná thá. Us kí zindagi ámm zindagi thí, aur taubhí lásáuí thí. Wuh bará mihnati shakhs thá, taubhí kabhí us men be-chainí yá jumbish yá hairání nazar na áí. Us ne kabhí kuchh shor o gul se nahín kiyá, Us kí zindagi kháss tarah kí khud-inkárí kí zindagi thí. Jo kuchh boltá, jo kuchh sochtá, jo kuchh kartá thá, sab men do hí khwábishen yane Khudá ká jalál, yá insán ká fáida, nazar áttí thín.

5. Masíh ke mizáj ko dekho, ki wuh kaisá ibádatí thá. Injilon se záhir hai, ki us ká dastúr yih thá, ki bahut waqt, khásskar rát ko, jab din kí saḡht mihnát se fárig hotá to duá men sarf kartá thá, aur yih bhí, ki kháná kháte waqt wuh shukriya áda kartá thá, Sabt ke din wuh bandagí ke waqt ibádatkháne men jáyá kartá thá. Kháss kháss kámon ke waqt wuh bare bharose ke sáth apne Báp ke nám ko pukará kartá thá, maslan Lázar kí qabr par, aur bág men aur salíb par. Wuh khilqat kí sárí khúbíon ko Báp kí baḡshish, aur Báp kí mihrbání ke nishánát batátá hai. Us kí farotaní ko ham is men dekhte hain, ki us ne ap apne shágirdon ke páñw dhoe, aur jab wuh log ápas men jhagrá karte the, ki ham men bará kaun hai, to us ko

yih bit bahut hí ná-pasand thí. Us kí mihrbáñí hahut báton men nazar átí hai; Jab wuh bachchon par barí shafaqat kartá thá, aur jab Us ke ánsú Us ke dost kí qabr par gire aur us mátam men, jab us ke watan kí ánewálí halákat ke sabab se Us ne mátam kiyá. Sirf wuhí mihrbán ustád, jo insán kí haqíqí bihtarí ká bahut hí khwábishmand ho, aisi tamsílen kah saktá thá jaisí chand jinhen Yisú' ne kahin, maslan Nek Sámarí kí, aur Farísí o Mahsúl lenewále kí, Ná-shukrguzár, Naukar kí Tamsíl. Phir us kí narmí o malaimát us waqt kaisí sáf záhir hotí hai, jab un shágirdon ko malámat kartá hai, jo Sámarí gánw ke logon kí badsulúkí par ág barsáná cháhte the. Phir us waqt bhí jab wuh Pilátus ke sáth báton kartá thá, aur jab us ne apne qátilon ke wáste duá kí.

6. Masíh kámil qudrat rakhtá thá, aur agar cháhtá to barí zabardastí ke sáth chhóte bare se sulúk kar saktá thá, taubhí us kí chál men kámil dúr andeshí aur hoshiyárí nazar átí hai. Sarkárí báton men dakhil dene se wuh bilkull parhez kartá thá. Wuh apní qaum men díní isláh kiyá cháhtá thá, magar is tarah se ki mulk ko hákimon ko taklíf na ho, Mat. 12: 19. Wuh hákimon ke iḡhtiyár ko chhínkar apná nahín baná letá thá. Jab kisi ne cháhá ki wuh ek mírás ko bánt de, tab us ne inkár kiyá. Jab ek aurat par zinákárí kí nálish kí gai, us ne is bát ká faisla na kiyá. Jab us kí manádí se shor barpá ho játá thá, tab wuh wahán se rawána ho játá thá. Jab wuh hazáron log jo rotí se ásúda kiye gaye, use bádsháh banána cháhte the, tab wuh un se juda ho gayá. Jab log cháhte the, ki wuh Romí ráj, aur mahsúl dene ke khiláf, kuchh kahe, tab us ne aisá na kiyá.

7. Phir Masíh kí talímon par gaur karo ki un men kaisí umdagí páí játí hai! Záhiran wuh na falsafa, na shíríní, na balágat, na fasáhat ká pairau hai, taubhí us kí sídhí sádí ibárat ajíb tarah se hamáre dilon ko giriftár kar letí hai. Us kí tashbihen émm aur roz-marra kí báton se nikálí gai hai, taubhí har ek parhnewále ko fareftá kartí hai. Bahuton ne cháhá, ki aisi

bansílen banáwen, jáisi us ke munh se nikaltí thin : magar kis ko kámyábí milí? Sháyad sab se ajíb k̄hássiyat Masíh kí manádí men yih thí, ki wuh apní manádí kartá hai. Agar kisi shakhs men io mahz insán thá, yih k̄hássiyat páí játí, to ham is ko aib samajhte, kyúñki báton men aur haqíqat men bará farq zarúr páyá játá: lekin Yisú' jáisá k̄htá, waisá kartá bhí hai. Us ne hamári insániyat kí burí hálát batáí, aur tab iláj yih batáyá. " Mujh par imán láo, tab tum apne jón men áram páoge." Hamesha yád rahe, ki jo Masíhí mazhab kí manádí kartá hai, Masíh kí manádí kartá hai. Masíhí mazhab ko qabúl karná, Masíh ko qabúl karná hai. Masíh ká munkir, dín ká munkir hai. Masíh apne táin darmiyání kí haisiyat men pesh kartá hai. Wuh síkhátá hai, ki agar kahín insán apne gunáhon kí wájib sazá ko apne úpar útháwe to zarúr halák hogá. Is liye Yisú' us sazá ke bojh ko apne úpar úthátá hai, táki jitne ádmí us par imán láwen, naját hásil karen, aur táki us ká kaffára qímatí aur káfi malúm ho, wuh apne táin K̄hudá ká Betá sábit kartá hai. Injíl se záhír hai ki us ne apne ko dunyá ká bojh-bardár aur Naját-dihinda batáyá, aur ki us ke shágird is talím ko qabúl karte, aur síkháte the, Wuh insán ke bích men is liye áke mujassam huá, táki us lanat ko jo gunáh ke báis insán par áyá thá, dúr kar dewe.

8. Yih talím dunyá kí qadím talímon se kahín afzal thí, kyúñki us se do umda natáj paidá hue. Gunáh kí k̄harábí aur us ká k̄hatrá, aur K̄hudá ke fazl kí bahutáyat ziyáda mahsús kí gúí hai. Dunyá kí mazhabí tadbíron se gunáh náchiz thahráyá játá thá. Agar gunáh tanba karne yá zakát dene se muáf kíya játá hai, yá Gangá men naháne se dhoyá játá hai, to halkí shai hogí. Lekin koí salíb par gaur karke us kí hiqárat nahín kar sakegá. Is ke k̄hiláf bahut ustád yih síkháte the, ki jab gunáh bahut ziyáda aur bhárí ho jáe, to us kí muáfí hargiz kisi tarah se kí nahín jáegí, aur yún wuh bare gunahgár ko ná-ummed kar dete the, Lekin Masíh kí talím yih hai, ki K̄hudá ká

fazl aísá be-hadd hai, ki sab se baré khatákár ke liye bhí ummed ho saktí hai, basharte ki wuh Masíh ke zariye riháí dhúndhe. Pas insán ke dil men yih nayá khiyál paidá huá, ki ásmán men hamará ek ulfatí Báp hai, jo bahut cháhtá hai kí insán bach jáe, aur us ke bacháne ke wáste tadbír bhí kartá hai. Dunyá ká tajriba yih huá hai, ki Masíh i Maslúb men ek barí kashish hai, jis se dunyá men gunáh kí taraf nafrat, aur Báp kí taraf muhabbat, bahut barh játí hai. Ek aur bát men Masíh kí nasíhat azím thí. Insán ke dil men ruháníyat kí bhúkh hai. Us ki rúh kisé qadr Kḥudá kí suhbat o yagánagat cháhtí hai. Pas sab qaumon men ibádat o bandagí kí tadbíren kí játí hain. Insán apní ánkhen ásmán kí taraf uṭhátá hai. Is shauq ke sabab se dunyá ke ustád cháhte the ki Kḥudá ko ásmán se utár dewen, táki insán us se bárchít karsake. Do tabíren kí gáín . baz ádmí jo buzurg aur qádir the deote samjhe gaye, aur awámm un kí parastish karne lage. Jab yih bát káfi na huí, tab bahut se deví deote ijád kiye gaye, aur múraton aur súraton kí pújá har kahín phailne lagi. Masíh ke mujassam hone men bihtar tadbír kí gáí hai, jis se Kḥudá ká khiyál giráyá nahín játá, aur ná kíchar men ghasítá játá hai, magar jis se Kḥudá kí zát o sífát raushan ho játí hai, aur wuh hál paidá hotá hai, jis men insán ke bích men Kḥudá paidá ho saktá hai. Hán Yísú kí bahutsí talímen aisi hain, jo donon jahán men insán ke wáste bahut hí mufid hain. (a) Maslan har waqt Kḥudá par púrā bharosá rakhne ke báre men us ne farmáyá, ki “Apní ján ká fikr na karná, ki kyá kháenge, yá kyá píenge, na apne badan ká ki kyá pūhinenge? Hawá ke parandon ko dekho, ki na bote hain, na kátte, na kothíon men jama karte hain, taubhí tumhárá Ásmání Báp un ko khilátá hai,” Mat, 6: 25-26. (b) Phir bahut hí zarúr hai, ki hamárá ibádat sachchí aur dil se ho. “Wuh waqt átá hai, balki ab hí hai ki sachche parastár Báp kí parastish rúh aur sachchái se karenge : kyúnci Báp apne liye aise hí parastár dhúndhtá hai,” Yúh. 4: 23.

9. (c) Phir us ne yih talīm dī, kī gunāh na sirf bad kām hī men hai, balki us bure soch, aur burī niyat men hai, kī jis se wuh paidā hotā hai. Zinākārī us burī nigāh men bhī paī jāti, jo us se pahle hai, aur na sirf wuhī khūnī hai, jo khūn bahatā hu, magar wuh bhī jo apne dil men adawat ko pālta hai, Mat. 5: 21-27, (d) Phir farmāya, kī badan kī burī adaton ko mārñā nihayat hī zarūr hai. “Agar terī dahinī ānkh tujhe thokar khilāe, to use nikālkar apne pas se phenk de. kyūnki tere liye yihī bihtar hu, kī tere aza men se ek jatā rahe, aur terā sāīā badan jan anam men na dala jāe,” Mat. 5: 29. (e) Ek dūsre ke qusūron ko bar bar muāf kárnā, bahut hī mubārak kām hai. “Agar tera bhāī ek din men sāt dafa terā gunāh kare, aur saton dafa tere pās phir akar kahe, Tauba kartā hūn, to use muaf kar,” Lūq 17: 4. (f) Phir farmāya, kī mubārak wuh hai, jo har hāl men, aur jān dene tak, dīndārī kī parawī kartā, aur kisī rok se nahīn rukta hai, aur nādan wuh hai, jo kisī jismānī lazzat par dil lagāke apne Najāt-dihinda se phir jāta hai. “Agar koī mere pās ae, aur apne bāp aur mān, aur bīwī aur bachchon, balki apnī jān se bhī dushmanī na kare, to merā shāgird nahīn ho saktā. Jo koī apnī salīb na uthāe, aur mere piche na āe, wuh mera shāgird nahīn ho saktā,” Lūq 14: 26-27. (g) Us ne hamen yih bhī yād dilāī, kī hamārī zindagī kā kuchh thikānā nahīn hai, aur koī ham men se yih nahīn jānta, kī Mālīk hamen hisab dene ko kab bulāega, “Pas jāgte raho. kyūnki tum nahīn jānte kī ghar ka mālīk kab āegā; shāun ko yā ādhī rāt ko, yā murg ke bāng dete waqt, yā subh ko, aisā na ho kī achānuk ākar wuh tum ko sotā pāe,” Mār. 13: 35-36. (h) Phir hamāre āpas ke sulūk ke bāre men yih kyāhi umda qānūn hai, kī “Jo kuchh tum chāhte ho kī aur log tum se karen, tum un se aisā hī karo.” Aur beshumār aisī muḥfīd nasīhaten us ke munh se niklīn. Agar log har waqt aisī hidāyaton ke mutābiq chalte, to sochiye kī dunyā kī kaisī hālat hotī!

10. Yih bhī gaur ke lāiq bāt hai, kī agar ham

máney ki Yisú‘ mahz insán thá, to suwál lázim átá hai ki wuh kyúnkar aur insán se, aur khásskar apne zamáne aur mulk ke ádmion se, itná farq rakhtá hai? Agar ham us ko sirf ek Yahúdí rabbi yá nabí samjhen to us kí sífát aur khiyálát bilkull aur qism ke kyún thaharte hain? Yisú‘ zábiri tarah se Yahúdí thá, aur us waqt ke Yahúdí taassub se bhare the; sochte the, ki Khudá ká fazl hamári qaum ke wáste hai, aur ki jab koí ajnabí naját páná cháhtá hai, to zarúr hai, ki pahle Yahúdí ban jáe. Magar Yisú‘ ke mizáj men taassub na thá. Wuh síkhátá thá ki Khudá kí nigáh dunyá par hai, aur us kí buláhat har ek bashar ke liye hai. Nek Sámari kí tamsíl ká kháss matlab yih hai ki barádaráná ulfat o mihrbání kisi qism kí haddion se mahdud nahín hai. Sámari kí neki is bát men thí, ki na púchhtá thá ki yih bechára kis qaum o zát ká hai? Sirf use zakhmí o mára kútá dekhkar us kí madad kí. Yisú‘ ká ek kalám us ke bahut se sunnewálon ko bahut hí ná-pasand huá hogá. “Main tum se kahtá hún, ki bahutere Púrab aur Paccchhim se ákar Ibráhim aur Izháq aur Yákúb ke sáth ásmán kí bádsháhat kí ziyáfat men sharík hongé; magar bádsháh ke beté báhar andhere men dále jáenge; wahán roná aur dánton ká písná hogá,” Mat. 8: 11-12.

11. Yahúdí mazhab men rasúm ká mánná barí bát samjhi játi thí, aur aise mazhabon men hamesha yih khatrá rahtá hai, ki rasm-parastí barhe, aur rástí o insáf o neki se ziyáda log kisi qánún par libáz karen. Chúnánci us waqt ke Yahúdion men yihí mailán o jhukáo nazar átá thá. Wuh qánúnon ko aisa barháte the, ki un ko bátíl kar dete the. Wuh Sabt ko yahán tak mánte the, ki us bhúkhe shakhs ko, jo báthon men bálen mal malkar gehún ko khátá thá, gunahgár thahrá dete the. Wuh dahyáki dene men yahán tak sargarm the, ki podíne aur souf aur zíre par dahyaki lagá dete the, aur shariát kí ziyáda bhári báton, yane insáf aur rahm aur ímán ko chhor dete the. Yisú‘ kí talím dúsrí qism ki thí. Wuh bhári báton ko bhári, aur halkí báton ko halkí, batátá thá, Wuh na Sabt na dahyáki

ki hiqárat kartá thá, lekin aisi báton ko un ká thík thík darjá detá thá. Auwal bát ko, yane Khudá ko sárfi samajh o táqat se, sáre dil o ján se pyár karná us ká auwal darjá detá thá. Jab Masih ne apni kalí ya ko dunyá men qáim kiyá, to wuh aisi thí, jis men rasúmat par bahut kam zor diyá játá thá, agar Khudá kí sitáish o khidmat karen, aur bháiyon kí bhalái dhúndhní, bare faráiz batáye játe the. Yane us ke ek shágird ne Yisú' kí talím ká khulásá yún batáyá, ki "Khudá ká wuh fazl záhir huá hai, jo sáre ádmíyon kí naját ká báis hai, aur hamen tarbíyat detá hai, táki be-díní aur dunyawí kwáhhishon ká inkár karke is maujúda jahán men parhezgárfi, aur rástbázi aur dándárfi ke sáth zindagí guzáren," Tit. 2: 11-12. Insán ká dil bahut cháhtá hai, ki maut ke pár kí báton kí nisbat suwál kare, maslan ki Ásmán kahán hai? aur kaisi jagah hai? Hamáre áziz jo áge kúch kar gaye hain, kahán hain? aur un kí kaisi hálát hai? Aur dígar mazhabon men in sawálon ke bahut se jawáb diye játe hain, Lekin Yisú' sirf dúsrí zindagí ke do ek suwálon ká jo zarúrfi báton ke haqq men the, jawáb detá hai. Us ne samjhá ki jab tak ham ap pár na chalen, tab tak bahut báton par parda dálná bihtar hai. Us ne sáf batáyá, ki maut ke bad insán jíegá, aur ki us ke wáste sazá aur jazá muqarrar hain, aur bahut sí sáf tashbíhen deke síkháyá, ki Khudá ke ímándáron ke wáste barí mubáarak hálát taiyár hai, aur khatákáron aur bágíon ke wáste khaufnák taklif taiyár hai. Us ne yih bhí kahá, kí Ásmán men hamará rahná khándání taur par nahín, balkí firishton ká sá hogá. Lekin jab kisi ne us se púchhá, ki "Ai Khudáwand, kyá naját pánewále thore hain,"? to us ne kaisá 'umda jawáb diyá! "Jánfishání karo, ki tang darwáze se dákhil ho; kyúñki main tum se kahtá hún, kí bahutere dákhil hone kí koshish karenge aur na ho sakenge." Lúq. 13: 24.

12. Ek aur bát sochne ke láiq hai, ki Yisú' ne Ulúhiyat ká izhár nayi tarah se kiyá. Aur ustádon ne Khudá ke Kháliq o Málik hone par ziyáda zor diyá, magar Yisú' is bát par zor detá hai, ki wuh hamará

Asmání Báp hai. Hān bahut Romí aur Yúnání ustād Zeus ko Báp kahte the, lekin un ke liye yih sirf izzat o tazīm ká laqab thá, par Yisú' ká matlab dúsrá hí thá, yāne wuh jis ká dil pidāinā ulfat se bharpūr hai, jo har tarah se insān ke sáth hamdard hai, aur us ko púri sarfarází, aur barakat-bakhsh huqúq diyá cháh tá hai. Wuh cháh tá hai, ki ham donon jahān men us ke haqíqí farzand banen, aur is liye apní ruhání ibnīyat hamen diyá cháh tá hai. Aur ustād Khudá kí hukúmat o ādālat kí nisbat sikhāte the, magar Yisú' us kí rahmat o ulfat kí nisbat ziyāda sikhátá hai. Phir us kí naját páne ki tadbír bhí dúsrí hai. Admí salīb ke kaffāre se kharída jātá, aur Ruh ul Quds se nayí paidāish pátá aur tauba o ímán hásil kartá, aur Báp se rástbāz thahráyá jātá hai. Muft rástbāz, o muft maqbúliyat, un ko jo Masíh ke pairau hain, bakhshí jātí hai. Phir Yisú' kí talímen na sirf kisi qadr nayí thin, magar wuh naye taur se unhen sikhátá thá. Sunnewále taajjub karte the. Wuh kahne lage ki "Insān ne kabhí aísá kalām nahín kiyá," Phir lkhá hai, ki "Log us kí talím se hairán hue, kyúnci un ko faqíhon kí tarah nahín, balki sáhib i ikhtiyár kí tarah, talím detá thá," Márq. 1: 22. Aur hān, har ek ilm men ikhtiyár, se bolnewálá wuh hogá, jo us ilm ko khúb jántá hai. Wuhí sunne ke láiq hogá.

13. Masíh kí talím is bát men bhí lásání thí ki us ne apní maut kí barí qudrat batái. Main marne se bahut kuchh karúngá. Gautama Buddha aur Kanfutsí aur Muhammad jíte jí bahut kuchh kar gaye, Jab tak wuh zinda rahe, dunyá men un kí tásír phailí, aur jab mar gaye, tab log un ke kām o kalām ko bahut yád karte rahe. Magar Yisú' batátá thá, ki merí zindagí kí tásír bad ko ziyāda hogí, aur us tásír men merí maut ká bará hissá hogá. Us ne is maut ko apne mujassam hone ká ek maqsad batáyá, "Ibn i Adam is liye áyá, ki apní ján bahuteron ke badle fidye men de." Naját kí tadbír men us kí maut zarúrí wasílá thá, "Zarúr hai, ki Ibn i Adam bhí únche par chahráyá jae," Yuh. 3: 14. Us ká khún gunáh ká kaffāra thahráyá

Gayá. "Ahd ká mera khún bahuteron ke liye gunáhon kí muáfi ke waste bahavá jatá hai," Mat. 26 28 Yún wuh apní maut kí bahut si tashbíhen dekar, us ká zor zahír kartá thá. Pital ka sánp yihí hai, us ke úpar utháe jáne se qaumen khenchí jaengín. Achchha bíf yihí hai, jo zamín men boya jáne aur wahan mai jáne se jahan ko faida bakhshega. Us ká khún nayá ahd ká piyála hai. Is zillat ke utháne ke badle Bap us ko barí sarfarází bakhshega, aur us ko aisa nám degá, jo sab namon men azím hogá.

14 Phir sochiye ki Yisú' ajíb tarah se ab ádmion ko bhái samjhta thá, har ek qum aur firqe aur ahl-i-zubán ko pyar kartá thá. Us kí barí khwáhish yihí thí, kí sabhon ko ek sath ek aúf ruhání shorakat men jama kare, jise aksar ásmán kí badsháhat kahtá thá. Jab shagirdon ko shahadat dene ko bhejá, tab kaha, kí sárfi qumon ko shágird karo. Hán hukm to diyá, kí Yarúsalam aur Yahúdiya men shuru karo, magar yihí bhí kaha, kí dunya bhar men manadí kí jae. Wuh sab aqsám ke logon ko, sháista aur wahshí kále aur gore, amír aur garíb buddhe aur jawán, Barbarí aur Sqúti, gulam aur azad ko apní nayi badsháhat men jagah diyá chahtá hai aur badsháhat ke fawáid aur haqúq bare aur chhote ko baabari diyá chahtá hai. Yisú' kí nazari men dunyá khet hai aur hukm detá thá, kí duá karo, kí bahut ziyáda kátnewale us men bheje jáen, Ámm logon par yihí ulfat dikhána, sab qaumon par karná, fazl us zamane men ajíb bat málúm detí thí. Yahúdí aise khiyal se khush nahín the. Wuh aur qaumon ko gan qaum kahte the. Jab bazár se áte the, tab naháte the, is khauf se kí sháyad main ne kisi nápak ajnabí ko chhú liyá ho. Yúnaní log apne ilm o hikmat par bahut phúlkar aur insánon ko náchíz jánte the. Romí sochte the, kí hamárfi qaum álamgír hai, kyúnkí hamárfi Shariat thik hai, aur hamára mulkí intizám mufid hai, aur hamárfi dánáfi aur bahádurí aisi zabardast hai, kí dígar qaumen hamáre áge kharí nahín ho saktín. Magar koi is bát ko pasand nahín kartá thá, kí sab ádmí ek báp kí nasl, aur ek दूसरे के

bhái hai, aur kī wājib hai, kī harek sab दूसरों को pyār kare. To yih dīhātī larkā, jis ne Galīl ke pahārōḥ ke bīch mein apnī tarbiyat pāyī, aur jis ne na kabhī Rom na Athenī na Kurinthus ko dekhā, us ne aise wasī k̄hiyāl kahān se pāye? Wuh kis tarah aisī haqiqat se wāqif huā, jis tak na Athenī ke failsūf, na Yarūsalam ke Rabbī pahunch sake.

15. Yih bhī Yisū' kī talīm mein ajīb bāt thī, kī wuh ek nayī qism kī Kalisiyā ko dunyā mein qāim kiyā chāhtā hai, wuh ek ruhānī 'imārat ko jahān mein tāmīr kiyā chāhtā hai, jis kī diwār mein imāndār patthar kī mānind lage hue hai, lekin is pāk Haikal mein wuh k̄hud kone kā sirā hai. Us kā sab kuchh us par mabnī hai. Admī apnī kuchh tāqat yā liyāqat se nahīn, magar Masih par takyā karne se, aur us kī pairawī se, us kalisiyā mein sharīk kiye jāte hai. Aur najāt pāne kī rāh ke haqq mein, us kī ajīb farmāish yih hai kī wuhī bachegā jo merā haqīqī shāgird ban jātā hai: wuhī ruhānī imārat qāim rahegī, jis ke kone kā sirā main hūn: wuh badan zinda rahegā, jis kā sir main hūn, tāk kā darakht main hūn, aur jo dālī us mein qāim rahe us mein phal ke guchhe lagenge.

Phir wuh wasāil kaise ajīb the, kī jin se Yisū' apnī bādshāhat ko dunyā ke bīch mein qāim kiyā chāhtā thā. Ap qādir thā, kī insān ke dil ko phnāwe, lekin us kī marzī na thī, kī kisī qism kī zibardastī kare. Na wuh chāhtā thā, kī ilm ke zor se, na barī shīrīngoi, aur balāgat o fasāhat ke zor se un par galba hāsīl kare. Wuh na admī ko phuslātā thā, na barī barī dalīlon ko lā lākar us kī aql ko dabātā thā. Us kī larāī ke hathyār jismanī nahīn the. Wuh muhabbat hī ke zarīye se mukhālifat kī dīwāron ko dhā detā hai. Wuh pyār ke hathyār ko pasand kartā hai, kyūnki wuh dushmani jo dāntne se aur bhī tund ho jātī hai, wuh dil jo zibardasti se aur bhī sangīn ho jātā hai, muhabbat kī āg se mom ho jātā hai. Pas us ke takht kī bunyād muhabbat hai. Wuh apnī sārī k̄hidmat mein insān kī taraf muhabbat zāhir kartā thā, aur kitnā ziyāda, jab un kī jānon ke badle mein us ne

apní jan dí. "Kisí rastbáz ki khatir bhí mushkil se koí apní jan degá. Lekin Khudá apní muhabbat ki khubí ham par yún zahir kartá hai, ki jab ham gunahgár hí the, to Masih hamari khatir múá' Rom. 5: 7-8.

16. Farz karo, ki koí kahe, ki Yisú' ka ahwál jaisá char Anájíl men marqúm hai, balkull naqlí ahwál hai, aur ki aisá shakhs kabhí dunyá men jítá na thá. Hain main jantá hún, ki álm jo Tawárikhí kitábon se aur ab kí qaumon kí halat se, wáqif hain, hargiz aisá gumán na karenge. Lekin farz karo, ki koí kahe, ki "Main Injíl ko qabúl nahín kar saktá hún, kyúnci Yisú' kí taswír jo khinchí gayí hai, mahz khiyalí taswír hai, koí aisá shakhs kabhí Baitlaham men paidá na huá, na Galíl men us ne muajize dikháe, na gunahgáron ke waste us ne apní jan ko kaffáre men diyá. Málm hotá hai, ki aisá íatiráz karnewále ne is khiyal ke mushkilát par hargiz nahín sochá hai. Masih ke ahwál ká mahz khiyalí aur naqlí honá, anhoí bat hai. Insán biná haqiqat ke us kí taswír ko, jaisí Injíl men khinchí hui hai, hargiz khinch nahín saktá. Chand baton ko yád karná chahiye (1) Yih ek kámil ádmí kí taswír hai. Ham mánte hain, ki káí ek musannifon ne koshish kí hai, ki kámil, be-áb, rast o pák shakhs ká ahwál likhen. Magar álm mánenge, ki un tasnífát men, aur Injíl ke ahwál men ásmán zamín ká farq hai. Un musannifon ke waste mushkil yih thí ki unhon ne kisí mulk men aise ádmí ko nahín dekhá, aur na kisí dústre ne dekhá thá, jo us kí khúbíon ko batá sake. So unhen balkull apní aql ke zor se hí is kám ko karná pará.

17. (2) Phir kaun aisi taswír ko khinch saktá hai, jo bahut aqsám ke logon ko pasandída ho? Kamál kí sífát kí misbat log muttafiq-ur-ráe nahín hain. Agar kisí Bráhman se yá kisí Muhammadí se púchho, ki farz karo ki koí balkull rast o pák o hardilázíz o azím shakhs dunyá men hotá, to kaisá hotá? To sirf ek hí jawáb tum ko na milegá. Hindustánwálá ek jawáb degá, aur Inglístánwálá dúsrá jawáb degá; sháista

log aur, aur garīb log aur jawāb denge; jawān aur, aur buddhe aur jawāb denge. Na sirf yih, lekin un agle dinon men, jab āmad o raft bahut kam thī, aur dūsri qaumon ke k̥hiyālāt kī wāqifiyat bahut kam hotī thī, tab dūr dūr ke logon men samajh kā farq bahut ziyāda huā hogā. Tab wuh bāt jo Sūriya men k̥hūbī samjhi jāti thī. Kurinthus men shāyad aisī na samjhi jāe; wuh jis ko Misrī pasand karte the, shāyad Romī nā-pasand karte. Bābulwāle aur kuchh sochte, aur Fīnīkī aur kuchh sochte. To ham pūchhte haiṅ ki wuh dihātī Yahūdī log kis hikmat o dānāī se aise naqlī ahwāl ko likh sakte, jo dūr dūr mulkon men yahān tak pasandida o maqbūl pāyā gayā hai? Na sirf yih, lekin Masīh kā ahwāl qadīm aiyām men tasnīf kiya gayā, jin men jahān kā hāl aur thā, aur bahut bāton ke haqq men logon ke k̥hiyālāt aur qism ke the. In unnīs sadiyon men bāz bāton men taraqqī hui; Bahut bāton men tabdiliān wāqī huiṅ. Bāz bāton kī tarīf un dinon men kī jāti thī jin kī tarīf ham āj kal nahīn karte haiṅ, aur un aiyām men bāz sifāt kī hiqārat kī jāti thī, jinhen ham āj kal k̥hūbīān samajhte haiṅ. To sochiye ki is shakhs kā ahwāl, agar haqīqat men wuh kabhī Galīl men nahīn phirā kartā thā, to kyūnkar aisā tasnīf huā, ki har ek zamāne ke sab se dānā aur ālim aur samajhdār log use pasandida o jalīl-ul-qadr o lāiq samajhte rahe haiṅ. Agar un dihātī logon ne is umda shakhs ko mahz apne dimāg se paidā kiya, to unhon ne bahut hī ājīb kām kiya. Hamāre k̥hiyāl men yih Injīl ke bayān kī sachchāī kī pukhtā dalīl hai.

18. (3) Ek aise mahz naqlī o k̥hiyālī ahwāl ke paidā karne ke bayān ko qabūl karne men mushkil bāt yih hai, ki wuh ek hī musannif kī koshish se tasnīf nahīn kī gayī, kyūnki Yisū kā bayān, jo hamāre hāthon men āyā hai, so chāron Injīl, aur chand rasūlon ke khatūt se milā hai; to agar aisā makhlūt bayān k̥hiyālī ho, to us men nā-muwāfiqat zarūr pāyī jāegī. Matī kā soch aur hotā, aur Yuhannā kā aur, aur Paulūs kā aur, aur Patras kā aur. Lekin Masīh ke bayān men aisī tafāwaton nahīn haiṅ, kyūnki unhon ne use

dekha, suna, aur us ke saath baton kin. Jab ek shakhs qissa banata hai to us ka gumana ek hota hai, aur wuh us ek ke mutabiq likhta, aur is tarah kisi qadr namuwa'iqat se bach sakti hai: lekin agar qissa chha sat admion ki banawat ho, to us mein talawat zarur hogi.

19. (4) Aise naqli bayan ka likhna is liye bhii ziyada mushkil hai, ki yeh ek zinda, chahta hua, kam karti hua, admi bayan karta jata hai. Yeh shakhs hazaron admon ke saath milta julta: shahr ganv, bazar mein hazaron baton karti hai: us ko kam ajib aur mutafariq hain. Dukh sukh us par ate, hain. Us ka doston aur dushmanon se milna hai, Nekon se aur badon se us ko baton karna parta hai. Wuh logon ko sikhati aur danti karti hai. Wuh shadi ke ghar mein hazir hai, aur marte hue ke palang ke pas kharat hota hai. Wuh sharon ko malumat karti, aur ronewalon ko tasalli deti hai. To socho, kya mumkin hai, ki chha sat admi milkar aise shakhs ka nasli ahwal apne khiyalat se likhen, aur ek dusre ki baton ko na katen? Hamare khiyal mein bat na-mumkin hai, balki wuh Yisu' Masih, jis ka isbara Yusuf aur Tacitus, Yahudi aur Romi muwarrikhon ne, aur Pliny Romi musannif ne karta, ek haqiqi shakhs tha, jaisa Niro Qaisar aur Sikandar i Azam haqiqi shakhs the. Us ke thore din bad us ke mazhab ke bare bare bidati aur munkir aur mukhalif uthe, jaise Celsus aur Parphyry, aur Julian, jis ka laqab Murtadd tha. To unhon ne kyun inkar na karta, ki koi Yisu' nabi tha? ki Rasulon ne jutha qissa sunaya? Agar wuh Yisu ki hasti ka inkar kar sakte, to bahut khush hote.

20. (5) Is bayan ke banawati hone mein ek aur mushkil darpesh hai. Farz karo, ki un rasulon mein koi shakhs nihayat danishmand hoke ek kamil insan ka bayan apne khiyal ke mutabiq likh sakti to ham kahte hain, ki wuh bayan bargiz Injili bayan ka sa na hota. Kyunki us zamane ki bahut si Yahudi bani hui tasnifat maujud hain, aur un se jana jata hai, ki do qism ke bayan un se paida ho sakte hain. Auwal

bayán men Masih Yahúdiyon ká Yahúdí hotá, ek Shariat-parast, ek taassubí Yahúdí, ek fathmand bahádur, jo qaum ko jismání rihái bakhshegá, ek shakhs jo Yahúdáh Makkábí se ziyáda qudratwálá; yá agar yih na ho to aisá be-fáida karámát dikhánewálá hotá, jaisá ki Talmud ke likhnewále aur Pafúliyat kí Injíl ke musannif, pasan karte the, lekin un se Yisú Násarí ká sá dilehasp ahwál, jo Injilon men marqúm hai, hargiz na mil saktá. Ek aur subút is bát ká yih hai, kí us kí bol chál men aisí báten hotí thín, jin ko wuh samajhte na the, yá un logon ko thík malúm na hotí thín. Maslan ek dafa us ne apná iráda batáyá, ki phir Baitaniya ko jáúngá. Magar jo us ke sharik the, use samjháthe the, ki “Ai Rabbí abhí to Yahúdí tujhe sangsar karná cháhte the, aur tú phir wahán játá hai? Yane un kí samajh men Yisú wuhí kartá thá, jo náwájib aur khatre kí bát hai, Ek dafa us kí máu shágirdon ke sáth ákar use ghar le jána cháhtí thí, kyúñki sochtí thí, ki wuh buzúrgon kí dushmaní ke sabab zarúr qatl kiyá jáegá. Ek dafa jab Yisú shágirdon se kahtá thá, ki zarúr hai, ki main maqtúl hone ke liye Yarúsalam men jáúñ. tab Patrus us ko alag le jákar, malámat karne lagá, ki “Ai Khudáwand, Khudá na kare; yih tujh par haigiz nahín hone ká!” Phir sochiye, ki Injíl ke cháron musannif agarchi Yisú ke umda kám o kalám ko apní kitáb men darj karte hain taubhí yih nahín batáthe, ki yih shakhs kámil aur be-aib aur gunáh se pák hai. Wuh sirf us kí sawáñih-umrí hamáre áge rakh dete hain, táki ham ap us ke haqq men faisala karen. Hán, bad ko auron ne us kí barí taríf likhí, lekin yih barái kí báten Injíl men kam páí játi hain. Patras ne apne khatt men farmáyá, ki “Na us ne gunáh kiyá, aur na us ke munh se koí makk kí bát niklí.” Ek aur shágird ne farmáyá, “Chunáñchi aisá hí sardár káhin hamáre láiq bhí thá, jo pák aur be-riyá aur be-dág ho aur gunahgáron se judá aur ásmánon se buland kiyá gayá ho.” Aur ham, Injilon ke ahwál par gaur karke kahte hain, Hán, aisá hí thá!

BAB III

MASIH KÍ TÁLÍM KÍ KHÁSSÍYATEN.

1. Jahán ká bará Ustád Yisú Masih hai. Jo kalám Nikudemus ne us ke kámon kí nisbat kahá, ham us kí nasihatón kí nisbat bhí kah sakte haiñ. "Tú Khudá kí taraf se ustád hokar áyá hai; kyúñki jo tálím tú detá hai, koí shakhs nahíñ de saktá, jab tak Khudá us ke sáth na ho," Yúh. 3 : 2. Us ke kám, aur us ke kalám bhí, us kí buzurgí aur jalál ko áshkára karte haiñ. Yaqínan yih "Báp ke iklaute ká jalál hai; fazl aur sachcháí se mamúr." Yah. 1 : 14. Injíl men is bát ke bahut se ishâre páye játe haiñ, kí jahán kahíñ wuh játá thá, na sirf us ke muajíze, balki us ke sikháne ká taríqa logon ke dilon par bará asar kartá thá. Log aisi nasihatén sunke pareshán kiye játe the, ámm log khushí se us kí sunte the," Mar. 12 : 37. "Bhír us kí tálím se hairán huí, kyúñki wuh un ke faqíhon kí tarah nahíñ, balki sáhib i ikhtiyár kí tarah unhen tálím detá thá," Mat. 7 : 28, 29. "Jab 'íd ke ádhe din guzar gaye, to Yisú haikal men jákar tálím dene lagá. Pas Yahúdíon ne taajjub karke kahá, kí is ko bagair parhe kyúñkar 'ilm á gayá?" Yúh. 7 : 14, 15. Aur sab ne us pár gawáhi dí, aur un pur-fazl báton par, jo us ke munh se nikaltí thín taajjub karte the, Lúq. 4 : 22. Aur aisá karná wájib thá, kyúñki us ká sikhána na sirf mazmún aur matlab men niháyat bhári thá balki taur taríqe men bhí lásání thá.

2. Masih ke sikháne men ek bát bahut gaur ke láiq hai, kí wuh tamsílon ko ziyádatar istíamál men látá thá. Yih nahíñ, kí is bát men Yisú ne nayá dastúr ijád kiyá; kyúñki púrabi qaumon men aisi tálím dene ká shauq kahíñ kahíñ páyá játá hai. Lekin Masih ke zamáne tak koí aise kámil taur se is qism kí tálím dene ko kám men nahíñ láyá, aur us ke bad saikron ne aisi tamsílon ke banáne men koshishen kín, lekin jab un kí banáwaten Masih kí umda umda tamsílon ke sáth muqábilá kí játi haiñ to aisi dekh partí haiñ, jaisi

jahán kī battlān sūraj ke sāmhnē. Aglab hai, ki jab Yisū pahle manādī karne lagā, to aur tarah se sunātā thā. Maslan Pahārī waz tamsīl ke bagair hai; aur ākhīrī dinon men jab barī sanjidagī ke sāth apne shāgirdon ko hidāyat detā thā, tab sāf bolne ko pasand kartā thā, aur Yūhannā is qism kī hidāyat ko ziyādatar apnī Injīl men darj kartā hai, jaise maslan wuh bhārī bhārī dars, jo Yarūsalam hī men sunāye gaye; magar Lūqā ko tamsīlwāle darason kā barā shauq thā. Masīh kī tīs tamsīlen, jin kā zikr ziyāda kiyā jātā hai, yih honge aur shāyad un ke sunāne ke waqt kā silsila bhī yūn hogā:—Bij Bonewāle kī, Karwe dānon, Rāī ke dāne, Khamīr, Chhipe hue khazāne, Beshqīmat motī, Machhliyon ke jāl, Be-rahm naukar, Angūrī bāg ke mazdūr, Admī ke do betē, Angūrī bāg ke thekedārōn, Shāhzāde kī shādī, Das kunwāriyon kī, Toron kī, Bīj ke ugne kī. Sāhukār ke do qarzdār, Nek Sāmārī, Adhī rāt ke dost kī. Nādān daulatmand, Bephal anjīr ke darakhṭ, Dāwat, Khoī huī bher, Khoe hue dirham, Khoe hue betē, Be-imān mukhtār, Daulatmand aur Lāzar, Nikamme naukaron, Be-insāf qāzī, Farīsī aur mahsūl lenewāle, aur Ashrāfī kī tamsīlen. Magar yād rahe, ki in tīs tamsīlon ke siwāe wuh bahut qism ke majāzī kalām aur amsāl ko apnī manādī ke kām men lātā thā: phir kabhī kabhī apne haqq men ek qism kā ālāmātī bayān (allegory) kartā thā, jaisā kahtā thā ki Nek chaupān, Zindagī kī Rotī main hūn: Zinda pānī, yā Angūr kā haqīqī darakhṭ main hūn.

3. Aur na sirf us ke talīm dene kā tarīqa bahut umdā thā, magar us kā kalām nihāyat pur-matlab thā. Kabhī kabhī us kī shirīn-goī sunnewālon ke dilon ko bilkull farefta kar detī thī, kyūnki us ke sāth barā iḥtiyār bhī hotā thā. Goyā us kī ulūhiyat us ke insānī alfāz kī na sirf khūbī dikhlātī balki zor bhī detī thī. Yih ajīb tāsīr, jo bhīr par kī jātī thī, ek wāqī se sāf zāhir hotī hai. Yisū 'Id men jākar, shahr men kalām sunātā thā; bhīr men jhagrā huā. Bāz log dars se bahut khush hue: bāz kahte the, ki Nahīn yih hamāre qadīm mazhab ke khilāf hai. Buzurgon ne is

ko achchhá mauqá jánkar, Yisú ko giriftár karne ke liye piyáde bheje. Piyáde Yisú pás gaye, aur us kí manádí sunke khálí háth laut áye. Buzurg is se khafa hue, bole tum use kyún na láe? “Piyádon ne jawáb diyá, ki Insán ne kabhí aisá kalám nahín kiyá,” Yúh. 7 : 46. Yih ajíb bayán malúm hotá hai! Jab buzurg log hukm dete hain, to jab tak hukm maná na jác, kabhí rází na honge. Phir Yisú un kí nazar men sirf ek ámm shakhs thá, ek dihátí shakhs, jis pás na uhda, na zor, na íkhtiyár thá; jis pás na ‘ilm ká, na mál ká, na ‘izzat ká zor thá; aur taubhí jab us ko jhagre ká barpá karnewálá jánte, giriftár nahín karte hain, aur kyún nahín karte hain? Kyúnki un ke piyáde use Mard i Khudá samajh ke, use pakarne nahín cháhte hain. Yih nahín ki bhír Yisú ko bachátí thí. Yih bhí nahín, ki Yisú us waqt koí muajiza kartá thá: sirf is liye ki us ke munh ke alfáz men lásání dánái malúm detí thí. Aur jo piyáde us waqt kahte the, ham bhí áj kahte hain, “Insán ne kabhí aisá kalám nahín kiyá” Qaríb do hazár baras aur bhí guzar gaye hain. Saikron álim aur dáná bolnewále dekhne men áye hain, magar un men kaun “Barhaí ke Bete” kí barábarí ká dawá kar saktá hai? Wuh ustád í lá misál hai!

4. Ek qábil i gaur bát yih bhí hai, ki Masíh kí taríf men bahut sí kháss gawáhián, jo dí gayí hain, us ke mukhálífon ke munh se niklín. (a) Kafarnáhum men ek nápák rúh, jo Yisú ko apná jání dushman jántí thí, pukártí thí ki “Ai Yisú Násarí, main tujhe jántí hún, ki tú kaun hai—Khudá ká Quddús hai,” Marq. 1 : 24. (b) Be-insáf hákim ne, jis ne use dushman ke háthon men sonp diyá; sonpte waqt gawáhi dekar kahá ki, “Main is rástbáz ke khún se barí hún, tum jáno,” aur is bát ko záhir karne ke liye, “pání lekar logon ke rúbarú apne háth dhoe,” Mat. 27, 24, (c) Pilátus kí bíwí ne shauhar pás yih kahlá bhejá, “Tú is rástbáz se káun na rakh.” (d) Yahúdáh ne, jo us ká pakarwánewálá thá, iqrár kiyá, ki “Main ne gunáh kiyá, ki bequsúr ko qatl ke liye pakarwáyá,” Mat. 27 : 4. (e) Romí subadár, jo maslúb karnewálon

ki nigahbānī kartā thā, gawāhī detā hai ki “Beshakk yih Khudā kā Betā thā,” yih sab shahādaten un kī haiṇ, jo use pyār na karte the.

5. Masīh kī manādī meṇ ek bahut gaur ke lāīq. bāt yih thī ki us ke mazāmīr bhārī aur pur-matlab hote the. Us se peshtar us kī mánind koī bolnewálā na thā ; aur jo us ke áge shirīngo aur zubāndān apne apne mulk meṇ samjhe játe the, āur qism kī báton ke haqq meṇ kalām karte the. Romion aur Yunánion meṇ khush-taqrīrī kī baṛī qadr kī játī thī, magar un ke fasīh aksar, kisī mulkī intízām, yā tawārīkhī mājare yā shakhsī wāqia kī nisbat bolte the. Wuh kisī nekokār kī baṛī tarīf, yā kisī badkār kī baṛī malāmat karte the. Lekin un kī taqrīren aksar is jahān kī báton kī nisbat thīṇ. Wuh is zindagī ke kisī qism ke dukh sukh kā bayān karte the. Wuh kisī qism ke jismānī fáida, yā kisī qism ke failsúfi k̥hiyāl, yā kisī qism kī jismānī bahs ko, jamāāt ke áge pesh karte the. Un ke k̥hiyālāt ziyádatar jismānī the, aur wuh jismānī bihtarī kī talāsh meṇ the. Masīh kī khush-taqrīrī āur qism kī thī. Wuh āur qism ke mazāmīn ko pesh kartā hai. Us ke k̥hiyālāt ásmānī haiṇ : Us ke nazdīk sonā chāndī kam-qímat, aur rástbāzī aur pákízagī besh-qímat chīzen haiṇ. Apnī manādī meṇ Masīh ziyádatar un bhārī suwálon ko kiyā chāhtā hai, jinheṇ insān kī rúh har zamāne meṇ, kartī áyī hai. Málík kaun aur kaisā hai ? Wuh mujh se kyā ‘ilāqa rakhtā hai ? Wuh kin báton se rázī, aur kin se náráz hai ? Jab náráz huá, main use khush karne ke liye kyā kar saktā hūṇ ? Málík ne kyúnkar mujhe yahān bhejá hai ? Kyā main apne kām o kalām se us kī garaz ko púrā kartā hūṇ ? Kyā merī zindagī phaldār yā lá-hásil huī ? In bhārī muāmilon meṇ, jo hamārī k̥hátirjamái ke wáste niháyat zarúrí haiṇ, Masīh roshnī diyā chāhtā thā. Pas us kī bátechit gahrī báton kī nisbat hotī thī, Khudā aur us kī pák sifāt kī nisbat, zindagī aur maut, ab kī hálāt aur baqá kī hálāt, ásmān aur jahannam, pákī aur nápákī, gunáh aur gunáh kī muāfi kī tadbīr, rúh kī liyáqaten aur us kī bargashtagī, ádalāt ke dīn kā ánā, aur hamará us ke

kye taiyār na honā, insān kī pasthālī aur is se bachne ke wasāil, ab kī zindagī aur āyandā kī zindagī, aise bhārī mazāmīn wuhī haiṁ, jin kā bayān Masīh aksar kartā thā, aur wuh in ko is tarah roshan kartā thā, jaisā kabhī koī insān na kar sakā. Wuh insān kī khushī aur ranj kā bayān kar saktā thā, kyūnki insān kā Khāliq thā. Wuh āsmānī khūbion ko batā saktā thā, kyūnki āsmān us kā ghar hai. Wuh gunāh kī muāfi kī tadbīr ko āshkārá kar saktā thā, kyūnki āp us tadbīr kā pūrā karnewālā thā. Ab 1900 baras se us ke shāgirdon men se bahutere in bhārī bhārī bāton ke haqq men apne khiyālāt batā raheṁ haiṁ, magar zāhīran un sabhon kā ustād Masīh hai. “Ab hamāre munjī Masīh Yisū ke zuhur se (Bāp kā fazl) zāhir huā, jis ne maut ko nest, aur zindagī aur baqā ko, us khushkhabarī ke wasīle se roshan kar diyā,” 2 Tim. 1. 10, Ulūhiyat kī bāton ko wuh zāhir kar saktā thā, ki Bāp kī sārī bharpūrī us men rahī, Insāniyat kī bāton kī pūrī wāqīfiyat use thī, kyūnki tentīs baras tak insān ke darmiyān rahā. Romī o Yunānī Misrī o Kaldī, zamāna ba zamāna tārikī men phirte the; magar yih nūr men chalnewālā thā. Wuh log shakk o shubhā kī bāton ke haqq men bahs karte the: yih bagair shubha ke farmātā thā, ki “Main sach sach kahtā hūn ki jo ham jānte haiṁ, wuh kahte haiṁ, aur jise ham ne dekhā hai, us kī gawāhī dete haiṁ,” Yūh. 3 : 11. Hān banī Isrāel ko qadīm aiyām men bahut kuchh dīnī khabar dī gayī thī, jo digar qaumon ko na dī gayī thī magar Masīh ambiya kī talīm se bahut āge barhtā thā. Us ne bahut bāton ko roshan kiya, jo pahle chhipī thī, aur roshan kī hui bāton ko āur bahut safāi bakhshtā thā. Us ke jahān men ānc se jahān kā hāl āur qism kā ho gayā hai; aur jyūn jyūn koī ahl i zubān yā koī qaum ns kī talīmon ko suntī, aur qabūl kartī, aur amal men lātī hai, tyūn tyūn wuh qaum aqlmandī o shāistagī o ādmiyat men taraqqī patī jātī hai. Dunyā ke chār hazār baras kī tawārīkh is bāt kī shahādat detī hai, ki Is shakhs kī mánind kisī ne hargiz talīm nahīn dī!

5. Na sirf yih, par ek aur bāt qābil i gaur hai.

Beshakk yih ajīb bāt thī, ki ek Yahūdī dihātī jawān, ne tīn baras kī talīm dene men dunyā ke sāre ustādon aur pandīton aur ālimon ko apne piche kar diyā, aur sab se bhārī ‘ilm men sabhon kā ustād ban gayā. Yih ajīb bāt thī, ki sab nabion se āge barhkar us ne Ilāhī bāton ko roshan kar diyā, aur wuh roshnī is qism kī thī, jo bahut mulkon ko dīnī aur dunyāwī barhtī o taraqqī kā bāis huī. Magar barī sochne kī bāt yih hai, ki agarchi āj kal dunyā kī barī taraqqī ho rahī hai—yāne aqlī taraqqī aur ‘ilmī taraqqī ho rahī hai; aur nafis chīz ke banāne men, aur sair o safar karne men, aur ārām kī tadbīron ke nikālne men, aur tijārat karne men, bahut taraqqī huī, ki musāfir tīn chār mahine ke bīch men tamām dunyā kī gardish kar saktā, aur hawā kī garī men baithkar bādalon ke ūpar ūr saktā, hai, aur apne ghar men baithkar koson dūr ke logon se guftagū kar saktā hai,—taubhī āj tak koī Masīh kī talīm se bihtar dīnī talīm nahīn de sakā. Hazāron muallīm in bāton par sochte the: 1900 baras se in bāton kī barī taftīsh kī gayī hai. Apnī liyāqat dikhlāne ke liye bahuton ne qism qism ke ‘itirāz paidā kiye hain. Masīh kī talīmon kī ālimon ke hāth se barī nuktachīnī kī gai. Magar āj tak us se koī ālim o fāzil nahīn thahrá, āj tak koī us se āge sabqat nahīn le gayā. Āj tak kisī ne bihtar talīmen nahīn dī hain. Āj koī das baras kā larkā bahut bāton se wāqif ho saktā hai, jin se agle dinon ke pandīt wāqif na the. To dīnī bāton men itnī taraqqī kyūn nahīn ho jātī hai? Masīh se āge barhke, wāqifkār ustād kyūn nahīn paidā hote hain? Sabab yihi hai: Masīh Kalām thā: Bāp ke dil ke bhedon kā zāhir karnewālā thā, so āj tak hamārī Khudā ke haqq men itnī wāqifiyat hai, jitnī Masīh ne bakhsī. “Khudā ko kisī ne kabhī nahīn dekhā; iklautā Betā, jo Bāp kī god men hai, usī ne zāhir kiya,” Yūh. 1: 18. Dekhiye, kitne bhārī aur mufid balki nihāyat zarūrī mazmūn, pahle Yisū se batāye gaye, aur ab tamām zamīn men khāss o āmm dīndār log un kā charchā kar rahe hain. Insān kī rūh kā beshqīmat honā: Insān kī bargashtagī, aur us ke

báis us kí láchári. Bargashta huon kí bahálí kí tadbír : ásmán men pahunche kí rah gunahon kí muáfi kí tadbír : abadí zindagí aur us kí khassiyaten . bad in ká jí uthna : Alamgír imán kí khassiyaten . Haqíqí duá, aur us kí khassiyaten : in se bhárfí nasíhaten kaun ho saktí han ? Aur in ká khass síkhánewala Masíh tha . Masíh ke zaríe hí se ham ján gaye han, kí Khudá rúh hai, azalí o abadí, gairfání o gair tabdíl hai . kí wuh khudbast o alqádir, hamadán o har k hín házir hai . kí us kí sachcháí o dánái, us kí mun-ífi o quddúsí kámil han . kí us kí saltanat o jalal, us kí 'izzat o hashmat, bayan se báhar han, . Us ne hamen síkháyá hai, kí agar ham us ká munh dekhná cháhthe han agar ham us kí dos-í aur qurbat hásil karná cháhthe han . agar ham un pak makánon men jo us ke bandon ke árám ke liye taiyar hue, jagah pána chahte han to niháyat zarúr hai, kí ham badí se báz áwen, aur taubá karen, aur Naját Dihindá par imán lákar, us se Rúh ká baptísmá hásil karen. Yih wuh naját kí ráh hai, jis se us ne batayá, jis ne farmáyá, kí “ Ráh, aur Haqq, aur Zindagí main hún ” aur na sirf farmáyá, balkí apne kámon se is bat kí sachcháí sábit kí.

7 Masíh kí munádí men ek áur bát qábil : gaur thi, kí wuh suní sunái báten nahín, (jo auron se hásil hún), magar apní báten, aur apne Báp kí báten, sunátá thá. Log us ke kahne men ek barí khubí yih batáthe the, kí “Wuh un ke faqíhon kí tarah nahín, balkí sáhib : ikhtíyar kí tarah unhen talím detá thá,” Mat. 7 : 29. Us ko kisi se kuchh daryáft karná, yá kisi kí kitáb se iqtibás karná, darkar nahín thá ; kyúñki ap hí jántá thá. Talímen jo wuh detá thá, na sirf bahut hí umdá thín, magar wuh íbarat, jis se kalám kartá thá, logon ko bahut píсандída thí . Likhá hai, kí ánim log barí khushí se sunte the, aur us ke kahne ká taríqá yih thá, kí “Main tum se sach sach kahtá hún.” Us zamáne men Yabúdí logon men bahut se faqih aur Shariát ke síkhánewalé páye játe the : magar log un kí nasíhaton se kisi qadr thak gaye the, un par yih ilzám lagáyá játa thá, kí wuh apní riwáyaton ko us men

joṛkar Kḥudá ke kalám ko bátil kar dete haiṇ, Marq. 7: 13. Phir wuh kahte the. aur karte na the. Wuh dúson ke káñdhon par aise bojhon ko, jin ká uthána bahut hí mushkil thá, dálá karte the, magar apní úngliṇ se unhen nahín chhúte the, Mat. 23: 4. Yunání álimon aur Yahúdí rabbion men chhotí chhotí báton kí nisbat beshumár lafzí takráren hotí thín, Falsafána bahsen bahut hotí thín. Bahut bolnewále the, “jo nádání kí báton se maslahat karke andherá kar dete haiṇ, Aiy. 38: 2. In ke bích men ek naye qism ká Sikhlánewálá záhír huá, jo Haqq kí báten boltá thá us ká kalám. “Hán aur Ámín” thá, us kí nasíhaten dil se nikaltí thín, aur dilon ko pahúnchtí thín. Wuh ap far-mátá thá, “Jo kalám tuni sunte ho, wuh merá nahín, bal-ki Báp ká hai, jis ne mujhe bhejá,” Yuh. 14: 24. Cháhe buzurgon kí jamáat men, yá dibátion kí bhír men, wuh haqq kí báten, iḡhtiyár ke sáth sunátá thá. Shahron ke melon ke bích, yá díní majlis men, yá Sarak ke kináre par, yá pahár ke bagal men, samundar ke kináre par, yá bayábán ke bích, wuh har kahín dánái aur sachcháí ká kalám sunátá thá. Cháhe Baitaniyá ke doston ko tasallí kí báten kahtá thá, yá Haikal men sanjídagí se ánewáli áfaton ká ishára kartá thá, yá shahr men buzurgon kí sheḡhí aur riyákárí ko dánttá thá, us ká kalám har kahín qudrat ke sáth hotá thá. Sach hai, ki yih qudrat bhí buzurgon ko náráz kar detí thí. Wuh is se ziyáda jalte the, ki log hamáří nahín balki us kí sunte haiṇ. Us ká iḡhtiyár bhí baz badkaron ke dilon par bháří choṭ lagátá thá, us kí manádí se hí usí ke baz bare dushman paidá ho gaye, taubhí aksaron par barí tásír huí.

8. Jab Masíh karámát dikhátá thá, to us ká iḡhtiyár ajib tarah se dikhláyá játá thá. Maḷúm nahín ki us ne kitne muajize kiye. Injilon ke bayán se gumán gálib hai, ki wuh bahut se the. Tís aise bare muajize the, jin ká Injíl ke musannif kuchh mufassal taur se bayán kar gaye haiṇ. Kḥair, ham us waqt in karámát ká zikr nahín karná cháhte haiṇ. Sirf ek bát par ham liház karte haiṇ, ki yih kám kis taur se kiye

gaye? In ke karne mein Yisú' ne kaisa Iláhí ikhtiyár dikháya? Hān us se peshtar bare bare apāib kām chand nabíon se kiye gaye the. Magar Músá aur Iliyáh aur tarah se muajize karte the, aur Yisú' aur tarah se kartá thá. Yih sáre kām qudrat i Iláhí se kiye gaye: magar Músá aur Iliyáh jo kuchh karte hain, Khudá se qudrat páke karte hain, lekin Yisú' ap qudrat rakhtá thá, Wuh ap apne haqq se kartá hai, magar Músá aur Iliyáh Khudá se ijázat páke karte hain. Masíh ke kámon ke dekhnewále is ikhtiyár se hairán kiye gaye. Wuh púchhte the, ki wuh kyún apne táin málík kar dikhátá hai “Yih kaun hai? yih to hawá aur pání ko hukm detá hai, aur wuh us kí mánthe hain,” Lúq 8: 25. “Aur sab hairán hokar ápas mein kahne lage, ki yih kaisá kalám hai? kyúnkí wuh ikhtiyár aur qudrat se nápak rúhon ko hukm detá hai, aur wuh nikal játi hain” Lúq 4: 36. Jaisá dunyá ke shurú mein ek áváz hui, ki Núr ho, aur fauran Núr huá, waisá hí Yisú kahtá thá, kí Sihhat ho, aur sihhat hui: Lahron tham jáo, aur chain huá. Ek korhí se kahtá hai, “Main cháhtá hún: tú pák sáf ho ja,” Mat. 8: 3; aur korhí ke changá karne ke liye us kí cháhna káfi thá. Súkhe háthwálá apne háth ko barhá na saktá thá, lekin us ke hukm se us súkhe háth mein táqat áí, aur wuh barháya gayá. Us ne ek maflúj se kahá, “Uth, apní chárpaí uthákar apne ghar chalá já,” Márq 2: 11, aur fauran use aisi táqat mil gai. Balki ek larhí mar chuki thi, aur Yisú' ne us kí háth pakar liya, aur kahá “Talítá qúmí, ai betí uth, aur us mein ján phir áyí,” Márq 5: 41. Aur is se bhí bare ikhtiyár kí kulān wuh thá, jo Lázar kí qabar ke pák kahá gayá, kí “Ai Lázar, nikal á,” aur chár roz kí mará hua Lázar zinda niklá, Yúh. 11: 43. Beshakk kisi insán ne aisé kabhí nahin kahá, jaisá Wuh kahtá thá.

9. Masíh ke munh se ek aur qism ke kalām nikle, jo bahut hí gaur ke láiq hain, yāne jab wuh kisi Yahúdí jamáat ke áge sanjidagí se aur qáide ke mutábíq dars detá thá, jaisá Pahárlí waz, jis kí zikr Matí kartá hai: yá barí adálat ke din kí khaufnák bayán, jo Mat. 25

men marqúm hai; yáne ákhirí dinon ke káf dars, jin ká zikr Yuhanná ne kiyá hai, yá wuh nasíhaten jinhen wuh khilwat men apne pyáre shágirdon ko detá thá. Ab sochiye, ki kaun aise paigámon ko sunátá hai? Ek jawán mard, jo áp hí jántá, aur batátá thá, ki merí zindagí sirf thore din ke liye hai; kyúnki mere dushman mujhe qatl karenge, aur merí khidmat, jo abhí shurú huí hai, maus se khatm ki jáegí, taubhí wuh dars dene se baz nahín átá, balki Yarúsalam hí men chup nahín rahtá hai! Kyá yih nabíon se barhkar nahín? Kyá wuh Khudá ká Betá nahín hai? Aur yih bhí sochiye, ki agar Yisú' Mard í Khudá thá, jaisá us ke sáre kám o kalám sábit karte hain, to wuh is se barhkar bhí thá. Agar wuh "Khudá kí taraf se ustád hokar áyá thá," jaisá Nikodemus ne kahá, tab is se kahín azím bhí thá. Aisá ustád jis kí sári talímen sach aur barhaqq thin, apní nisbat jhúth nahín bol saktá thá. Aur wuh dawá, jise apní sári khidmat men shurú se leke ákhir tak kartá thá, aur us ká karná buzurgon ke áge, ján ká muqaddama kiyá játá thá, yih thá, Main Khudá ká Betá hún. Main jahán ke wáste Báp ká bhejá huá naját denewálá hún, chunánchi wuh rasúl jo auron se ziyáda us ke sáth dilí rifáqat rakhtá thá kahtá hai ki yih Báp ke barábar, yih Khudá hai. Kalám ajíb thá, kyúnki wuh shakhs lá-sání thá. Agar us ke ajíb karámát se sábit huá, ki wuh Khudá ká bhejá huá thá, aur ki Khudá us ke sáth thá, to is ko bhí yaqín karná partá hai, ki wuh Khudá ká Betá thá. Wuh sáf taur se aisi buzurgi ká dawá kartá thá. Log purí tarah se jánte the, ki wuh aisá dawá karta hai. Aise dawá ko sunkar baz Farisí use qatl karne cháhtá the. Aur kuchh taajjub nahín! Baní Adam men se kaun aisá bol saktá hai? "Ásmán aur zamín tál jáenge, lekin merí báten hargiz na talengí," Mat 24: 35. Yih bhí kis ikhtiyár ká kalám hai? "Jo mujhe Ai Khudáwand, ai Khudáwand kahte hain, un men se har ek ásmán kí bádsháhat men dákhil na hogá, magar wuhí, jo mere ásmání Báp kí marzí par chaltá hai," Mat. 7: 21. "Aur ab ai Báp tú us jalál se, jo main dunyá kí paidáish se

peshtar tere sáth rakhtá thá mujhe apne sáth jalá lí baná de," Yúh. 17: 5. Duniyá ke ustádon yá buzurgoñ, yá nabion men se kaun aisé bará bol bol saká? Magar us ke bahut se aise qudrat ke kalám the. Tum Ibn i Ádam ko ásmán ke bádalon ke sáth áte dekhoge," Marq 14: 62, "Wuh apne jalál ke takht par baithegá, aur sab qaumen us ke sánihne jamá kí jáengí, aur wuh ek ko dúse se judá karegá, jaise charwáhá bheron ko bakrion se judá kartá hai," Mat 25: 32. "Ásmán aur zamín ká kull ikhtiyár mujhe diyá gayá hai," pas tum jákar sab qaumon ko shágird banáo, aur unhen Báp aur Bete aur Rúh ul Quds ke nám par baptisma do, aur dekho main duniyá ke ákhir tak hameshá tumháre sáth hún," Mat. 28: 18-20. "Jo ímán láye, aur baptisma le, wuh naját páegá: aur jo ímán na láe, wuh mujrim thahráyá jáegá." Marq 16: 16 Baz log apní nádání se kahte hain, ki Yisú Násri mahz insán thá. Magar sochiye, ki kis ádmí ne aisé kalám kiya, aur tab apne kámon se is bát ko áshkára kar detá thá, ki merá kahná barhaqq hai? Agar Ibráhim yá Músá yá Dáúd yá Paulús apne haqq men aisé dáwá karte, to ham kyá sochte? Lekin Masíh na sirf kartá thá, magar apne muajizon se apne kalám ki sachcháí záhir kartá thá.

10. Phir Masíh kí zindagí men bahut se aise auqát bhí the jin men wuh koí muajiza na kartá thá, kisé jamáát ke áge dars nahín detá thá, magar kisé se aisé muláqát kartá thá, jaisá dost dost ke sáth kartá hai. In men Masíh barí hikmat aur Iláhí dání záhir kartá hai. Dekho, Nathániel ke dilí hál ko kis tarah se záhir kartá hai! Yúh. 1: 45-51. Wuh kaisí dání se Nikudemos ko tálím detá Yuh 3, aur Sámari aurat kí qaumí badgumání ko dúr kartá hai; 4: 1-24: aur kaisí hoshyári se us daulatmand ko jawáb detá thá, jis ká dil mál daulat par lagá thá, Mat. 19: 16-22. Masíh kí bátechít un mukhálifon ke sáth, jo us par aib lagána cháhte the, bahut gaur ke láiq hai. Jab ek álim i shará uthá, aur hamesha kí zindagí páne ke haqq men us kí ázmáish kí, tab Yisú' ne nek Sámari kí tamsíl deke use kaisá umda, jawáb diyá! Lúq 10: 25. Ek

dafa ká zikr hai, ki Farísí aur Herodí aur Sadúqí tīnōṅ ne mashwara kiyá, ki use kyúnkar báton meṁ phansáen, aur usne aisí dānái se jawáb diyá ki tīnōṅ ke munh band kiye gaye, “aur na us din se phir kisí ne usse sawál karne kí juráṭ kí,” Mat. 22: 13-45. Dekho, wuh qaidí hoke us ghamandí beinsáf Romí hákim Pilátús ke sámhne, aisí khamosí aur bardásht ke sáth khará hotá, ki hákim áp hairán hotá hai! Hamará khayál yih hai, ki Masíh ki siwáníh umrí ke un hisson meṁ, jab wuh bilkul insáni taur taríqe se boltá aur kartá hai, in meṁ bhí sáf áshkára hotá hai, ki yih insán se barhkar hai. Yih aisí lásání insániyat hai, ki jis ke andar ulúhiyat chamaktí, aur use jalálí kar detí hai. Usí waqt se leke jab wuh larhá hoke Haikal meṁ buzurgon ke sáth báthít kartá thá, us din tak jab us ká muqaddama Pilátús ke áge kiyá gayá, us ke dekhne wále aur sunne wále sochte the, ki yih anokhe qism ká shakhs hai! Yih kaun hai, jo aisá boltá aur kartá hai? Cháhe doston yá dushmanon ke sáth báten kartá thá, us ke kalám meṁ munásibat hotí thí. Buddhe ko aur bachche ko, álim ko aur jáhil ko, dīndár aur be-dīn ko, mard ko aur aurat ko, wuh hamesha wuhí nasíbat detá thá, jo har ek ke wáste mufid thí. Ek se kahtá ki “Merá kháná yih hai ki apne Bhejnewále kí marzí ke muwáfíq ámal karún, aur us ká kám purá karún,” Yuh. 4: 34. Lázar kí rotí huí bahin se wuh farmátá hai, ki Qiyámat aur zindagí main hún: jo mujh par ímán látá hai, go wuh mar jáe taubhí zinda rahegá, aur jo koí zinda hai, aur mujh par ímán látá hai, wuh abad tak kabhí na maregá,” Yuh. 11: 26. Us dáku se, jis ne niháyat dukh dard ke bích meṁ salíb par us kí duháí dí, us ne barí rahmat se jawáb diyá, ki Áj hí tú mere sáth Firdaus meṁ hogá.” Beshakk is shakhs ká bolná lá-misál hai. Beshakk ham bhí Natanáel ke sáth kahte hain, “Ai Rabbí, tú Khudá ká Beṭá hai,” Yuh. 1-49. Kyúnki wuh na sirf wuhí batatá, jis se ádmí wáqif na the, magar aur taríqe se batatá hai. Us kí yih suní huí báten, aur dúson se daryáft kí huí nahín hain, wuh áp se, aur ikhtiyár ke sáth, unhen batatá hai.

BĀB IV.

MASÍH KÍ TABÍAT KÍ KHÚBÍÁN.

1. Anájíl ke chároṇ musannif Yísú Masíh kí taríf nahín karte, na paṛhnewáloṇ ko us kí barí khúbíṇ kí taraf tawajjuh diláte haiṇ. Wuh yih nahín batáte haiṇ, ki Dekho, yih yá wuh pák sífát kaisá sáf nazar áta hai! na yih kí is bát meṇ us kí kaisí dánáí raunaq páti hai, aur us meṇ us kí miharbání aur ulfat kaisí raushan haiṇ! Taubhí Yísú' kí sífát kí umdagí chhipí nahín rahtí. Wuh us ke sáre kámoṇ meṇ chamaktí hai. Musannif sirf Yísú' ke bahut se nek áamál hamáre áge pesh kartá hai, kyúṇki jántá hai kí in hí meṇ us ká mizáj sáf nazar áta hai. Aur sach hai, kí hazároṇ Injíl ke paṛhnewále, jo áp kisé na kisé sabab se us ke pairau na hue, taubhí us kí piyárí tabíat se farefta hue. Hazároṇ log jo us ke shágird nahín bane, taubhí is ká iqrár kar gaye haiṇ, Is liye Masíhí log har mulk meṇ is bát ká shauq rakhte haiṇ, kí sab log dost hoṇ yá dushman, Injíl ko paṛheṇ. Agar dil se paṛheṅge, to zarúr yih máneṅge, kí hargiz Yísú Masíh kí mánind koí dúsrá insán nahín thá!

2. Masalan Ham-dardí ek sífat hai jis kí taríf insánoṇ meṇ bahut kí játi hai. Dindár aur bedín log is ko barí khúbí samajhte haiṇ. Nek log auroṇ par tars kháte haiṇ. Badkár log tars kháne wáloṇ kí saná gáte haiṇ. Samajhte haiṇ kí gairoṇ kí khushí meṇ shádmán, aur gairoṇ ke dukhoṇ meṇ dardmand honá, yih niháyat khúb hai. Yih wuh mizáj hai jo dunyá meṇ mubárák samjhá játa hai. Insán ká dil aisá baná hai, kí mihrbání ko bahut cháhtá hai. Jab taklíf meṇ ham akele haiṇ, aur koí nahín sochtá, aur koí nahín púchhtá hai, tab hamárí taklíf dúní maḷúm hotí. Ham bahut cháhte haiṇ, kí Khudá aur insán bhí ham par tars kháeṇ. Insán tanháí aur aláhadagí ko pasand nahín kartá; ham kisé par takiyá karná cháhte haiṇ. Is liye wuh ádmí, jo auroṇ ká fikr kartá hai, auroṇ ke dukh sukh se parwáh rakhtá hai, auroṇ ko

khatre se bachāne ke wāste āp khatre meñ daurtā hai; bhūkhon ko kbilāne ke wāste apnā māl kharch kartā, aur mātām karnewālon ke ānsū ponchhtā hai, aisā nekokār shakhs zarūr nāmwar hogā.

3. Ab dekhīye kī Masīh ke aḥwāl meñ yih ek sifat hai, jo har kahīñ zāhir hotī hai. Injīl kā parḥnewālā zarūr kahegā, kī shafaqat karnewālon meñ khāss shafīq Yīsū Masīh hai! Kisī ke dil meñ itnī ulfat o rahmat na thī. Wuh aīsī ulfat thī, jo dunyā ke garībōn o lāchāron o nikammon tak pahunchtī thī, jo gire huon aur nikāle huon kā fikr kartī thī; jo mukhālifon aur dushmanon ko bachāna chāhtī thī. Is ḥamdardī ke sabab se Khudā kā Betā apne āsmānī jalāl ko chḥokar jahān meñ āyā. Is dardmandī ke zor se wuh mujassam huā, “Ibn i Adam is liye nahīñ āyā kī khidmat le, balki khidmat kare, aur apnī jān bahuteron ke badle fīdye meñ de,” Mat. 20: 28. Wuh khoe huon ko dhūndhne aur bachāne āyā; aur na sirf Isrāel ke gharāne kī khoī huī bheron ko, balki banī Adam kī sab qaumon aur zamāne ke logon ko bachāne āyā. Wuh āp hī kahtā thā, kī “Merī aur bhī bheron haiñ, jo is bherkhāne kī nahīñ Mujhe un kā bhī lānā zarūr hai, aur wuh merī āwāz sunenge; phir ek hī gallā, aur ek hī charwāhā hogā,” Yuh. 10: 16. Wuh garībī aur tangdastī se nafrat nahīñ rakhtā thā. Wuh koṛhion ko apne pās se dūr nahīñ kartā thā. Jab unheñ koī barakat de saktā thā, tab mahsūl lenewālon aur gunahgāron ke sāth khāne se parhez nahīñ kartā thā. Buzurg aur ālim hokar wuh bachchon ko nāchīz nahīñ jāntā, balki ulfat se god meñ letā, aur unheñ barakat detā thā. Kitne barason tak us ne apne āsmānī jalāl ko chḥorā. Us ne apne taīñ khālī kar diyā. Wuh insān ke bīch meñ insān sā rahā. Hāñ us kī ulūhiyat kā zor kabhī kabhī us ke kām o kalām meñ nazar ātā thā; magar wuh insān kī chāl se chaltā thā, tākī ḥmārā bhāī ban jāe. Wuh insānī zindagī ke tajriba ko dekhna chāhtā thā, tākī pūrī tarāh se ḥamāre sāth ḥamdard ḥowe. Is kāmīl ḥamdardī ke sīkhne ke liye us ne barī barī azmāishen sahīñ. “Ḥamārā sardār

kahin aisa nahin jo hamari kamzoriyon mein hamara hamdard na ho sake, balki sari baton mein hamari tarah azmaya gaya, taham begunah raha," Ibr. 4: 15. Yih wuh sifat hai, jis ki hamd nabi aur rasul ziyadatar gate hain, yih khud-inkari, jis se Masih apne taun darmiyani hone ke waste taiyar karti hai: Yih rahudili, jis se wuh insan ka iwazi banti, aur insan ki jagah mein ata, aur insan ke bhari bojh ko uthata ajib hai. "Tum hamare Khudawand Yisú Masih ke faiz ko jante ho, ki wuh agarchi daulatmand tha magar tumhari khair garib ban gaya, taki tum us ki garibi ke sabab se daulatmand ho jao," 2 Kur. 8: 9. Aur jaisi us ki zindagi hamdardi se bhari hui thi, waisi hi us ki salibi mant, auron ke bachane ke liye thi. Hamare bojh ko apne upar uthake wuh salib par charh gaya, Wuh mard i gamnak tha, kyunki dunya bhar ke gamon se lada hua tha. Wuh is jahan mein aya, jo us ke hath ki kargari hai, taubhi kabhi kabhi us mein sir dharne ki jagah na pata tha.

4. Is qism ki zindagi rakhne mein Masih ki ek aur garaz yih thi. Wuh dunya ke age Bap ki jalali sitat ko zahir kiya chahti tha. Wuh Bap ka kashif tha, aur is liye Yuhanna us ko Kalam nam deta hai. Jaise insan ka kalam us ke dil ke poshida khialon ko ashkara karti hai, waisa hi Masih andekhe Bap ko zahir karti hai. "Khuda ko kisi ne kabhi nahin dekha. Ekluti Beta, jo Bap ki god mein hai, usi ne zahir kiya," Yuh. 1: 18. Pas jis hal ki Khuda muhabbat hai, us ke Beta ki jismani zindagi mein muhabbat ke nishan hain. Jahan kahin wuh jata tha, wahin mihrbaniyan ki jati thin. Us ke bare bare karamat ko dekho, yih kisi ki madad karne ke liye kiye gaye the. Andhe binai pate the. Korhi pak saf kiye jate the. Lule langron ko hath paunw ka zor diya jata tha. Aisi saikron baton se wuh sabit karti tha ki Khuda insan ko pyar karti hai: ki wuh har tarah se us ki bhalai chahti hai. Yih hamdardi Masih ki sari chal mein saf nazar ati hai. Jab Yisú hazaron bhukhe admiyon ko jangal mein khilata hai, to kyun khilata hai? Kyunki wahin ko

bázár na thá, jahán se wuh rotí le saken. aur wuh un kí taklíf par tars khátá thá. Jab us ne ándhí ko dántá, aur samundar kí lahron ko thamá diyá, to kyún aisá kiyá? Kyúnki us ke pyáre shágird jo kishfí men the bahut hí dar gaye the. Jab chhóte bachchon ko pyár se god men letá thá, tab máon ke dilon ko khush karne ke wáste kartá thá. Jab Náin kí bewá ke beté ko zinda kartá thá, tab yih is liye kiyá, kyúnki mátam karnewálon par tars khátá thá. Jab Yarúsalam par nigáh karke mátam kartá thá, to is liye kartá thá, ki us kí ánewálí musibaton ko sochkar, wuh bahut afsos kartá thá. Us ke sáre kám o kalám Báp kí muhabbat ko áshkára karte hain. Yisú' ke ánsú us kí muhabbat kí dalílen hain. Lazar kí qabr ke pás, agarchí us ne apní qudrat ke kalám se murde ko zinda kiyá, taubhí us muajize ke karne se peshtaráp wahán rotá thá. Bahinon ke ánsúon ko dekhkar Yisú' kí ánkhon men bhí ánsú bhar áe. Yahúdí log, jo wahan khare the, bole, "Dekho, wuh is ko kaisá azíz thá," Yuh. 11. 36. Jalál ká Sháhzáda gunahgáron ká dost hai! Maut ká maglúb karnewálá muhabbat ká maglúb hai!

5. Masíh kí be-niháyat rahmat us bayán men kháss taur se nazar áfí hai, jab wuh shágirdon ke sáth pichhlí dafa Yarúsalam kí taraf safar kartá thá. Wuh khúb jántá thá, balki apne shágirdon se kah chuká thá, ki main maslúb hone ko játá hún; taubhí hat na játá thá. Tín char mahine peshtar Yisú' Yarúsalam ko is liye chhor ke chalá gayá thá, kyúnki Farísí us ke qatl karne ká mansúba bándhte the, aur us ká muqarrar waqt hanoz na áyá thá, Yuh. 7: 30. Us waqt bare ranj ká kalám kahke chalá gayá thá, ki Mujhe áj aur kal aur parson apní ráh chalni zarúr hai; kyúnki mumkin nahín kí nabí Yarúsalam ke báhar halák ho," Jab bare afsos se pukártá hai, ki "Ai Yarúsalam, Ai Yarúsalam, tú jo nabíon ko qatl kartí hai, aur jo tere pás bheje gaye, un ko sangsár kartí hai: kitní hí bár main ne cháhá, ki jis tarah murgí apne bachchon ko paron tale jamá kar letí hai, usí tarah main bhí tere larkon ko jamá kar lún, magar tumne na cháhá!

لُوق 13: 33-34. Yane us ne us waqt Títus kí barbád karnewálí fauj ko áte dekhá, aur mátaun karte hue rawána huá. Ab ján dene ko laut áyá hai. Rát ko Baitaniya gáuw men doston ke sáth tiká. Ab shahr kí taraf gadhe par sawár hoke, jaisá kí qadím Yahúdí hákimon ká dastúr thá, chalá átá hai. Íd ke din the, aur Yarúsalam men bará melá thá. Bahut se Galilí aur Yardan párwále the, jinhon ne Masíh kí nasíhaten sunín, jinhon ne us ke muajize dekhe. Bahut log is kھیál se us roz barí shádmání karte the, kyúinki sochte the, ki ab Yísú takht-nishín hone ke liye áyá hai. Ab Ibn i Dáúd apne sir par Dáúd ká táj rakhegá. Áj wuh din hai, jis ká ishára nabí ne kiyá, jab Dáúd ká giráyá huá maskan phir utháyá jáegá. Is kھیál se un kí barí khushí huí. Yísú' ko Koh i Zaitún kí taraf se áte dekhkar bhír ke logon ne darakhton se dáliyán kátkar ráh men phailáín, balki "aksar logon ne apne kapre ráste men bichháe," jaisá bádsháh kí ámad par qímatí farsh bichháye játe hain, aur lalkáarte the, ki Ibn i Dáúd ko Hoshaná! Mubáarak hai wuh, jo Khudáwand ke nám par átá hai. Álam i bálá par Hoshaná! Mat. 21: 8-9.

6. Ab sochiye, ki jab Yísú' is shán o shaukat, aur logon kí shádmání ke sáth shahr kí taraf játá, aur koh i Zaitún kí bagal kí ráh se utartá hai, tab Yarúsalam ká dilchasp nazzára us kí ánkhone ke sámhne thá. Níche Kidrán ká nálá bahtá thá. Us ke kináre ke nazdík bág i Gatsamane wahán níche dikháí detá thá, aur us ke píchhe, únchái par, shahr kí khúbsurat imáraton aur áge Haikal kí sufed sang i marmar kí díwáren, aur Sulaimán ká Barámada, jis kí khúbí kí shubrat dúr mulkon men phail gayí thí, chamakte the. Sulemán ke dinon se us din tak saikron musáfir, jo us ráh se ídon men áyá karte the, us jalálí nazzáre se fareftá ho chuke the. Jab us roz Yísú kí nigáh us sáre jalál par partí thí, kyá wuh bhí khush huá? "Jab nazdík ákar shahr ko dekhá, to us par royá, aur kahá, "Kásh ki tú apne isí din men salámatí kí báten jántá! magar ab terí ánkhone se chhip gaín hain," Lúq. 19: 41-42.

Cháron taraf bhír Hoshana pukartí thí, aur bích men Yisú' barí udási se sochtá rahá, ki is sháhr ke logon ko beshumár nijamaten bakhshí gáin, aur in sab ká anjám kyá hogá? Títus kí fauj ká áná: patthar par patthar na rah jáná! Jo log us ke sáth chalte the, nahín jánte the, ki Yisú' kis ranj men pará thá. Un ke kھیál áur the. "Jab wuh shahr ke nazdík Zaitún ke pahár ke utár par pahúncchá, to shágirdon kí sárí jamaat un sab muajizon ke sabab, jo unhon ne dekhe the khush hokar buland áwáz se Khudá kí hamd karne lage, kí mubáarak hai wuh bádsháh, jo Khudáwand ke nám par átá hai, ásmán par sulh, aur álam i bálá par jalál! Lúq. 19: 38. Magar Masíh is shádmání ke bích men rotá thá. Log agar is bát ko dekhte, taubhí samajh nahín sakte the. Un men se koí ánewálí Romí fauj ko dekh nahín saktá thá. Masíh akelá use dekhtá thá. Yarúsalam ke wáste rahm ká din guzar chuká thá. Gazab ká piyála bhar chuká thá, Tauba ká mauqa bakhsha gayá, aur náchíz samjhá gayá thá. Naját Dihinda áyá, aur log us kí qadr nahín karte the. Wuh Masíh, jis kí intizárí baní Isráel qadím zamáne se kar rahe the, áyá, aur log use pahchánte nahín the. "Wuh apne ghar áyá, aur us ke apnon ne use qabúl na kiyá," Yuh. 1: 11. Dirau ká waqt guzrá, garmí ke aiyám tamám hue, aur unhon ne rihái nahín páí, Yar. 8: 20.

RÁB V.

YISÚ MASÍH KE JALÁL KÁ ZAHÚR.

1. Kaí sababon se zarúr thá, ki Yisú' Masíh ká jalál, un dinon men jab mujassam hokar jahán men rahá, peshída rahe. Wuh kám jo us ke wáste muqarrar thá, aisé thá, jo pasthálí aur dukh utháne se kiyá gayá. Wuh khidmat karwáne ko nahín, magar insán kí khidmat karne ko áyá thá. Pas jab tak hamáre bích men rahá, wájib thá. ki us 'kí ulúhiyat kí khúbíán aksar chhipí rahen. Un dinon men bhí wuh haqíqat men "Báp ke jalál ká partau, aur us kí zát ká naqsh thá," Ibr. 1: 3; magar thore log us jalál ko dekhne páte the. Un dinon men bhí us kí ulúhiyat ká zor kabhí kabhí, masalan bhári muajize men dikhái detá thá, kyúnki "Ulúhiyat kí sári mamúrí usí men mujassam hokar sukúnat kartí thí," Ibr. 2: 9; magar yih Iláhi sífát aksar doston aur rafíqon se chhipí rahtí thín. Naját ke kám karne ke liye zarúr thá, ki Yisú' ádmion ke bích men ádmí sá rahe. Pas us kí hálát aksar báton men garíbí kí hálát thí, Paidá hone men, pále jáne men, shágird karne men, maqtúl hone men, dafnáye jáne men, us kí sári jismání zindagí men, barí inkisári nazar áti hai. Hawári ne khúb farmáyá, ki "Us ne apne ko khálí kiyá." Ek nabí ne is farotaní kí sáf peshingoí kí. "Wuh ádmion men be-nibáyat zalíl aur haqír thá; wuh mard i gamnák, aur ranj ká áshná huá; log goyá us se ruposh the; us kí tahqír kí gayí; aur ham ne us kí kuchh qadr na jání." To jab us men Iláhi qudrat thí, to log kyún us kí qadr nahín karte the? Kyúnki us par aksar insániyat ká parda pará rahtá thá. "Wuh us ke áge konpal kí tarah phút niklá, aur us jar kí mánind, jo khushk zamín se panaptí ho; us ke dil daul kí kuchh khúbí na thí, aur na kuchh raunaq, ki ham us par nigáh karen; aur koí numáish bhí nahín, ki ham us ke mushtáq howen," Yas. 53: 2-3. Wuh súraj to thá, magar grahan se us ká jalál chhipá rahtá thá.

2. Magar jaisá ambiyá ke zarie batáyá gayá thá, ki Masíh kí ámad farotání kí hálat men hogí, waisá hí un ke zarie is bát ke bhí isháre milte hain, ki us ká jalál kisi qadar raunaq paegá. “Us din Khudáwand kí Shákh shaukat aur hashmat hogí,” Yas. 4: 2. “Terí ánkheñ bádsháh ká jamál dekhengí,” Yas. 33: 17. Chunáñchi Yisú apní khidmat ke dinon men kabhí kabhí apní Iláhí sitaten dikhátá thá, magar gaur ká maqám hai, ki jab khámoshi ká pardá kisi qadar utháyá játá thá, to aksar dekhnewále kam the, kyúñki us ká kám us waqt pasthálí ká kám thá, aur munásib na thá, ki us ke jalál ká zuhúr us ke garíbí ke kám ko bigáren. Jab wuh maslúb huá, tab hazáron dekhnewále hue honge; lekin jab qabr se jí uthá, tab kisi insán ne nahín dekhá; sirf firishte dekhte the. Jab jí uthne ke bad bár bár nazar átá thá, tab sirf shágirdon ke bích men nazar áta thá. Us ke kháss jalál ká din wuh thá, jab ádmi ke dekhte hí, bádalon par sawár huá, aur ásmán kí taraf rawáná huá, magar us waqt dekhnewále thore hue honge, aur yún us kí sárí zindagí men is bát par zor diyá játá hai, ki wuh tamásha karne ke wáste nahín, magar ek bhárí aur sanjídá kám karne ke wáste, áyá thá. Jab us kí ámad kí khabar dene ke liye ek firishtá bhejá gayá, to sirf Mariyam ne use dekhá. Jab us ke peshrau ke paidá hone kí khabar dene ke liye firishtá bhejá gayá, to sirf Zakariyáh ko haikal men dikháí diyá. Jis rát kí Yisú paidá huá, jab firishton ká lashkar Baitlaham ke maidán ke úpar gátá thá, to aglab hai, ki sirf do chár garariye sunte the. Jab ek ajíb sitára us kí charní ke úpar jalwagar huá, to lákhon ne use dekhá hogá, par sirf thore se majúsí log us ke maqsad ko jánte the. Jab Yisú kí ázmáish ke bad firishte bayábán men us kí khidmat karte the, to sirf jangal ke jánwar unheñ dekhte the, Marq. 1: 13. Koí insán us pák khidmat se wáqif na thá. Bág í Gatsamane kí jánkandání men Yisú ne shágirdon kí suhbat aur hamdardí cháhí, magar nind un par gálib áyí; so “jab ásmán se firishtá us ko dikháí diyá, jo use taqwiyat detá thá,” Lúq. 22: 43, tab us ká koí dekhnewálá na huá hogá.

3. III. Do waqton kā bayān hai, jis men bahuton ko āgāhī milī hogī, ki yih insān se bar̄bkar hai. (a) Jis waqt wuh Yūhannā ke hāth se baptismā pātā thā, ek bhārī subūt bahut logon ko diyā gayā thā. Agar wuh use qabul karne ke liye taiyār hote to wuh un ke liye ek achchhā mauqā thā. Dekho us ke liye āsmān khul gayā, aur us ne K̄hudā ke Rūh ko kabūtar kī mānind utarte, aur apne ūpar āte dekhā. Aur dekho, āsmān se yih āwāz āī, ki yih merā pyārā Betā hai, jis se main k̄hush hūn,” Mat. 3 : 16-17. Yih bāt Masīh kī k̄hidmat ke shurū men hūī. (b) Us kī k̄hidmat ke ākhir men ek aisī bāt Yarūsalam men hūī. “Yisū ne kahā, ki ai Bāp apne nām ko jalāl de. Pas āsmān se āwāz āī, kī main ne us ko jalāl diyā hai. aur phir bhī dūngā,” Yūh. 12 : 28. Ab maḷūm nahīn, ki kitne log in do waqton men yih sab kuchh dekhte aur sunte the. Yih bhī maḷūm nahīn, ki un men, jo dekhte aur sunte the kitnon ko in bāton kī samajh thī. Balki is dūsre mauqā kī nisbat likhā hai, ki bahs hūī. “Jo log k̄hate sun rahe the, unhon ne kahā, ki Bādāl garjā, auron ne kahā, ki Firishtā us se bolā ;” jis se gumān paidā hotā hai, ki wuh achchhī tarah se samajhte na the.

4. Masīh yih jāntā thā, ki mere maslūb hone par mere shāgirdon ke dilon par barī udāsī chhā jāegī. Merī maut se un ke dilon ko, aur un ke imān ko, barī choṭ lagegī. Is wāste us ne chāhā, kī ek dafa kisī qadr merā āsmānī jalāl zamīn par zāhir kiyā jāe, jis ko yād karke pīchhe ke dinon men un ko tasallī ho. Lekin is zuhūr men bhī kuchh poshīdgī rahī, kyūnki yih izhār sab rasūlon ke āge nahīn magar tīn chune hue gawāhon ke āge, aur alag pahār ke ūpar k̄hilwat men kiyā gayā. Balki jab wuh pahār se utarte the, to us ne in tīnon ko hukm diyā, ki jab tak Ibn i ādam murdon men se jī na uthē, jo kuchh tum ne dekhā hai, kisī se na kahnā. Marqus kahtā hai, ki “Unhon ne us kalām ko yād rakkhā ; aur wuh āpas men bahs karte the, ki murdon men se jī uthne ke kyā māne hain ?” Marq. 9 : 10. Jis se maḷūm hotā hai, ki Yisū ne na chāhā, ki is mājare kī shuhrat se mere najāt ke kām men k̄halal pāre

Bayán yih hai, ki chha din ke bad Yisú' ne Patrus aur Yaqúb aur us ke bhai Yúhanná ko hamráh liya, aur unhen ek únche pahár par alag le gava; aur un ke sánhne, jab wuh duá máng rahá thá, us kí súrat badal gayí, aur us ká chihrá súraj kí mánind chamká, aur us kí p shák núr kí mánind sufed ho gayí. Aur dekho, Músá aur Iliyáh us ke sathe baten karte hue unhen dikhái diye, aur us ke intiqál ká zikr karte the, jo Yarúsalam men waqf' hone ko thá." Wuh donon is naját ke kaffáre se khush hue, kyúnkí shariat aur Ambiyá donon is se raunaq pate hain. Is jaláli muláqát se tino shágnid bahut hairán hue, aur Patrus ke dil men áya, ki wahan rune ko liye tin dere banáe. "Wuh yih kahtá hí thá, ki badal ne ákar un par sáyá kar liya, aur jab wuh badal men ghirne lage, to dar gaye, aur badal men se ek awáz áí, ki yih merá barguzida Betá hai, us kí suno. Yih áwáz áte hí Yisú' akelá paya gaya."

5 Dústre din, jab wuh pahár se utre, aur baqí shagirdon ke pás laut gaye tab 'filfaur sarí bhír use dekhkar niháyat hairán huí, aur us kí taraf daurkar use sulám karne lage," Márq. 9: 15. jis se gunán gálib hotá hai, ki jaisá Músá ka bhí hál thá, jab Koh 1 Síná se lautá, wuh jalál kisi qadr us kí súrat men hanoz chamaktá rahá. Jab ham is bayán ko gaur se parhte hain, to waqt ka ishára pur-matlab malúm hotá hai. Likhá hai, ki yih tabdilí chha din bad waqf' huí. Ek bhári bát chit Kaisariya Filippi men huí thí. Patras ne iqrár kiyá thá, ki Yisú' Khudá ká Betá hai. Yisú' ne is ko achchhá mauqa samjhá, ki un ke dilon ko us ánewále rang ke liye taiyár kare. Pas likhá, hai, ki us waqt se Yisú' apne shágirdon par záhir karne lagá, ki mujhe zarúr hai, ki Yarúsalam ko jáún, aur buzurgon aur sardár káhiyon aur faqíhon kí taraf se, bahut dukh utháún, aur qatl kiya jáún, aur tísra din jí uthún," Mat. 16: 21. Aisi báton ko wuh samajh nahín sakte the. Chunánchi Patras ne us waqt jawáb diya, ki "Ai Khudáwand, Khudá na kare, yih tujh par hargiz nahín hone ká." Jaisá un ko us ká marná zarúr na malúm

hwa, waisa hi us ka ji uthna samajh mein nahin ata tha. Yisú ne un ki kam-iatiqad ki malámat ki. Us ne ek aur ajib bat farmai, ki "Jo yahán khare hain, un mein se baz aise hain, ki jab tak Ibn-i-ádam ko us ki badshahat mein áte hue na dekh lenge, munt ka maza hargiz n. chakhenge" Tinn shakhs, jo us waqt wahán khare the, Yisú ki súrat ki tabdili ko chha din bad dekhte the, aur bahuton n. socha, ki jab Masih ne apni badshahat ke áne ka zikr kiya, yih zuhúr us ko dil mein tha. Hán yih sirf us badshahat ke jalál ka thora sa baiana ke taur par us waqt nazar áta tha, aur thore logon par namúdhua. lekin jab wuh bad ko us par sochte the, to use pur-nasihát aur tasalli bakhsh ja sakte the. Yih Masih ko bahut hi dil-pasand aur hunmat dilánewali bat thi, ki Báp, ásmán se zahirí áwáz ke sáth apni muhabbat aur razámandi zahir kare. Us ke liye yih ánewali ruhání badshahat ki pesh nisháni hui hogi. Aglab hai, ki Patras ne us ki nisbat aisa socha. Bahut din bad us ne farmaya, "Jab ham ne tumhein apne Khudáwánd Yisú Masih ki qudrat aur ámad se waqif kiya tha, to dagábazi ki garbi hui kahá-niyon ki pairawi nahin ki thi, balki khud us ki ázmat ko dekhá tha," aur malúm hota hai, ki yih kahkar wuh us din ko yád kartá tha, Beshakk un tin shágirdon ko 'umr bhar us ajib muláqát ki yádgari se tasalli aur taqwiyaat hásil hoti rahi. Bhári bhári musibaton aur imtihanon ke bich mein yih khiyal dil mein áya kartá hogá ki wuh jis ki khidmat ham karte hain Khudá ka Betá hai. Ek din ham ne us ka jalál dekhá, aur use phir dekhenge, kyunki wuh hamen sáth le jane ke liye phir aega. Us pák ámad tak ham sabr karte rahenge. Chunánchi Yúhanna ne jo pahar par házir tha, farmaya hai, ki "ázizo, ham is waqt Khudá ke farzand hain; aur abhi tak yih zahir nahin hua, ki ham kya kuchh honge. Itna jaante hain, ki jab wuh zahir hogá, to ham bhi us ki manind honge; kyunki us ko waisa hi dekhenge, jaisa wuh hai," I Yuh 3 : 2.

BAB VI.

NAJAT KÍ QUDRAT KE BAYAN MEN.

1. Baibál ká markaz Injíl hai, aur Injíl ká markaz Kḥudáwand Yisú Masíh hai. Ambiya aur rasúl us kí ráh ko taiyár karte the, aur Kalísiya tamám jahán men us kí naját kí khush-khabarí kí bashárat detí hai. Masíh kí sawáneh umarí ke ahwál men yáne us ke mujassam hone aur kám karne, aur dukh utháne, aur ján dene, aur jí uthne, aur ásmán par charḥ jáne men Báp kí rahmat aur ulfat ká kháss subút miltá hai. Yih wuh báten haiṅ, jo gunahgár ke dil par tásir kartí, aur use ásmání Báp kí taraf khínchtí haiṅ. Cháhiye thá, ki yih har ek qaum aur firqe aur ahl i zubán ke wáste shádmání ká kalám howe; kyúñki hamen khabar detá hai, ki Kḥudá ke fazi se ek ráh khul gayí hai, jis se khoyá huá Betá Báp ke pás laut saktá hai. Aur yih bát tab hogí, jab wuh dil se kah sakegá, ki "Yih bát sach, aur har tarah se qabúl karne ke láiq hai, ki Masíh Yisú' gunahgáron ko naját dene ke liye dunyá men áyá, jin men súb se bará main hún," 1 Tim. 1: 15. Yih rahm kí tadbír akelí tadbír hai, jis se narást gunahgár Kḥudá ke darbár men rástbáz giná já saktá hai. "Aur kisi दूसरे के واسीले से नجات नहीं; क्योंकि अस्मान के तले अदमिों को कोई दूसरा नाम नहीं बख़्शहा गया, जिस के واسीले से हम नجات पा सकेṅ." Chunánchí Injíl ke phailáne se har zamáne men dunyá kí qaumon ko barí barakaten milí haiṅ. Sach hai kí kalísiya us kí shubrat ke phailáne men bahut gáfil huí hai, aur is sabab se bahut malámat ke láiq huí. taubhí kuchh bashárat kí gai hai, aur us se bahut hí fáida huá hai. Aur fáida ká báis yih huá, ki jo log Masíh ko páte haiṅ, abadí zindagí páte haiṅ, "Is men kalám nahín, ki dindár ká bhed bará hai, yane Wuh jo jism men záhir huá, aur rúh men rástbáz thahará, aur firishton ko dikhái diyá, aur gair qaumon men us kí manádi huí, aur dunyá men us par imán láe, aur jalál men úpar utháya gayá," 1 Tim. 3: 16; aur jin mulkon

ká aísá ímán hai, unhen Iláhí barakatun bahut milí hai. Yih khush-khabarí kalísiya ká kháss khazána hai. Yih jahán kí mirás hai. Is zindagi ke liye, aur baqá ke liye bhí, Masíh hamárf ummed hai.

2. Masíh kí Injíl dunyá ke liye fáida-bakhsh hai, kyúнки haqq hai. Is men Iláhí sachcháí nazar áti hai. Insán kí rúh baqíqat ko talab kartí hai. Kabhí kabhí wuh jhúthon aur farebion ko qabúl kartí hai, magar un men ásúdagí nahín páti hai. Ajnabí mazhabon ke mánnewálon men yih bát bahut nazar áti hai. Log apne khyálon par phúlte hai, magar barí be-chainí ke sáth : zamír ko tasallí nahín milí : shubhá dúr nahín kiyá játá : dil kí khátir-jamáí na huí : háth idhar udhar táriki men tātolté hai. Lekin jis ne insán kí rúh banáí, jis ne us ko yih ajíb táqaton aur liyáqaton bakhshí, us ne Baibal bhí bakhshí, aur us ne rúh ko aur kitáb ko m utábíqat dí hai. Jaisá pání is tarah se banáyá gayá hai, kí us se badan kí pyás bujh játí hai, waisá hí Injíl kí sachcháí rúhání pyás ko bujhátí hai, Jab Injíl kí bashárat sunne men áti hai, tab aql us ko taultí, zamír use jánchtí, aur yád use tajriba ke sáth muqábala kartí hai : tab rúh use qabúl kartí, aur us par takiyá kartí hai. Paulus jo ap hí bará álim o fázil shakhs thá, farmátá hai, kí main Injíl se sharmátá nahín : is liye kí wuh har ek ímán lánewále ke wáste, pahle Yahúdí, phir Yúnání ke wáste, naját ke liye Khudá kí qudrat hai," Rom, 1: 16. Injíl ke wasíle se Masíh ab insán ke sath, jaisá jab jahán men thá waisá rástbázi aur parhezgári aur áyanda adálat kí nisbat, kalám karta hai : aur kabhí kabhí wuh bhí jo Felikas kí mánind hákim ban baithe hai, us ke áge kámpne lagte hai. Dunyá bhar men Injíl ke barábar kabhí zabardast kitáb dekhne men nahín áyi hai. "Khudá ká kalám, zinda aur muassir, aur har ek dodhári talwár se ziyáda tez hai, aur ján, aur rúh, aur band band, aur gúde gúde ko judá karke guzar játá hai, aur dil ke khyálon aur irádon ko jánchtá hai," Ibr. 4: 12

3. Na sirf wuh bhári bhári suwálát, jo dunyá. shurú se díní báton ke haqq men, kar rahí hai. Injíl

में उम्दा ज़ाब प़ाते हैं। वुह ना स़रफ़ नज़ात के
 धुंधले व़ांले के व़ास्ते ख़ुदा की क़ुव़ात है, म़ाग़र
 स़ाक़्क़ेन और ब़ातन में ब़ही वुह मुफ़ीद त़हाह च़ुकी
 है। ज़ामाना बि-ज़ामाना दुन्या के ब़ाहुत से श़ाईस़ाग़ी के
 व़ास़ाई हो च़ुके हैं, म़ाग़र इन सब्बों में इन्ज़िल
 ज़िय़ादा इंस़ान के बऩाने और अ़ास्ता क़ाने में क़ुव़ात-
 व़ार त़हाह है। हा़क़ीक़ी इस्ल़ाह क़ानेव़ाली श़ाई य़ी है।
 अ़ाग़र क़ोई द़ार्याफ़त क़ाना च़ाह़ता है, की फ़ुल़ानी क़ाउम
 प़र अ़दम़ात और द़ुरुस्ती क़ाह़ान तक़ ग़ाल़िब हुई है, तो
 य़ी द़ार्याफ़त क़ारे, की वुह क़ाउम क़ाह़ान तक़ इन्ज़िल की
 त़ारब़ीयात के मुताब़ीक़ च़ाल़ती है। इन्ज़िल से क़ित्नी ज़ानज़़ीरेन
 त़ोरी ग़ाई। क़ित्नी ब़ाद-अ़ादतेन म़िताई ग़ाई। क़ाउमों ने
 क़ित्ने ब़ह़ारी ब़ोक्क़ों से अ़ज़ादाग़ी प़ाई। और सब़ाब ह़ालात
 य़ी है, की इन्ज़िल में म़ासीह ब़ोल्ता है। म़ासीह की रूह
 इन्ज़िल के अ़न्दाज़ त़ासीर क़ार राही है। वुह दुन्या की स़ारी
 क़ाउमों की ब़हालाई च़ाह़ता है, और बिह़तार ह़ालात के
 ह़ास़ील क़ाने के व़ास्ते उन की म़ादाद क़ारता है, अ़ाग़र
 उस के क़ाल़ाम में अ़स्म़ानी ह़िक़मात ब़ही ना होती, त़ाउब़ही
 उस की ज़िस्म़ानी ह़िक़मात ब़ही ब़ाहुत ही मुफ़ीद है। अ़ाग़र
 क़ोई क़ाहे, की प़ारोस़ीन के स़ाथ च़ाईन से राह़ना मुश़क़ील
 है, तो य़ीसू' क़्या ही सुल़ाह-ब़ाक्क़श़ स़ालाह देता है की जो
 कुक्क़ह तुम च़ाह़ते हो की ल़ोग़ तुम्हारे स़ाथ क़ारें, वुही
 तुम ब़ही उन के स़ाथ क़ारो, क़्यूंकि त़ाउरेत और ऩाब़ीय़ों
 की त़ाल़ीम य़ीही है, मात. 7: 12. अ़ाग़र क़ोई क़ाहे, की हमारे
 उ़प़ार दो हुकुम़ातेन होती हैं, य़ाने एक अ़स्म़ानी और एक
 ज़ाम़ीनी, और दोनों क़ा म़ानना मुश़क़ील है, ज़ाब ख़ुदा
 कुक्क़ह त़ालाब क़ारता है, और स़ारक़ार कुक्क़ह और त़ालाब क़ारती
 है। त़ाब य़ीसू' क़ा ज़ाव़ाब क़ाईसा प़ुर-म़ात़लाब ऩाज़ार अ़ता
 है, की ' जो क़ाईसर क़ा हु, क़ाईसर को, और जो ख़ुदा
 क़ा है ख़ुदा को अ़दा क़ारो,' मात. 22: 21. दुन्या की
 क़ाउमों अप़ास में ब़ाहुत ही त़ाग़रा क़ारती हैं; और ज़ारा
 सी त़ाक़रार की ब़ात हो, तो उस प़र ल़ारने को त़ाय़ार हैं,
 म़ाग़र म़ासीह ने इस म़िज़ाज को य़ी क़ाह़के म़ाना क़िया है।
 'अपूई त़ाल्व़ार को म़ीय़ान में क़ार ले, क़्यूंकि जो त़ाल्व़ार
 क़हिंच़ते हैं, वुह सब त़ाल्व़ार से ह़ालाक़ क़ीये ज़ांजे,'
 मात. 26: 52. ल़ालाच़ इंस़ान क़ा ब़ारा मुक्क़ह़ाल़ी है, और
 ऱात़ दीन म़ाल़ द़ाउलात के ब़ात़ोर्ने के ल़ीये उसे गुल़ाम क़ार देता
 है; म़ाग़र म़ासीह की ह़िदाय़ात क़्याही प़ुर-ऩास़िहात है, की
 'अ़दमी अ़ाग़र स़ारी दुन्या को ह़ास़ील क़ारे, और अप्नी

jān kā nuqsān uthāe, to use kyā fāida hogā? Aur admī apnī jān ke badlō kyā de?," Marq 8: 36-37. Aī kal dunyā apnī barī taraqqī par phūltī hai. Hazārhon ālim log rāt o din apnī aql daurātē, aur āge barhne kī koshish karte jā rahe hai, lekin sab zamānon kī koshishon se kis ne aisī dānāī kī nasīhat dī hai, jaisī Yisū' Nāsri ke munh se niklī?

4. Masīh kī talīm dunyā ke wāste is liye bhī nihāyat barakat-bakhsh hūī hai, kyūnki wuh muhabbat kī talīm hai. Bahuton ne sochā, kī Baibul bhar kī pyārī āyat yih hai, kī "Kyūnki Khudā ne dunyā se aisī muhabbat rakhī, kī us ne apnā iklautā Betā bakhsh diyā, tākī jo koī us par imān lāe halāk na ho, balkī hamesha kī zindagī pāe," Yuh, 3: 16. Yisū' ne sikhāyā, kī shari'at ke das ahkām kā khulāsā do bāton meū kiyā jā saktā hai, yāne Khudā aur insān kā pyār karnā; aur in do kā khulāsā ek lafz meū ho saktā hai: muhabbat, "Muhabbat shari'at kī tamīl hai," Rom 13: 10. Masīh sikhātā hai, kī Khudā muhabbat hai. Hān sazā to detā hai, magar muhabbat kī rāh se detā hai. Wuh sakhtī karne meū khush nahīn hai, magar rahmat se sabhon ko āgāhī detā aur bulātā hai. Muhabbat apnī āwāz buland kartī hai. "Are, ai sab piyāso, pānī pās āo. Kān jhukāo, aur mujh pās āo; suno, tākī tumhārī jān zinda rahe," Yas. 55: 1-3. "Aur Rūh aur dulhīn kahtī hai, kī ā; aur sunnewālō bhī kahē kī A. Aur jo piyāsā ho, wuh āe, aur jo kol chāhe, āb i hayāt muft le," Muk. 22: 17. Yisū' kī najāt muft meū miltī hai. Wuh kharīdne se nahīn, kamāne se nahīn, magar ulfat se miltī hai. Najāt kī tadbīr Bāp kī muhabbat meū nikālī gāī. Betē kī muhabbat meū adā kī gāī, aur Rūh kī muhabbat se hamē pahunchāyī gāī hai. Muhabbat wuh rassī hai, jo hamē Masīh ke pās khīnch lātī hai. Muhabbat wuh mārtaul hai, jo gunahgār ke sangīn dil ko tortā hai. Muhabbat wuh zor hai, jo pūrī farmānbardārī paidā kartī hai. Muhabbat wuh zabardast quwat hai, jo jahān o badan o Shaitān par gālib ātī hai.

5. Masīh kā kalām dunyā meū nihāyat tā'īr-

bakhsh hai, kyunki wuh khass tasalli-Dihinda hai. Gamzadon aur tute-dilon ka dost Yisú hai. Jab koi apne gunahon ko yad kartá, aur Qiyamat ke hisab ko nazdik dekhtá hai, jab zamir use malámat kartí, aur wuh koi uzr pesh nahin kar saktá hai; jab koi muafi ki tadbir, ya bad-ádaton par galba pane ki tadbir nazar nahin áti, tab dil ko Yisú ki áwáz kyá hi shirin malúm hotí, ki "Ai mihnat uthánewálo, aur bojh se dabe hue logo, sab mere pás áo, main tumhen áram dúngá," Mat. 11: 28. "Yaqinan us ne hamári mashaqqaton uthá lin, aur hamare gamon ka bojh apne upar charháya," Yas. 53: 4. Is liye wuh gam ke farzandon ko puri taskin o dilasa de saktá hai. "Ai ádmiyo, main tumhen bulátá, aur meri pukar ádamzad ke liye hai." Jab bechara andha Bártimái sarak ke kinare par baithá huá suntá thá, ki Yisú' Násari áta hai, tab wuh chilláyá, ki Ai Ibn i Dáúd mujh par rahm kar, tab Yisú' ne fauran use binái bakhshí, Marq 10: 52. Jis rat ki Yisú' pakarwáyá gayá, jab ánewále ranj ka sáyá sabhon ke dilon par pará huá thá, tab Yisú' ne apne shágirdon se wuh kyáhi pur-muhabbat aur taskin-bakhsh kalám kahá, ki "Tumhárá dil na ghabráe: tum Khudá par imán rakhte ho, mujh par bhi imán rakho. Mere Báp ke ghar mein bahut se makán hain. Main játá hún, táki tumháre liye jagah taiyár karún. Dunyá mein tum musibat utháte ho; lekin khátir-jama rakho; main dunyá par gálib áyá hún," Yuh. 14: 1-2; 16: 33. Id i khaiyám ke din, jab buzurg aur Sardár log us ke khiláf bandish bándhte the, tab us ne bhir mein khare hoke barí rahmát aur dil-joshí se pukará, ki "agar koi piyásá ho, to mere pás ákar píe," Yuh. 7: 37. Un do bahínon ko, jo apne pyáre bhái ki qabr par rotí thin wuh barí ulfat se, tasalli detá hai, ki "Terá bhái ji uthégá. Qiyamat aur zindagi to main hún: jo mujh par imán látá hai, go wuh mar jáe, taubhi zinda rahegá: aur jo koi zinda hai, aur mujh par imán látá hai, wuh abad tak kabhi na maregá," Yuh. 11: 23-25. Aur jab ki us chor ne, jo us ke sath salib par martá thá, marte dam us ki minnat ki, ki Ai Yisú' jab tu

apni badshahat mein aise to mujhe yad karna," tab us ne us se kaha, Main tujh se sach kahta hun, ki "aj hi tu mere saath Firdaus mein hogi," Luq 23 43 Balki aj tak wahi ulfat aur rahmat ki awaz tamam jahan mein sunai deti hai. Wuh tanjida dil ke waste dila-a, talib ke waste ummed, halak honewalon ke waste taqwiyat bakhshati hai. Garibon ke aur mazlumon ke gharon mein, aur jahan ke qudrat khanon mein, wuh bihtar rihai ki khabar deti hai. Yisu' ki khas rahmat tanghalon aur sataye huon ke waste hai. Us ki manadi ki yih tarif ki jati thi, ki "Garibon ko khush-khabari sunai jati hai," Mat. 11 5. Aur saikron baras age us ki nisbat yih peshingoi ki gai thi, ki wuh masle hue senthe ko na toraga, aur dhamakti hui batti ko na bujhaga," Yas 42 3. Yisu' apni sab se bari niमतon ko muft dene ko taiyar hai. "Wuh bhi jis ke pas naqdi na ho. a), mol lo, aur khaao. ao, mai aur dudh berupa aur be qima' kharido," Yas. 55: 1 Jo badkar aur narast aur bagi hue, so be-ummed nahin chhore gaye hain. Masih ki rahmat mein un ke liye bhi jagah mil sakti hai. Ab ao, ki ham baham hujjat karen, Khudawand kahta hai agarchi tumhare gunah qirmizi hower, par burt ki manind sufed ho jawenge, aur harch and we aigawani hower, par un ki tarah ujle honge," Yas 1 18.

6. Jab ham Masih ki talim ki khubiyon par gaur karte hain, to hamesha ek bat ki yad rahe, ki yih talim quwatwar hai, kyunki Ruh ul Quds ki quwat us ke saath hai. Beshakk Masih ne najat ka kaffara kiya, taubhi poshida na rahe, ki tinnon aqnum najat ke kam mein sharik hain. Bap Bete ko bhejta hai, Beta akar najat ki niमतon ko kharid leta hai. Ruh ul Quds in kharidi niमतon ko insanon mein bant deti hai. Wuh rahmat jo najat ke kam mein zahir ki jati hai, Bap Bete aur Ruh ul Quds ki rahmat hai. Pas jab Injil ki basharat di jati hai, to us mein na sirf sachchai ka nij zor hai, na sirf muhabbat ka zor, aur hamdardi ki koshish hai; magar us ke saath Ruh ka ruhani zor bhi hai; aur wuh kalam us ki madad se kabhi kam

kabhí ziyáda, insán kí rúh par tásír kartá hai. Kitne sangín dil us se gashtín kiye gaye haiñ. Kitne adáwat aur dushmaní ke pahár ulañ diye gaye. Khudá ke fazl ke dákhil hone ke wáste kitne darwáze khol diye gaye haiñ? Masíh ne ap us ká kám yún batáyá “Jab wuh, yane Sachcháí ká Rúh áegá, to tum ko tamám sachcháí kí ráh díkháegá. Wuh merá jalal záhír karegá; is live kí mujh hí se hásíl karke tumheñ khabareñ degá,” Yuh. 16. 13-14. Yih Iláhí madadgár hamesha Kalísiyá ke sáth rahtá hai, aur is liye is bishárat ke kám meñ kámyábí kí ummed hai. Hamáre pás yih khazána mittí ke bartanon meñ rakhá hai, táki yih hadd se ziyáda qudrat hamáरी taraf se nahín, balkí Khudá kí taraf se malúm ho,” 2 Kur. 4: 7. Mittí ke bartan kamzor aur níkamme to haiñ, magar Khudá ke fazal se Ilháí qudrat is khazáne ke sáth hai. Pas Injíl fathiyáb hogí. kyunke wuh barakaton se ladí hui áti hai. Yih Paulús ká bharosa thá. “Main jánta hun, kí jab tumháre pás aungá to Masíh kí kámíl barakat lekar áungá,” Rom 15. 29.

7. Taubhí yih ajíb bát hai, kí bahut ádmí apní khushi se is barakat se mahrum rahte haiñ. Wuh ján bújhkar Masíh kí nasíhaton ko, aur us kí naját ko, radd karte haiñ. Is jahán ke Khudá ne yahan tak un kí ánkhoñ ko tarík kar diyá hai, kí Masíh meñ koí neki, koí khúbí nahín dekh sakte haiñ. Wuh apní najasat o láchári meñ marte haiñ, taubhí naját kí tadbir ko náchiz jante haiñ. Bap unheñ rahmat se bulátá hai, magar wuh kán nahín lagáte haiñ. Is tarík dunyá ke bích meñ, jis meñ koí dúsrí rúhání roshní nahín chamktí hai, wuh is haqíqí núr ko pasand nahín karte haiñ. Yih kyá hí baṛí nádání hai! Khudá insán ká fikr kartá hai, magar insán dígar mábúdon kí taraf phirte haiñ! Khudá insán ko bacháne cháhtá hai, magar insán us mihrbání kí hiqárat karte haiñ! Kyá ásmán ke firishte is bát par nazar karke táajjub na karenge? Masíh kí khúbíyáñ núrání haiñ, taubhí ádmí unheñ nahín dekhte haiñ! “Wuh dunyá meñ thá, aur dunyá us ke wasíle se paidá hui, aur dunyá

ne use na pahchána,” Yuh. 1: 10. Abhí tak sach hai, ki bahuton ke wáste Injíl chhipí huí rahtí hai. Bāz log, jo use kisi qadr jānte bhí haiñ, taubhí us se fāidā nahīñ uthāte haiñ. Sirf is wāqifiyat se un kī zimma-wārī barhāí gayí hai. Goyá Masíh kī khushbú un ke wáste marne ke liye maut kī bú hai,” 2 Kur. 2; 16. Lekin shukr Khudá ko ho, ki lákhon ne us kī lásání khubí ko pahchána, aur us par imán lákar abadí zindagi páí. “Chunānchi Yahúdí nishán chāhte haiñ aur Yúnání hikmat talásh karte haiñ; magar ham us Masíh i Maslúb kī manádí karte haiñ, jo Yahúdiyon ke nazdík thokar, aur gair qaumon ke nazdík bewuqúfí hai: lek u jo bulāe hue haiñ, Yahúdí hon, yá Yúnání, un ke nazdík Masíh Khudá kī qudrat, aur Khudá kī hikmat hai,” 1 Kur. 1: 22-24.

BÁB VII.

MASÍH KE JÍ UTHNE KE BAYÁN MEN.

1. Masíhí logon kí ek kháss pyáří ummed yih hai. ki kisi din hamáří rúhen badanon ke sáth phir árásta hongí, aur ham jí uthkar abad tak zinda rahenge. Un kí yih ummed khásskar rasúlon kí is gawáhí par mabni hai. ki Yisú Nasáří, jo Kalwarí par maslúb huá, aur jis kí lách Yusuf kí qabr men rakhí gai, tísre din phir jí uthá, aur chálís din tak shágirdon men átá játá rahá, aur tab ásmán par bahuton ke dekhte hue charh gayá, Pas un ká ímán yih hai ki jaisá hamára Khudáwand marke jí uthá, so ham bhí marke jí uthenge. Pas rasúlon ká gumán thá, ki na sirf hamáří yih tasallí is bát par mabní hai, balki Masíh kí dúsrí ámad kí haqíqat is par mauqúf hai. Agar yih sach hai, ki Masíh jí uthá hai to yih bhí sach hai, ki wuh bádalon par sawár hokar phir áegá, aur takht í Adálat par baith ke jahán ká insáf karegá. Jaisá kí Paulús ne farmáyá 'Ham ne jo yaqín kiyá ki Yisú muá aur jí uthá, to yih bhí yaqín kiyá cháhiye, ki Khudá unhen jo Yisú men so gaye hain, usí ke sáth le áegá," I This 4 : 14. Firishte ne yún gawáhí dí, "Tum kyá khare ásmán kí taraf dekhte ho? Yihí Yisú' jo tumháre pás se ásmán par utháyá gayá hai, usí tarah jis tarah tum ne use ásmán ko játe dekhá, phir áwegá," Aam. 1 : 11. Aur in talímon ká ápas ká taalluq aisé bháří samjhá gayá, ki kahá gayá, ki agar Masíh nahín jí uthá, to hamáří manádí ábas hai, aur tumhárá ímán bhí ábas." 1 Kur. 15 : 14; yane agar hamára koí zinda Bacháne-wálá na ho, to bachenge kaise?

2. Is se záhir hai, ki Masíh ká qabr se jí uthná ek bunyádí haqíqat hai, jis par pahlí sadí ke Masíhí log bahut yaqín rakhte the, aur jis par agar ham log bhí gaur karenge, to hamáre ímán ko barí pukhtagí milegí. Ab pahle gaur ke qábil bát yih hai, ki agar Masíh aisé quddús o qádir shakhs hai, jaisá ki ham ne máná, to us ká qabr men rahná lázim na thá. Pas aql bhí

chāhtī hai, ki agar wuh kisī sabab se jān de, to munāsib hai ki wuh jald maut ke taht se chhūte. Agar haqiqat mein wuh Khudā i Mujassam aur Yahowāh kā Quddūs thā, to lāzim na thā, ki qabr mein parā rahe. Ham logon kā qabr mein sar jānā wājib hai, kyunki ham ne apne ko gunāh se bigār diya hai magar us kā hāl dūsra hī thā. Wājib hai ki zindagī dīhinda, agar mare bhī, to phir jī uthē

3. Is talīm ka bharī subūt yih bhī hai, ki wuh sachchāī kā Khudāwand hai, āge se apne shāgirdon se kahtā thā, ki main apnī jān ko kaffāre mein dūngā, aur tīsre dīn jī uthūngā. Wuh na sirf is bāt ki khabar unhen detā thā, magar is tarīqe se detā thā, ki rasul us kalām ko zarūr yad bhī karte the maslan Yūnās ki ājīb rihāī kā zikr karte us ne kahā, "Jaisā Yūnas tīn rāt dīn machhlī ke pet mein rahā, waisā hī Ibn i Ādam tīn rāt dīn zamīn ke andar rahegā," Mat. 12 : 40. Aisī khabar phir us waqt dī gayī jab Yisū' ne Patras ko, yā us ke wasīle se Shaitān ko sakht dhamkī dī, ki "Ai shaitān, mere sāmne se dūr ho," Mat. 16 : 22. Kyā wuh jo hāzīr the, ise bhūl sakte the? Ek aur bare mājare ke sāth is khabar kā zikr kiyā gayā; yāne jab Yisū' kī sūrat pahār par tabdīl huī, Masīh ne tīn rasūlon se kahā, ki "Jab tak Ibn i Ādam murdon mein se jī na uthē, is royā kā zikr kisī se na karnā, Mat. 17 : 9. In misālon se sāf zāhir hai, ki rasūl is khabar ko, jo bār bār aur safāī ke sāth unhen dī gāī thī, bhūl nahīn sakte the. Na sirf yih, balki sābit hai, ki jab Yisū' apne shāgirdon ko aisī khabar detā thā, tab us ke dushman bhī kisī qadr sunte the, aur agarchī us ke manē samajhte na the, taubhī us ke haqq mein āpas mein bāt chīt karte the Jab Yisū' kā muqaddamā Sanhedrim ke āge pesh huā, tab us kā yih kalām mazkūr kiyā gayā, ki "Is haikal ko dhā do, aur main use tīn dīn mein kharā karūngā," Yūh 2 : 19.

4. Phir yād rahe, ki Bāp ne apne Bete ko ek khāss barī khidmat ke bajā lāne ke wāste dunyā mein bhejā thā, aur us khidmat kā bhārī hissā, yih thā, ki Betā insān kī najāt ke liye apnī jān ko kaffāre mein

dewe. To jab Bete ne umda taur se us khidmat ko pūrā kiyā, to us ke qabr se jī ūthne men ek barī khūbī yih thī, ki is men Bāp kī razāmandī dunyā ke āge zāhir kī gai. Jān dete waqt Yisū' ne apne Bāp se ek bahut bhārī dāwā kiyā, ki "Main ne zamīn par terā jalāl zāhir kiyā hai : Main us kām ko jo tū ne mujhe karne ko diyā hai, tamām kar chukā. Aur ai Bāp, ab tū mujhe apne sāth us jalāl se, jo main dunyā kī paidāish se peshtar tere sāth rakhtā thā, buzurgī de." Yūh. 17 : 4, 5. Yih duā sunī gai, yih dāwā mānā gayā. Yih khidmat Bāp se qabūl kī gai? Is kā kyā subūt hai? Yisū' qabr kī taht men na rahā. Wuh phir zinda huā, aur chālīs din tak bahut nasihatē detā rahā, aur tab āsmān par apne agle jalāl men dākhil huā. Pas, yih bayān Masīh ke sāre ahwāl ke sāth, us kī khidmat kī garaz ke sāth, aur Kalīsiyā 1 āmm ke imān ke sāth mutābiqat rakhtā hai.

5. Alqissā is bāt men kuchh shubhā nahīn ho saktā hai, ki Yisū' haqīqat men salīb par mar gayā. (a) Yahūdion ke buzurg is bāt ke gawāh hain. Jab tak us kī maut un pār sābit na huī, wuh hargiz us ke ragedne se bāz na āte. (b) Wuh piyāde jo salīb ke pās bheje gaye, tāki un bechāron kī tāngon ko tor dālen, is bāt ke gawāh hain. Wuh do choron kī tāngon ko torē hain, magar jab Masīh ko muā huā dekhā, to us kī tāngon ko na torā. (c) Romī sipāhī, jo Yisū' ke dafnāne, aur qabr ke band karne, aur patthar par muhr lagāne men, aur bad ko pahrā dene men, shāmil the, is bāt men kuchh shakk nahīn rakhte the, ki yih shakhs muā huā hai. Balkī jab ek ne bhāle se Yisū' kī pasī chhedī, tab khūn aisā na niklā, jaisā zindā ādmī se nikaltā hai, lekin khūn aur pānī niklā, jaisā lāsh se nikaltā hai, Yūh. 19 : 34. (d) Jis waqt Yisū' ne salīb par jān dī, kitne Masīhī log wahān khare dekh rahe the, un ke sāth kitnī auraten wahān hāzir thīn. Jab Yisū' krūs se utārā gayā, aur qabr men rakhā gayā, unhon ne āpas men mansūbā bāndhā, ki ab shām ho gai hai, to ham ghar jāke khushbūiān taiyār karke Itwār ke sawere laūtkar, jaisā murdon ke sāth

karte hain khushbuiān dengī. Is soch se wuh Sabt Saar chup chap rahīn, aur Itwār ke sawere qabr par aīn; magar un ke pahunchne se thore āge, Yisū' qabr se jī uthā. (e) Us jhūthī afwāh se bhī, jo buzurgon kī bandish se shahr men urāī gāī, jab qabr khālī pāī gāī, sābit hai ki Yisū' mar chukā thā, aur wuh log is bāt ko khūb jānte the. Pas yih nahīn kahte hain, ki wuh jise ham marā huā sochte the hosh men āke nikal bhāgā hai. Aisi bāt ko kaun mān saktā hai. Wuh pahrewālon ko bahut rupae dekar kahte the yūn kaho, ki "Rāt ko jab ham sote the, us ke shāgird āke use churā le gaye," Mat. 28: 13. Yih to ajīb kalām nazar ātā hai. (1) Mashhūr hai, ki jo Romī sipāhī pahrā deta huā so jāe, qatl ke lāiq mānā jātā thā: Kyā ho saktā hai, ki sab so gaye the? (2) Farz karo, ki sab so chuke the, to unhen kyā mālūm ho saktā, ki kaun wahān āyā, yā ki Yisū' ko kyā huā? (3) Shāgird log kis matlab se Yisū' ko churā le jāte? Agar Yisū' murdā rahā, to zindagī bhar un logon ko jhūthī manāfī karnī parī. Phir mare-murde par un kā imān kyūnkar qāim rah sakā? Us par Kalāsiyā kī bunyād kis tarāh dālī jā saktī thī? Agar mar na gayā thā, aur sirf behosh ho gayā thā, tab Yisū' kā kalām thīk na niklā, aur najāt kā kaffārā kiyā nahīn gayā.

6. Baz muqatariz yih rāe pesh karte hain, ki Hāu, Yisū' sach much salīb par to mar gayā. aur dafnāyā bhī gayā, lekin phir jī na uthā, is liye un logon kā imān jo zindā Najāt-Dihinde par bharosā rakhte hain bātil o be-bunyād hai. Yih rāe aql ke khilāf hai. Itwār ke subh ko Yisū' kī qabr khālī pāī gāī, agar wuh jī na uthā thā, to lāsh ko kyā huā? Pahre dāron ke sāmhnē se use kaun churā saktā thā? Aur use churāne se kisī ko matlab hī kyā thā? Lāsh kā rakhnā kis ke kām ātā? Kyā dushman qabr ko khālī karenge, tāki Yisū' kā kahnā, kī tisre roz jī uthūngā, sabhon ke āge sach bāt thahare? Kyā Yisū' ke dost, us mīttī ko apne pās le rakhte, jis ke dekhne se sirf yihī yād ātī, ki hamāre sāre khiyāl o bātil befāida hue? Dushman zarūr chāhte, ki Yisū' us qabr men sar jāe, aur doston

ke liye bhí yih bihtar hotá, basharte ki Khudáwand jí na uthé. Na dost na dushman hargiz us lásh ko churáte.

7. Lekin Injíl men pukhtá subút hai, ki Yisú' na sirf maslúb huá, balki jí bhí uthá, kyúñki us waqt ke bad bahuton ne use apní áñkhon se dekhá, na sirf ek ek dafa, balki kai dafa, kabhí báhar kabhí bhítar, kabhí din ko kabhí rát ko, kabhí auron ke áge, kabhí tanháí men. Wuh shágirdon ke sáth na sirf milá, balki un se báten bhí kíñ. Un pahle zahúron ke bayán ko, jaisa Anájíl men likhe gaye haiñ. gaur se parhná cháhiye, kyúñki in se záhír hai, ki hámara ek zinda munji hai, jo hamen bachá saktá hai. (1) Yisú' ne Maryam Magdalíní ke sáth qabr ke pás báten kíñ, Yúh 20: 11-17. (2) Us ne Salome aur Maryam ke sáth jab shahr kí taraf laut játi thín, ráh men báten kíñ, Mat. 28: 9, 10. (3) Pahlá Rasúl jis ne jí uthé hue Yisú' ko dekhá Patras thá, 1 Kur. 15: 5. (4) Usí roz shám ko do shágird Emmaus gánw ko játe the: ráh men Yisú' ne un ke sáth bát chít kí, aur ghar men jáke unke sáth kháná kháyá Lúq. 24: 31. (5) Usí Itwár kí rát ko chand rasúl ek ghar men ikatthe hue, aur Yisú' un ke bích á khará huá, aur un se báten kartá thá, Lúq 24: 36. (6) Ek hafte bad, jab Thúma áur rasúlon ke sáth thá, tab Yisú' ne ákar Thúma ke shubha ko dúr kiyá, Yúh. 20: 24-29. (7) Lekin Masíh ne cháhá, ki Masíhion kí bhír Jalíl men jamá ho táki is bát kí gawáhi howe; chunánchi rasúl waháñ gaye, aur ek pahár par 500 bhái jamá hue, aur Yisú' un ke bích házir huá, aur unhen bahut nek nasíhaten díñ. Jab waháñ se chale játe the, tab daryá i Jalíl ke kináre par Yisú' ne machhlí ká muajiza dikháyá, aur unhen kháná khiláyá, Yúh. 21: 4-14. (8) Jab bhír pahár par faráham huí, tab Yisú' ne apne wáda ke mutábíq, Marq. 16: 7, apne tañ in sab ke áge záhír kiyá, 1 Kur. 15: 6, táki kisi ke dil men us ke jí uthne ke haqq men shakk na rahe. (9) Ek din us ne Yaqúb se báten kíñ, 1 Kur. 15: 7. (10) Jab bahut log Yarúsalam men íd mánne ke wáste faráham hone lage, tab Yisú' ne gyárah rasúlon

ko ek bálákháne men kuohh nasihat dí, Aam 1 : 18. (11) Tab Koh i Zaitún par Masíhion kí ek jamáat ikatthí hui, jis ke sáth Yisú' ne duá kí, aur tab un logon ke dekhte hí wuh ásmán par charh gayá, Aam. 1 : 9.

8. Agar koí púchhe, ki un das bárah zuhúron ke síwá, jo un chálís dinon ke bích men jí uthe hue Yisú' ke haqq men Injilon men mazkúr hue, kyá wuh aur dafé bhí dikhái diyá? To jawáb dená partá hai, ki Hán, aur bhí zuhúr hue honge, kyúnci us ke dikhái dene ká kháss matlab yih thá, ki shágirdon ke kamzor imán ko pakká kar dewe. Aur is gumán ke mutábíq Lúqá ká ek kalám miltá hai, ki "Us ne dukh sahne ke bad bahut se subúton se apne ap ko un par zinda záhir bhí kiyá: Chunánci wuh chálís din tak unhen nazar áta, aur Khudá kí bádsháhát kí báten kahtá rahá, Aam. 1 : 3. Magar yád rahe, ki cháhe in batáe hue zuhúron se aur bhí ziyádá the, yá na the, itne (wuh) káfi the, ki us ke jí uthne kí haqíqat ko sábit karen. Aur jab kí yih ek bát qáim kí gayí hai, to rasúlon kí manádí kí sachcháí sábit hui. Kyúnci sáf áshkára hai, ki un dinon men Yisú' is tarah se unhen dikhái deta rahá, ki wuh dekhne sunnewále bilkul dhokhá nahín khá sakte the. Wuh us ke ján-pahchán the, aur un ke sáth us kí muláqáten bahut aqsám kí thin, aur jab koí shakk karta thá, us ne kahá, "Háth barháke mujhe chhú." Wuh zakhm, jo us ke háth pánw men kiye gaye, the, us ke gawáh the. Sach hai ki us ke aksar zuhúron ká Baibal men bahut mukhtasar bayán hai. Magar un men se tén hain, jin ka kuchh mufassal bayán hue, táki kisi ke dil men kuchh bhí shakk na rahe. Tínon yih hain:—Immáús ke do jánewálon ke sáth muláqát: Tibiriyas kí jhíl ke kináre par us kí sát rasúlon ke sáth guftogú aur ásmán par charhte waqt us ká jamáat ko nasihát dená.

9. Phir sochiye, ki agar ham Masíhí mazhab ke munkir hon: aur agar ham kahen, ki Yisú' kabhí jí nahín uthá, to káí báton ko mánná paregá, jo bilkul qaumon kí tawárikh ke khiláf, aur qol ke khiláf hain. Farz karo, ki aur ádmion kí mánind Yisú' mare, aur us

ká badan sar gayá, to kyá mánná partá hai? (a) Yih mánná hai, ki bárah garíb ádmí, jo máhigír o k̄haima-doz wag. the, jin men se do ek ko chhorke sab kam 'ilm-wále the, ek aisí díní tajwíz nikálí, aur dúr mulkon tak phailáí, kí jis ke zariye se unhon ne bare bare buzurgon aur álimon aur panditon ko dhokhá diyá, aur unhon ne is jhúṭhe mazhab ko aisí hoshyárí se banáyá, kí áj tak koí unke fareb ko sábit na kar saká. (b) Yih bárah shakhs áp hí mánte hain, kí Yisú' ke máre jáne ke do chár din áge ham aise kamzor o buzdil o kam-iaṭiqád the, kí agarchi apne ustád ko pyár karte the, taubhí us ke sáth dukh na nthá sakte the, balki kabhí kabhí use chhorkar bhág játe the. Lekin jab Yisú' ke jí uṭhne kí manádí karne lage, tab fauran un ká aur hál nazar átá hai. Wuh buzurgon o hákímon ká sámhná karne ko taiyár hain. Wuh tasdiq o qaid o talwár se nahín ghabráte hain. Wuh us hí shahr men jáhán un ká ustád qatl kiyá gayá thá, aur unhín logon ke sámhne jo un ke ustád ke qátíl the, yih sikháne lage, kí Yisú' jáhán ká sháfi hai. Agar un kí manádí mahz jhúṭhí thí, to un ke dilon men yih bhárí tabdílí kahán se áí? Kis ne un kí chál ko aisá badal dálá? Un kí manádí us mulk men pahle kí gaí, jáhán hazárhá Yisú' ke ajíb kámon ko dekh chuke the. Us ke jí uṭhne kí manádí usí shahr men kí gaí, jis ke buzurgon ne use mára thá, aur unhín dinon men kí gaí thí. To un logon ká fareb kyún fášh na kiyá gayá? (c) Phir agar yih jí uṭhne ká bayán jhuthá ho, to is ke sikhlanewále bare farebí o dagábáz o jálsáz ádmí honge. Lekin yih mánná partá hai, kí sab se umda aur nek o pák talímen, jo kabhí dunyá men dí gaín, in dagábázon se dí gaí hain! Unhon ne aisí durust o mufid chál sikháí, jis ke barabar kisí ustád yá faísúf yá pandit ne nahín sikháí hai! Un ke mazhab kí bunyád-wálí bát jhúṭhí thí, taubhí jáhán kahín yih mazhab phailáyá gayá hai tahán tak us ke mánnewálon ko barakat mil gaí hai. Jab log babúl se ám baṭorne lagenge, tab is bát ká mánná mumkin hogá. (d) Phir yih mánná partá hai, kí yih bárah dagábáz, jo áp

bilkull Kḥudá se dūr the, jabān ko Kḥudá kī pahchān aise umda taur se dete the, aur Kḥudá kī pāk sifāt is tarah roshan kar dete the, aur rāh i najāt ko aisā sáf batāte the, jaisā harḡiz kisī dūsre se batāyā nahīn gayā. Aur jo log un ke pairau ho jāte, Kḥudá ko pyār karne lagte, aur us kī khidmat ko shauq se uṭhāte hain, “ Kyā koī chashmā ek hī shiqāf se mīṭhā aur khārā pānī uchhāl detā hai?” Yāq. 3 : 11. (e) Yih bhī mānnā partā hai, ki in logon ne, na sirf auron ko, balki apne ko dagā diyā. Agarchī Yisú‘ marā, aur phir na jiyā, wuh ‘umr bhar batāte rahe, ki wuh jiyā, aur ham ne apnī ānḥon se dekhā, balki kahte the, ki das bārah dāfe ham logon kī us se bāṭchīt huī. (f) Aur yih log na sirf ‘umr bhar is tālīm ko sunāte phirte rahe, lekin marte dam un kā yih bhāresā thā, kī zindā Yisú‘ hamārī rūhon ke qabūl karne ko kharā hai. Hamārī samajh men Yisú‘ ke jī uṭhne kā inkār karnā bahut hī mushkil hai.

BĀB VIII.

PAHLÍ SADÍ KE MASÍHION KÍ MASÍH KE
HAQQ MEN SHAHÁDAT.

1. Cháron Anájíl aur Rasúlí Khutút se malúm hotá játa hai, ki pahlí sadí ke shágird apne Khudáwand ke haqq men kyá sikháthe the. Jab ham is tasnífát ko bá-nazar i gaur dekhte hain, to záhir hai kí in logon ká ímán ek hí bát par thá, aur ki wuh ek hí ráh i naját ko jánte the. Lekin sháyad koí iatiráz kare ki wuh zamána dúr hai. Bich men bahut sadián guzar chuki hain. Ham ko is bát men kyúnkar itminán ho saktá hai ki Mazhab i Masíhí haqíqí o Iláhí hai?

2. Jab dunyá men koí bará májara waqia huá, jis ko log zamánon tak yád karná cháhthe hain, to bahut mulkon men yih dastúr hai, ki kisí qism kí yádgár ke nishán ko us ke nám par qáim karte hain: masalan kisí sutún ko nasb karte, yá kisí muqarrar din par tamásha karte hain, yá kisí rasam ko járí kar rakhte hain. Chunaníchi Masíh ne na sirf us qadím zamána men ajíb kám kar dikháye, aur mará aur jí uthá, balki us ne cháhá, ki in báton kí khabar zamána ba-zamána pahunchtí rahe. So us ne yádgár ke do char sutúnon ko nasb kiyá, jo áj tak maujúd hain, aur un dinon ke waqiat kí khabar dete hain. In par ham zarra dil lagáen. (a) Jab Khudá ne dunyá ko paidá kiyá, bahut bhárí kám kiyá, so is májare kí yád karne ke liye Khudá ke bande Sabt ke din ko muqaddas karke mánte rahe. Jab hamará Munjí qabr ke band ko torkar jí uthá, to aúr bhí bhárí kám, yane naját ká kám kiyá gayá. Chunaníchi Khudá ke bande is kí yádgárí ke wáste Itwár ke din ko muqaddas karke mánne lage, aur aksar Masíhí áj tak yún hí karte áye hain. Melito Isqúf ne Itwár ke mánne ke haqq men ek kitáb kí tasníf kí, aur Pliny, jo Yuhanná ká ham-asr aur ek Rúmí musannif thá, farmátá hai, ki Itwár Masíhí logon ká muqaddas din hai. (b) Masíh áp bahut cháhthá thá ki mere pairau dunyá ke ákhir tak na

sirf mere nám ko izzat den, magar kháss karke, is bát ko yád kareu, ki main ne insán kí naját ke wáste kaisí tajwíz kí. So jis rát pakarwáwá gayá, us ne apne shágirdon men us zábita ko jise Asha í Rabbání kahte hain, qáim kiyá, aur hukm diyá, ki merí dúsíí ámad tak yúnhí kiyá karte raho, aur is ká matlab bhí batáyá, ki yih bát bhúl na jáe ki insán ke wáste merá badan kaisá torá gayá, aur merá lahú kaisá baháyá gayá. (c) Masíh is bát par bhí bahut zor detá thá, ki un sab ke liye jo Khudá ko dekhna cháhte hain, dil kí pákízagi kí barí zarúrat hai, so us ne ek aur rasm ko, yane baptisma ko, muqarrar kiyá, jo is bát ká nishán howe. Aur yih rasm áj tak mání játi hai. (d) Phir yád rahe ki mazkúrabála tīnon báton ke wáste Masíh par imán lāne kí zarúrat thí. Jab tak koí Masíh ko apná Munjí na jáne, tab tak use Báp, Bete aur Rúh ul Quds ke nám men baptisma dená lázim na thá; na use Khudáwand ke asha men baithná lázim thá; na wuh jo pahlá Yahúdí thá, hargiz Saníchar ko tark karke, Itwár ko apná muqaddas Sabt mán letá. Har tarah se Masíh par imán lāná bunyádwáli bát thí. Pas jab ham dekhte hain, ki pachás roz ke baḍ, usí shahr men, tīn hazáron ne inhín logon men se imándár hokar baptisma páye the, to sáf zāhir hai, ki haqíqat men Yísú‘ maslúb huá, aur tísre din jí uthá.

3. Masíhí Imazhab kí sachcháí kí barí pukhtá aur tasallí-bakhsh dalíl Kalísiyá kí tawárikh hai. Jab ham sochte hain, ki Masíh ne kab, aur kis taur se, aur kis garaz se apní Kalísiyá ko jahán ke bích men qáim kiyá, aur ki wuh áj tak kis tarah dushmanon ke bích men galba pá gai hai, sáf zāhir hai, ki yih intizám í Iláhí se hai. Ab Kalísiyá ke tálim shurú se yih rahí hai, ki “Ásmán ke tale ádmion ko koí dúsrá nám nahín bakhshá gayá, jis se ham naját pá sakeu,” Aam. 4: 12.

4. Chand rasúl the, jin kí gawáhí Yísú‘ ke kám o kalám kí nisbat, aur kháss karke us ke marne aur jí uthne kí nisbat, bahut qawí samjhí játi hai. Patras kí shahádat námi hai. Wuh un tīn shágirdon

men se ek thá, jo Yísú kí subhat men ziyáda rahá karte the. Yísú' ke maslúb hote waqt wuh wahán házir thá, aur un pahlon men se ek thá, jinhon ne Itwár ke subh ko khalí qabr dekhí: so wuh hálát se khúb wáqif thá. Usí roz us ne Yísú' ko dekhá, aur phir rát ko auron ke sáth kamre men házir hoke dekhá. Bad sáth haste ke, us ne is májare kí aisí manádí kí, ki bahutere ádmí, jo Yará-salam ke báshinde the aur bahut se pardesí Yabúdí jo wahán áte játe the, Yísú' ke shágird ho gaye. Thore din men páñch hazár ádmí nayí Kalisiyá men sharík ho chuke the. Záhiran aise shakhs kí gawáhí se Mazhab í Masíhí kí sachcháí ká pakká subút miltá hai. Aam. 2: 22-33. Wuh na sirf sikhátá thá, ki Yísú' hamára Sháfi hoke mará, aur jí uthá hai, balki kahtá hai, ki ham rasúl log is bát ke gawáh hain. Pas wuh barí dilerí se us jamáat ke áge, jis se thore din pable Yísú mujrim thah-ráyá gayá thá, shahádat detá hai, ki "Yísú' Masíh Násarí, jis ko tum ne salíb dí. Khudá ne murdon men se jiláyá," Aam. 4: 10. Yih gawáhí kyún jhuthláí na gayí? Yísú kí lách kyún pesh na kí gai? Jamáat ne sirf itná jawáb diyá, ki, "Yísú' ká nám lekar hargiz bát na karná, aur na talím dená." Rasúl is hukm ko bhí nahín mánte the. Kahte the, "Kyá tumhárí bát ko, yá Khudá kí bát ko, mánná hai?" "Mumkin nahín kí jo ham ne dekhá, aur suná hai, wuh na kahen," Aam. 4: 19-20. To kuchh shakk na rahá, ki Patras ká pakká ímán yih thá, kí Yísú' jo mará gayá thá, phir hamáre bích men áyá. Apne pahle khatt men wuh farmátá hai, kí ímándár kí ummed kí bunyád yihí hai. "Báp kí hamd ho, jis ne Yísú' Masíh ke murdon men se jí uthne ke báis apní barí rahmat se hamen zinda ummed ke liye naye sire se paidá kiyá," 1 Pat. 1: 3. Aur is mutábíq us ne phir bhí kahá, ki Khudá ne usko murdon men se jiláyá aur jalál baqshá. táki tumhárá ímán aur ummed Khudá par ho.

5. (b) Yúhanná kí gawáhí bhí námi huí. Pable Yarásalam ke Masíhion men, aur bahut burhápe tak Ifísí Masíhion men, us kí barí qadr kí játi thí. Na sirf us ne apní Injíl men Yísú' ke jí uthne kí manádí ká, balki wuh aur tarah se us ká zikr kartá thá, yane kí Yísú'

Masih mardon men se jī uthnewálon men pahlautá hai? Muk. 1: 5. Phir yih ki “Yisú’ farmatá hai ki Main mar gayá thá, aur dekh, abad ul ábád zinda rahúngá, aur maut aur álam i arwáh kí kunjiyán mere pás hain,” Muk. 1: 18. Phir yih kalám Yisú’ ká hai, “Jo auwal o ákhir hai, aur jo mar gayá thá, aur zinda huá, wuh yih kabtá hai,” Muk. 2: 8. (c) Paulus kí shahádat ká ishára úpar kiyá gayá hai. (d) Lekin rasúlon kí shahádat men ek aur bhí dalíl páyí játí hai, jo un ke chál chalín se záhir hotí hai. Sab log is bát ko jánte hain, kí Yisú’ ke jī uthne ke din se us ke rasúlon kí bol chál men ek ajīb tabdilí nazar áne lagi. Is se pahle wuh buzdil shakhs the, is ke bád hí wuh jawán mardí dikhláue lage. Is barí tabdilí ká kyá báis thá? Sirf yihí ki us waqt un ke dil ke sáre shakk o shubhá dúr kiye gaye the. Aur sábit ho gayá thá, ki Wuh jo maut par gálib áyá hai, un kí muháfizat men bhí galbá kar saktá hai. Is se pahle wuh aur Yahúdíon ke taur par kisi qadr Masih kí rihái ko qaumí aur jismání rihái sochte the: lekin is ke bád ján gaye ki nayí hádsháhat rúhání hai, aur salíb kí ráh se galba há-íl ho játá hai. Wuh, jo kuchh din pahle, uhdon ke wáste jhagrá karne ko taiyár the. ab ján dene tak khud-inkárfi karne ko taiyár hain. Phir Paulus ke ek kalám se záhir hai, kí un dinon men rasúlon ko chhor-kar bahut aur log bhí jī uthne hue Yisú’ ke gawáh the. Wuh Kurinthus ke bháiyon ko yún likhtá hai, kí Yisú’ jī uthne ke bád wuh páñch sau se ziyáda bháíon ko ek sáth dikhái diyá, jin men se aksar ab tak maujúd hain, aur baz so gaye,” 1 Kur. 15: 6. Is se jáná játá hai, jaisá álim log aur bhí báison se mánte bhí hain, kí yih khatt Yisú’ ke maslúb hone se pandrah bís baras bád ke ársé men likhá gayá hogá. Agar sachmuch Galíl ke ek pahár par Yisú’ kí muláqát itne bháíyon ke sáth kabhí na huí hotí to Paulus ko kabhí jurát na hotí, kí káfí sau gawáhon ke hote hí, aise májare ká zikr kare, kyúnci Kurinthus kí Kalísiya men bahut se hoshyár aur talím-yáftá bhái the. Aur us ká yih khatt ás pás ke mulkon men bhí jald parhá jánewálá thá.

BAB IX.

INJIL KE PAHLE MANNÁDON KÁ SATÁYA JANA.

1. Un musibatou se jinhen Injíl ke pahle sunáne wále khushí se utháte rahe, chár Anájíl ke ahwál kí sachcháí kí ek qawí dalíl miltí hai. Hán insán kisi khushí, yá fáida, yá sarfarází ke hásil karne ke wáste, kabhí jhúth bolegá, lekin jhán ke logon ká tajriba yih hai, ki már kháne aur sharmindagí utháne ke liye log jhúth ko kam pasand karte hain; aur kháss kar tasdíq ke bích men bahutere log der tak kí jhúthe bayán men muttafiq-ur-ráe nahín rahte hain; hán do ek kisi sabab se ziddí bane rahen to rahen, magar aur log musibat utháne se thak játe hain. Ab záhir hai, ki agle zamáne ke Masíhí aur kháss karke un ke mannád aur hádí, bahut satáye játe the. Hán baz auqát aur jagah men awámín Masíh kí khush-khabarí ko pasand karte the, magar un men bhí buzúrgon kí koshish se mukhálifat barpá kí játi thí. Lekin Masíh ke shágird us hí zamáne men is mukhálifat ko náchíz jánkar yih manádí karne lage, ki Masíh í Maslúb Jahán ká bád-sháh, aur insán ká Naját-dihinda hai. Shurú se wuh taklíf aur bad-námí utháte, aur már kháte, balki baz shahíd bhí hue the, lekin yih shahádat kabhí band nahín kí gayí, balki áj tak ho rahí hai. Kyún? Kyúnki un kí gawáhi pakkí samajhí játi hai.

2. Ab un pahle mannádon ke hál par zara sochiye. Yísú' ne ap hí pahle se bárah gawáhon ko chun liyá thá, jin men se ek, yane Iskaryúti bewafa niklá; magar wuh bhí bád ko apní sharárat ke sabab se bahut sharminda huá. Tab Yísú' ke kúch karne ke thore din bád, yih rasúl Yarúsalam hí men, aur un logon ke bích hí men jo Yísú' ke maslúb karne men shámil the, yih sunáne lage, ki wuhí Yísú' jis ko Yahúdíon ne salíb par khinchwáyá, wuhí Ánewálá thá, jis kí ummed Isráel zamánon se kartá rahá, balki wuh qaumon ká Sháfi aur Alqádir ká Betá thá, aur naját kí ráh yih

hai, ki sab gunahgār us par imān lāke, us ke shāgird ban jāan. Aisi manādī se qaum ke buzūrg nihāyat khafā hue; khāsskar jab Rūh ul Quds sunnewālon par zor se nāzil huā, aur ajīb mājare zahūn men āe, aur hazārā Yahūdī Masīhī ban gaye, aur in nau-muīlon men ek qism kā anīn un ban gaya, jo Masīhī Kalī-ya nām se mashhūr huā, aur us men kisī qadr intizām o qānūn bāndhe gaye. Pahle rasūl us men hādī the, magar unhon ne jald jismānī bandobast, chand, gurīb bhāiyon kī mudād wg., kā bojh dīgur shāgirdon par dā'ā, tāki ap Masīh kī gawāhī dene ke wāste ziyāda fursat rakhen. Is intizām ko khatm karne ke liye Buzūrgon ne un do rasūlon ko, jo jumāat men hādī the, pakar liyā, aur rāt bhar quid men rakha, aur dūsre din un kā muqaddama kiyā, aur barī tākid se unhen dāntkar hukm diyā, ki is qism kī manādī na karen, tab unhen chhor diyā.

3. Jab yih bāt Masīhion men mashhur hui, tab un kā pakkā irāda huā, ki Yisū' kī manādī karne se ham baz na āenge, kyūnki hākimon ke hukmon se ziyāda Khudā ke hukmon ko mānnā farz hai. Hākimon ke nazdik yih barī gustākhī samjhi gayi. So wuh hasad ke māre uthe, aur unhon ne rasūlon ko pakarke āmm hawālāt men rakh diyā. Magar Khudāwand ke ek firishte ne rāt ko qaidkhnāne ke darwāze khole, aur unhen bāhar lāke kahā, ki jāo. Haikal men khare hoke is Zindagī kī sab bāten logon ko sunāo. Aām. 5: 18-19. Jab wuh Haikal men phir sunāne lage, tab dobārā Buzūrgon ke āge hāzır kiye gaye, aur un kī malāmat kī gayi, ki "saḡht hukm dene par bhī tum ne tamām Yarūsalam men apnī talīm phailā di, aur us shakhs kā khūn hamārī gardan par rakhnā chāhte ho," So unhen nāfarmānī ke sabab piṭwākar, aur phir chup rahne kā hukm dekar, chhor diyā. Lekin wuh log na shahr se bhāg gaye, na khāmosh rahe. Yahān tak buzurg shāyad āwāmm kī dostī ke dar se unhen qatl nahin kar sakte the, so unhon ne dūsri tadbīr nikālī. Wuh logon ko sikhāte the ki Masīhī log qaum ke dushman aur Musawī Shari'at ke barbād karnewāle, aur

Haikal ke mismár karnewále haiṅ. Un ki is tarah se sikháne men kámyáb hone lage, aur bhír ne Stifanus nám ek sargarm mannád ko sangsár kiyá. Wuh shahr ke dígar Masíhion par bhí jhunjhláne lage, aur is kám men Shául nám ek jawán Farísí, barí sargarmí záhir kartá thá. Yahán tak ki Buzurgon se ijázat pákar, wuh “Kalísiyá ko is tarah tabáh kartá rahá. ki ghar ghar ghus ke, aur mardon aur auraton ko ghasítkar qaid karátá thá,” Aam. 8: 3. Yih zulm itná barh gayá ki rasúlon ke siwá, aur Masíhí log, bahut atráf men pará-ganda ho gaye. Magar jahán kahín játe the, tabán Naját Dihinde kí khabar lejáte the. Aur un kí yih gawáhi rasúlon kí manádi thahartí hai, kyunki wuh is se khush hue; aur jab do ek shahron men, in koshishon se Masíhí jamáaten qáim ho gayín, tab rasúl apní taraf se ádmí bhejkar un kí madad karte the. Yún manádi kí kámyábi jald Sámariyá aur Antákiyá shahron men, Kuprus tápú aur dígar atráf men hone lagi. Tab Yahúdiya men koí hádisa huá, jis ka bayán Baibál men nahín miltá hai, jis ke sabab se Yahúdí Buzurg kisí aur bát men uljhe rahe, yahán tak ki arse tak Kalísiya ko árám milá. Baz álimon ka gumán hai, ki wuh un dinon Romion se bahut jalte aur jhagarte rahe, kyunki Caligulá Qaisar apní múrat ko Haikal ke andar hí nasb karne kí koshish kar rahá thá. Arse bad mulk men chain huá aur dushman phir Masíhion ko yád karne lage. Agríppá bádsháh hoke phir áyá, aur Rome se us ne Buzurgon ko khush karná cháhá, to us ne satáne ke liye Kalísiya men se baz par háth dálá. Us waqt Yaqúb aur Patras jamáat men kháss tarah se hádí nazar áte the. Us ne Yaqúb ko talwár se qatl kiyá, aur Patras ko sakht qaid men giriftár kar diyá. Qaid-kháne ka darwázá band thá, tálá lagáyá huá thá, zanjír band thí, aur 16 sipáhi pahrá de rahe the, taubhi Patras churáyá gayá.

4. Yahán tak kalísiyá ke shurakon kí barí musibat ka hál Aamál kí kítáb men mazkúr huá, magar Yahúdí Buzurgon kí mukhálifat ziyádatar ek shakhs ke ahwál se raushan kí játi hai. Chunáncí musanníf apní tasníf

ke ákhirí hisse में Paulus के safarों aur tangiों का bayán likhtá hai, ki wuh muajizáná taur se Masíh का shágird ban gayá, aur bad ko us us kí bashárat dene lagá, aur do ek Masíhí bháiyों ko sáth leke Asiyá के bahut se mamálík में, aur bad ko Yúrap के chand atráf में bhí, Masíh i maslúb kí manádí karne lagá. In safarों के bayán में yih bát gaur के láiq hai, ki wuh be-‘ízzat kiye gaye, aur unhon ने jismání taklíf páí. Pisidiyá के Antákiyá से wuh bhagáye gaye, Ikúniyum में koshish kí gayí, ki un ko sangsár karen. Jab wahán से Lustrá में bhág gaye, tab wahán Paulus sangsár kiyá gayá “aur us ko murda samajhkar shahr के báhar ghasít le gaye.” Jab aisí musíbaten sahke wuh donon Yarúsalam kí Kalisiyá के pás laut gaye, to un kí barí taríf kí gayí. Yih donon aise ádmí haiñ, jinhon ने apní jáneñ hamáre Khudáwand Yisú Masíh के nám par nísár kar rakkhí haiñ,” Aam, 15 : 26. Magar jawán-mard hokar Paulus phir Injil sunáne ko rawána huá. Ab kí dafa wuh Asiyá के mumálík में na rahá, lekin Rúh kí rahnumái से Yúrap में gayá aur Maqadúniyá में pahunch, wuh pahle Filippí में bashárat dene lagá. Wahán fanjdárá के hákimों ने unhen bahut se bed lagwák ur quidkhíne में dálá, aur un के páñw káth में thonk diye. Wahín से chhútkar Paulus aur Silás Thissalunfke को chale gaye. Wahán par bhí bhir ne us ghar par, jahán wuh tikté the, hamlá kiyá, aur unhen na páke ghar के málík को chilláte hue, hákimों के pás khínch le gaye, ki mannádon को jagah dene के sabab un को sazá dí jae. Agar Paulus o Silás को pakar lete, to un के sáth kaisa burá sulúk na karte ? Jab mannád Biriyá में gaye, to kuchh din tak bashárat kí kám árám से chaltá rahá. Tab wahán bhí khalbalí dálí gayí, aur Paulus Athení shahr को rawáná huá, aur kai din wahán thaharke Kurinthus को gayá. Aise tak wahán us kí manádí huí, aur bahut log Masíh के shágird ban gaye magar ákhir i kár Paulus के mukhálif shahr में hangáma barpá karke use khínchkar Gallíyo nám Romí súba के hákim के áge le áe aur us par nálish karne lage. Magar Gallíyo is

ko koí díní jhagrá ján kar un kí sunná na cháhtá thá.

5. Tab Paulus Ifisus ke bháíyon se muláqát karke phir Yarúsalam ko laut gayá, aur Kalísiyá ko apne safaron ká bayán sunáya. Tab tísre daure ke wáste rawáná huá, aur kái shehron men guzar karke Ifisus men áya. Wahán us ne der tak beshárat dene ká irádá kiyá, magar jab us kí talímon kí tásir bahut logon men hone lagi, tab butparas on ne bará fisád utháya, jis men Paulus kí ján mushkil se bacháí gayí. Tab samundar par chalkar, wuh phir Kurínthus men pahunch gayá. Wahán se wuh sídhá Suriyá ko chalná cháhtá thá lekin mukhálifon kí bandish ke máre us iráde ko chhorná pará. So jaház par sawár hokar wuh Yarúsalam kí taraf rawáná huá. Akál ke par jáne se wahán ke Masíhion men tanghálí ho gayí thí, so Paulus Asiyá ke Masíhion men chanda jma karke, sáth letá áya. Masíhí bhái us ke dekhne se khush hue, magar wahán ke Yahúdí us ke phir áne se bahut hí naráz the. Kái muqaddama us ke khiláf barpá kíye gaye, aur Romí sipahí ba-mushkil tamám use bhír ke gazab se bachá sake. Do baras tak wuh qaid men pará rahá; tab us ne apní duháí Qaisar ko dí, aur is sabab se jaház ke zariye se wuh qaidí ke taur par Rom men bhejá gayá. Ráh men aísí ándhí chali, ki us ká jaház barbád huá; magar Khudá ne apne bande ko bacháya, aur wuh Rom men ákar, agaichí qaidí rahá, aur us ke háthon men zanjír rahí, taubhí púre do baras tak, jo us ke pás áte the, un sab se miltá rahá, aur kamál dilerí se bagair rok tok ke, Khudá kí bádsháhat kí manádí kartá, aur Khudáwand Yisú Masíh kí báten sikhátá rahá," Aam 28 : 30. Gumán gálib hai, ki arse ke bad usí shahr men Masíhí, imán ke sabab se, shahid bhí hue. To is ek mannád ke tajríbe se sábit hotá hai, kí un aiyám men Injíl sunána bará mushkil kám, aur bare khatre ká kám thá. Pas záhir hai, ki wuh ta'lim, jis ke dene ke liye mannád umr bhar itní taklífen utháthe the, un kí nazar men sachchí huí hogí.

6. Phir koí na kahe, ki is bayán kí sachchái sirf Aa'mál kí kitáb ke musannif par mabnÍ hai, aur kyá

jāne, un ke bayānāt haqīqī hon, yā nahīn. Nahīn, in hādison ke haqīqī hone ke aur bhī ishāre milte hain. Chunānchi har kachehrī men, jab kisī gawāh ke bayān par dūsron kī taraf se tāīd kī gawāhī miltī hai, to us ko barī taqwīyat pahunchtī hai. Chunānchi rasūlon ke k̄hutūt se, aur dīgar kitābāt se. Lūqā kī tasnīf ko aīsī takwīyat dī jātī hai. Maslan Lūqā kī tasnīf men likhā hai, ki Filippī shahr men Paulus o Silās kī barī be-izzatī kī gayī, ki un ke kapre phāre gaye, aur unhen bed lagwāye gaye, aur qaid-k̄hāne men un ke pānw kāth men thonk diye, gaye, Aam. 16: 23. Chunānchi jab Paulus ek nazdik kī Kalisiyā ko k̄hatt likhtā hai, to in taklīfon kā ishāra karke yūn kahtā hai, “Tum ko ma’lūm hī hai, ki bāwajūd peshtar Filippī men dukh uṭhāne, aur be-‘izzat hone ke, ham ko apne Khudā men yih dilerī hāsīl huī, ki Khudā kī k̄hushkhabarī barī jānfishānī se tumhen sunāen,” 1 This. 2: 2. Pas Lūqā kī tasnīf ko k̄hatt puk̄htagī detā hai. Phir Lūqā ne kahā thā, ki Thisalunīke hī men bhīr ne halchal machāī thī aur us gharwāle ko, jis pās Paulūs ṭikā thā, use qabūl karne ke sabab barī taklīf dī. Is halchal ko yād dilāke, Paulus apne k̄hatt men farmātā hai, ki “Tum ne kalām ko barī musībat men Rūh ul Quds kī k̄hushī ke sāth qabūl kiyā,” 1: This 1: 6. Lūqā se batāyā gayā, ki Ifīsus men but-araston ne use qatl karne kī koshish kī. To Paulūs ne bhī apne ek k̄hatt men yūn ishārā kiyā, ki “Ham nahīn chāhte, ki tum us musībat se nāwāqīf raho, jo Asiya men ham par parī, ki ham hadd se ziyāda, aur tāqat se bāhar, past ho gaye; yahan tak ki ham ne zindagī se bhī hāth dho liye,” I Kur. 1: 8. Aur ek aur āyat men yih pūchhtā hai, ki agar main insān kī tarah Ifīsus men darindon se larā, to mujhe kyā fāidā?” I Kur. 15: 32. Lūqā ne batāyā thā, ki Paulus kī manādī Antākiyā, Ikūniyum, aur Lustrā men huī thī. Is ke mutābiq Paulus ek k̄hatt men zikr kartā hai, ki aise dukhon men, jo Antākiyā, aur Ikūniyum, aur Lustrā men mujh par pare, Khudā ne mujhe chhurā liyā, II Tim. 3: 11. Lūqā ne kahā thā, ki Paulus ne Ifīsi Buzurgon ko yād dilāyā, ki

tumháre bích men manádí karke main ne apní rotí kamáí, chunáncí us ke ek khatt men likhá hai, "Ham Masíh kí khátir is waqt tak bhúke, piyáse nange hain, aur mukke kháte, aur awáre phirte hain, aur apne háthon se kám karke mushaqqat uṭháte hain," I Kur. 4: 10, 11.

7. Us pahle zamáne ke Masíhí mannádon kí gawáhí is báat se bahut zor patí hai, ki záhiran wuh bahut muatabir shaḡhs the aur sachcháí o nekí o pákízagí par bahut zor dete the, balki us waqt se jab Yisú' qabr se jí uṭhá, malúm huá ki un kí díndárí o Khudá-tarsí aur bhí barhne lagi. Ibádat karne men un ká bará shauq thá, jab Yisú' ásmán par charḡ gayá, tab "Yih, sab ke sab bháíyon ke sáth ek dí' hokar, duá men mashgúl rahe," Aam. 1: 14. Wuh cháhte the, ki un ke sáre ham-watan bháíyon kí surat men is ibádat men un ke sáth sharík ho jáen, kyúncí likhá hai, ki "Wuh har roz ek dí' hokar Haikal men jama huá karte, aur gharon men rotí torkar ḡhushí aur sáda dí' se kháná kháyá karte the, aur Khudá kí hamd karte, aur sab logon ko azíz the," Aam. 2: 46. Hán bad ko bahut log un ke dushman ban gaye, lekin us kí díndárí ke báis se ban gaye, aur jab dushmaní barh gayí, tab un kí 'ibádat bhí barh gayí. Maslan jab Patras qaid men pará thá, tab bhái aur bahín Marqus kí mán ke ghar men jamá hokar duá máng rahe the, Aam. 12: 12. Jab wuh manádí karte the, tab barábar nek chál kí talím diyá karte the. Paigám kí pahlí talím yih thí, ki "Tauba karo" aur in nekí kí talímon se Kalísiyá par barí tásir bhí hoti thí, kyúncí bad ko batáyá játa hai, ki un kí áge kí aur píchhe kí chál men bahut farq thá, Maslan Paulus farmátá hai, "Tum peshtar dunyá kí rawish par chalte the. In men hum bhí sab ke sab pahle apne jism kí ḡhwáhishon men zindagí guzáarte, aur jism aur aql ke iráde púre karte the. Magar ḡhudá ne apne rahm kí daulat se ham ko Masíh ke sáth zinda kiyá," Ifs. 2: 1-5. Patras kí gawáhí bhí aisí hí hai, ki Yisú' ke pairau ne "gunáh se farágat paí, táki áyandá ko apní báqí jismání zindagí ádmíyon kí ḡhwáhishon ke

mutábiq na guzáre. Hān jo kuchh gair qaumon kī marzī ke mutábiq “ham ne pahle waqt guzárá, wuhí bahut hai; magar ímándár banne se farq huá, “Is par wuh taajjub karte haiñ, kī tum usí waqt saḡht bad-chalñí tak un ká sáth nahín dete, aur lan tan karte haiñ,” 1 Pat. 4: 14. Bazon se, jo Masíh ke shágird ho gaye the, bad ko yih púchhá játá hai, kī “Pas jin báton se tum ab sharmindá ho, un se tum us waqt kyá phal páte the?” Rom 6: 21. Dúson kī taríf kī gayí, kī aisi tabdilí un meñ wáqí huí thí. “Baz tum meñ aise hí the bhí; magar tum Khudáwand Yisú Masíh ke nám se aur hamare Rúh se dhul gaye, aur pák hue aur rástbáz bhí tháhre, I Kur. 6: 11. Un dhul jáne kī tashbíhon se, jinheñ wuh bahut istíamál meñ láte the, záhír hai, kī wuh Masíh ke shágirdon meñ ek naye qism kī zindagí kī intizárí karte the; masalan “Tum auron kī mánind sote nahín sahte,” “Tum auron kī mánind tárikí meñ nahín, lekin núr meñ chalnewále ho,” “Tum núr ke farzand ho,” “Tum gunáh kī gulámí se ázád ho,” “Tum ko zindagí kī tázagí milí,” “Tum gunáh kī taraf mue hue ho,” wg. Chunánchi har zamáne meñ yih bát dekhne meñ áyí hai, kī jahán tak kisi qaum meñ Masíhiyat barh játí hai, wahán tak us meñ nek-akhláqí bhí barh játí hai.

BĀB X.

INJIL KÍ NISBAT GĀIR-MASÍHÍ AUR MASÍHÍ SHAHĀDAT.

1. Sháyad koí iatiráz karke kahegá, ki agar un dinon men mulk i Yáhúdiyá men aisí mashúr báten waqí' men áin, to un kí khabar dúr mulkon men bhí pahunchí hogí, aur zarúr gair-Masíhí musannifon kí kitábon men un ká kuchh zikr miltá hogá. Is ká jawáb yih hai, ki aksar musannif, apní tasnífon men díní harakaton ká zikr ko darj karná kam pasand karte hain, auwal is liye ki wuh unhen nahín samajhte aur agar unhen samajhte bhí the, to un men kisi qism kí dilchaspí nahín dekhte the. Dúsrí bát yih hai, ki un aiyám kí likhí huí bahut kam kitáben ham tak pahunchí hain, aur jo pahunch gain un men aksar musannifon ke apne apne watan kí taríf gáne kí garaz nazar áti hai. Chup rahne ká ek aur sabab yih thá, ki agarchi us pahlí Masíhí sadí men Roma, Kurinthus, Ifisus, Antákiya wg. men, bahut Yáhúdí aur Masíhí log dekhne men áte the, taubhí aksar awámm ká kھیál yihí huá hogá. ki Masíhí log bhí Yáhúdíon ke ek firqe ke log hain jo dúson ke sáth jhagrá karte hain, jaisá ki muddat se Farísí aur Sadúqí aur Essíní aur Herodí ápas men larte rahte hain, to Masíhion ká alag zikr karná be-matlab malúm huá hogá. Pas agar áspás ke mulkon ke ulma Yisú' ke ahwál ko sunkar us kí kuchh qadr na karte the, aur Kalísiyá kí taraqqí dekhkar lá-parwáh rahte the, to yih koí ajíb bát malúm na detí hai. Wuh Masíhion kí taraf kyún nigáh karen?

2. Sháyad koí iatiráz karke kahegá, ki Rómí aur Yunání log agarchi apne deotáon kí parastish karte rahe, taubhí dígar mazhabon kí sakht mukhálifat nahín karte the, aur agar Injíl ká bayán haqíqí hotá to kyá yih ajíb bát nahín hai, ki wuh Yisú' Masíh kí parastish bhí nahín karte, aur na us ke nám ko apne deotáon kí fihrist men darj karte hain, jaisá ki wuh Asúrí aur Suriyání pújá ko qabúl kar lete the. Is se wuh yih bhí

natíja nikálne cháhte hain, ki un tasdion ká bayán, jo dukh Masíhion ko Qaisaron kí dushmaní se diyá gayá, tatibár ke láiq nahín hai. Jawáb yih hai, ki Baal yá Malak yá Nebú ko, apne deotáon men jagah dená âur bát thí, aur Yísú Masíh ko jagah dená âur bát thí. Yád rahe, ki Mazhab i Masíhí, dígar mazáhab ká khárij karnewálá hai. Jahán Masíh andar átá, tahán Zeus o Diáná, Baal o Astárte, nikal játe hain. Yahowáh, bahut deotáon men, ek deotá máná na jáegá. Chunánchi us kí parastish biláshirkat i gair hai. Masíh kí sí izzat kisi dúsre ko de dená, gunáh batáyá játa hai. Musáfir log bare tujjub se us barí o qadím Pántheon nám imárat par nazar karte hain, jo sab qaumon ke sáre deotáon kí múraton ko qabúl karne ke wáste Romá men tamír kí gai thí: aur agle dinon men mabúdon kí barí majlis us men huí hogí; lekin jab se Masíh Roma men áyá, tab se un kí majlis uth gayi hai. Jahán kahín Masíhí mannád játe the, to kahte the ki yih sáre mabúd nest o nábúd honewále hain. In ko tark karo. Yih sab naqlí o banáwatí hain; ek hí akele aur sachche mabúd ko máno, tab tum ko barakat milegí. Aisá paigám sab deotáon ke pujerion ko náráz kar denewálá thá; wuh sochte hongé ki yih log dindárf hí ko ulať dete hain. Chunánchi agar us zamáne kí kitáb o kágazát men Masíh ká, yá Kalísiya ká kuchh zikr páyá bhí jáe, to aglab hai, ki us zikr men un nayí talímon ke sáth kuchh dostí yá hamdardí nazar na áegí. Aur agar kisi ajnabí kí kitáb men Masíhion kí taraf kuchh dostí nazar áwe bhí, tab uluma yih sochne lagte hain, ki is shakhs ke aslí bayán ke bích men kisi ne bad ko do char jumlon ko darj kar diyá hogá, kyúnki jis hál ki wuh shakhs Masíh par ímán na látá thá, to us kí taríf kyúnkar kartá?

3. Is bát kí umda nazír Yusífas ke ek mashhúr kalám men páyí játi hai. Yusífas Yísú' ke zamáne ká ek náiní Yahúdí muarrikh thá. Wuh álim o fázil shakhs thá, aur us kí char kitáben áj tak parhí játi hain. Wuh bará watan-dost thá, magar sháyad Rúmiyon ke sáth ziyáda dostí rakhtá thá, aur barason tak shahr

i Roma men, yá Romí fauj ke sardár kí rifáqat men rahá thá. Jab chhabís baras kí umr ká huá, tab Yahúdion ne use Roma men bhej diya, ki Níro Qaisar ke áge, kisi kí sífárish kare. Us waqt wuh tén baras tak wahán rahá. Jab wuh laut ává, Yahúdí us se bahut khush hue, kyúнки us kí sífárish kámyáb huí thí, aur chand káhin, jinhen Feliks ne giriftár kiyá thá, ázád kiye gaye. Us waqt Yahúdion ne bahut cháhá, ki Romiyon se lareñ. Yusífas, Galíl ká subedár muqarrar huá, aur aglab hai, ki us ne apne ham-watnon ko babut samjháya, ki Romiyon se larná lá-hásil hogá. Magar Galílion ne máná nahín. Bigáwat barpá kí gavi, aur Títus ká báp Vespásian, fauj leke áya, aur Galílion ko Jotapáta shahr men sakht muhásara kiyá. Yusífas barí hoshiyári aur jawán-mardí dikhákar, 47 dín tak shahr kí hifázat ke liye lartá rahá, tab us ne bhágkar ek gár men panáh lí. Wahán Yusífas giriftár kiva gayá; aur Vespásian ke huzúr rakhá gayá. Us ne us par barí mihrbání dikhái. Yusífas ap hí kahtá ki Sipahsálár is liye mujh se rázi huá, kyúнки main ne use batáya, ki Ap Roma men Qaisar ban jáenge. Yih San Íswí 67 kí bát huí hogí, aur do sál bad, Vespásian kí fauj ne use takht-nishín kar diya, aur Títus báp kí jagah men fauj ká sipah-sálár ban gayá. Jab Títus ne Yarúsalam ko ulat diya, tab Yusífas us ke sáth rahá. Sháyad qaidí ke taur par rahá, magar báp aur bete donon ne us par ajíb mihrbání dikhái, balki us kí sífárish se, Yahúdí qaidion men se, Yusífas ke 190 doston kí ján-bakhshí kí. Tab wuh Romá men laut gaya, aur Títus ke julús i zafar men házir thá, aur Kaisar kí mihrbání se jagah páke, apní kitábon ke qalamband karne men mashgúl huá. In kitábon kí kháss garaz yih thí, ki Romiyon kí adáwat o nafrat, jo aksar Qum i Yahúd kí taraf karte the, mitá dewe. Wuh Yahúdí qadím Tawáríkh ko Yunání zubán men Baibal ke bayán kí banisbat ziyáda mufassalan likhtá hai, magar chand waqíat par, jo sháyad Romiyon ko pasand na áwen, khámoshí ká parda dáltá hai, maslan is bát ká zikr, ki Esau ne apná haqq bech dálá, aur ki

Músá ne ek Misrí ko jo ek Isráelí ko satátá thá, már dálá, aur ki Isráelion ne sone ke bachhre ko banáka; us kí parastish kí, aur ki is ko dekhkar Músá ne Das Ahkám ke pattharon ko tor dálá, aur ki Mikah nám ek Isráelí ne butparastí kí, wg., us kí kitábon men nahín milegí. Phir baz muajizon ká zikr karte waqt maslan Lál Samundar men ráh ká khul jáná, aur Yúnah ke bayán ke haqq men, wuh apná kuchh shakk záhir kartá hai. Ek gaur ka maqám yih hai ki Yusífus us Anewále Masíh kí intizárí ká ishára bayán nahín kartá hai, jo Baibál men har kahín záhir kí játi hai. Is hál men ek ájib bát yih hai ki, Yusífus kí ek kitáb men Masíh kí taríf yún páyí játi hai:—

“Un dinon men Yisú‘ ek dáná adnúi (agar use adnúi kahná munásib ho), rahtá thá. Kyúñki wuh újb karámát kar dikhátá thá, aur aise ashkhás ká jo shauq se sachcháí ko qabúl kar lete hain, sikhlanewálá thá: aur baní Isráel men se bahut, balkí Yunanion men se bahut, us ne apní taráf khínch liyá. Aur wuhí Masíh thá, aur jab unhon ne, jo ham men se buzurg thaharte hain, us par nálish kí, aur Pilátus ne hukm diyá, ki wuh maslúb kiyá jáe, tab wuh jo áge use pyár karte the, unhon ne use chhorá; kyúñki tísre din wuh un par phir zinda záhir huá, jaisá ki qadím se Iláhí nabíon ne das hazár áur májaron ke sáth us ke haqq men peshingoán kí thín. Balki áj hí tak us ke pairaon ká guroh chalá áyá hai.

Agarchi yih paigám Yusífus kí tasníf men qadím se chalá áyá hai, taubhí ulma gumán karte hain, ki wuh bad ko kisi dúsre ke háth se kitáb men darj kiyá gayá, hogá, yá agar Yusífus ne Yisú‘ ká kuchh zikr kiyá, to kisi ne chand alfáz ko badal dálá hogá. Sach hai ki Casiodorns (chhatwín sadí men) aur Eusebius (chauthí sadí men) is bayán se wáqif the, taubhí ham tén sababon se use Yusífus ká kalám nahín mán sakte hain. (a) Yih kisi Masíhí ká kalám hai, aur záhiran Yusífus Masíhí nahín thá. (b) Wuh aisé kalám thá, jo Romiyon ko pasand na hotá, aur úpar mazkúr huá, ki wuh aise bayánát ko barí khabardári se apní tasnífát se radd

kartá thá. (c) Bhárí dalíl yih hai, ki Origen buzurg, (tísrí Sadí men) jo áp Yusífas kí kitábon se khúb wáqif thá, zarúr aise paigám ko agar us waqt us men hotá, to apní tasníf men darj kar detá. Lekin Origen áp Injíl kí do báton ká zikr Yusífas kí tasnífát se iqtibás kartá hai. (1) Yusífas yún farmatá. kí “Yuhanná jis ká laqab Istibághí thá, qatl kiyá gayá. Wuh nek-mard thá, jis ne Baní Yahúd ko nekí karne aur baptisma lene ko sikháya, lekin Herodes ne is sabab se use qatl kiyá, kyúнки us se khauf khátá thá, ki us kí manádi se awámm men bagáwat baipá ho jáegi.” (2) “Phir Yaqúb thá, jo Yisú’ ká. jis ká laqab Khrístus thá, bhái thá; us hí ko Hananiyáh sardár Káhin ne sangsár karwáya,” Aglab hai ki yih do kalám, Yusífas kí aslí kitáb men hue honge, kyúнки un men koí bát na thí, jis se Romí naráz ho jáen.

4. Lekin kalísiyá kí bunyád dálne ke haqq men aisi shahádaton hai, jo dushmanon kí taraf se milí hai, jin kí aslíyat ke haqq men ulma koí shakk nahín karte hai. Maslan Tacitus ek námi muarrikh thá, jo Yisú’ ke maslúb hone ke ekís buras bad vaida huá, aur apní tasníf men un aiyám ke Qaisaron ká bahut kuchh bayán likhtá hai. Us barí átashzadagi ká zikr karke, jo Niro Qaisar ke dinon men wáqi huí, jis se Rom shahr ka hará hissá barbad huá, us ne batáya, ki bahut logon ká gumán thá, ki Qaisar ne áp apne ek matlab ke hásil karne ke liye, shahr men ág lagwái, lekin jab bahut ziyáda nuqsán hone lagá, tab khauf khákar Masíhton par náhaqq is sharárat ká ilzám lagáya. Tacitus likhtá hai:—

“Niro ne barí koshíshen kí, aur bahut logon ko barí bakhshishen dín, aur deotáon ke áge barí qurbániá chahái, taubhí yih báthít hotí rahí, ki “Qaisar ne áp hí shahr men ág lagwái.” Is badnámi ke mitá dene ke liye, us ne us firqe ko is bát men mujrim thahráya, jo awámm se Masíhí kahláte the, aur jinhen Romí log un ke bahut se bad kámon ke sabab se nafrat karte the. so un par Qaisar ne niháyat barí sazáen bhejin. Is firqe ká baní Masíh náme ek shakhs thá, jo Tiberius

Qaisar ke dinon mein Pantiyus Pilátus hákim ke háth se maqtúl huá. Us kí maut ke sabab se yih barbád karnewálí bidat árise tak rokí gayí, magar wuh phir barpá ho gayí, aur na sirf Yahudiya mein jahán íjád kí gai thí, balki Roma mein bhí jahán dunyá bhar kí sári kharábián ap se ap faráham hotí hai, aur qabúl kí játí hai, phail gayí. Pahile in mein se kaí ek, jo iqrár karte the, ki ham is firqe ke hai, pakre gaye, aur un ke zariye, ek bará guroh giriftár kiyá gayá. Hái shahr mein ág lagáne ká jurm un par sábit na huá, magar wuh is bát ke mujrim thahráye gaye, ki wuh tamám insánon ke dushman hai. Yih log na sirf maqtúl hue. balki ján dete waqt, un kí niháyat be-izzatí kí gayí, aur wuh thaththon mein uráye gaye, kyúнки bazon par darindon kí khaleñ orhí játí thin, táki kutte unhen phár dálen, aur baze salíbon par tangwáye gaye; aur bazon ke kapron mein rál bharwáyá gayá, aur tab us mein ág lagáyi gayí, táki rát ko battí ke taur par jalkar bágon ko raushan karen. Is tamásha ke wáste Qaisar ne apná sháhi bág de diyá, aur bahut tamáshbínon ko wahán jama kiyá aur ap kabhí páñw páñw chalkar dekhnewálon ke bích mein mil játá thá, aur kabhí kabhí gáñwán ke bhesh mein, apne rath ko idhar udhar daurátá thá. Jab Níro ká yih sulúk malúm huá, tab log becháre maqtúlon par tars kháne lage, aur agarchi wuh badkár, aur bháí sazá ke láiq the, taubhí log sochte the, ki yih Masíhí, fáida ámm ke wáste nahín, magar ek hí shakhs ke be-rahm dil ko khush karne ke liye, zabh kiye gaye hai.”

5. Ab zahiran Tacitus Masíhion ká dushman hai, taubhí us ke is kalám mein kaí ek báten gaur ke láiq hai (a) Masíhí log us kí samajh mein badkár hai, magar wuh ap un kí kisi badkárí ko nahín jántá hai. (b) Wuh batátá hai, ki is firqe ká baní maqtúl huá. (c) Ki us mulk mein jahán us ká baní maqtúl huá, yih firqa phir phailáne aur barhne lagá. (d) Us mein aisá zor páyá gayá, ki us ke baní kí maut ke bad 34 baras ke árise mein us firqe ke bahut pairau Rom shahr hí mein páye gaye. (e) Is se sábit hai, ki us naye mazhab ke mannád aur ustád niháyat mihnati aur sargarm ádmí the.

(f) Agarchi un ká bání maslúb huá, taubhí us ke nám ke bahut wafadár rahe, aur us kí talím ko dúr dúr mulkon men pahunchá dene men ján ká khatrá utháthe the.

6. Suetonius bhi usí zamáne ká ek Romí muarrikh thá, aur wuh Niro kí bádsháhat kí nisbat yún likhtá hai, kí “Masíhí, jo ek naye aur jádúgar firqe ke the, us waqt sazá páte the.” Yih bhí dushman kí shahádat hai, taubhi tín báten us men nazar áti hain. (a) Is firqe ko Niro ke aiyám men sazá dí gai, aur yih wuh sazá huí hogí jis ká zikr Tacitus ne kiyá. (b) Yih nayá firqa thá. (c) Is firqe ká bání Masíh thá.

Júvenal bhí us zamáne ká ek Romí sháir thá. Wuh Niro ke ek yár kí malámat karke kahtá hai, kí agar koí Tigellinus ká ahwál sunáwe, to wuhí sazá utháegá, jise wuh log utháthe the, jo apní ág aur dhúán ke bích men khare hue jal rahe hain, aur jin ke sir thámbhe hue hain, yane ek ek kí thuddí ke niche mekh lagi huí hai, aur khún aur gandhak zamín par tapaktá hai. Aglab hai kí Júvenal yahán becháre Masíhion ke usí tasdíq ká bayán kartá hai. jis ká zikr Tacitus ne kiyá thá.

Martial bhí, jo un dinon ká dúsrá Romí sháir thá, aur San Íswí 103 men mará, un Romí Masíhion par thaṭṭhá mártá hai, kí wuh aisi be-samjh the, kí agarchi us jalti huí poshák ko áge rakhí huí dekhte the, taubhi apne imán ká inkár na karte the. Epictitus ne bhí is nádání ká ishára kiyá. Wuh sochtá thá, kí yih págalpan Masíhion men ek ádat ho gai hai.

7. In ke thore din bad, jab Trajan Qaisar kiyá gayá, tab us ne Pliny sání ko Bithynia aur Pantus ke súbon ká Názim muqarrar kiyá. Jab Pliny wahán hukúmat karne lagá, to dekhtá kyá hai kí, un atráf men Masíhion kí sakht izá-rasání ho rahí hai, aur talásh karne par bhí use koí sarkárá qánún nahín milá, kí jis ke bamújib yih log satáye játe hain, to Qaisar ke pás chitṭhí bhejkar wuh daryáft kartá hai kí is muámile men main kyá karún? Farmátá hai, “Yih log gintí men bahut aur sab umúr ke hain, aur un men mard

aur auraten bhí hain, aur is mazhab í bátil kí siráyat na sirf shahron men, balkí gánwon aur diháat men bhí, phailí hai. Chunánchi in súbon men arse se in Masíhion par nálíshen aur tahqíqát aur muqaddame ho rahe hain. Bahut sí be-nám chitthián hákímon ke pás bhejí játi hain, jin men lambí námon kí fihrist, un logon kí hain, jin kí nisbat shakk hai, kí Masíhí honge, yá Masíhion kí tarafdárf karte honge. Aisi nálíshon ke sabab se bahutere giriftár kiye gaye hain, jin men se baz dilerí se apne mazhab ká iqrár karte hain, aur is iqrár par maqtúl bhí hue: baz, inkár karke kahte hain kí ham Masíhí nahín hain, aur baz kahte hain kí Hán, ham pahle is mazhab ko mánte the, magar arse se ham ne use radd kar diya." Pliny kí yih chitthí, jo Masíh ke maslúb hone se sattar ek baras bad likhí gayí, aur wuhí hidayat, jise Trajan ne jawáb men bhej diya, bahut mashhúr hain, aur in se kai ek khabaren milti hain. (a) Un dinon men bagaur Qusar ke kháss hukm ke, Masíhí mazhabwále satáye jate the. (b) Un dinon men bahut mainálík men Masíh ká shágird banna bare khatre kí bát thí. (c) Is se chand baras pahle, Rúh ne Paulus ko Bythínia ke mulk men jáne se mana kiya thá, Aam 16 7. Magar Injil ká wahán phuláyá janá mana na kiya gaya, aur Injil ke baz nau-muríd apne íman par ján dene tuk taiyár hue. (d) Yih bhí zahir hai, kí bahut jagahon men awámu ná-haqq nek-chal Masíhion par jhunjhláte the. Is bát ká ek aur subút is ke chand baras bad milá hai, kyúncí Adrian Qusar ne Ásiya ke Názim ko hukm bhejá, kí jab Masíhion par bidát kí nálísh kí jáe, to is ká faisalá qánún ke bamújib, aur tartíb ke sáth, kiya jáe. aur na kí hangáme aur garbarí ke sáth, jaisá kí Ásiya men dastúr par gaya hai.

8. Beshakk in bayánát men, jo bátil-paraston kí kitábon se intíkháb kiye gaye hain, ziyádatar Masíhí Kalísiya se nisbat rakhte hain, kyúncí unhon ne Yísú ko nahín, magar sirf us ke pairaon ko dekhá thá. Taubhí un gair-Masíhion kí tasnífon se Masíh kí maut ká, aur us kí kalísiya ke barh jáne ká aisé bayán taiyár

ker saktá hai, jo bahut báton men Injíl ke bayán kí táíd kartá hai: (a) Ki mazhab í mazkúr, us ke baní, Masíh (Khristus se, námzad huá. (b) Ki Masíh Yarúsalam men, Pantíyus Pilátus ke hukm se, mujrim ke taur par maq'úl huá. (c) Taubhí us kí manádí hotí rahí. (d) Ki Yarúsalam men, aur sáre Yahúdiya men, bahut log us ke pairau hue. (e) Ki wahán se yihí manádí dúr mulkon men bhí pahunchí, aur un ke báshindon men se bahut log us par ímán le áe. (f) Ki yih wáqiát un Qaisaron ke aiyám men huín, jin ká zikr Injíl men páyá játá hai. (g) Agarchi baz Qaisar Masíhion ko be-rahmí se satáthe the, taubhí yih mazhab bahut taraqqí patá thá. Is firqe kí adaton aur khássi-yaton ká zikr un tasnífát men miltá hai: (h) Ki ek muqarrar din par un kí jamaát saráham hotí, aur gít gáker Yisú ko deotá ke taur par sijda karte the. (i) Kí ápas men qaul o qarár karte the, ki ham har qism kí badkárí se baz áenge; ki ham chorí, thagáí, zinákárí na karenge, aur jo mál hamáre háthon men saunp diyá jae, to ham hargiz us ká inkár na karenge. (j) Aur apne ustád kí talím ke mutábíq ham sáre baní-Adam ko apne bhái jánenge.

9. Magar un aiyám men bahut log the, jin kí shahádat Masíh aur us kalísiya men bahut ziyáda sunne ke láiq hai, kyúñki un ko un báton ke haqq men bahut ziyáda wáqifiyat thí. Yih wuh Masíhí musannif the, jin kí tasnífát kasrat se hamáre zamáne tak pahunchái gayí hain. Beshaq un ká kalám Masíh kí nisbat aur un ízárasánion kí nisbat, jo Injíl ke pahle mannád utháthe the, muhabbat ke kalám hain, magar hamáre nazdík yih ulfat un kí shahádat ko bátíl nahín kar detí hai. Áj tak Masíh ke dost, shauq se un kí kitábon ko parhte hain.

10. (a) Polycarp Yuhanná rasúl ká shágird thá. Us ká ek chhotá sá khatt maujúd hai, jis men Yisú kí farotání, us ká sbr, us ke dukh dard, us ká qabr se jí uthne ká, aur ásmán par charh jáne ká bayán miltá hai, ki Paulus Yisú ká muqarrar kiyá huá rasúl thá. Ignatius, jo Polycarp ká shágird thá, farmátá hai, ki

Main ne apne ustád kī zubán se wuhí báten, jo us ne chasum-díd gawáhon se Masíh ke muajizon aur talímon kī nisbat suní thín, bár bár sunín. (b) Ignatius ap apní tasnífát men Masíh kī bahut shahádat detá hai, aur in báton ká zikr kartá hai: Us ká Maryam se paidá honá, aur muajizána taur se paida honá, us ká Ibn i Dáúd honá, us kī paidáish ke waqt Púrab men sitáre ká nazar áná, us ká Yuhanná ke háth se baptisma páná, us ká baptisma lene ká sabab batáná, us ká yih batáná kī ambiyá ne mere haqq men peshingoían dín, us ke sir par itr ká dálá jáná, us ká Pilátus aur Herodes kī hukúmat men maqtúl honá, us ká qabr se jī uthná, us ke jī uthne kī yádgári ke liye Itwár ká muqaddas dín thahráyá jáná, aur us kī maut kī yádgári men, Ashá i Rabbání ká máná jáná. In isháron se sáf záhír hotá hai, kī Polycárp aur Ignatius ke pás thík wuhí Anájíl thí, jinhen ham parhte haiñ. Balki Ignatius, Yisú ke jī uthne ke bayán par bahut zor detá hai. Wuh bayán kartá hai, kī us ke jī uthne ke bad rasúl us ke sáth kháte píte the, aur apne háthon se use chhú lete the. Aur wuh is se yih natíja nikáltá hai: “Pas wuh ímán láte the, kyúñki us ke jism se, aur us kī rúh se bhí, qáíl kiye gaye; aur is ímán se wuh maut kī hiquárat karte, aur us par jai jaikár karte the.”

11. Ignatius ke zamáne ká Quádrátus nám ek musannif thá. Us ne farmáyá, Hamáre Naját-Dihinda ke kám marúf the, kyúñki haqíqí aur alániya taur par kiye gaye the. Wuh bhí, jin kī bímárián changá kī gaín, aur wuh jinhen us ne zínda kiyá, na sirf us waqt, balki bahut din bad tak, dikháí dete rahe: aur yih na sirf Yisú ke urúj tak, balki us ke kúch kar jáne ke bahut din bad tak bhí, zinda rahe. Justin Martyr (shahíd) kī gawáhi Quádrátus kī gawáhi ke tís ek barns bad dí gayí thí, aur us kī tasnífát se jo áj tak maujúd haiñ, Masíh ke kám o kalám ká bahut bayán hásil ho saktá hai, jo záhíran inhin Anájíl se páyá gayá hai. Maslan Yisú' ke muajizon ke haqq men, us ká yih kalám hai, “Yisú ne aison ko, jo janm se andhe bahre, langre the, aise changá kiye, kī us ke munh ke kalám se ek

dekhne aur दूसरा सुने, aur तीसरा कूदने लग़ा: us ne mardon ko bhi uthaya, aur unhen zinda kar diya, aur in karāmāt se us ne apne taīn us zamāne ke bahut ashkhas par zabir kar diya.

12. In se pahle bhi, yane pahli safi mein, Klemens (Clement) name Paulus ka ek dost tha, jis ki nisbat us ne farmaya, ki "Us ka nam kitab-i hayāt mein darj hai." Is shakhs ke ek khatt mein kai baton ke ishāre hain, jin se zabir hai, ki us ka imān wahi tha, jo aī kal ke Masīhi rakhte hain. Maslan us ne rasūlon ke bheje jāne ke haqq mein, un likha, ki Rasūlon ne hamāre Khudāwand Yisū Masīh ki manādī yun ki, ki wuh Khudā se hai, kyunki us hi se hukm pakar, aur us ke ji uthne se qail hokar ki wahi Khudāwand hai, wuh har kahin nikle, aur sunāte the, ki Khudā ki bādshāhat nazdik aī hai." Yisū ke haqq mein Klemens yih bhi batātā hai, ki wuh tarotā tha, taubhi qudrat se bhar-pūr, ki wuh Ibrahim ki sulād se tha, aur salīb par khenchā gayā. Wuh Paulus aur Patras ko Kalisiyā ke wafadār, aur bahar ke tāq sutūn, batātā hai, aur Paulus ke dūr ke saron ka aur un dukhon ka, jo wuh har mamālik mein sahtā tha, zikr kartā hai. Kisī ne hisāb kiya hai, ki Klemens ke khatt-i mausūf mein Matī ki Injīl ke āth-i-hāre, Lūqā ke chha, Yuhannā ka ek, aur Amāl ke do ishāre pāye, jāte hain. Agar ham dūsi aur tīri safi ke buzurgon ki is qism ki tafīh karen, to yih bayān bahut hi tūl ho jāegā. Maslan Ireneus ki tasilāt mein kisī ne Matī ki Injīl ke 250 ishāre, aur Yuhannā ki Injīl ke 120 ishāre gine hain.

BĀB XI.

MASÍH KA DUNYÁ PAR TÁSÍR KARNA

1. Paḳ kī Īswī sadī men aīśī koī bāt wāqī' huī, jis se goyá tamám dunyá kī hālat badalne lagī. Jab ham gaur ke sáth us sadī se peshtar ke bayánāt ko parhte, aur unhen us sadī ke bād kī tawárikhon ke sáth muqábala karte hain, to malúm hotá hai, ki koī bāt bīch men á gayí hai: koī badalnewálí shai bīch men á gayí hai: dunyá kī qaumon men ek nayí qism kī tásír hone lagí hai, aur suwál lázim átá hai, ki kyá huá? Is tabdílí ká kyá sabab hī. Shāyad bahut log yih jawáb denge, ki un dinon men ek nayá mazhab dunyá men zāhir kiyá gayá, aur dunyá ke agle mazhabon ke muqábala men Masíhí mazhab kī talímen kahín bihtar thín, aur unká sunáná har kalín faida-bakhsh malúm huá, aur in se dunyá men barí barí tabdílíán nazar áne lagín. Hán, yih j. wáb kisí qudr thík hai. Masíhí mazhab kī talímon men quwat hai, kyúnki sachcháí ká zor un men hai. Un se jahán men barí tásír hotí hai, kyúnki yih ásmán se áí hai. Ek rasúl farmátá thá, ki "Main Injíl kī talím se sharmátá nahín hún, kyúnki us men Khudá kī qudrat hai. Magar hamáří samajh men yih púra jawáb nahín hai. Hamáří ráe men Kalám se barí tásír huí, kyúnki ek shakhs use istíamál men látá thá. Injíl kī kámyábí ziyádatar ek shakhs ke sabab se huí. Talím to bahut achchhí thí, magar ek shakhs us par roshnī dáltá, aur use zor bakhshítá thá. Hamáří ráe men Masíh ká thore baras tak jahán men rahná, wuh kháss wāqī' thá, jis ke báis dunyá aur qism kī dunyá. ho gayí hai.

2. Yád rahe, ki yih bāt bār bār zāhir kī gayí, ki shakhsíyat ek qawwí shai hai. Bār bār aísá huá, ki koī shakhs kisí qaum men namú'd huá, aur wuh qaum us ke sabab se bilkull aur qism kī ho gayí. Sikandar i Azam paidá huá, aur us ke zamáne men bahut mulk ulat diye gaye. Napoleon paidá huá, aur us kī laráíon se Yúrap kī súrat badal gayí. Buddha Hindustán men

paidá huá aur us se tamám mulk men díní tabdílí huí, aur kaí sau baras tak baní rahí, Muhammad paidá huá, aur na sirf Arabistán, balki sab ás pás ke mulkon par aisí tabdílíán á gayín, jin se wuh áj tak ázád nahín ho sake. Is se záhír hai, ki cháhe fáidá ke liye ho, cháhe nuqsán ke liye, phir bhí ek shakhs se, dunyá men, bare aur bhárí kám kiye já sakte hain. Lekin ek aur shakhsíyat dunyá men záhír huí, jo in se kaín zabadast aur kárgar thí. Ek aur shakhs paidá huá, jis ke áne se dunyá kí bahut si qaumen aur qism kí rúh dikhlané lagí hain. Jo qaumen táríkí men chaltí thín, so kisi qadr núr men chalne lagín. Ek shakhs paidá huá, jis ke áne se dunyá kí bahut qaumen apne puráne khyálát aur dastúrat se sharminda hoín, aur unhen badalne kí koshish kartí hain. Aisá shakhs, jis ke áne se dunyá kí bahut qaumen apne sálon ko ginne lagín, aur unhen Anno Domíní yane San Í-wí kahtí hain, balki bahut cháhtí hain, ki San A. D, San B. C. se bahut farq rakhe.

3. Ulamá hamen sikhate hain, ki jahan kaín koí kám nazar átá hai, wahán us ka sabab bhí hua hogá, aur agar kám bhari thá, to us ka sabab bhí bhárí hogá: kyúñki natíja apne bais se hurgiz bhárí na hogá. To suwál lázim átá hai, ki jahan men jab tabdílíán waqi, huín, kyúñkar wáqí huín? Hán un ke bahut se sabab sáth milkar hue hongé, magar hamará khyál yih hai, ki bahut tabdílíon ka shurú' tab huá, jab Khudá ka Betá mujassam, hokar dunyá men áya. Bahut log kahenge, ki Hán dunyá men bare álim o fázil ustád hue hain, aur un kí, barí barí nasíhaton se dunyá ko fáidá pahúnchá hai aur ki in dáná ustádon men Yisú' Masíh sab se dánishmand thá, aur us hí se yih taraqqí huí. Ham samajhte hain, ki agarchi yih qaul such hai, lekin wuh púrí tarah se tasallí-bakhsh nahín hai. Masíh kí talímen ajíb thín, aur chand bá-ton kí nisbat wuh naí, aur gaur-talab khabar, detá thá. Wuh ajíb taur se Báp ke dil ko záhír kar detá thá. Us ne ásmán ke haqíqí hál ko aisá roshan kar diyá, jaisá kisi ustád ne nahín kiya. Wuh insán ke dil ke bhedon ko, us kí

khwáhishon aur koshishon ko, us ke zor aur kamzori ko us kí ázmái-shon aur us ke kھیálat ko, aisá jántá thá, jaisá koí dúsrá na jántá thá. Magar aglab hai, ki Jahán par us kí jo ajíb tá-ír huí, aur jo roz roz barhtí játi hai, wuh mahz us kí talímon se nahín huí hai. Tásir ziyádatar us kí n sí se hai, us kí kño khsat se hai. Wuh na sirf síkhárá thá, balki ap hí jahán men kuchh kartá thá. Maub yih hai, ki ek lá-áuí shakhsíyat dunyá men áí hai, aur apná síkhsí zor dikhátá hai, aur kuchh táajjub nahín ki us se zamá un kí súr t badal jáe, aur álimon ke kھیálon men tabdílí áí, aur qaumon ke dastúrat badal jáen. Maslan sochiye, kí áj kal kitne log, jab koí chitthí likhte hain, to us ke úpar sarnáme ke taur par 1915 likhenge, aur jab haftewár áram karte hain, to usí din ko áram ke wáste chun lenge, jis din Yisú' ne qabr ke band ko tor dálá. Gumán gálib hai, ki imsál jab Easter ká din máná gayá, tab us roz dunyá ke ek tihái bá-hinde kí kisi qadi khushí manáte the, aur sochte the, kí Haqíqat men Yisú' jí uthá hai! Wuh maut par tatah pá gayá hai! Yih baten gaur ke qábil hain. In se barí n síhat hásil ho saktí hai.

4. Masih ká is tarah se zor rakhná, ek bará bhed hai kyúнки sochiye, us kí súrati aisi na thi, jaisí un kí, jo dunyá men zor dikháne wále hain. Wuh madad ke wa-ál, jin se aksar bare log utháe játe hain, us pás n zar nahín áte hain. Wuh bádsnáh nahín hai, sipah-sálár nahín hai. Us pás na doulát, na kbandán, aur na rutba hai. Wuh un logon men pálá gaya, jo apne háthon kí mushaqqat se rotí kúáte hain. Wuh chhóte mulk men paidá huá, aur us mulk ke aise hisse men, jis kí hiquárat kí játi thí, aur us waqt mulk ajnabíon kí mátaht thá. Parhá likhá to thá, jaisá Yahúdí larkon ká dastúr thá, magar malúm nahín ki Baibal ko chhókar, us ne aur kitáb ko parhá thá. Un dinon men Yanání subán men failsúfí aur díní aur dunyáwí bátan par bahut sí námí kitáben banáí gai thín. Agar Yisú' ne unhen parhá to wuh ek ká bhí zikr nahín kartá hai. Un dinon men do bare Yahúdí rabbi bhí mashhúr

sikhānewāle the, lekin Yisú' na is ká, na us ká shágird huá. Un dinon men álim log naye 'ulúm ke hásil karne ke liye dūr dūr mulkon men safar karte the, takí wahān kí kitābon ko dekhén, aur wahān ke ūlamá se bátchít karen. Lekin jahān tak unon khabar hai, Yisú' do dáfa ko chhorakar apne cahote mulk ke kabhí báhar na gayá, aur do dáfa jab gayá bhí, tab majbūr hoke gayá. 'To aise shakhs ko aisi qúwat, jis se bahuton ke dilon ko targib dawe, kahān se hásil hui? Us pás daulat na thí, na wuh daulat kamāne kí kuchh bhí koshish kartá thá. Máldáron aur ikhtiyárwálon aur raíson men se kisi dost ká zikr nahín hai. Us ká dil díní báton par bahut lagá tha magar qaum ke díní ustád ziyádátar us se naráz thá. Jab wuh talím dene lagá, tab jald bárah shágird us kí madad karne lage; magar un men ek bhí pandit, ek bhí máldár, ek bhí hákim yá uhdedár nahín thá. Aisá shakhs dunyá par kyúnkar tásir kar saktá thá? Jab wuh máhígíron aur mahsúl lenewálon ke sáth dosti paidá kartá hai, to kaun us kí sunegá? Kabhí kabhí koí ádmí sarkári bahson men daẖl dekar apne wáste nám pudá kartá hai, yāne zálím ke zulm ká sāmhná kartá, aur garíb aur satáye huon ko bachátá hai. Magar Yisú' in sarkári jhagron men daẖl dene se inkár kartá thá. Kahtá thá, ki zulm sahná bihtar hui. 'Agar koí tujhe ek gál par máre, to dúsrá bhí pher de.' 'Agar koí tujhe begár pakre, aur ek kos le chala, to do kos chalá já.' Bahut Yahúdí log Qaisar kí hukúmat se bagí honá cháhte the, Yisú' ne unhen yih saláh dí, ki "Qaisar kí chízen Qaisar ko, aur Khudá kí chízen Khudá ko do." Aisá shakhs kis tarah se har-dil-aziz ho saktá hai? Yisú' ke pás koí fauj na thí. na kisi qism kí jismání hukúmat. Wuh akhláqí isláhon men logon ká hadí na huá. Hān us se bahut aisi isláhen hui, magar bahut dín bad hui. Us ne koí madrasa na kholá aur na us ne koí kitáb tasníf kí. Wuh un sárí ráhon kí hiquárat kartá thá, jin se ádmí afzal jagáhon ko charhte játe hain. Us kí sárí umr chauntis baras se kam hui hogí, aur us men tís baras bilkul khilwat aur khámoshí men

kaṭ gaye. Kyá mumkin hai ki aisá shakhs dunyá kí qaumíon par barí tasír kare? Tīn barás kí manádí karne aur karámát díkháne ke bad us ke páñch sau pairaon ká zikr hai. Phir us kí manádí aisí na thí, jo ámm insán ko pasand howe. Wuh insán kí khudgarazí aur lálach, aur sustí ko bahut dántá kartá thá. Buzurg aur káhin bhí us se náráz the, kí wuh rasm-parastí kí barí muḡhálifat kartá thá. Wuh ríwáyaton ko nahín, balkí Sharí'at ko tazím detá thá. Wuh logon ko khush karná nahín, balkí Khudá kí tar'f phurána cháhtá thá. Wuh qaum kí kháss ummed, yáne kí hum Romíon se riháí páenge bátíl batátá thá. Kyá mumkin thá kí aisá shakhs áwámm ká pyará ho? Akhír í kár us ke ek shágird ne use púkarwáyá. Apnon ne us ke liye khaufnak Romí sazá mángí. Wuh maslúb huá, jo be-izzatí kí, aur niháyat dard-angez maui thí. Dushmanon ne sochá hogá kí ab Yisú' ka kam tamám huá, us ká nám phir sunne men ná áegá, ab hamen chain milegá.

5. Ab is lásání zindagí ká bhed dekhíye. Thore din kí zindagí thí, aur aksar dinon par khámoshi ká pardá pará huá hai. Jab Yisú' báhar níkalá, to bagair hukúmat ke, bagair shán o shaukat ke níkalá. Kám o kalám ajíb to thá, magar sunnewále aur dekhnewále rais o hukkám nahín, balkí garíb díhátí the. Taubhí jald tamám mulk ke log chaunk pare. Jald malúm ho gayá kí mulk men koí naí bát á gai hai. Ek naí qism kí shakhsíyat dekhne men áyí hai. Ek nayá nám, Yisú' Násarí, sunne men áyá. Log us kí bátchít karne lage. Jab wuh bashárat dene lagá, tab barí barí bhír us pás jamá hui. Us kí nisbat bahut qism ke suwálát kíye játe the. Log us ke haqq men qism qism ká gumán karne lage. Kyá yih wuhí nabí hai? Kyá Iliyáh laut áyá hai? Kyá ánewálá, jis kí intizárí ham karte the, yihí hogá? Chand hafton ke bad tamám mulk men us kí shuhrat phail gayí. Gánwwále sochte the, kí jab ham 'id ke waqt Yarúsalam men jáenge, tab use zarúr dekhenge. Jab wuh Galíl men kám o kalám karne lagá, to buzurgon men se káí shakhs use dekhne

sunne ke wáste wahán gaye : aisé na ho kí yih kisi tarah se hamáre ikhtiyár ko chhín le. Jab bhir us ke dekhne ke wáste faráham hotí thí, to buzurg log bahut hí nákhush hote, aur us par bure ilzám lagáte the.

6. Masíh ke ahwál men ek gaur-talab bát yih hai, wuh log jo ziyáda us ke nazdík rahte the, kí wuh ámm dastúr ke khiláf, us kí ziyáda izzat karte the. Wuh log jo roz us ke sáth chalte, phirte, kháte píte the, áuron se ziyáda us kí baráí karte the. Wuh jin ko us kí bolchál ke dekhne ká ziyáda mauqa thá, us men kisi qism ká nuqs, yá bad-ádat, yá gunáh nahín dekhte the. Wuh us men koi kamí yá ziyádatí nahín páte the. Wuh use ustád aur Rab í aur Khudáwand kahte the. Wuh use Nabí aur Káhin aur Sultán samajhte the. Jab bahut din se suhbat karke unhen us kí khúb pahchán ho chukí, balki jab us kí salbí maut bhí ho gai, tab un ká yih ímán aur bhí qawwí huá. Un ko bahut taajjub na huá hogá, kí aisé shakhs qabr se nikle. kyúinki jánte the, kí us ká hukm pákar chár roz ká mará huá Lázar qabr se zinda niklá thá. Un ke liye yih ajib bát na thí kí áisé shakhs bádalon par sawár hoke ásmán ko chalá jae, aur Khudáwand ke dahine háth par baith jae, kyúinki dekh chuke the, kí ándhí aur pání aur bad-rúhen us ká hukm mántí hai. Agarchi wuh bilkull us qism ká Masíh na thá, jaisá us zamáne ke Yahúdí intizárí karte the, yáne na Bádsháh, na Jítnewálá, na Romion ke taht se qaum ká Rahái denewálá thá, taubhí yih shágird jo ziyáda us se wáqif the, gumán karte the, kí yih sach much Masíh hai. Yih wuh hai, jo dunyá men Khudá kí bádsháhat kí bunyád dáltá hai. Wuh sochte the, kí yih wuhí hai, jis kí ráh bápádáde aur ambiyá dekhte the, wuh iqrár karte the, kí Nak Chaupán yihí hai, Jabán ká Núr, Zindagí ká sháhzáda, Khudá ká Betá yih hai. Un kí gawáhí yih thí, kí "Ham ne us ká aisé jalál dekbá, jaise Báp ke iklaute ká jalál, jo fazl aur sachcháí se mamúr hai. "Is ímán ke mutábíq us ke shágird manádí karne lage, aur kái sál ke bích men bahut se log, Yahúdí aur pardesí un kí manádí se qáíl hue. Mulk

ke andar aur mulk ke báhar Masíh ká iqrár karne lage, ki Hamárí Abadí Ummed, hamárí Rúhon ká Sháfi hai. Us hí ke chihre men ham Khudá ká jalál dekhte hai. Yisú kí zindagi ká yih phal záhiri aur mashhúr bát thí. Dushman bhí inkár nahín karte hai, ki us ke kám o kalám ke yih aib natáij hue, to yih natáij kyun hue? Bhári bát ká koi bhári sabab huá; in tabdilion ká kyá sabab huá?

7. Na sirf bahuton ne is qism ká iqrár kiyá, balki jald bahut jagahon men Iláhi jalál naf tarah se zahir hone lagá. Aksar ádmí merne ke do tin mahíne bad logon kí yád se guzar játe hai. Lekin Yisú' kí maut ke bad do mahíne na bíte, jab tin hazár ádmí, usi shahr ke bích jahán Yí-ú' khaufnák maut se mar chuká thá barí khushí ke sáth us ke shágird hue. aur hákimon aur buzurgon kí dushmaní ko náchíz jánkar, us kí taríf sunáne lage. Aur na sirf Yahudí us ke pairau hue. Us kí shuhrat, aur us kí Injíl kí qudrat, jald dúr deshon men phail gai aur Iúsus aur Kurinthus men, balki Athení aur Romá men bhí, Masíhí kalísiváen qáim kí gaye. Beshakk jahán yih khush-khabarí pahunchí thí, wuh bahut mukhálifon ko patí thí. Bare bare pandit us ke khiláf likhte the. Bare bare ustád aur wáiz us ko badnáam kar dete the. Kái bádsháhon ne barí barí koshishen kí, ki salíb aur talwár aur ág ke wasíle se, is tásír ko roken, magar Masíh ke pairau barí dil-joshí aur sargarmí se taslíla aur malámat aur maut ko us ke nám ke khátir qabúl kar lete the. Jab saikron shahíd hue, tab hazárhon un kí jagah men uth khare hote the. Aspás kí qaumon men yih mazhab aisá phailá, jaisá phús ke makán men ág phail játí hai. Yisú' kí maut ke tis chális baras bad Rómí Qaisar apne bágon men Masíhion men ág lagákar phúnk detá thá, magar arháí sau baras kí larái ke bad, salíb, Qaisar ke táj par galib hui. Itne baras ke bad, ek Masíhí bádsháh Qaisar ke takht par baith gayá. Galilí barháí ne Rómí bádsháh ko girá diyá. Jo dunyá men sab se bará aur jalálí girjá ghar hai, jis ke dekhne ke wáste hazárhon musáfir sál ba-sál jáyá karte hai. Nero ke un bágon

men baná hai, jahán Nero ne Masíhion ko phúnk diyá! Domitian niháyat hí be-rahm aur sakhtdil Masíhion^{ká} satánewálá thá, magar wuh qímatí sang i marmar ke sutún, jin se us ká darbár árastá thá, áj kal ek Masíhí girje men dikháí dete hain. Qaisar ká mahall tút gayá, táki girja ghar árasta howe. Masíhí mazhab ke pahle satánewálon men jo jawán sab se álim o fázil, sab se hon-hár dekh partá thá, ráh men ek shakhs se milá, aur us din se, wuh Masíhí mannádon men, mannád ho gayá. Phir ham púchhte hain, yih tásír kahán se huí? Is shakhsíyat men aisí ajíb qudrat kahán se huí?

8. Masíh ne chand garíb dihátí ashkhás ke sáth do tén baras tak barí dostí kí. Wuh us se chalte phirte bahut talím páte the. Jahán tak hamen khabar hai, wuh nasí se ámm qism ke ashkhás the. Agar Yisú se un kí muláqát na hotí, to un kí yádgárí sháyad sau baras tak na rahtí. Lekin Us kí suhbat men kuchh rahkar, wuh áj tak dunyá men mashhúr ho gaye hain. Jo un se chhotí sí tasnífát huín, so har kabin mashhúr hain. Bahut log Bálmfíkí, yá Tulsí Dás, yá Kabír ke parhnewále to hain, magar Patras, aur Yuhanná, aur Matí ke parhnewále tigúne honge. Bahut log sál ba-sál Sárnáth ko dekhne játe hain, jahán Sakya Muní, Baudh mazhab kí talím sunátá thá, magar wuh jo us jagah játe hain, jahán riwáyat hai, ki Patras maqtúl huá, un ke tigúne honge. Masíh ke yih rasúl garíb ádmí the, magar dekhiye, ki kitne mulkon men log un ke námon ko yád karke apne bachchon ko nám dete hain, yahán tak ki Yuhanná, Fillippus, Thúmá bahut páye játe, balki hazárhon laríkán Masíh kí má ke nám se Mariyam kahlátí hain, aur bare bare shahr St. Petersburg, (Petrograd), St. Paul, St. John, kahláte hain. Kyún aise garibon kí námwarí huí? Sirf is liye ki Masíh ke pahle doston men the. Us kí zindagí kí khushbuí un kí yádgárí ko mahkátí hai. Bát yih hai, ki un ke dinon men ek lásání shakhsíyat dunyá men áí, aur ab unnís sadiyon ke bad, wuh kám kartí hai, balki aur bhí zor se karte hain. Un dinon men barí barí bádsháhateñ thín, jo is lambe arse men nest o nábúd ho gayí hain.

umda kitáben thín, magar áj kal bahut thore shakhs hai, jo unhen parhte hain. Mashhúr failsúfíán thín, magar log áj kal un par hanste hain. Magar Masíh kí qúwat zamánon ke guzar jáne se zor paidá kartí, aur sab samundaron ke pár játí, aur sab khushkion ká safar kartí, aur ziyáda ummed ká báis, ziyáda kárgar, ziyáda fáida-bakhsh hotí játí hai. Wuh na sirf dunyá men rúhání kám kartí, balki aqlí, aur ilmí, aur akhláqí kám bhí zor ke sáth kartí hai.

9. Masíhí Kalísiya apne Bání se ek barí khúbí yih páttí hai, ki agar kisi waqt koí nuqs yá kamzorí us men páyí jáe, to wuh áp hí use pahchán legí, aur use dúr karne kí koshish karegí. Káí zamánon men us kí burí hálát ho gaí, maslan Refórmation se pahle, aur Wesley ke dinon se pahle, lekin donon waqton men Kalísiya ke andar se isláh karne ká zor paidá huá, aur Khudá ke fazl se áge barhtí játí hai. Wuh naye naye faráiz ko mahsús kartí, aur nayí nayí khídmaton ko uthátí hai, aur is ká bhed yih hai ki Masíh ne waða kiya hai, ki dunyá ke ákhir tak main hameshá tumháre sáth húngá. Wuh Yahúdí rasúmat kí beríon se chhút gaye. Wuh Rómí saltanat ke bharose se ázád ho gaye. Jab wahshí qaumen kám par gálib huín, wuh fauran unhen bashárat देने lagí. Us ke bare hisse ne Pápá sáhib ke bandhanon ko torá. Us ke bahut se hisse sarkár ke taht se chhút gaye. Us ke bahut se hisse Khudáwand kí pukár ko sunte hain, ki “Jáo, sab qaumen ko shágird karo.” Us ká shauq yih hai, ki zindagí ká kám káj, us ká len den, us kí ámad o raft, balki us kí sárí báten Masíhí taur se kí jáen yáne sárí báten rástí aur insáf se, balki birádaráná muhabbat se kí jáen. Agle zamánon men log aise bahut kám karte the, jin kí nisbat áj kal sharm kháte, hain. Kyún? Kyúnki dunyá men ab ek nayí hawá chaltí hai, aur yih hawá kab se chalne lagí? Us zamáne se jab Yísú Galíl men manáadí kartá thá. Ek álim ne farmáyá hai, ki “Kalísiya ke andar ek namak hai, jo kisi qadr use namkín kar detá, aur use sar jáne se bachátá hai, aur yih namak us ke Bání kí yagánagat hai. Sáre akhláqí ustádon ke sikháne ke

muqábala men, aur sáre failstúfon kí failsúfí ke muqábala men, Yísú' kí tén baras kí khidmat ziyáda muassir aur fáida-bakhsh thí." Yih barí taríf hai, lekin sachchí taríf hogí. Duniyá men Injíl kí aisí barí fatúhát huiñ, jin ká dushman bhí majbúr hokar iqrár karte haiñ : maslan gulámon kí berion ká torná, auraton ko gulámí kí áfat se chhuráná, zulm o zabardastí ká badnáam karná, garibon aur satáye huon ke dilon men ummed ká paidá karná, bímáron aur bewáon aur yatímon par rahm karná, aur un kí madad ke liye tadbíren karná. Beshakk Nayá Yarúsalam hanoz zamín par nahín utar gayá hai; magar záhíran us ke áne ke wáste, Masíhí qaumon men bahut taiyári kí gai hai. Jahán tak qaumen Masíh kí talímon par chaltí haiñ, wahán tak un kí mubárákbádí hui, kyúñki us ká ráj rástí aur salámatí hai.

TAMAM SHUD.

Cl. No. 269.2
Joh
Author JOHNSON, W. F. Rev
Title Masihi Mazhab ki Shahadat
Accession No. 8998

8998

JOHNSON, W. F. REV.
Masihi Mazhab ki Shahadat.

